

唐 李延壽 撰





中 華 書 局

卷二四至卷三七(傳)

南史卷二十四

列傳第十四

王裕之 孫秀之 延之 阮韜 延之子綸之 曾孫峻 峻子 琮

王鎭之 弟弘之 弘之孫晏 晏從弟思遠 王韶之 王悅之

王作之 從弟逡之 珪之 族子素

王裕之字敬弘,晉驃騎將軍廙之會孫,司州刺史胡之之孫也。 名與宋武帝諱同,故以

字行。父茂之字興元,晉陵太守。

郡,妻弟荆州刺史桓玄遣信要令過已,敬弘至巴陵,謂人曰:「靈寶正當欲見其姊,我不能爲 桓氏贅婿。」乃遣別船送妻往江陵,彌年不迎。 敬弘少有清尚,起家本國左常侍、衞軍參軍。 山郡無事,恣其游適,意甚好之。 性恬靜,樂山水,求爲天門太守。 後為南平 及之

列

傅第十四

王裕

之

太守,去官,居作唐縣界。 事史、征西將軍道規諮議參軍。時府主簿宗協亦有高趣,〔1〕 |玄輔政及篡位、屢召不下。 |宋武帝以爲車騎從事中郎、徐州 道規並以事外相期。 嘗共酣 中從

荷遠也。 永初中 除爐陵王師,加散騎常侍。自陳無德,不可師範令王,固讓不拜。 累遷吏部尚書,敬弘每被召,即便祗奉,旣到宜退,旋復解官。 武帝嘉共志,不

飲,敬弘因醉失禮,爲外司所白,道規卽更引還,曰重申初讌。

左光祿大夫,給親信三十人。及東歸,車駕幸冶亭餞送。 加禮敬,亦不以時務及之。六年,遷尙書令,固讓,表求還東。上不能奪。改授侍中、特進、 色問左右:「何故不以訊牒副僕射。」敬弘曰:「臣乃得訊牒讀之,正自不解。」上甚不悅。 元嘉三年,爲尚書僕射,關署文案,初不省讀。 嘗豫聽訟,上問疑獄, 敬弘不對。 上變 雖

以爲左光祿大夫、開府儀同三司,侍中如故。又詣都表辭,竟不拜東歸。二十三年,復申前 十二年,徵爲太子少傅,敬弘詣都上表固辭不拜,東歸,上時不豫,自力見焉。十六年, 明年,薨於餘杭之舍亭山,年八十八。順帝昇明三年,追諡文貞公。

美,故時人謂之王東山。文帝嘗問爲政得失,對曰:「天下有道,庶人不議。」上高其言。 右嘗使二老婦女,戴五條辮,著青紋袴襬,飾以朱粉。〔三〕女適尚書僕射何尚之弟述之。 敬弘形狀短而起坐端方,桓玄謂之「彈棊發八勢」。所居舍亭山,林澗環周,備登臨之 左 敬

女幼、既許孔淳之息。」子恢之被召爲祕書郎、敬弘爲求奉朝請、三與恢之書曰:「彼祕書有 之入、云「正熱不堪相見、君可且去」。尚之於是移於他室。 弘嘗往|何氏看女,遇|尚之不在,因寄齋中臥。 限故有競,朝請無限故無競,吾欲使汝處不競之地。」文帝嘉之,並見許。 俄頃尚之還,敬弘使二婦女守閣,四不 上將爲廬陵王納其女,辭曰 · 聽 尚 臣

答曰:「丹朱不應乏敎,甯越不聞被捶。」恢之位新安太守,嘗請假定省。敬弘剋日見之,至日 輒不果。 恢之弟瓚之,位吏部尚書、金紫光祿大夫,諡貞子。 敬弘見兒孫,歲中不過一再相見,見輒剋日。 假日將盡,恢之求辭,敬弘呼前至閤,復不見。 未嘗敎子孫學問,各隨所欲。人或問之, 恢之於閤外拜辭流涕 瓚之弟昇之,位都官尚書。 瓚之子 去。

秀之。

求還,或問其故,答曰:「此郡沃壤,珍阜日至,人所昧者財,財生則禍逐,智者不昧財,亦不 職。 逐禍。吾山資已足,豈可久留,以妨賢路。」乃上表請代。時人以爲王晉平恐富求歸。 吏部尚書<u>褚彦回欲與結婚,秀之不肯,以此頻爲兩府外兵參軍。後爲晉平太守,</u>春年 秀之字伯奮,幼時,祖父敬弘愛其風采。仕宋爲太子舍人。父卒,廬於墓側,服闋,復

仕齊爲<u>豫章王嶷驃騎長</u>史。<u>嶷於荆州立學,以秀之領儒林祭酒。</u>武帝卽位,累遷侍

列傳

中祭酒,轉都官尚書。

時人稱之。 書,深勗以靜退。 及柳元景、顔師伯 秀之祖父敬弘性貞正,徐羨之、傅亮當朝,不與來往。 轉侍中,領射聲校尉。 瓚之爲五兵尚書,未嘗詣 貴要,瓚之竟不候之。 至秀之爲尚書,又不與王儉款接。 一朝貴。 江湛謂何偃曰:「王瓚之今便是朝隱。」 及致仕隱吳興, 三世不 與秀之父瓚之 事權貴,

之」。諡 酒脯 郡、隱業 便歎曰:「仲祖 田 而 已。 爲隨王鎭 曰 所在, 簡子。 世 人 心願爲 之識,見於已多。」 、以僕妾直靈助哭,當由喪主不能淳至, 西長史、南郡內史。 之。 到郡修 舊山,移置輜 便無復 後爲輔國將軍、吳興太守。 仕進 重。 止營理舍亭山宅, 隆昌元年卒,遺令「朱服不得 欲以多聲相亂。 秀之先爲諸王長史、行事 有終焉之志。 魂而 有靈, 入棺,祭則 及除 吾當笑 吳興

彦回 以 延之字希季,昇之子也。 啓宋 明 帝,即敕材官爲 起三 少靜默,不交人事。 間 齋屋。 歷吏部 仕宋為 尚書,尚書左僕 司 徒左 長史。 射。 清貧,居宇穿漏,

時 人語曰:「二圧居平,不送不迎。」高帝以此善之。 宋 德 既衰, 齊高 帝 輔 政, 朝野 之情, 人懷 彼此。 昇明三年, 出為江州 延之與尚書令王僧虔 刺史, 中 立 加都督。 去 齊

建元元年,進號鎮南將軍。

也。 中四人,並以風貌,王彧、謝莊爲一雙,韜與何偃爲一雙。常充兼假,至始興王師,卒。 爲第一,延之爲次也。」延之甚不平。每致餉下都,韜與朝士同例, 爲南兗州別駕,刺史江夏王義恭逆求資費錢,韜曰:「此朝廷物。」執不與。宋孝武選侍 延之與金紫光祿大夫阮韜俱宋領軍將軍劉湛外甥,並有早譽,湛甚愛之,曰:「韜後當 高帝聞之,以與延之書

後爲尚書左僕射,尋領竟陵王師,卒諡簡子。 內,未嘗出戶,吏人罕得見焉,雖子弟亦不妄前。 延之居身簡素,清靜寡慾,凡所經歷,務存不擾。在江州,祿俸外一無所納。 時時見親舊,未嘗及世事,從容談詠而已。 獨 處齋

簡,稱良二千石。」武帝幸琅邪城,論之與光祿大夫全景文等二十一人坐不參承,爲有司奏 中,出爲豫章太守。下車祭徐孺子、許子將墓,圖畫陳蕃、華歆、謝鯤像於郡朝堂。爲政寬 外之官,便今日爲重。」貴游居此位者,遂以不掌文記爲高,自綸之始也。齊永明中,歷位侍 子綸之,字元章。爲安成王記室參軍,偃仰召會,退居僚末。司徒袁粲聞而数曰:「格 後位侍中、都官尚書,卒。 自敬弘至編之,並方嚴,皆剋日乃見子孫,蓋家風也。

綸 之子昕, 有業行, 居父憂過禮。 謝瀟欲遣參之,孔珪曰:「何假參,此豈有全理。」以

憂卒。

峻字茂遠,秀之子也。少美風姿,善容止。仕齊爲桂陽內史。 梁天監初,爲中書侍郎

武 帝 甚悅其風采,與陳郡謝覽同見賞擢。 累遷侍中,吏部尚書。處選甚得名譽。

峻 性詳雅,無趨競心,嘗與謝覽約,官至侍中,不復謀進仕。 覽自吏部尚書出爲吳興

峻爲侍中已後,雖不退身,亦淡然自守,無所營務。

遷金紫光祿大夫,未拜,卒,諡惠子。

郡

,平心不畏强禦,亦由處俗情薄故也。

自 上意,僕極不願如此。」峻曰:「下官曾祖是謝仁祖外孫,亦不藉殿下姻媾爲門戶耳。」 子 踪不慧,爲學生所嗤,逐離婚。 峻謝王,王曰:「此

鎭之銜命 上虞 令。 王鎭 鎭之 之字伯重,晉司州刺史胡之之從孫、而裕之從祖弟也。祖耆之,位中書郎,父隨之, 賑卹,而 爲剡 會稽內史王愉不奉符旨,與之依事糾奏。 上虞 令,並有能名。 桓玄 輔晉,以爲大將軍錄事 愉子級, 多軍。 玄之外甥, 當時貴盛, 時三吳饑荒,遣

鎭之爲所排抑。 喪還上虞 舊墓。[P] 葬畢,爲子標之求安復令,隨子之官。 以母老求補安成太守,以母憂去職。 在官淸潔, 服闋,爲征西道規司馬、南平太 妻子無以自反, 乃棄家致

守。

後爲御史中丞,執正不撓,百僚憚之。

帝初 繼美吳隱,云嶺南弊俗,非此不康也。」在鎭不受俸祿,蕭然無營,去官之日,不異初至。」武 卒於宣訓衞尉。弟弘之。 建相國府,爲諮議參軍,領錄事。 出爲建威將軍、平越中郎將、廣州刺史,加都督。 宋武帝謂人曰:「鎭之少著淸績,必將 善於吏職、嚴而不殘。 遷宋臺祠部尚書。 武帝踐阼,

扈從。」謙貴其言。母隨兄鎭之之安成郡,弘之解職同行。 還姑孰,祖送傾朝,謙要弘之同行,答曰:「凡祖離送別,必在有情,下官與殷風馬不接,無緣 爲司徒主簿。家貧,性好山水,求爲鳥傷令。〔宀〕桓玄輔晉,桓謙以爲衞軍參軍。時殷仲文 無所就 弘之字方平,少孤貧,爲外祖徵士何準所撫育,從叔獻之及太原王恭並貴重之。仕晉 義熙中,何無忌及宋武帝辟召,

列傳第十四 王鉞之

曹左僕射,陳弘之高行,徵爲通直散騎常侍,又不就。

家在會稽上處,從兄敬弘爲吏部尚書,奏弘之爲太子庶子,不就。

敬弘嘗解貂裘與之,即著以採藥。

性

文帝卽位,敬弘爲尚

好釣, 窮岫,自始迄今。 寧沃川有佳山水, 弘之又依巖築室。 相存,眞可謂千載盛美也。」 |會境旣豐山水,是以江左嘉遁,並多居之。 至若||王弘之拂衣歸耕, 上虞江有一處名三石頭,弘之常垂綸於此。 阮萬齡辭事就閑,纂戎先業,旣遠同巖、唐,亦激貪厲競。若遣一个有以 謝靈運、顏延之並相欽重。 經過者不識之,或問漁師得魚賣 靈運與廬陵王義眞牋曰: 踰歷三紀,孔淳之隱約 不?

豪翰,所應載述,況僕託慕末風,竊以敍德爲事,但恨短筆不足書美。」誄竟不就。 弘之元嘉四年卒,顏延之欲爲作誄,書與其子曇生曰:「君家高世之善,有識歸重, 豫染

四方同逆,戰敗歸降,被宥,終於中散大夫。 <u>曇</u>生好文義,以謙和見稱,歷吏部尚書,太常卿。 孝武末,爲吳興太守。明帝初興,

與

威 情,位左戶尙書,太常。 長史。時袁豹、江夷相係爲昶司馬,時人謂昶府有三素望。萬齡家在會稽剡縣, 阮萬齡,陳留尉氏人。祖思曠,左光祿大夫。父寧,黃門侍郎。 出爲湘州刺史,無政績。 後爲散騎常侍、金紫光祿大夫,卒。 萬齡少知名,爲孟昶 頗有素 建

曇 生弟 普曜,位 祕 書 監 。 普 曜 子 晏 。

簿,[10]時 齊高帝時威權雖重,而衆情猶有疑惑,晏便專心奉事,軍旅書翰皆見委。 晏字休默, 齊武帝爲長史,與晏相遇。 一字士彦。 仕宋,初爲建安國 府轉鎭西,板晏爲記室。 左常侍,稍 至 沈攸之事 車騎,晉熙王變安西板 難,隨武帝鎭盆城 性基便僻,漸見親

帝即位,爲長兼侍中,5111意任 晏勢,多歷通官。 建元初,爲太子中庶子。 普曜卒,晏居喪有 如舊。 武帝在東宮,專斷朝事,多不聞啓, 禮。 遷侍中祭酒。 遭母喪,起爲司徒左長史。 晏慮及罪, 稱疾 晏父普曜藉 自疎。 武

待,常參議機密

漏被責, 永明六年,爲丹陽尹。 連稱疾。久之,轉爲江州刺史,泣不願出,留爲吏部尚書、太子右率,終 晏位任親重,自豫章王嶷、尚書令王儉皆降意接之,而晏每 以舊 以 疎 恩

「文獻」,) 晏啓上曰:「導乃得此諡,但|宋來不加素族。」 謂親人曰:「平頭憲事已行矣。」 十一 時 尙 一書令王儉雖貴而疎,晏旣領選,權行臺閣,與 儉頗不平。 儉卒,禮官欲依王導諡 爲

年,爲右僕射,領太孫右衞

率。

應推奉,自己轉尙書令,封曲江縣侯,給鼓吹一部,甲仗五十人入殿。 武帝崩,遺旨以尚書事付晏及徐孝嗣。 鬱林卽位, 轉左僕射。 及明帝謀廢立, 時明帝形勢已布,而莫 晏便響

列

敢先言, 及時事、晏抵掌曰:「公常言晏怯,今定如何。」建武元年,進號驃騎大將軍, 又加兵百人,領太子少傅,進爵爲公。以魏軍動,給兵千人。 蕭諶兄弟握兵權,遲疑未決,晏頻三夜微步詣諶議,時人以此窺之。 明帝與晏東府 給班劍二十

爲令。」 言,由 譏之。 晏尚 帝 事際須晏,而心相疑斥,料簡武帝中詔,得與晏手詔三百餘紙,皆是論國家事。 欲以明帝代晏領選,晏啓曰:「鸞淸幹有餘,然不諳百氏,恐不可居此職。」乃止。及見此 愈猜薄之。帝初卽位,始安王遙光便勸誅晏,帝曰:「晏於我有勳,且未有罪。」遙光曰: **晏篤於親舊,爲時所稱,至是自謂佐命惟新,言論常非]武帝故事,衆始怪之。** 是以晏爲事。 不能爲武帝,安能爲陛下。」帝默然變色。時帝常遣心腹左右陳世範等出塗巷采聽異 和徐詩云:「槐序候方調。」其名位在徐前,徐若三槐,「見則晏不言自顯,人或 晏性浮動,志欲無厭,自謂旦夕開府。 又望錄尚書,每謂人曰:「徐公應 永明中 明帝雖以 , 武

屛 事 叉 晏 左右單景儁、陳世範等采巫覡言啓上,云晏懷異圖。 上聞, 決,內外要職,並用周旋門義,每與 《望未重,又與上素疎,中興初,雖以事計委任,而內相疑阻,慢無防意。 疑晏欲反,遂有誅晏意。 有鮮于文桑與晏子德元往來,密探 上爭用人。數呼相工自視,云當大貴。 是時南郊應親奉,景儁等言晏 朝旨,告晏有 與客語,好 旣 居朝端, 異

及 因 徐孝嗣,孝嗣奉旨,而晏陳郊祀事大,必宜自力。景儁言益見信,元會畢,乃召晏於華林 此 與武帝故主帥於道中竊發。會獸犯郊壇,自己帝愈懼,未郊前一日,上乃停行,先報晏

省誅之。 下詔顯其罪,稱以河東王鼓識用微弱,欲令守以虛器,並令收付廷尉。

前後十餘里中,不復禁制。 裹桷子,猶紙內搖動,蔌蔌有聲。又於北山廟答賽夜還,晏醉,部伍人亦飲酒,羽儀錯亂 凋之節。 晏之爲員外郎也,父普曜齋前栢樹忽變成梧桐,論者以爲梧桐雖有栖鳳之美,而失後 及屡敗,果如之。又未敗前,見屋桷子悉是大蛇,就視之猶木也。屡惡之,乃以紙 識者云此不復久也。未幾而敗。

晏子德元,有意尙,位車騎長史。 德元初名湛,武帝曰:「劉湛、江湛,並不善終,此非佳

名也。」晏乃改之,至是及誅。

錮 十年。 |晏弟翮,位少府卿。 敕未登黃門郎,不得畜女伎,|翻與射聲校尉陰玄智坐畜伎觅官,禁 敕特原詡。 翻亦篤舊。[1三後拜廣州刺史。晏誅,上遣殺之。

離 並 散思遠 栖 退高尚,故思遠少無仕心。 思遠、晏從父弟也。父羅雲,平西長史。思遠八歲父卒,祖弘之及外祖新安太守羊敬元 親 視 魔葬, 手種 松栢,與廬江何昌寓、沛郡劉雖上表理之,事感 宋建平王景素辟南徐州主簿,深見禮遇。 朝廷。 景素被誅,左右 景素女廢

列

爲庶人,思遠分衣食以相資贍。年長,爲備笄總,訪求素對,傾家送遣。

祥日又固陳,武帝乃許之。 蒙賞接。 文季並請止之,思遠不從,案事 顧暠之、陳郡殷叡。 後拜御史中丞。 齊建元 思遠求出爲遠郡,除建安內史。 初,歷竟陵王司 時邵陵王子貞爲吳郡,除思遠爲吳郡丞,以本官行郡事,論 臨海太守沈昭略贓私,思遠依事劾奏,明帝及思遠從兄晏、昭略叔父 仍除中書郎、大司馬諮議。 徒錄事參軍、太子中舍人。 如故。 長兄思玄卒,思遠友于甚至,表乞自解,不許。 文惠太子與竟陵王子良素 詔舉士, **竟陵王子**良薦思遠及吳郡 者 好 以 爲 及 並 得

帝後 此 權 徒 而 職,並用門生,帝外迹甚美,內相疑異。思遠謂曰:「時事稍異,兄覺不?凡人多拙於自謀, 日。」思遠遽應曰:「如阿戎所見,猶未晚也。」晏旣不能譧退,位處朝端, .計相須,未知兄將何以自立。 及此引決,猶可保全門戶,不失後名。」]晏曰:「方噉粥,未暇 左長史。 巧於謀人。」晏默然不答。 事。」及拜驃騎,會子弟,謂思遠兄思徵曰:「隆昌之末,阿戎勸吾自裁, 知思遠有此言,謂江祏曰:「王晏早用思遠語,當不至此。」 建武中,遷東部郎。思遠以晏爲尚書令,不欲並居內臺權要之職,上表固讓 初明帝廢立之際,思遠謂晏曰:「兄荷武帝厚恩,今一旦贊人如此事,彼或可 思遠退後,晏方歎曰:「天下人遂勸人自殺。」旬日,晏及禍。 事多專斷, 若用其語, ,乃改 분 內外要 有今 授司 以 明

水使者李珪之常曰:[18]「見王思遠終日匡坐,不妄言笑,簪帽衣領,無不整潔,便憶丘明士 及去之後,猶令二人交帚拂其坐處。 思遠立身簡潔,諸客有詣己者,覘知衣服垢穢,方便不前,形儀新楚,乃與促膝。 明帝從祖弟季敞性甚豪縱,使詣思遠,令見禮度。 雖然, 都

見明士蓬頭散帶,終日酣醉,吐論從橫,唐突卿宰,便復憶見思遠。」言其兩反 也。

上旣誅晏,思遠遷爲侍中,掌優策及起居注。 卒,年四十九,贈太常,諡曰貞子。

思遠與顧暠之善,暠之卒後,家貧,思遠迎其妻子,經卹甚至。 暠之字士明,少孤好學,

有義信,位太子中舍人,競尙書左丞。

韶命表奏, 輒手自書寫。太元、隆安時事, 大小悉撰錄。位本國郎中令。 王韶之字休泰,胡之從孫而敬弘從祖弟也。祖羨之,鎭軍掾。父偉之,少有志尙,當世

得父舊書,因私撰晉安帝陽秋。及成,時人謂宜居史職,卽除著作佐郎,使續後事,訖淺熙 常自耕耳。」父偉之爲鳥程令,韶之因居縣境。好史籍,博涉多聞。初爲衞將軍謝琰行參軍, 韶之家貧好學,嘗三日絕糧而執卷不輟,家人誚之曰:「困窮如此,何不耕。」答曰:「我 善敍事、辭論可觀。遷尙書祠部郎。

掌宋書。坐璽封謬誤,江乙免黃門,事在謝晦傳。 領著作,西省如故。 省事,轉中書侍郎。晉安帝之崩,武帝使韶之與帝左右密加耽毒。恭帝卽位,遷黃門侍郎, 省郎。傅亮、羊徽相代在職。義熙十一年,CltJ宋武帝以韶之博學有文辭,補通直郎,領西 晉帝自孝武以來常居內殿,武官主書於中通呈,以省官一人管詔誥,住西省,因謂之西 凡諸詔黃皆其辭也。武帝受命,加驍騎將軍,黃門如故。西省職解,復

美,弘亦抑其私憾,文帝兩嘉之。一韶之稱爲良守。徵爲祠部尚書,加給事中。坐去郡長取送 弘雖與韶之不絕,諸弟未相識者皆不復往來。 韶之在郡,常慮爲弘所繩,夙夜勤勵,政績甚 徐羡之、傅亮等。少帝卽位,遷侍中。出爲吳郡太守。|羨之被誅,|王弘入相,領揚州刺史。 故,発官。後爲吳興太守,卒。撰孝傳三卷,文集行於世。|宋廟歌辭,韶之所制也。 韶之爲晉史,序王珣貨殖,王廞作亂。珣子弘、廞子華並貴顯,韶之懼爲所陷,深附結

子曄,位臨賀太守。

劉穆之所厚,就穆之求侍中,如此非一。穆之曰:「卿若不求,久自得之。」遂不果。 王脫之字少明,日也晉右軍將軍羲之曾孫也。祖獻之,中書令。父靖之,司徒左長史,爲

此 頃,以爲侍中,在門下盡其心力。掌檢校御府太官太醫諸署。 費誠小、然少來不願當之。」宋明帝泰始中爲黃門郎、御史中丞。 悅之少厲淸操,亮直有風檢。 爲吏部郎,鄰省有會同者,遺悅之餅一甌。 時承奢忲之後,姦竊者衆,悅 上以其廉介,賜良田五 辭不受, 曰:

收典掌者十許人,桎梏之送淮陰,密令度瓜步江,投之中流。

中丞。回回彪之博聞多識,練悉朝儀,自是家世相傳,並諳江左舊事,緘之青箱,世謂之王氏 王准之字元魯,晉尚書僕射彬玄孫也。[10]曾祖彪之,位尚書令,祖臨之、父訥之並御史

青箱學。

載 爲山陰令,有能名,預討盧循功,封都亭侯。宋臺建,除御史中丞,爲百僚所憚。自彪之至 准之四世居此職。准之嘗作五言詩,范泰嘲之:「卿唯解彈事耳。」 准之正色答:「猶差卿世 雄狐。」坐世子左衞率謝靈運殺人不舉,免官。 准之兼明禮傳,贍於文辭。桓玄篡位,以爲尚書祠部郎。宋武帝起兵,爲太尉主簿。出

武帝受命,拜黃門侍郎。 第 + 四 王 悅 之 永初中奏曰:「鄭玄注禮:三年之喪,二十七月而吉。古今學 王 准 之

晉朝 宋開泰,品物遂理,愚謂宜同即物情, 者多謂得禮之宜。 中,歷位 施用、自己措紳之士多遵玄義。夫先王制禮,以大順羣心,『喪也寧戚』,著 .侍中,都官尙書,改領吏部,出爲丹陽 晉初用王肅議,祥禪共月,故二十五月而除。 以玄 義爲制。 尹 朝野 一禮, 則家無殊俗。」從之。 遂以 為制。 自前 江左 以來,唯 經。 今大

用。 正 得 卒,贈太常。 如王准之兩三人,天下便足。」曰曰然寡風素,情悁急,不爲時流所重。 准之究識舊儀,問無不對。 時大將軍彭城王義康錄尚書事,每數曰:「何須 撰儀注,咸見遵 高論玄虛,

尚書左丞,廣平、天門二郡太守,左衞將軍,封建寧公。 所 在響應,鄰郡多請進之同遺修謁。進之曰:「非吾志也。」竟不行。 子輿之,征虜主簿。 輿之子進之,仕齊位給事黃門侍郎, 扶風太守。 武帝嘉之。 梁武帝之舉 梁臺建,歷 兵也,

龕,大敗陳文帝於吳興,追奔至晉陵。 陳武帝。子猛 封 中廬公。行司承聖末,陳武帝殺太尉王僧辯,遣文帝攻僧辯壻杜龕,竈告難於淸,引兵援 進之子淸,位散騎常侍,金紫光祿大夫,鎭東府長史,新野、東陽二郡太守,安南將軍, 時廣州刺史歐陽頗亦同清援龐,中更改異,殺淸而歸

猛字世雄,本名勇。 五歲而父清遇害,陳文帝軍度浙江,訪之,將加夷滅。 母韋氏攜之

音樂,蔬食布衣,以喪禮自處。 遁于會稽, 変 免。 及長勤學不 倦,博涉經史,兼習孫、吳兵法。 宣帝立,乃始求位。 太建初,釋褐鄱陽王府中兵參軍, 以父遇酷,終文帝之世 不 聽

永陽王府錄事參軍。

以軍 「以付王府君」。郡人歌之,以比漢之趙廣漢。 ·功封應陽縣子。<a>○三
<a>□
<a>□
<a>引
<a>思
<a>里
<a>本
<a>方
<a>右
<a>衛
<a>一
<a 猛 慷慨常慕功名,先是上疏陳安邊拓境之策,甚見嘉納,至是詔隨大都督吳明 至德初、徵爲左驍騎將軍,加散騎常侍, 威惠無舉,姦盜屛跡,富商 野 徹 次,云 略 地

鄴,進爵爲公,加光勝將軍、Ciko平越中郞將、大都督,發廣、桂等二十州兵討嶺外荒梗,所至 受徵,乃除猛都督東衡州刺史,領始興內史,與廣州刺史陳方慶共取靖。 時孔範、施文慶等並相與比周,害其梗直,議將出之而未有便。 會廣州刺史馬靖 猛至,即禽婦送建 不

守,乃舉哀素服,藉棄不食,歎曰:「申包胥獨何人哉。」因勒兵緣江拒守,以固誠節 江,猛總督所部赴援。時廣州刺史臨汝侯方慶、西衡州刺史衡陽王伯信並隸猛督府,各觀 不至。猛使高州刺史戴智烈、清遠太守曾孝遠各以輕兵就斬之而發其兵。及聞 顧明二年,詔授鎭南大將軍、都督二十四州諸軍事,尋命徙鎭廣州。 未之鎭,而隋 臺 及審後 城不 師濟

列

傳

行軍總管韋洸便留嶺表經略。 卽是我之誠臣。 主不死,乃遣其部將辛防馳驛赴京師歸款。 保守一方,不勞兵甲, 又是我之功臣。」即日拜防開府儀同三司, 隋文帝大悦,謂昉曰:「猛懷其舊主,送故情深, 仍詔猛與

襲,仍授普州刺史。 司。 聞喜,用改縣名,王猛今者告捷,遠符前事。」於是又降璽書褒賞,以其長子膳爲開 猛。 宋州刺史、三州諸軍事,諡曰成。 猛尋卒於廣州,文帝聞而痛之,遣使弔祭,贈上開府儀同三司,封歸仁縣公。 仍討平山越,馳驛奏聞。時文帝幸河東,會猛使至,大悅。楊素賀,因曰:「昔漢武 猛 母妻子先留建鄴,因隨後主入京,詔賜宅及什物甚厚,別賚物一千段,及遺璽書勞 仁壽元年,繕弟續表陳猛志,求葬關中,詔許之。仍贈使持節、大將軍、 府儀 命其子繕 同三 此 地

討之弟
要之字
道茂
位司
空
音
等
之
之
。
要
之
之
。
要
之
。
要
之
。
要
之
。
要
之
。
要
之
。
要
之
。
要
之
。
要
之
。
要
と
。
要
と
。
要
と
。
要
と
。
要
と
。
要
と
。
要
と
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
と
り
り
と
り
り
と
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り
り<

郎兼尙書左丞,參定齊國儀禮。 逡之字<u>宣約,少禮學博聞。</u>仕宋位吳令。<u>昇明末,尚書右僕射王儉重儒術,逡之以著作</u> 初,儉撰古今喪服集記,逡之難儉十一條,更撰世行五卷。

後位南康相、光祿大夫、加給事中。 戜 學久廢,齊建元二年,逡之先上表立學。轉國子博士,又兼著作。撰永明起居注。[117] 逡之率素,衣裳不澣,几案塵黑,年老手不釋卷。

二年卒。

從弟珪之,位長水校尉,撰齊職儀。

詔付祕閣。

仕。 就,聲譽甚高。 五十四。 父元弘, 位平固令。 素少有志行,家貧母老,隱居不仕。 宋孝建、大明、泰始中,屢徵不 |素字||休業,||彬五世孫而逡之族子也。 高祖翹之,||晉光祿大夫。||會祖望之、祖泰之,並不 山中有蚿聲清長、「云」聽之使人不厭,而其形甚醜,素乃爲蛟賦以自況。卒年

冕不替,蓋亦人倫所得,豈唯世祿之所專乎。及于陳亡之年,淮流實竭,曩時人物掃地盡 斯乃興亡之兆已有前定。天之所廢,豈智識之所謀乎。 論曰:昔晉初度江,汪導卜其家世,郭璞云:「淮流竭,王氏滅。」觀夫晉氏以來,諸王冠

校勘記

- 時府主簿宗協亦有高趣 「宗協」各本作「宋協」,據宋書、册府元龜二九二改。
- [二] 道規即更引還 「更」各本作「便」,據宋書改。
- 戴五條辦著青紋袴羅飾以朱粉 「五條辮」宋書作「五絛五辮」。「朱粉」太平御覽六九五引作

「朱彩」。

- [四] 敬弘使二婦女守閣 「使」上各本有「還」字,據宋書删。
- [五] 敬弘爲求奉朝詩 「爲求」各本作「求爲」,據宋書乙正。
- 高帝聞之 「高帝」各本作「高武」,南齊書作「太祖」。齊太祖、高帝也。 今改正。
- 乃棄家致喪還上虞舊墓 「棄家」各本作「棄官」,據宋書改。按上云:「以母憂去職,在官淸潔,

妻子無以自反。」已去職,何得又言棄官。

- 必將繼美吳隱 「吳隱」宋書作「吳隱之」。 六朝人名後之「之」字,往往可省略。
- [九] 求爲烏傷令 「烏傷」宋書作「烏程」,未知孰是。
- 仕宋初爲建安國左常侍稍至車騎晉熙王燮安西板晏主簿 『宋人明末起家臨賀王國常侍、員外郎,巴陵王征北板參軍,安成王撫軍板刑獄,隨府轉車騎。』 錢大昕廿二史考異:「齊書本傳云,

今删去『安成王撫軍板刑獄』一語,又改『隨府遷』爲『稍至』,而文義難通矣。 齊史云『臨賀國』,

此云『建安國』,亦當以臨賀爲是。」

- 武帝即位為長兼侍中 「長」字下各本行一「史」字,據南齊書删。
- [11] 晏便響應推奉 「推」各本作「接」,據南齊書改。
- [1]] 徐若三槐 「徐」字各本並脫,據通志補。
- [12] 會獸犯郊壇 「獸」本字「虎」,避唐諱改。
- [三] 詡亦篤舊 「詡」字各本並脫,據南齊書補。
- 都水使者李珪之常曰 「李」各本作「季」。張森楷南史校勘記:「南齊書良政傳有李珪之傳,當

即此人,作『季』誤也。」按彼傳云「無都水使者」,與此亦合,張說是,今改正。

義熙十一年 安帝義熙十一年,史無「義興」年號,今改正。 「義熙」各本譌「義興」。按上云「訖義熙九年」,下云「晉安帝之崩」,則此當是晉

- 坐璽封謬誤 大封 `,而誤封北海太守球版。 免晦侍中。」即指此事,則作「封」是。 「封」各本譌「制」,據宋書改。按宋書謝晦傳:「坐行璽封鎭西司馬南郡太守王華
- 王悅之字少明 「王悅之」宋書良吏王歆之傳作「王悅」,通志同。
- 王准之字元魯晉尚書僕射彬玄孫也 「元魯」朱書作「元曾」。
- 祖臨之父訥之並御史中丞 「訥之」各本作「納之」。世說新語文學篇劉峻注引王氏譜作「訥之

列

倳

第十

四

梭

勘記

字永言 放古人名與字應,則永言名訥之正合,今據改。

唯晉朝施用 「唯」各本作「準」,據宋書改。

天下便足 「足」宋書作「治」,此避唐諱改。

封中廬公 「廬」各本作「盧」。按南齊書州郡志雍州襄陽郡屬縣有中廬縣,今改正。

呈 以軍功封應陽縣子 書州郡志湘州零陵郡有應陽縣, 郢州武陵郡有龍陽縣, 未詳孰是。 「應陽」陳書南康愍王曇朗傳附子方慶傳云「勇以功封龍陽縣子」。按南齊

三乙 加光勝將軍 「光勝」各本作「先勝」,據陳書方慶傳改。

撰永明起居注 「撰」字各本並脫,據南齊書補。

山中有蚿聲清長 「聲」字各本並脫,據宋書補。

南史卷二十五

列傳第十五

王懿 到彦之 孫撝 撝子沆 沆從兄漑 洽 洽子仲舉 垣護之 弟子崇祖

崇祖從兄榮祖 榮祖從父閎 閎弟子曇深 張興世 子欣泰

|王懿字仲德,太原祁人,自言漢司徒||允弟||幽州刺史懋七世孫也。 祖宏仕石季龍、父苗

仕苻堅,皆至二千石。

叡同起義兵,與慕容垂戰敗,仲德被重創走,與家屬相失。路經大澤,困未能去,臥林中。有 水,仲德隨後得濟,與叡相及。 得飯與之。食畢欲行,而暴雨莫知津徑,「己有一白狼至前,仰天而號,號訖銜仲德衣,因度 一小兒青衣,年可七八歲,騎牛行,見仲德驚曰:「漢已食未。」一仲德言飢,小兒去,須臾復來, 仲德少沈審有意略,事母甚謹,學通陰陽,精解聲律。 度河至滑臺,復爲翟遼所留,使爲將帥。積年仲德欲南歸, **苻氏之敗,仲德年十七。及兄**

列

傳第十五

 \pm

懿

乃棄遼奔 兄弟名犯晉宣、元二帝諱,故皆以字行。 泰 Щ 遼追騎急, 夜行忽見前 有猛炬導之,乘火行百許里以免。 叡字元德 晉太元末,徙居

帝於馬上抱方回,與仲德相對號慟。 須一夫力耳。」事泄,元德爲玄誅,仲德竄走。會義軍剋建鄴,仲德抱元德子方回出 其謀,謂元德曰:「天下事不可不密,且兵亦不貴遲巧。 者恐不足以濟大事。」元德果勁有計略,宋武帝甚知之,告以義舉,使於都下襲玄。 孰投桓玄。 義,不爲鄉邑所容。 北 土重 値玄篡,見輔國將軍張暢, 同姓,並謂之骨肉,有遠來相投者,莫不竭力營贍。 仲德聞王愉在江南貴盛,是太原人,乃遠來歸 追贈元德給事中,封安復縣侯,以仲德爲鎮軍中兵 言及世事。 仲德曰:「自古革命誠非一族,然今之起 玄情無遠慮,好冒夜出入,今取之正 若有一人不至者。 偸 愉接遇甚薄,因 候武帝, 仲德聞 以爲 至姑

辭。」帝悅。 聞凱入,將自奔散。 正色曰:「今天子當陽南面,明公命世作輔,新建大功,威震六合。 征虜將軍,加冀州刺史,督前鋒諸軍事。 近 一帝伐廣固,仲德爲前驅,戰輒破之,大小二十餘戰。 及武帝與循戰於左里,仲德功冠諸將,封新淦縣侯。 今日投草莽則同匹夫, 三 匹夫號令, 何以威物? 冠軍將軍檀道濟、龍驤將軍王鎭惡向洛陽,寧朔 盧循寇逼,衆議並欲遷都,仲德 義熙十二年北伐,進仲德 此謀若立,請從此

率龍 將 軍劉遵考、建武將軍沈林子出石門、寧朔將軍朱超石、胡藩向半城,咸受統於仲德。 驤 將軍朱牧、 寧遠將軍竺靈秀、 嚴綱等開鉅野入河,三乃總衆軍進據潼關 長安平,

以仲德爲太尉諮議參軍。

累遷徐州刺史,加都督

故當以建鄴爲王基。 武帝欲遷都洛陽,衆議 遷都宜候文軌大同。」帝深納之。 咸以爲宜。 仲德曰:「非常之事人所駭,今暴師經載, 使衞送姚泓先還彭城。 武帝受命 有 :歸心,

不守。 宜。」乃回 賊去我猶自千里,四滑臺尚有强兵。 色,曰:「諸賢不諳北土情僞,必墮其計。」諸軍進屯靈昌,魏軍於委粟津度河,虎牢、洛陽並 乃歸。 元嘉 彦之聞二城並沒,欲焚舟步走。 軍沿濟南壓城步上,焚舟棄甲,還至彭城。 中,到彥之北侵,仲德同行。 自是復失河南。 若便捨舟、士卒必散。 魏棄河南,同、院三州平定,三軍咸喜,而仲德有憂 仲德曰:「洛陽旣敗,虎牢無以自立,理數必然也。今 仲德坐発官。 且當入濟至馬耳谷口,更詳所 尋與檀道濟救滑臺,糧

以 祠 在 河北 九年,又爲徐州刺史。仲德三臨徐州,威德著於彭城。立佛寺,作白狼、童子像於塔中, 子正 所遇也。 循嗣,為家僮所殺。 進號鎭北大將軍。 十五年卒,諡曰桓侯。 亦於廟立白狼、童子壇,每祭

| 之事起,文和斬其使,馳白齊武帝。 仲德兄孫文和、景和中、爲征北義陽王昶府佐。 昶謂曰:「諸人皆去,卿有老母, 及齊永明年中,歷靑、冀、虎、益四州刺史。 何獨不去了文和乃去。 **昶於彭城奔魏,部曲皆散,文和獨送至** 昇明中,爲巴陵內史。

到 彦之字道豫,彭城武原人,楚大夫屈到後也。 宋武帝討孫恩,以鄉里樂從,每有

戰功。

自陳,昶又不申理,故不加官。 已南度江,倉卒晚方獲濟。 義旗將起,彥之家在廣陵,臨川武烈王道規剋桓弘,彥之時近行,聞事捷馳歸,而道規 及至京口,武帝已向建鄴, 孟昶居守,留之。 及見武帝被責,不

敗、発官。 諮議參 義熙元年,補鎭軍行參軍。 軍, 後以軍功封很山 尋遷司馬、 南郡太守。 「縣子) 六年,盧循逼都,彥之與檀道濟掩循輜重,與循黨荀林戰 爲太尉中兵參軍。 又從文帝西鎭,除使持節、南蠻校尉。 驃騎將軍道憐鎭江陵, 武帝受命, 以彦之爲驃騎 進餌

彥之佐守荆楚,垂二十載,威信爲士庶所懷。 及文帝入奉大統,以徐羨之等新有篡虐,

開 過己,彥之至楊口,步往江陵,深布誠款,晦亦厚自結納。 即以彦之爲雍州,上不許,徵爲中領軍,委以戎政。 懼,欲使彥之領兵前驅。 嫌隙之端,非所以副遠邇之望也。」會雍州刺史褚叔度卒,乃遣彦之權鎭襄陽。 彦之曰:「了彼不貳,便應朝服順流,若使有虞, 彦之自襄陽下,謝晦已至鎭,**慮**彦之不 彦之留馬及利劍名刀以與晦,晦 此師旣不足恃,更 羨之等欲

至,晦乃敗走。 元嘉三年討晦,進彥之鎭軍,於彭城洲戰不利,咸欲退還夏口,彥之不回。 江陵平,因監荆州州府事,改封建昌縣公。 其秋,遷南豫州刺史、監六州諸 會檀道

軍事,鎭歷陽。

由此大安。

宏、趙伯符、竺靈眞、庾俊之、朱脩之等北侵,自淮入泗。 杜驥守金墉。十月、魏軍向金墉城,至次至虎牢、杜驥奔走,尹沖衆潰而死。 初遺彥之,資實甚盛,及還,凡百蕩盡,府藏爲空。文帝遺檀道濟北救滑臺,收彥之下獄,免 月,始至東平須昌縣。 時河冰將合,糧食又罄,彥之先有目疾,至是大動,將士疾疫,乃回軍,焚舟步至彭城 兗州刺史竺靈秀棄軍伏誅。 上於彦之恩厚,將加開府,欲先令立功。 魏滑臺、虎牢、洛陽守兵並走。彦之留朱脩之守滑臺,尹沖守虎牢, 明年夏,起爲護軍。 七年,遺彥之制督王仲德、竺靈秀、 九年,復封邑,固辭。明年卒,乃復先 泗水滲,日裁行十里。 自四月至七 魏軍仍進滑 尹沖 段

列傳第

戶邑,諡曰忠公。 孝建三年,詔彥之與王華、王曇首配食文帝廟庭。

長 子元度位益州刺史。 少子仲度嗣,位驃騎從事中郎。 兄弟並有才用,皆早卒。 仲度

子撝。

撝字 茂謙。 襲爵建昌公。 宋明帝立、欲收物情,以撝功臣之後,自長雜左戶郎中擢爲

太子洗馬。

攜,朝議許之。 數宿鬚鬢皆白,觅死,繫尙方。 善納交游。 撝資藉豪富,厚自奉養,供一身一月十萬。宅宇山池,伎妾姿藝,皆窮上品。 愛伎陳玉珠,明帝遣求不與,逼奪之,撝頗怨,帝令有司誣奏,將殺之。 奪封與弟賞,撝由是更以貶素自立。明帝崩,弟賁讓封還 才調流膽, 撝 入獄,

撝懼,詣齊高帝謝,即板撝武帝中軍諮議參軍。 獪 豫 見殺。 弟遁,元徽中爲<u>南海太守,在廣州</u>。 **遁家人在都,從野夜歸,見兩三人持堊刷其家門,須臾而** 昇明元年, 沈攸之反, 刺史陳顯達起兵應朝廷, 遁 建元初,國除 滅,明 日 而遁死問至。

瓜,與上對剖食之。 귋 帝即位,累遷司徒左長史。 上又數游撝家,懷其舊德,至是一歲三遷。 宋時,武帝與撝同從宋明帝射雉郊野,渴倦,撝得早青 永明元年,爲御史中丞。

問 **徽頭,何事自契之。」爲左丞<u>庾</u>杲之所糾,以贖論。** 員外散騎郎,此二職淸華所不爲,故以此嘲之。 駕幸丹陽郡,宴飲,撝恃舊,酒後狎侮同列,謂庾杲之曰:「蠢爾蠻荆,其俗鄙。」復謂虞悰曰: 「斷髮文身,其風陋。」王晏旣貴,雅步從容,又問曰:「王散騎復何故 訓 不修部下敬,「云爲有司舉,免官。後爲五兵尚書,廬陵王中軍長史,卒。子沈嗣 王敬則執榠查,以刀子削之,又曰:「此非元 再遷左衞將軍。 隨王 爾。」晏先爲國常侍,轉 子隆帶彭城郡,撝

文,工篆隸,美風神,容止可悅。 流字茂<u>潘</u>,幼聰敏,五歲時,父撝於屛風抄古詩,沉請教讀一 遍,便能諷誦。 及長,善屬

韶,炕通籍焉。 文甚美。俄以洗馬管東宮書記及散騎省優策文。 梁天監初,爲征虜主簿。 武帝宴華光殿,命羣臣賦詩,獨詔沈爲二百字,三刻便成。 東宮建,以爲太子洗馬。 時文德殿置學士省,召高才碩學待 沈於坐立奏,其

給並有才名,時相代為之,見榮當世。 三年,詔尙書郎在職淸能者爲侍郎,以沈爲殿中曹侍郎。 遷太子中舍人。 此曹以文才選,沈從父兄戲

沈爲人謙敬,口不論人短。 任昉、范雲皆與善。 後卒於北中郎諮議參軍。 所著詩賦百

餘篇。

樂安任防大相賞好,恒提攜溉、給二人,日五廣爲聲價。所生母魏本寒家,悉越中之資, 溉字茂灌、撝弟子也。 父坦、齊中書郎。 溉少孤貧,與兄沼弟恰俱知名,起家王國左常

爲二兒推奉防。

蠶,假令金如粟,詎使廉夫貪。」還爲太子中舍人。 比漢之三君, 到則溉兄弟也。 除尚書殿中郎。後爲建安太守, 防以詩贈之, 求二衫段云: 聚,方古信爲儔。〔<〕任君本達識,張子復淸修,旣有絕塵到,復見黃中劉。」時謂昉爲任君, 蘭臺聚。陸倕贈昉詩云:「和風雜美氣,下有眞人遊,壯矣荀文若,賢哉陳太丘。今則蘭臺 「鐵錢兩當一,百代易名實,「亞為惠當及時,無待涼秋日。」概答云:「余衣本百結,閩中徒八 有彭城劉孝綽、劉苞、劉孺,吳郡陸倕、張率,陳郡殷芸,沛國劉顯及溉、洽,車軌日至,號日 |梁||天監初,||助出守||義興,要概、||恰之郡,爲山澤之遊。|| | 助還爲御史中丞,後進皆宗之。時

母憂,居喪盡禮。所處廬開方四尺,毀瘠過人。服闋,猶蔬食布衣者累載 吏部,太子中庶子。 湘東王繹爲<u>會稽太守,以</u>溉爲輕車長史,行府郡事。 武帝勑繹曰:「到 非直爲汝行事,足爲汝師。」觀嘗夢武帝逼見諸子,至湘東而脫帽與之,於是密敬事焉。遭 溉長八尺,眉目如點,白皙美鬚髯,舉動風華,善於應答。 上用為通事舍人,中書郎,兼

以清白自修,性叉率儉,不好聲色,虛室單牀,傍無姬侍。 冠履十年一易,朝服或至穿補,傳 初。[10] 廐祖彦之初以擔糞自給,故世以爲譏云。後省門鴟尾被震,廐左遷光祿大夫。 相 歷 御史中丞,都官、左戶二尚書,掌吏部尚書。 敬容謂人曰:「到漑尙有餘臭,遂學作貴人。」敬容日方貴寵,人皆下之,溉忤之如 時何敬容以令參選,事有不允,旣輒 所莅

二十人。尚書左丞賀琛又請加置博士一人。 後爲散騎常侍、侍中、國子祭酒。 表求列武帝所撰正言於學,請置正言助教二人,學生

呼清路,示有朝章而已。

賭之,幷禮記一部,溉並輸焉。未進,帝謂朱异曰:「卿謂到溉所輸可以送未。」 斂板對曰: 狗,又似懸風槌。」當時以爲笑樂。一概第居近淮水,齋前山池有奇礓石,長一丈六尺,帝戲與 爲之恨,漑澹如也。 下領城縱觀,所謂到公石也。一概弈棊入第六品,常與朱异、韋黯於御坐校棊比勢,復局不差 「巨旣事君,安敢失禮。」帝大笑,其見親愛如此。石卽迎置華林園宴殿前。曰己移石之日,都 道。後因疾失明,詔以金紫光祿大夫、散騎常侍就第養疾。溉少有美名,遂不爲僕射,人 **漑特被武帝賞接,每與對棊,從夕達旦。或復失寢,加以低睡,帝詩嘲之曰:「狀若喪家**

家門雍睦,兄弟特相友愛,初與弟恰恒共居一齋,恰本後,便捨爲寺。蔣山有延賢寺,

列

帝 舵 可 '羅雀,唯三人每歲時恒鳴騶枉道以相存問,置酒極歡而去。 每月三致淨饌,恩禮甚篤。性不好交游,唯與朱异、劉之遴、張綰同志友密。 家世所立。 因斷腥膻,終身蔬食。 別營小室,朝夕從僧徒禮誦。武 及臥疾,門

如 **敏竟便葬,不須擇日。** 恒,手屈二指,即佛道所云得果也。 **箴字**圆照,初在孕,其母夢懷鏡, 以太清二年卒,臨終託脹、劉勒子孫薄葬之禮。曰:「氣絕便斂,斂以法服,先有冢竁, 凶事必存約儉,孫姪不得違言。」便屛家人請僧讀經贊唄,及卒,顏色 及生,因以名焉。 時朝廷多事,遂無贈諡。 鏡五歲便口授爲詩,婉有辭況。 位 有集二十卷行於時。 子鏡。

示漑 詔戲就 亂 火,豈焚身之可吝。 赴江陵卒。 日 鏡 子蓋,早聰慧,位尙書殿中郎,嘗從武帝幸京口,登北顧樓賦詩。 曰:「得無貽厥之力乎。」又賜溉連珠曰:「硯磨墨以騰文,筆飛毫以書信,如飛峨 藍定是才子,翻恐卿從來文章假手於蓋。」因賜絹二十疋。) 脱弟洽。 必耄年其已及,可假之於少盡。」其見知賞如此。 後漑 後除丹陽尹丞。 毎和御詩,上輒 蓋受詔便就,上以 之赴

太子含人,作心悟文甚美,先概卒。

治字度公, 清警有才學。 父坦以洽無外家,乃求娶於羊玄保以爲外氏。 治年十八,為

徐 善,嘗訪恰於田 薦之,洽覩 州迎西曹行事。 時方亂 「舍,歎曰:「此子日下無雙。」 遂申拜親之禮 深 謝桃文章盛於一時, 相 拒絕,遂築室巖阿,幽 見給深相賞好, 居積 歲 時 人號 每稱其兼資文武。 日 居 士。 任 访 與治 朓後 兄沼 爲吏部 、漑並 欲

禮容多自洽出。 **率救撰太學碑。** 詩,以恰辭爲工,賜絹二十疋。 得其文。」遷司徒主簿,直待詔省,敕使抄甲部書爲十二卷。 人,與庶子陸倕對掌東宮管記。 言,自己殆將難及。」卽 梁武帝嘗問待詔 累遷尙書吏部郎,請託不行。 丘遲 召爲太子舍人。 曰:「到洽何如沈溉。」 遲曰: 上謂昉曰:「諸国可謂才子。」 昉曰:「臣 俄爲侍讀,侍讀省仍置學士二人,恰充其選。 御幸華光殿, 徙左丞,準繩不避貴戚。 韶洽及沈、 正 一情過 遷尙書殿 蕭 於流,文章不減溉, 琛、 中 常竊議,宋得其武,梁 任昉侍宴,赋 鄎 時帝 後爲太子 欲親戎, 遷國子博士, 加 中含 以

歎之。 出爲尋陽太守。 **書,給引服 弟書,實欲聞之湘東王。** 零遷御史中丞,號爲 文集行 親 不 於世 應有 卒,贈侍 礙, 子仲舉 刺省詳 公事 一勁直。 中,諡理子。 ,左降, 猶居職。 決。 少與劉孝綽善,下車便以名敎隱穢,首彈之。 左丞蕭 給美容質,善言吐,弱年聽伏曼容講,未嘗傍膝,伏深 子雲議許 舊制 中 - 丞不 入漑省, 得入尚書下舍,給兄溉爲 亦以其兄弟素篤不 孝綽 相 左 託 別 戸尚 與諸 也

列傅

第

+

Ji.

仲舉 守 守,以仲舉爲郡丞,與潁川庾持俱爲文帝賓客。 嘗 ,都官尚書,封寶安縣侯。 因飲夜宿仲舉帳中, ,時天陰雨,仲舉獨坐齋內,聞城外有簫鼓聲,俄而文帝至,仲舉異之,乃深自結。 仲舉字德言,無他藝業,而立身耿正。 忽有神光五采照于室內, 三年,遷尙書左僕射、丹陽 仕梁為長城令,政號廉平。 文帝嗣位,授侍中, 由是祗事益恭。及侯景平,文帝爲吳興太 尹,參掌如故。 參掌選事。 改封建昌縣侯。 陳文帝居鄉里,嘗詣 天嘉元年, 帝 叉

師 舉 所 元 知 與 年 親 左 下 ,遷侍中、尙書僕射。 狎, 仲舉旣無學術,朝章非 . 獄賜 丞 但聚財酣飲而已。 王邐、中書舍人劉師知、殷不佞,以朝望有歸,乃遣不佞宣旨遣宣帝還東府 死,暹、不佞並付推,乃以 文帝疾甚,入侍醫藥。 其所長, 文帝積年寢疾,不親萬機,尚書中 選舉引用,皆出自袁樞。 仲舉為貞毅將軍 及帝崩,宣帝受遺詔 、金紫光祿 書事,皆使仲舉斷決。日己天康 性疎簡,不干時務,與朝 大夫。 爲尙書令 入輔 一门回伸 土 無

盛,郁 年,遷 死。 郁諸男女以帝甥獲免。 初 南康 每 仲舉 乘 小 內 子 與蒙婦 史,以國哀未之任。 ,郁尚文帝妹信義長公主,官至中 人衣與子高謀。 仲舉旣廢居私 子高軍主告其事,宣帝收子高、 宅,與郁皆不 書侍郎 ,出爲宣城太守,文帝配以 自安。 時韓子高 仲舉及郁, 在 都, 並於獄賜 土 馬。 人馬索 是

長樂國 廣固 ,遵、苗踰城歸降,並以爲太尉行參軍。 垣 郎 護之字意宗,略陽桓道人也。自己族姓豪强,石季龍時,自略陽徙鄴。 中令。 伯父遵、父苗仕慕容超,並見委任。 元嘉中,遵爲員外散騎常侍,苗屯騎校尉,仍 遵爲尙書, 苗爲京兆太守。 祖敞仕苻氏 宋武 帝 重

戍麋溝城。 水迅急,護之中流 玄謨敗退,不暇報護之,而魏軍悉牽玄謨水軍大艚,連以鐵鎖三重,斷河以絕護之還路。 河。 彦之將回 玄謨攻滑臺,護之百舸爲前鋒,進據石濟。 護之少倜儻,不拘小節,形狀短陋而氣幹强果。 師 ,護之書諫,彥之不納,散敗而 還爲江夏王 而 下,每至鐵鎖, 義恭 驃騎戶曹參軍,戍淮陰,領濟北 以長柯斧斷之, 歸。 文帝聞而善之。 及魏救將至, 魏人不能禁。 元嘉初爲殿中將軍,隨到彦之北侵魏。 太守。 馳書勸玄謨急攻之,不見從。 累遷鍾離太守,隨王玄謨入 唯失一 舸,餘舸並全。 河

擊魯爽。 反,兗州刺史徐遺寶,護之妻弟 三十年,文帝 義宣 率大衆 崩、還屯 至梁山, 歷下。 與王玄謨相持,柳元景率護之及護之弟詢之、柳叔仁、鄭琨等 也, 孝武 與 護之書, 入討,率所領馳 勸使同 逆。 赴,帝以爲冀州 護之馳使以聞,率軍 刺史。 及南 隨沈 郡 慶 王 之 義宣 等

州

刺

史,鎭歷城

以精 出 鎭 新亭 兵 配 文謨求救、日日上遺元景等進據南州。 護之追討,會朱脩之已平江陵,至尋陽而還。 護之水軍先發,大破賊將龐法起,元景乃 遷徐州刺史,封益陽縣侯。 後拜青

官。 軍沈慶之節度。 明年,起爲太中大夫,未拜,以憤卒。 大 明三年,江北徵爲右衞將軍還,於道聞竟陵王誕據廣陵反,護之卽率部曲受車騎大將 事平,轉臨淮太守,徙豫州刺史。 諡壯侯。 護之所莅,多聚斂賄貨,七年,坐下獄 発

軍。 之同否,互相觀察。 陳。[12]時限超之手行大逆,[12]亦領軍 至,改宿他所,詢之不知,逕往斫之,殺其僕於牀,因 梁山之役,力戰中流矢卒,贈冀州刺史。 崇祖字敬遠,一字僧寶,護之弟子也。 會超之來論事,柬色動 隸柬,詢之規殺之,慮柬 **父詢之,驍敢有氣力。** ,詢之覺之,卽共定謀, 「與凍南 奔。 不 時孝武已卽位,以爲積 同,柬宿有此 元凶弑逆,副輔國將 造石超之。 志,又 超之疑 未 射將 之不 軍 測

諭

刻。 及 尋 文 齊高帝鎭淮陰,崇祖時戍朐山,旣受都督,祗奉甚至,帝以其武勇,善待之,崇祖謂其 率 門宗據朐 Щ 歸宋,求淮北 立功,明帝 以爲 北 現邪 蘭陵 二郡太守,封 下 邳子

崇祖

年十

四

有幹略,伯父護之謂門宗曰

...「此兒必大吾門。」

後隨徐州

刺

史薛安都

入

踐作,恐<u>魏致討,以送劉</u>昶爲辭。 祖卽以家口託皇甫肅,勒數百人將入魏界,更聽後旨,會蒼梧廢,召崇祖還都。及齊高帝新 郎,規害高帝,崇祖建策以免,由是甚見親,參豫密謀。 . 夫皇甫肅曰:「此眞吾君也」,遂密布誠節。 以爲軍衝必在壽春,非崇祖莫可爲捍,徙爲豫州刺史、監 高帝威名已著,宋明帝尤所忌疾,徵爲黃門 。元徽末,高帝懼禍,令崇祖 入魏。

淮陰見高帝,便自比韓、白,唯上獨許之。 及破魏軍啓至,上謂朝臣曰:「崇祖恒自擬韓、白, 城、手自轉式、日晡時、決小史埭、水勢奔下、魏攻城之衆、溺死千數、大衆退走。初、崇祖於 像、同二州諸軍事,封望蔡侯**。** 今眞其人也。」進爲都督。 崇祖聞陳顯達、李安人皆增給軍儀,乃啓求鼓吹橫吹。 上敕曰: 小勞而大利邪。」[110]及|魏軍由西道集堰南,分軍東路,肉薄攻小城,崇祖著白紗帽,肩輿上 謂長史封延伯曰:「虜必悉力攻小城,若破此堰,放水一激,急逾三峽,自然沈溺,豈非 建元二年,魏遣劉昶攻壽春,崇祖乃於城西北立堰塞肥水,堰北起小城,使數千人守

韓、白何可不與衆異。」給鼓吹一部。

走,殺之不盡耳。」魏果夷掘下蔡城,崇祖大破之。 崇祖慮魏復攻淮北,啓徙下蔡戍於淮東。其冬,魏果欲攻下蔡,及聞內徙,乃揚聲平除 衆疑魏當於故城立戍,崇祖曰:「下蔡去鎭咫尺,魏豈敢置戍,實是欲除此城,正恐奔

破魏 宮,武帝以爲不盡誠心,銜之。 今已後,富貴見付也。」崇祖 軍,詔使還朝,與共密議,武帝疑之,曲加禮待。 武帝即位,爲五兵尙書,領驍騎將軍。 拜謝。 永明元年,詔稱其與荀伯玉搆扇邊荒,誅之。故人無敢至 及去後,高帝復遣荀伯玉敕以邊事,受旨夜發,不得辭東 初,豫章王有盛寵,武帝在東宮,崇祖不自附。及 酒後謂曰:「世間流言,我已豁懷抱,自

王儉 興元勳,劉剛殞身王事,不宜見廢,上表論之,甚有義理。 令,惠化大行。 見崇祖啓,咨嗟良久,曰:「此恭叔辭也。」時宋氏封爵,隨運遷改,三三恭叔以柳元景中 恭叔譙國人,崇祖爲豫州,聞其才義,辟爲主簿,兼掌書翰。高帝即位,方鎭皆有賀表, 木連理,上有光如燭,咸以善政所致。 事雖不從,優韶見答。 後爲竟陵

者,獨有前豫州主簿夏侯恭叔出家財爲殯,時人以比欒布。

[]榮祖 榮祖字華先,崇祖從父兄也。 曰:「曹操 、曹丕,上馬橫槊,下馬談論,此可不負飲食矣。 父諒之, 宋北中郎府參軍。 榮祖少學騎射,或曰:「何不 君輩無自全之伎,何

護之不食而死。 宋 孝建 中, 爲後軍參軍。 帝疾篤、又使殺襲祖 伯父豫州刺史護之子襲祖爲淮陽太守、孝武 臨死與榮祖書曰:「弟嘗勸我危行言遜,今果敗矣。」 以事徙之嶺南,

犬羊乎。」

正是 取勝 旭 拘不得還,因爲安都將領。 蕭公稱卿幹略,故以郡相 歸附,高帝保持之。 明帝 速 使君今不同八百諸侯, 自可 死,無能 初卽位,四方反,除榮祖冗從僕射,遣還徐州,說刺史薛安都曰:「天之所廢,誰能 相拍 爲 手笑殺;且我不欲負孝武。」榮祖曰:「孝武之行,足致餘殃,今雖天下雷同, 也。」安都曰:「不知諸人云何,我不畏此,大蹄馬在近,急便作計。」榮祖被 及宋明帝崩,高帝書送榮祖詣僕射褚彦回,除東海太守。 處。 安都引魏軍 如下官所見, 入彭城,榮祖攜家屬南奔朐山。 非 計 中也。」安都曰:「今京都無百里地,莫論 齊高帝在 彦回 淮陰, 謂 攻圍 興

養毛 生後 榮祖善彈,登西樓 飛去,其妙 如 ``見翔鵠雲中,謂左右當生取之。 此。 於是彈其兩翅,毛脫盡,墜地無傷,

足下牀,恐便有叩臺門者,公事去矣。」蒼梧明 處作適、「三還當取奴。」 爲楯,以鐵 「領府去臺百步,公走人豈不 元徽末,蒼梧凶狂,恒欲危害高帝。 爲 書鎭 如意,甚壯大,以備不虞,欲以代杖。 尋遇殺。 知。 若單騎輕行,廣陵人一 齊高帝謂榮祖曰:「不用卿言,幾無所成。」豫佐命勳,封將 帝欲奔廣陵起事 夕自至領府扣門,欲害帝,帝嘗以書案下 蒼梧 旦閉門不相受,公欲何 ,有伯玉等皆贊成之。 至府,而曰:「且 申今夕,須至 之。公今動 榮祖諫曰

安鼻

政應云劉寅等孤負恩獎,逼迫巴東,使至於此。」時諸啓皆不得通,事平後,上乃省視,以榮 實,見原。 永明二年,爲尋陽相、南新蔡太守。被告作大形棺材盛仗,使鄕人載度江北,案驗無 後拜克州刺史。初,巴東王子響事,方鎮皆啓稱子響為逆,榮祖曰:「此非所宜言,

從弟歷生,亦爲驍將,位太子右率。 性苛暴,與始安王遙光同反,伏誅。 祖爲知言。

九年卒。

明帝· 衛尉(位,以爲交州刺史。 資財,然後被遣。 先送獻物,傾西資之半,明帝猶嫌其少。 都,必限 **閎字叔通,樂祖從父也。** 初,以爲 使獻奉,又以蒲戲取之,要令罄盡乃止。 司 州刺史。 凡蠻夷不受鞭罰,輸財贖罪, 北破薛道摽,封樂鄉縣男。 **父遵,位員外常侍。** 及閎至都,詣廷尉自簿,先詔獄官留閎,於是悉送 謂之賧,時人謂閎被賧刺史。 **閎還至南州,而孝武晏駕,擁南資爲富人。 閎為宋孝武帝南中郎參軍。** 出爲益州刺史。 孝武末年貪慾,刺史二千石罷任還 蜀還之貨,亦數千金, 歷度支尚書, 孝武帝卽

歡,即以晃姆王伷女。 齊高帝輔政,使褚彦回爲子晃求閎女,閎辭以「齊大非偶」,帝雖嘉其退讓,而心不能 謂豫章王嶷曰:「前欲以白象與垣公婚者,重其夷澹,事雖不遂,心常

依 然。」白象,晃小字也。 及高帝卽位, 以有誠心,封爵如故。 卒於金紫光祿大夫,諡

子憘伯襲爵。

束手受害。 待報,寅以兵圍之。 我,如我今日見卿。」因誣其罪,馳信啓之,又輒遣蕭寅代憘伯爲郡。憘伯亦別遣啓臺,閉門 陵之。後出爲巴西、梓潼二郡太守,時文和爲益州刺史,曰:「每憶昔日俱在閣下, 悟伯少負氣豪俠,妙解射雉,尤爲武帝所重,以爲直閤將軍。 齊明帝輔政,知其無罪,不欲乖文和,乃敕憘伯解郡。 與王文和俱任,頗 還爲寅軍所躡, 卿 以 時 地 視 勢

T, 到鎭。 於是間關危險,遂得至鄉。 弟閱又爲九眞郡,皆著信南中。 楷爲<u>交州,謂王儉曰:「欲一人爲南土所聞者同行。」儉良久曰:「得之矣。昔垣閎爲交州</u> 反,而其孤藐幼,妾若一同灰壤,則何面目以見先姑。」因大悲泣。 楷愴然許之,厚爲之送, 未至交州而卒,楷惆悵良久。 乃告楷求還。 晝夜紡織,傍無親援,年旣盛美,甚有容德,自厲冰霜,無敢望其門者。 |楷大驚曰:「去鄉萬里,固非孀婦所濟」,遂不許。|鄭又曰:「垣氏羇魂不 葬畢,乃曰:「可以下見先姑矣。」時文凝年甫四歲,親敎經禮,訓 **曇深妻鄭氏,字獻英,滎陽人,時年二十,子文凝始生,仍隨楷** 爲臨城縣,罷歸,得錢十萬,以買宅奉兄,退無私蓄。 羽林監曇深者,閱之子也,雅有學行,當令同行。」及隨楷, 居一年,私裝 先是劉

列

傅

以 義方,州里稱美。

畜,景賓悉讓與兄鎭之。 之風,貧夫廉,懦夫有立志。 又有吳興丘景賓, 字彦先, 亦以節義聞。 鎭之又推齋屋三間與之,亦不肯受。 復見之矣。」終於奉朝請。 父康祖,無錫令,亡後,僮僕數十人及宅字 太守孔山士歎曰:「聞 柳 惠 產

後隨孝武鎭尋陽,補南中郎參軍督護,從入討元凶。 功。 張 興世字文德,竟陵 人也。 本單名世,宋明帝益爲興世。 及南郡王義宣反,又隨玄謨出梁山,有 少家貧,白衣隨王玄謨伐蠻。

戰

書褚 日 舸 疑沮,行司糧運艱礙,乃制勝之奇。」沈攸之、吳喜並贊其計,分戰士七千配之。 相持久不決,興世 派流 「我尙不敢越彼下取揚州, 彦 明帝卽位,四方反叛,進興世龍驤將軍,領水軍拒南賊。 而 回 就 上, 赭圻行選。 旋復回還, 建議 曰:「賊據上流,兵張地勝,今以奇兵潛出 是役也,皆先戰授位,檄板不供,由是有黃紙札。 一二日中輒復 興世何人欲據我上。」 興世謂攸之等曰:「上流唯有錢溪可 [如此,使賊不爲之防。 時臺軍據赭圻,朝廷遣吏部尚 賊 ... 帥 上,使其首尾周惶,進退 劉胡聞興世 南賊屯在鵲尾,旣 興世乃令輕 欲上, 笑之

盡、盛 劉 壯 遇 據。」乃往據之。 胡 土 童子 一擊走之。 棄軍 一亦易衰, 走, 百二 袁顗仍亦 袁顗慍 此 賊下 曹劌所以 及劉胡來攻, 旬當平, 曰:「賊據 奔散, (破齊 無爲自苦。」忽不見。 興世遂與吳喜共平江陵。 人肝 也。 將士欲迎擊之, 藏 將 「裏,云何得活。」是月朔, 士不得妄動。」 興世曰:「賊來尙遠而氣驟盛矣。 至是果敗。 **戝來轉近**, 遷右 軍將軍,封作唐縣侯。 興世又遏其糧道,賊 赭圻軍士伐木爲 興世乃命壽寂之、任農 加,於 夫驟旣力 衆漸 歷雍 青山 夫 飢 州 率

忽 生洲、年年漸大。 興 世居臨沔水,自 及 興世 襄陽 以下至于江二千里,先無洲 爲方伯,而洲上逐十餘 頃。〔三〕 嶼, 興世 初生,當其門前水中,一

日

刺

史,

左衞將軍。

以疾,徙光祿大夫,尋卒。

非 老 田 公,樂聞鼓角, 含公所吹。」 父仲子 由興世致位給 興世欲拜墓 汝可 送一 事 部 ,仲子謂曰:「汝衞從太多,先人必當驚怖。」興世減撤而行。 中,興世 行田時欲吹之。」興世 欲將往襄陽,愛 素恭謹 鄉 里不 ·肯去。 畏法 **,譬之曰:「此是天子鼓角,** 嘗謂興世曰:「我雖田舍

欣

張郎 欣 了 弓 馬 字 多少? 義亨, 答曰:「性怯 不 以 、 武業・ 自 畏馬,無力牽弓。」彥回甚異之。 居, 好隸書, 讀子 史。 年十餘, 歷諸 詣 更部尚 王 府 佐 書褚彦回 ,彦回問

則 懼 欣 病 泰 卒 宋 早款 元 徽 欣 遇, 中 泰 兄欣華 興世 及卽位, 在家、擁雍州還資見錢三千萬,蒼梧王自領人劫之, 時爲安成郡 以爲 直閤將軍。 欣泰 悉封餘財以 後 爲 武陵 內皮, 待之。 坐贓 齊 建元 私 殺 初 為爲 人被糾 尚書都官郞 夜 見 垂 原。 盡, 還復 興世 武 帝 燙

直

閤

步

兵校尉,領羽

林監。

除 制 日 局 TF. 將家 監 員 欣 泰 鄓 呂文 兒 通 沙雅 度 出 何 以 爲 敢作此舉止 鎭 啓 俗,交結多是名素,下直輒著鹿皮冠, 武 軍 中 帝 ,帝大怒,遣出 兵參軍 南平 後從駕出 內史。至 。數日意釋,召 新林 敕 欣泰 謂 廉察, 衲衣錫杖, 日 卿 欣泰停仗,於松樹 不樂武 挾素琴。 職、當 有以 一處卿消貴 下 啓 飲 酒 武帝、帝 一三三 賦

書 泰 西 宴,意遇 尹 略 負 南 陳便宜 〈弩射 等見 巴東 ,逆歲行 與 殺 王 雉 謝 一十條, 子響 念 軍,兵家深忌,若且 朓 事 情 相 卒, 殺 閑 其 次 僚佐,上遣中 放,聲伎 欣泰 一條言宜 典籤密啓之,武帝怒,召還都。 徙 爲 雜藝,頗多開 毁廢塔寺, 隨王 庶子 頓 軍 子 胡諧 夏口 隆鎮 、帝並 解 , 之西討,使欣泰 西 宣示禍 。[三]明 [中兵, 優 詔 報答 改領 福 帝 卽 屏居家 可 位, 河東 爲 不 戰而 副。 爲 內史。 巷,置宅南岡 領 禽 欣泰謂諧之曰:「今太歲在 軍長史, 也。」 子隆深相愛重 諧之不 遷諮 下 <u>'</u>,面 從,進江 議參軍。 接 松山 一,數與 談 欣

建武二年,魏圍 鍾離, 欣泰 爲軍主, 隨崔慧景救援。 及魏軍退,而邵陽洲上餘兵萬

輕 求 輸馬 也。 慧景乃聽過。 五百匹假道、慧景欲斷路攻之。 時領軍蕭坦之亦援鍾離, 欣泰說慧景曰:「歸師勿遏,古人畏之, 還啓明帝曰:「邵陽洲有死賊萬人, 死地兵不可 慧景、欣

泰

放

而

不取」。

帝以此皆不加賞

率胡松 少 行 百 相 遺 創 東 .廢立。 日 ,唱警蹕,至杜姥宅。 送中興堂。 中 司 手 事 書 馬 四 指皆墜。 覺, 前前 舍人馮元嗣監軍救郢,茹法珍、梅蟲兒及太子右率李居士、制局監楊明泰 年, 旣而 梁武帝起兵,東昏以欣泰爲雍州 欣泰、 南譙太守王 出為永陽 法 欣泰等使人懷刀,於坐斫元嗣, 居士踰牆得出,茹法珍亦散走還臺。靈秀仍往石頭 胡 珍得返、處分關門上仗,不配欣泰兵,鴻選在殿內亦 松等皆伏誅。 太守。 |靈秀、直閤將軍鴻選、含德主帥|| 荀勵、直後劉靈運等, 欣泰初聞事發、馳馬入宮、冀法珍等在外, 永元初,還都。 刺史。 崔慧景圍城,欣泰入城守備。 頭墜果柈中。 欣泰與弟前始安內史欣時密謀結太子右 又斫明泰,破其腹。 迎建安王寶寅, 城內處分,必盡 不敢發,城外衆尋散。 事寧,除廬陵王 並 百 蟲 等十餘人 契 率文武數 見委,因 會。 見傷數 安 帝

相 年壽 欣 泰 更增,亦 少時, 有 可 人相其當得三公,而 得方伯耳。」死時年三十六。 年裁三十。 後屋瓦墜傷領, 又間相者,云:「無復公

白自許,竟而杜郵之酷,可爲痛哉。興世鵲浦之奇,遠有深致,其垂組建旆,豈徒然也。 焉不絕,文武之道,不墜斯門,殆爲優矣。垣氏宋、齊之際,世著武節,崇祖陳力疆場,以韓、 督於人,有關生之志,而無關公之憤,長者哉。 道豫雖地居豐、沛,榮非恩假,時歷四代,人 論曰: 王仲德受任二世,能以功名始終。入關之役, 檀、 王成出其下。 元嘉北計,則受

校勘記

(一) 而暴雨莫知津徑 「徑」各本作「逗」,太平御覽六五八引南史及通志並作「徑」。「津逗」無義,今

改正。

三〕今日投草莽則同匹夫 「今日」宋書作「今自」。

仲德率龍驤將軍朱牧寧遠將軍竺靈秀嚴綱等開鉅野入河 「牧」朱齡石傳作「枚」。宋書於本傳

作「牧」、於朱齡石傳作「林」。

[四]今賊去我猶自千里「今賊」二字各本並脫、據宋書補。

十月魏軍向金墉城 「十月」各本作「十年」,據宋文帝元嘉七年紀及通志改。

撝問訊不修部下敬 「部下」南齊書作「民」、此避唐諱改。

- (4) 恒提攜漑治二人 「恒」各本作「坦」,據通志改。
- 蓋「方」誤爲「万」、「万」又易爲「萬」。今據册府元龜八八二改正。 方古信爲儔 「方古」元大德本作「万古」,其他各本作「萬古」。按「萬古」一詞用之於此不合。
- (元) 百代易名實 「代易」二字各本互倒,據太平御覽六九三引、通志乙正。
- (0)「忤」各本作「仵」或「許」。,册府元龜六三七作「計」,九三九作「忤」。今改從「忤」。

石即迎置華林園宴殿前

按華林園有宴居殿、疑此脫「居」字。

- 加以清言 「以」各本作「此」,據梁書改。
- 尚書中書事皆使仲舉斷決 一「書」字。 「尚書中書事」陳書作「尚書中事」。 按傅不言仲舉爲中書,疑此衍
- 宣帝受遺韶爲尙書令入輔 「韶」字各本並脫、據陳書補。
- 至 略陽桓道人也 「桓道」各本作「垣道」,據宋書改。
- 玄謨求 救 「救」字各本並脫,據宋書補
- 本紀。 大明三年 今改正 「三」各本作「二」。按下云「於道聞竟陵王誕據廣陵反」,誕之反在孝武大明三年,見
- 列 副 傅 輔 國 第 將 + 軍 **Ti.** 張 柬 校 勘 「副」各本作「嗣」,據宋書垣護之傳改。 記 按通志作「隸」,錢大昕廿二史考異 六九五

「當是隸字。」或以下文「亦領軍隸柬」而推及之。

時張超之手行大逆 「之」字各本皆脱。元凶劭傳、宋書二凶傳、通鑑並作「張超之」,今補正。

豈非小勞而大利邪 「利」各本作「制」、據南齊書、册府元龜三六三改。

[三]] 時宋氏封爵隨運遷改 「運」各本譌「軍」,今改正。

而曰且申今夕須至一處作適 「而曰」、「今夕」各本作「而日」、「令夕」、據通志改。

[111] 進退疑沮 「沮」各本作「阻」,據宋書、通志改。

[12] 而洲上途十餘頃 「上」通志作「大」。

三 當處卿淸貴 「貴」南齊書作「貫」。

出爲鎭軍中兵參軍南平內史 「中兵」上各本行「南」字,據南齊書、册府元龜三九八删。

17〕頗多開解 「開」南齊書作「閑」。

南史卷二十六

列傳第十六

袁湛 弟豹 豹子淑 淑兄子顗 顗從弟粲 顗弟子象 象從弟昂

馬仙碑 昂子君正 君正子樞 憲 君正弟敬 泌

| 袁湛字士深,陳郡陽夏人也。祖耽,晉歷陽太守,父質,琅邪內史,並知名。 湛少與弟

豹並爲從外祖謝安所知,安以其兄子玄女妻湛。

右僕射。」武帝北伐,湛策太尉,與兼司空尚書范泰奉九命禮物拜授武帝,行一帝沖讓。 朱武帝起兵,以爲鎭軍諮議參軍。以從征功,封晉寧縣五等男。義熙十二年,爲尚書 湛

隨軍至洛陽,住相谷塢。泰議受使未畢,不拜晉帝諸陵,湛獨至五陵展敬,時人美之。

正色謂曰:「汝便是兩世無潤陽情。」胸有愧色。十四年,卒,贈左光祿大夫。 初,陳郡謝重,王胡之外孫也,於諸舅敬禮多闕,重子絢,湛之甥也,嘗於公坐慢湛,湛 文帝即位,以

列傳第十六 袁湛

使致祭,增守墓五戶。 后父贈侍中,以左光祿大夫,開府儀同三司,諡曰敬公。 大明三年,孝武幸籍田,經湛墓,遺

子淳,淳子植,並早卒。

時,鄱陽縣侯孟懷玉上母檀拜國太夫人,有司奏許。別以婦人從夫爵,懷玉父大司農綽見 九年,卒官。以參伐獨謀,追封南昌縣五等子。子淑。 居列卿,妻不宜從子。奏免尚書右僕射劉柳等官,詔並贖論。後爲丹陽尹,太尉長史,義熙 湛弟豹字上蔚,好學博聞,善談雅俗。每商較古今,兼以誦詠,聽者忘疲。爲御史中丞

好文學、雖外相禮接、意好甚疎。從母兄劉湛欲其附己、而淑不爲改意、由是大相乖 賞,博涉多通,不爲章句學。 文采遒豔,從橫有才辯。 彭城王義康命爲司徒祭酒。 義康不 乃賦詩曰:「種蘭忌當門,懷璧莫向楚。 楚少別玉人,門非植蘭所。」 尋以久疾発官。 |淑字||陽源,少有風氣。 年數歲,伯父||湛謂人曰:「此非凡兒。」至十餘歲,爲姑夫||王弘所 淑

上封禪書一篇。」文帝曰:「盛德之事,我何足以當之。」出爲始興王濬征北長史、南東海太 元嘉 二十六年,累遷尙書吏部郎。其秋大舉北侵,從容曰:「今當席卷趙、魏,檢玉岱宗,

願

守。 淑始到府,濬引見謂曰:「不意舅遂垂屈佐。」淑答曰:「朝廷遣下官,本以光公府望也。」

還爲御史中丞。

嘲。 二三諸侯有以觀大國之政。」 遷太子左衞率。 聞 《之前志曰》『七年之中,一與一奪,義士猶或非之』。況密邇旬次,何其裒益之亟也。竊恐 始興王濬嘗送錢三萬餉淑,一宿復遣人追取,謂爲使人謬誤,欲以戲淑, 時 魏 軍南伐至瓜步,文帝使百官議防禦之術,淑上議,其言甚誕。淑喜誇,每爲時人所 淑與濬書曰:

僧綽 邪? 縛袴 罷。 患不 下。 斌 車 並 劭 殿下幼時嘗患風,或是疾動耳。」問愈怒,因問曰:「事當剋不了」淑曰:「居不疑之地,何 奉 褶。 剋;但旣剋之後,爲天地所不容,大禍亦旋至耳。」砌左右引淑衣曰:「此是何事,而可言 曰:「自古無此,願加善思。」励怒, 劭 元 ト天 区 即位 化 因 [將爲逆,其夜|淑在直,呼|淑及|蕭斌等,流涕告以「明旦當行大事,望相與勠力」。淑、 門,催之相 淑 起,賜淑等袴褶,又就主衣取錦,裁三尺爲一段,又中裂之,分斌 與 一,追 出還省,繞牀至四更乃寢。 四家 贈太常。 長 給 續。 禀。[三]淑文集傳於世。 徐起 孝武 即位,贈 至車後,劭 侍中、太尉 励將出,已與蕭斌同載,呼淑 斌懼曰:「謹奉令。」淑叱之曰:「卿便謂殿下眞有是 使登車,辭 諸子並早卒。 諡曰 不 忠憲公。 上。 劭 命左右 又詔淑及徐湛 甚急,淑 殺之於奉 與淑 眠 及左右,使以 之、江湛、王 終不起。 化門外槐 劭 樹

兄洵,吳郡太守,諡曰貞。洵子顗。

重任。 言之。 請宥之,帝意解。 軍 將軍。 顗字國章,<a>三初爲豫州主簿,累遷晉陵太守,襲南昌縣五等子。 由是前廢帝深感顗,慶之亦懷其德。 **顗盛稱太子好學,有日新之美。帝怒,振衣而入,顗亦厲色而出。** 時新安王子鸞以母嬖有盛寵,太子在東宮多過,上微有廢太子立子鸞之意,從容 後帝又以沈慶之才用不多,言論頗相嗤毀,顗又陳慶之忠勤有幹略,堪當 大明末,拜侍中,領前 左丞徐爰言於帝,

盡日窮夜。顗與婉人地本殊,衆知其有異志矣。 禳之。」於是狼狽上路,恒慮見追。 交前,不救流矢。今日之行,本願生出彪口。且天道遼遠,何必皆驗。如其有徵,當修德以 領寧蠻校尉、雍州刺史,加都督。顗舅蔡興宗謂曰:「襄陽星惡,「吾」豈可冒邪。」顗曰:「白刃 從幸湖熟,往反數日不被命,顗慮禍求出,乃除建安王休仁安西長史。 休仁不行,卽以顗爲 異,龍待頓衰,始令題與沈慶之、徐爱參知選事,尋復反以爲罪,使有司糾奏,坐白衣領職。 景和元年誅羣公,欲引進閩,任以朝政,遷爲吏部尚書,封新淦縣子。四俄而意趣乖 後至專陽, 曰:「今知免矣。」與鄧琬款狎過常, 每清閑必

及至襄陽,使劉胡繕修兵械,會明帝定大事,進顕號右將軍。 遣荆州典籤邵宰乘驛還

江陵,道由 射。 疏,便爲彼 奉勸晉安王子勛卽大位, 顗 本 無將略,在軍中未嘗戎服, 襄陽。 臣,以臣 顗反意已定, |伐君 ,於義不可。」

閩從之。 與琬 而糧仗未足,欲且奉表於明帝。 **書使勿解甲。** 語不及戰陣,)顕祚云被太皇太后令,使其起兵。 子勛即位, 唯賦 (詩談義而已,四)不能撫接諸將 進顕號安北將軍, 顗子 秘書丞戩曰:「 加 尙 便 書左 建 奉 牙 僕 馳 劉

胡

邻

論

事,酬對甚簡

,由此大失人情,胡常切齒恚恨

待之。 不可損 叛走不告顗,頗至夜方知,大怒,駡曰:「今年爲小子所誤。」 伯 欲草間求活,望 追之。」因又遁走。 明帝忿顗違叛,流尸於江,弟子緣收瘞於石頭 宿,殺馬勞將士。 珍請求問言, 胡 徹。」 以南運未至,軍士匱乏,日就買換襄陽之資。 明帝使躓舊門生徐碩奉手詔譬顗曰:「卿未經爲臣,今追蹤寶融,猶未晚 又信往來之言,言都下米貴,斗至數百,以爲不勞攻伐,行自離散,於是擁 乃斬顗首詣錢溪馬軍主襄陽兪湛之降。 至尋陽,謝罪主上,然後自刎耳。」因慷 <u>顗顧伯珍曰:「我舉八州以謀王室,未一戰而散,豈非天</u> 至鵲頭,與戍主薛伯珍及其所領數千,步取青林,欲向尋陽。 後岡。 後廢帝即位,方得改葬 顕答曰:「都下 慨叱左右索節, 湛之因斬伯珍倂送首以爲己功。 呼取飛燕、謂 兩宅未成, 其 邪 無復 衆曰:「我當 **極者。** 非 也。」及 不能 方應 夜 止 及旦, 死,豈 經 甲以 Щ 劉 自 間 出 胡

世 榮顯,而愍孫飢寒不足。 |
案字景倩,洵弟子也。 父濯,揚州秀才,早卒。 燦幼孤,祖哀之,名之曰愍孫。伯叔並當 母琅邪王氏,太尉長史誕之女也。躬事績紡,以供朝夕。

宋孝武卽位、稍遷尚書吏部郎、太子右衞率、侍中。孝建元年、文帝諱日、羣臣並於中興寺 孫, 孝武使御史中丞王謙之糾奏,並冤官。 有欲與閩婚,閩父洵曰:「閩不堪,政可與愍孫婚耳。」愍孫在坐,流涕起出。 早以操行見知, 關 ·愍孫輒稱疾不動。叔父淑雅重之,語子弟曰:「我門不乏賢,愍孫必當復爲三公。」 [<] 或 愍孫 ·齊,中食竟,愍孫別與黃門郎張淹更進魚肉食。 尚書令何尚之奉法素謹,密以白孝武, 少好學,有淸才,隨伯父洵爲吳郡,擁弊衣讀書,足不踰戶。其從兄顗出遊,要愍

子冠 稽郡 柳 相 裁辱 並起謝,久之得釋。 不逢朕,員外郎未可得也,而敢以寒士遇物!」〔5〕將手刃之,命引下席。 ,上臨宴東宫,與顏師伯、柳元景、沈慶之等並摴蒱,愍孫勸師伯酒,師伯不飲, 孝廉,免官。 大明元年,復爲侍中,領射聲校尉,封興平縣子。三年,坐納山陰人丁承文貨,舉爲會 曰:「不能與佞 五年,爲左衞將軍,加給事中。 人周旋。」師伯見寵於上,上常嫌愍孫以寒素陵之,因此發怒曰:「袁濯 出爲海陵太守。 七年,轉東部尚書,左衞如故。其年,皇太 愍孫色不變,沈 愍孫因

軍。 愍孫峻於儀範,廢帝倮之迫使走,愍孫雅步如常,顧而言曰:「風雨如晦,雞鳴不已。」明 廢帝卽位,愍孫在郡,夢日墮其胸上,因驚。 尋被徵管機密,歷吏部尚書,侍中,驍衞將

府泰始元年,[10]為司徒左長史、南東海太守。

君臣大小其狂若一,衆乃歡然。我旣不狂,難以獨立,比亦欲試飮此水矣。」 主,療其狂疾。火艾針藥,莫不必具,〔1〕國主不任其苦,於是到泉所酌水飲之,飲畢便狂 無不狂,唯國君穿井而汲,獨得無恙。國人旣並狂,反謂國主之不狂爲狂,於是聚謀共執國 修道遂志,終無得而稱焉。」又嘗謂周旋人曰:「昔有一國,國中一水號曰狂泉,國人飮此水 非其好也。 疎懶,無所營尙,然九流百氏之言,雕龍談天之藝,皆泛識其大歸,而不以成名。 |生,陳國人也。 氣志深虛,姿神淸映,性孝履順,棲沖業簡,有舜之遺風。 先生幼夙多疾,性 愍孫清整有風操,自遇甚高,嘗著妙德先生傳以續嵇康高士傳後以自況曰:「有妙德先 混其聲迹,晦其心用,席門常掩,三逕裁通。 雖揚子寂漠,嚴叟沈冥,不是過也。 家貧嘗仕,

筠又云:「明帝多忌諱,反語袁愍爲『殞門』,帝意惡之,乃令改焉。」二年,遷領軍將軍,仗士 三十人入六門。其年,徙中書令,領太子詹事。三年,轉尙書僕射,尋領吏部。五年,加中 幼慕荀奉倩爲人,孝武時求改名燦,不許,至明帝立,乃請改爲燦,字景倩。其外孫王

書令,又領丹陽

竹所, 聊 郊 郭,每杖策逍遙,當其意得,悠然忘反。 相要耳。」竟不與相見。嘗作五言詩,言「訪迹雖中宇,循寄乃滄洲」。蓋其 野間,道遇一士大夫,便呼與酣飲,明日 粲負才 **嘣詠自得。** 尚氣 ,愛好虛遠,雖位任隆重,不以事務經懷。 主人出,語笑款然。 俄而 郡南一家頗有竹石,繁率爾步往,亦不通主人,直 此 車騎羽儀倂至門,方知是袁尹。 人謂被知顧,到門求進。 獨步園林, 粲曰:「咋飲酒無偶, 詩酒自適。 、志也 又嘗步屧白楊 家居負

受。 鼓 懼 日二 粲 吹 傾滅,乃以告之,緊故自挹損。 與 部。 ·愍孫無憂,將爲國家器,不患沈沒。 性至孝,居喪毀甚,祖日及祥,詔衞軍斷客。 人語,有誤道眇目者,輒涕泣彌日。 七年,爲尙書令。初,燦忤於孝武,其母候乘輿出,負塼叩頭流血,塼碎傷目。 後廢帝卽位,加兵五百人。元徽元年,丁母憂,葬竟,攝令親職,加衞將軍,不 明帝臨崩,聚與褚彥回、劉勔並受顧命,加班劍二十人,給 嘗疾,母憂念,晝寢,夢見父容色如平生, 但恐富貴,終當傾滅耳。」母未嘗言及。一條貴重,恒 自此後, 與母語

託,本 掖 激出戰,賊卽平殄。 以 諸將 年,桂陽王休範爲逆,緊扶曳入殿,詔加兵自隨,府置佐吏。時兵難危急,賊已至南 死 報,今日當與褚護軍同 意 沮,咸莫能奮。 事寧,授中書監,即本號開府儀同三司,領司徒。 **粲慷慨謂諸將帥曰:「寇賊** 死社稷。」〔三〕 因命左右被馬,辭色哀壯。 已逼,而衆 情離阻,孤 以揚州解 於是陳顯達等 子 受先帝 爲府,固 顧

不肯移 三年,徙尙書令,衞軍、開府如故,並固辭,服終乃受命。 加侍中,進虧爲侯, 叉

不受。

往諮決,或高詠對之。 談客文士,所見不過一兩人。 時粲與齊高帝、褚彥回、劉彥節遞日入直,平決萬機。 時立一意,則衆莫能改。 順帝即位,遷中書監,司徒、侍中 素寡往來,門無雜賓,閑居高臥,一 -如故。 無所接。 主書毎

絡通幰車,仗士五十人入殿。 移石頭,卽便順旨。 齊高帝旣居東府,故使燦鎭石頭。 有周旋人解望氣,謂疑曰:「石頭氣甚凶,往必有禍。」 燦不答。 燦素靜退,每有朝命,逼切不得已,然後方就。 又給油 及詔

黄回酱將皆率軍出新亭。 此,不復得出矣。」時齊高帝入屯朝堂,彥節從父弟領軍將軍體入直門下省,卜伯與爲直閤 一條,一條稱疾不見。 一條宗人袁達以爲不宜示異同。 一條曰:「彼若劫我入臺,便無辭以拒,一 瓘、王宜興、彭文之、卜伯興等並與燦合。 昇明元年,荆州刺史沈攸之舉兵反,齊高帝自詣 率軍來應,彥節、候伯等並赴石頭。 刷史<u>王蘊太后兄子,素好武事,並慮不見容於齊高帝,皆與</u>燦結,諸將帥黃回、任候伯、孫曇 時齊高帝方革命,粲自以身受顧託,不欲事二姓,密有異圖。 緊剋日謀矯太后令,使韞、伯興率宿衞兵攻齊高帝於朝堂, 三三回 事泄。 先是,齊高帝遣將薛深、蘇烈、王天生等領兵戍 劉彥節宋氏宗室,前湘

列 傳

第

節等列 高帝 有異, 歎曰:「今年事敗矣。」乃狼狽率部曲向石頭、薛深等據門射之。 啓云:「臣義奉大宋,策名兩畢,今便歸魂墳壠,永就山丘。」僧靜乃幷斬之。 「本知一木不能止大厦之崩,但以名義 頭 以報敬則, 云以助粲,實禦之也。 兵登東門,僧靜分兵攻府西門,彥節與兒踰城出。 敬則誅韞幷伯興、三三又遣 又令腹心王敬則爲直閣,與伯興共總禁兵。 至此耳。」僧靜挺身暗往,奮刀直前欲斬之。 軍主戴僧靜向石頭助薛深自倉門入。 王蘊聞彦節已奔, 時粲與彦 子最覺

鏡 良 久曰:「視 初,粲大明中與 死如歸。」燦最後曰:「當至三公而不終。」至是如言 蕭惠開、周朗同車行,逢大舫開駐車,惠開自照鏡 曰:「無年可仕。」朗執

最 字 文高, 時年十七,旣父子俱殞,左右分散,任候伯等其夜並自新亭赴石頭, 其後

經 君 汝 年餘 匿 以 一之尙 求 粲 ,鬭場忽見一狗走入其家,遇靈慶於庭噬殺之, 小 小 利 誰 兒數歲, 爲 若天 乎! 乳母將投桑門生狄靈慶。 地鬼 遂抱以首。 神 有 知, 乳 我見汝滅門。」此兒死後, 母號泣 呼天 靈慶曰:「吾聞出郎君者有厚賞, 曰:「公昔於汝有恩,故冒 少時妻子皆沒。 靈慶常見兒騎大戦狗戲 難 此狗即袁郎所常騎 歸汝,奈何欲殺郎 今袁氏已滅, 如平常,

心 雖末節不終,而始誠可錄。 齊永明元年, 武帝詔曰:「袁粲、劉彥節並與先朝同獎宋室,沈攸之於景和之世特有乃 歲月彌往,宜霑優隆。」於是並命改葬。

豫章王直新出閣,中旨用嗣祖爲師。 忍背燦而獨生也。」戴僧靜勸殺之。帝曰:「彼各爲其主。」遂赦焉,用爲省事。 何 不啓。」嗣祖曰:「小人無識,曲蒙袁公厚恩,實不仰負,今日就死分甘。官若賜性命,亦不 **燦省事塻嗣祖, 燦常所委信, 與劉彥節等宣密謀。** 至是齊高帝問曰:「汝知袁粲謀逆, 歷朝所賞。梁

尸,四十餘日乃得,密瘞石頭後岡,身自負土。懷其文集,未嘗離身。 從叔司徒聚、祖舅征西將軍蔡興宗並器之。 矣。」「以少公,緣小字也。及顗見誅,宋明帝投尸江中,不許斂葬。緣與舊奴一人,微服求 緣字偉才,顕弟覵之子也。 覵好學美才,早有淸譽,仕宋位武陵內史。 緣少有風氣,善 明帝崩後,乃改葬顕。

御 史中丞。 仕 朱爲齊高帝太傅相國主簿,秘書丞。 坐彈謝超宗簡奏依違, **発官。後拜廬陵王諮議。時南郡江陵縣人尚蔣之弟胡** 仕<u>齊爲中書郎,兼太子中庶子。 又以中書郎</u>兼

列傳第

十六

袁湛

博議。 之婦爲曾口寺沙門所淫,夜入尚家,蔣之殺沙門,爲官司所檢,蔣之列家門穢行,欲告則恥, 迹,同符古人,若陷以深刑,實傷爲善。」由是蔣之兄弟覓死。 人,原心非暴,辯讞之日,友于讓生,事憐左右,義哀行路。昔文舉引謗,獲漏疏網,蔣之心 欲忍則不可,實已所殺,胡之列又如此,兄弟爭死。|江陵令|宗躬啓州,|荆州刺史廬江王求 |彖曰:「夫迅寒急節,乃見松筠之操,危機迥構,方識貞孤之風。 竊以蔣之、胡之殺

幼 物。」帝窮問所以,晏曰:「袁彖爲臣說之。」上銜怒良久。 彖到郡,坐過用祿錢,発官付東冶。 肉,敕見||象與語,明日釋之。後爲侍中。||彖充腴異衆,每從射雉郊野,數人推扶,乃能徒步。 帝遊孫陵,望東治,曰:「治中有一好貴囚。」數日,與朝臣幸治,履行庫藏,因宴飲,賜囚徒酒 曰:「臣舅負罪,今在尙方,臣母悲泣不食已積日,臣所以不寧。」帝曰:「特爲兒赦之。」旣而 而母卒,養於伯母王氏,事之如親,閨門孝義。隆昌元年卒,諡靖子。 展請交不答。」武帝在便殿用金柄刀子翦瓜,晏在側曰:「外聞有金刀之言,恐不宜用此 累遷太子中庶子,出爲冠軍將軍,監吳興郡事。緣性剛固以微言忤武帝,又薄王晏爲

聽音樂,布衣蔬食,足不出門,示不臣於宋,時人以比晉之王裒。顏延之見其幼時,歎曰: 象宗人廓之,字思度,宏之曾孫也。父景雋,宋世爲淮南太守,以非罪見誅。廓之終身

畔者,旣: 馬。 子 如袁廓足矣。」「目的齊國建,方出仕,稍至殿中郎,王儉、 非 何們亦稱才子、日口為文惠太子作楊畔歌,辭甚側麗,太子甚悅。 、典雅,而聲甚哀思,殿下當降意簫韶,奈何聽亡國之響。」太子改容謝之。 柳世隆傾心待之。 廓之諫曰:「夫楊 爲太子 洗

傳首 題 而 漆字皆滅,人以爲孝 語之,遂発。 彪,因去,遂免。 建鄴 昂 字千里,雍州刺史閩之子也,閩敗,藏於沙門。沙門將以出關,關吏疑非常人,沙門杖 ,藏於武 或云 庫,以漆題顕名以爲誌,至是始還之。 會赦得出,猶徙晉安。 感。 葬訖,更制服 廬于墓次,從兄家常無 在南 唯勤學, 至元徽 昂 號 州郡 慟 中聽還,時年 視 圓 ÍÍ, 於野求之,於乳 抑 譬之。 絕 而 復 **十**五 蘇, 以 媼 淚 匿 初 洗 顗 所 見 敗 所

象 於 後 目 堂 昂 容質 獨 昂 幼 引 見 孤 修偉,冠絕人倫,以父亡不以理,終身不 昂 而 , 指 能 至 北 此,故知 堂謂 曰:「卿必居此。」累遷黃門郎 名器· 自有所在。」 仕 齊 爲 聽 音樂。 王 一儉鎮 軍 後 府 與 彖 功 一曹史。 同 見從 儉後 叔 司徒粲 爲 丹陽 尹

里。 春 服 後 昂 水 爲 名 衞 千里 軍 武 陵王 齊永明 長史。 之,昂致書以喻之曰 中 武帝謂 1 母憂, 曰:「昂昂千里之駒,在卿 哀毁過 <u>|</u>禮,服未除而從兄緣卒。 有之。 今改卿名 昂幼孤 、爲緣所養,乃 爲昂,即字仟

制

人

有

怪

而

問

誠懷 慟絕, 據,乃事有先例,率迷而至,必欲行之。 |棱與從弟||骸一,|一十一,||梭爲心服三年。 終彌固,此恩此愛,畢壤不追。 方,每假其談價,虛其聲譽,得及人次,實亦有由。 以 **恣其取足,爾來三十餘年。** 不 感慕。 天,幼傾乾蔭,資敬未奉,過庭莫承,藐藐沖年,未達朱紫。 竊 彌劇彌深。 聞 禮由恩斷、服以情申、故小功他邦、加制一等,同爨有緦,明之典籍。 常願千秋之後,從服朞齊,不圖門衰禍集,一旦草土,殘息復罹今酷。 今以餘喘,欲遂素志,庶寄其罔慕之痛,少伸無已之情。 憐愛之至,言無異色,姊妹孤姪,成就一時。 旣情若同生,而服爲諸從,言心卽事,實未忍安。 臨紙哽咽,言不識次。 由也之不除喪,亦緣情 **兼開拓房宇**,處以華 從兄提養訓 而致制。 曠, **篤念之深**,在 雖識不及古, 同 教,示以義 雖禮無明 財共 孤子 一昔馬 尋惟 夙

後爲御史中丞。 時尚書令王晏弟詡爲廣州,多納賕貨,昂依事劾奏,不憚權家,當時號

爲正直。

史,丁所生母 沒,唯昂船獲全,咸謂精誠所致。葬訖,起爲吳興太守。 以 卿有美名,親經相詣。」昂答曰:「陛下在田之日,遂蒙三顧草廬。」帝甚悅。 初 昂爲洗馬,明帝爲領軍,欽昂風素,頻降駕焉。 憂去職。 以喪還,江路風潮暴駭,昂乃縛衣著柩,誓同沉溺。 及踐阼,奏事多留與語,謂曰:「我昔 及風止,餘船皆 尋出爲豫章內

永元末,梁武帝起兵,州郡望風皆降,昂獨拒境。 帝手書喻之日

甚。天未絕齊,聖明啓運,億兆有賴,百姓來蘇。 路,承欲狼 旣 且范岫、申胄久薦誠款,各率所守,仍爲掎角;而足下欲以區區之郡,禦堂堂之師,根本 不云遠。兼熒惑出端門,太白入氐室,天文表於上,人事符於下,不謀同契,實在茲辰。 去就之宜,幸加詳擇。 **?傾,枝葉安附。今竭力昏主,未足爲忠,家門屠滅,非所謂孝。** 夫禍 福無門,興亡有數,天之所棄,人孰能匡。 顧一隅,旣未喻雅懷,聊申往意。獨夫狂悖,振古未聞,窮凶極虐,歲月滋 吾荷任前驅,掃除京邑,屠潰之期,當 機來不再,圖之宜早。 忠孝俱盡,將欲何依, 頃精聽道

昂答日:

安慰。 萬仞。 直是陳國賤男子耳。雖欲獻心,不增大軍之勇,置其愚默,寧沮衆帥之威。幸藉將軍 物議不可,亦恐明公鄙之。 含弘之大,可得從容以禮。 都史至辱誨,承藉以衆論,謂僕有勤王之舉,兼蒙誚責,獨無送款。循復嚴旨,若臨 自承麾旂屆止,莫不膝袒軍門,唯僕一人敢後至者,正以自揆庸素,文武無施, 三吳內地,非用兵之所,況以偏隅一郡,何能爲役。近奉敕,以此境多虞,見使 竊以一飱微施,尚復投殞;況食人之祿,而頓忘一旦,非唯

列傳

七二二

門, 世有忠節,天下須共容之,勿以兵威陵辱。」元履至宣旨,昂亦不請降,開門徹備而已。及 建 康城平, 昂舉哀慟哭。時帝使豫州刺史李元履巡撫東土, 敕元履曰:「袁昂道素之

至,帝亦不問其過。

天監二年,以爲後軍臨川王參軍事。 昂啓謝曰:

言之。 聖主之日。是以塗山始會,致防風之誅,酆邑方搆,有崇侯之伐。未有緩憲於斮戮之 人, 赊刑於耐罪之族, 出萬死入一生如臣者也。推恩及罪, 在臣實大, 披心瀝血, 敢乞 歷三墳,備詳六典,巡校賞罰之科,洞檢生死之律,莫不嚴五辟於明君之朝,峻三章於 恩隆絕望之辰,慶集冥心之日,焰灰非喻,荑枯未擬。 摳衣聚足,顚狽不勝。 臣偏

庶,濯疵蕩穢,入煙遊陳,天波旣洗,雲油遽沐。古人有言:非死之難,處死之難。臣之 每懼殷通之禍,空慕君魚保境,遂失師涓抱器。後至者斬,臣甘斯戮,明刑徇衆,誰曰 在愚臣,頓昏大義,徇鴻毛之輕,忘同德之重。但三吳險薄,五湖交通,屢起田儋之變, 年濫職,守秩東隅,仰屬龔行,風驅電掩,當其時也,負鼎圖者日至,執玉帛者相望,獨 臣東國賤人、學行何取、旣殊嗚雁直木、固無結綬彈冠、徒藉羽儀、易農就仕。往 幸因約法之弘,承解網之宥,猶當降等薪桑,遂乃頓釋鉗赭。 斂骨吹魂,還編點

所荷,曠古不書,臣之所死,未知何地。

武帝答曰:「朕遺射鉤,卿無自外。」

書,未爲晚達。」帝曰:「士固不妄有名。」 多愧。」對曰:「臣生四十七年于茲矣,四十以前,臣之自有,七年以後,陛下所養。 尋爲侍中,遷吏部尙書。 帝謂曰:「齊明帝用卿爲黑頭尚書,我用卿爲白頭尚書,良以 七歲尙

「我無少年,老嫗並是兒母,非王妃母,便是主大家,今令問訊卿。」勉聞大驚求止,方知昂 求昂出內人傳盃,昂良久不出,勉苦求之。 昂不獲已,命出五六人,始至齋閣,昂謂勉曰: 十五年,爲尚書左僕射,尋爲尚書令。 時僕射徐勉勢傾天下,在昂處宴,賓主甚歡。 勉

歡 爲皇太孫。雖不見用,擅聲朝野。自是告老乞骸骨,不干時務。 昂在朝謇諤,世號宗臣。昭明太子薨,立晉安王綱爲皇太子,昂獨表言宜立昭明長息

皆停省。 慚鄕里。 詔卽 昂雅有人鑒,遊處不雜,入其門者號登龍門。大通中,位司空,大同六年,薨,時年八 往忝吳興、屬在昏明之際,旣闇於前覺,無誠於聖朝,不識天命,甘貽顯戮,幸遇殊 因復曰:「吾釋褐從仕,不期富貴,但官序不失等倫,衣食粗知榮辱,以此闔棺,無 日舉哀。初,昂臨終遺疏不受贈諡,敕諸子不得言上行狀及立銘誌,凡有所須,悉

列

傳

第

常欲竭 恩,得全門戶。 追遠之恩,脫有贈官,愼勿祗奉。」諸子累表陳奏,詔不許,諡曰穆正公。 懦 無施 `誠酬報,申吾乃心,所以朝廷每興師北伐,吾輒啓求行。 **,皆不蒙許,雖欲罄命,其議莫從。** 自念負罪私門,階樂望絕,保存性命,以爲幸甚,不謂叨竊寵靈, 今日瞑目,畢恨泉壤,聖朝遵古, 誓之丹款,實非矯言。 有集二十卷。 如吾名品,或有 一至於此。 旣 庸

初,昂之歸梁,有馬仙碑者亦以義烈稱。

仙碑少以果敢聞,父憂毁瘠過禮,負土

成墳、手植松栢。仕齊位豫州刺史。

遠說 之,仙琕曰:「大義滅 梁武起兵,使其故 人姚仲賓 親。」又命斬之。 、說之, 仙碑先爲設酒,乃斬於軍門以徇。 懷遠號泣,軍 中為請 乃
発 帝又遣其族叔懷

石頭 仙 其道,不 不容降,今衆寡不 琕 令士皆持滿,兵不敢近。 而脫之。 武 帝 亦可乎。」於是悉遣城 至新林,仙 帝使待袁昂至俱入,曰:「使天下見二義士。」帝勞之曰:「射鉤斬袪, 体,勢必屠滅。 **埤**猶於江 內兵出降,餘壯 西 H 晚 H 公等雖無二心,其如 ·乃投弓曰:「諸君但來見取, 抄運漕。 建康 士數十, 城 平, 親 閉門獨 仙 老何。 | 理舉哀謂衆曰:「我受人任寄, 守。 我 我爲忠 義不 俄而 降。」乃檻 臣, 兵 入, 君 爲 圍之數 **添孝子**, **送建康**,至 昔人弗 + 各盡 重。 義

忌 卿 俄 勿 而 以 母 戮使斷運苟自嫌絕 卒,帝知 其 貧 () 賻給: 也。」謝 甚 厚。 曰:「小人如失主犬, 仙 琕 號泣謂弟仲艾曰:「蒙大造之恩,未獲上報,今復 後主飼 之, 便復爲用。」帝笑 而 美

荷

殊

澤

當

與爾

以

J)

力

自

効耳。

破 日 Щ 蠻 大 天 丈夫 監 郡 四 境清 爲 年, 時 謐 師 所 侵魏,仙碑每戰, 知,當進不 以 功封 冷洭 求名,退不逃罪,乃平 縣伯。 恒冠三 遷 司 軍, 州 與諸 刺 史, 將論 生 進 願 ~號 議 也, 貞 威 何 口 將軍 [未嘗] 功 可 論 言功。 []為 南義 人問 陽 其故, 太守 仙 , 琕

廣 爲 送 援。 洛 魏 仙 陽 豫 州 琕 仙 進 人白 琕 頓 不 楚王 早 能 生 救。 城 使以懸瓠來降、日也武帝使仙碑赴之, 造 會超 副 等 將 齊芍 亦 相 兒 次 助守 退散,魏軍 懸瓠 進 魏 據三關, 中 Щ 主 又遣 英 仙 瑯 攻 直 坐徵 懸 閤 瓠 將 還 軍 執 武會超、馬廣 為雲騎將 齊芍 兒, 軍 進 禽 率 衆 馬

餘 萬 赴 焉 年 仙 胸 琕 Щ 累戰 人 殺 破 琅 走之。 邪 太守 進 劉 晰 爵 爲 以城 侯, 遷豫 降魏 州 , 詔 刺 史, 假 仙 加 珅節 都 督。 討 之。 魏 徐 州 刺 史 盧 昶 以 衆 +

卒 厮 亦 養 Ħ 最 仙 琕 下 S) 者 自 爲 同 爲 用 將 代 帝 其 及 雅 在 居 云。 愛仗 邊境 州 郡 子巖夫 之。 一常單 能 卒 與 身潛 於 士 卒 州 同 入 贈 敵 勞 左 境, 逸 衞 身衣 將 伺 軍 知 一、諡 不 壁 過布 壘 日 村 |剛| 帛 落 ",所 險要 初 居 處 仙 無幃幕衾屏 所, 攻戰 多 婢 行行 剋 捷 及 則 飲 長 以婢 食 與 士

名不

典

功

以

玉

女

嗣

昂子君正字世忠,少聰敏。 年數歲,父疾,晝夜不眠,專侍左右。 家人勸令暫臥,答曰:

「官旣未差,眠亦不安。」歷位太子庶子。

著襦 市 稱 道 焚神,一郡無敢行巫。 與之,事竟取襦,云「神將送與北斗君」。君正使檢諸身,於衣裏獲之,以爲亂政,卽刑於 術,爲一郡巫長。 君正美風儀,善自居處,以貴公子早得時譽。爲豫章內史。 君正在郡小疾,主簿熊岳薦之。 師云:「須疾者衣爲信命。」君正 性不信巫邪, 有師萬世榮 以所

酒郊迎賊,賊掠奪其財物子女,因是感疾卒。 之,君正不能決。 稱,而蓄聚財產,服玩靡麗。 遷吳郡太守。 吳人陸映公等懼不濟,賊種族其家,勸之迎賊。 侯景亂,率數百人隨邵陵王綸赴援,及臺城陷、還郡。君正當官莅事有名 賊遣張太墨攻之,新城戍主戴僧易勸令拒守,己以戍兵自 子樞。 君正性怯懦,乃送米及牛 1外撃

樞字踐言,美容儀,性沈靜,好學,手不釋卷。 家本顯貴,貲產充積,而樞獨處率素,傍

無交往,非公事未嘗出游,榮利之懷淡如也。

侯景之亂,樞往吳郡省父疾,丁父憂。 時四方擾亂,人求苟免,樞居喪以至孝聞。 王僧

辯平侯景,鎮建鄴,衣冠爭往造請,樞杜門靜居,不求聞達。

紹 泰中,歷東部尙書、吳興郡太守。 陳永定中,徵爲侍中,掌選。 遷都官尙書,

如故。

並卒于梁時。 樞 博學,明悉舊章。 武帝受命,唯主追封。至是將葬,尚書請議加蔵駙馬都尉,幷贈岊官。 初,陳武帝長女永嗣公主,「三」先適陳留太守錢蔵,生子岊,主及岊 樞議

案杜預尚晉宣帝第二女,晉武踐阼而主已亡,泰始中追贈公主,元凱無復駙馬之號。 氏初興,列侯尙主,自斯以後,降嬪素族。駙馬都尉,置由漢武,或以假諸功臣,或以加 授。今宜追贈亭侯。 梁文帝女新安穆公主早薨,天監初,汪氏無追拜之事。遠近二例,足以校明,無勞此 假駙馬之位,乃崇於皇女也。今公主早薨,伉儷已絕,旣無禮數致疑,何須駙馬之授。 魏、晉以來,因爲瞻準。」蓋以王姬之重,庶姓之輕,若不加其等級,寧可合卺而酳。所以 於戚屬。 昔王姬下嫁,必適諸侯。 是以魏曹植表駙馬、奉車取爲一號。齊職儀曰:「凡尙公主,必拜駙馬都尉, 同姓爲主,聞於公羊之說,車服不繫,顯於詩人之篇。 漢

時議以爲當

列 傳 第 + 六 袁 湛

居,文武 職。 時僕射到仲舉雖參掌選事, 職司,鮮有遊其門者。 爲夷部尚書,領丹陽尹。 廢帝即位,遷尚書左僕射,卒,諡曰簡懿。 銓衡汲引,並出 以葬父拜表自解,詔令葬訖停宅視 .於樞,舉薦多會上旨。 謹 有集十卷行於世 愼周密, 郡 事 服闋還 清白自

弟憲

招 憲字德章,幼聰敏好學,有雅量。梁武帝修建庠序,別開五館,其一館在憲宅西,

以童 邪。一何、謝 日 入室,授以麈尾,令憲豎義。時謝岐、何安在坐,弘正謂曰:「二賢雖窮奧賾,得無憚此後 「未敢令試。」居數日,君正遣門客岑文豪與憲候弘正。 引諸 :「我豈能用錢爲兒買第邪。」學司銜之。 到 卿 一场期之。」 大同 還諮 生 一與之談論,新義出人意表,同輩咸嗟服焉。 八年,武帝撰孔子正言章句,詔下國學宣制旨義。 乃遞起義端,深極理 袁吳郡,此郎已堪 時觀者重沓,憲神色自若,辯論 國子博士周弘正謂憲父君正曰:「賢子今茲欲策試不。」君正曰: 見代博士矣。」時生徒 致,憲與往 復 及憲試,爭起劇難,憲隨問抗答, 数番,酬 有餘、 對策, 弘正亦起 對閑敏。 會弘正將升講坐,弟子畢集,乃延憲 多行 憲時年十四,被召爲正言生,祭 弘 賄賂,) 數難, 正謂妥曰:「恣卿所問, 終不能 文豪請 剖析 温。 具 、束脩。 如流 因告文豪 君 勿 生 到

漑 敏孫、徐孝克非不解義,至於風神器局,去賢子遠矣。」尋舉高第,以貴公子選尚南沙 顧 憲曰:「袁君正其有後矣。」及君正將之吳郡,溉祖道於征虜亭,謂君正曰:「昨策生,蕭

即梁簡文帝女也。

陳武帝作相,除司徒戶曹,初謁,遂抗禮長揖。中書令王勸謂憲曰:「卿何矯衆,不拜錄公。」 大同元年,釋褐祕書郎,遷太子舍人。侯景寇逆,憲東之吳郡。 尋丁父憂,哀毀過禮

憲曰:「於理不應致拜。」衞尉趙知禮曰:「袁生舉止詳中,故有陳、汝之風。」

太建三年,累遷御史中丞,羽林監。時豫章王叔英不奉法度,逼取人馬,憲依事 陳受命,授中書侍郎,兼散騎常侍,與黃門郎王瑜使齊,數年不遣,天嘉初乃還。

免叔英。自是朝野嚴憚。

嘗陪宴承香閣,賓退後,宣帝留憲與衞尉樊俊徙席山亭,談宴終日。帝謂俊曰:「袁家故爲 憲詳練朝章,尤明聽斷,至有獄情未盡而有司具法者,即伺**閑爲帝言之,**所申**理甚**衆

有人。」其見重如此。

自求解任,帝曰:「諸人在職,屢有謗書,卿處事已多,可謂清白,別相甄錄,且勿致辭。」 自侍中遷吳郡太守,以父任固辭,改授南康內史。 遷吏部尚書。 憲以久居淸顯,累表

遷右僕射,參掌選事。 先是憲長兄樞爲左僕射,至是憲爲右僕射,臺省目樞爲大僕射,

憲爲小僕射,朝廷榮之。

及宣帝 後主被創病篤,執憲手曰:「我兒尙幼,後事委卿。」憲曰:「羣情喁喁,冀聖躬康復,後事 不豫,憲與吏部尚書毛喜俱受顧命。始興王叔陵之肆逆也,憲指麾部分,預有力

之委,未敢奉詔。」

書僕射 是夏 直。 尙 請 書蒸徵順旨稱贊,憲厲色折之曰:「皇太子國家儲副,億兆宅心,卿是何人,輕言廢立。」然 竟 太子雖外示容納,心無悛改。 解職,不許,尋給扶二人。皇太子頗不率典訓,憲手表陳諫十條,皆援引古今,言辭 以 廢 功封建安縣伯,領太子中庶子。 太子爲吳興王。 後主知憲有規諫之事,歎曰:「袁德章實骨鯁臣。」「三郎 後主欲立寵姬張貴妃子始安王爲嗣,嘗從容言之,吏部 尋除侍中、太子詹事。 及太子加元服、行釋奠禮、憲 日 韶爲尚 切

之? 德,亦是江東衣冠道盡。」後主將避匿,憲正 右。 臣願陛下依梁武見侯景故事以待之。」不從,因下榻馳去。 後主謂曰:「我從來待卿不先餘 禎 明 三年,隋軍來伐,隋將賀若弼進燒宮城北掖門,兵衞皆散走,朝士各藏,唯憲侍左 入, 今日見卿, 色曰:「北兵之入,必無所犯, 可謂歲寒知松栢後 憲從出後堂景陽殿,後主投 凋也。 大事 如 非 此, 唯 陛 由 下安 我 無

井

中,憲拜哭而

Щ

四年,授晉王廣府長史。十八年,卒,時年七十,贈大將軍、安成郡公,諡 及至長安,隋文帝嘉其雅操,下詔以爲江表稱首,授開府儀同三司、昌州刺史。 日簡 開皇十

長子承家,仕隋至祕書丞、國子司業。 君正弟敬。

敬字子恭,純素有風格。 幼便篤學, 老而 無倦。 仕梁位太子中舍人。 魏剋江陵, 流寓

嶺表。 戶、都官二尙書,太常卿,散騎常侍,金紫光祿大夫,加特進。 宣帝卽位,遣章昭達討紇,紇將敗, 陳武帝受禪,敬在廣州依歐陽頠。 恨不納敬言。 **頠卒,其子|紇據州,將有異志,敬累諫不從。** 朝廷義之,徵爲太子 至德三年,卒,諡靖德子。 中庶 子。 歷左

子

元友嗣。 敬弟泌。

泌字文洋,清正有幹局,容體魁岸,志行修謹。 仕梁歷諸王府佐。

士卒。 侯景之亂,泌兄君正爲吳郡太守,梁簡文帝在東宮,板泌爲東宮領直, 及景圍臺城,泌率所領赴援。城陷,依鄱陽嗣王範。 範卒,泌降景。 令往吳中, 景平,王僧辯表

泌爲富春太守,兼丹陽尹。貞陽侯明僭位,以爲侍中,使於齊。

陳武帝受禪,泌自齊從梁永嘉王莊往王琳所。 及莊稱尊號,以泌爲侍中、丞相長史。琳

袁

列

傅

第 + 六

義

之。

敗, 衆皆 唯泌輕舟送達于北境,屬莊於御史中丞劉仲威,然後拜辭歸陳請罪, 文帝深

意 其子芳華曰:[[三]「吾於朝廷素無功績, 累 遷

節 壁。 逢 代之名公也。 言儲 處 霜之概、松筠其性乎。 ,旣被 所蹈, 危 ,朝廷不許,贈金紫光祿大夫,諡曰**質**。 季,雖 嗣 夫義 論 曰:天長地久,四時代謝,靈化悠遠,生不再來,所以據洪圖而輕天下,客寸陰而賤尺 無忘 旌 實懋家 重於 通直散騎常侍,兼侍中,聘周。 獨 於晉世,粲之貞固 夫 直 樞風格峻整,憲仁義率由,韓子稱「人臣委質,心無有二」,憲弗渝 生,空傳前誥,投軀徇主,罕遇其人。 道,辭榮身後,有 喪德,臣 風。 **燦執履之迹,近乎仁勇,** 若無陽源之節, 節 無改。 ,亦改葬於齊朝,其激厲之方,異代同 心黜殯。 拒梁武 丹青夫何取貴。 瞑目之後,斂手足旋葬,無得受贈諡。」 其子述 泌遺 之命,義烈存焉, 及宣帝入輔,以泌爲司徒左長史,卒于官。 自初 古人所謂疾 及末,無虧 觀夫宋、齊以還,袁門世蹈忠義 **顗雖末路披猖,原心有本。** 風 隆從兄之服,悌 風 範,從微至著, 、勁草, 符者矣。 . 豊 此 之謂乎? 心高 皆爲 昂 命屬 已。 歲暮, 稱 昔王經 職 崩 固 旣 臨終戒 滅離,身 蓋 良可 而 知 抗 峻 風

校勘記

- 與兼司空尚書范泰奉九命禮物拜授武帝 「物」字各本並脫,據宋書補
- (三) 又詔淑及徐湛之江湛王僧綽卜天與四家長給禀 「卜天與」各本作「卜天興」,據宋書改。按卜

天與本書入孝義傳。

C N J 顕字國章 「國章」朱書作「景章」。

[B] 封新淦縣子 「淦」各本譌「塗」,據册府元龜四六一改。

〔五〕襄陽星惡 「星」各本作「至」,據宋書改。

「六」唯賦詩談義而已「談義」各本作「談議」、據宋書改。

中〕胡以南運未至軍士匱乏 「運」各本作「軍」,據通鑑改。

[八] 愍孫必當復爲三公 「爲」字各本並脫、據通志補。

[n] 而敢以寒士遇物 「以」字各本並脫,據宋書、通志補。

[10] 明帝泰始元年 「泰始」各本譌「泰初」,今改正。

火艾針藥莫不必具 「必」册府元龜九一七、通志並作「畢」。

列傳第十六 校勘記

今日當與褚護軍同死社稷 「褚護軍」各本作「諸護軍」,據宋書改。 按南齊書及本書褚彦回傳

並 云褚爲護軍將軍,而護軍將軍固不得多除,未可言「諸」也。

粲剋日謀矯太后令使韞伯興率宿衞兵攻齊高帝於朝堂 「使」字各本並脱,據宋書補。

敬則 誅韞幷伯與 「韞」朱書作「蘊」。按韞謂劉韞,蘊則王蘊 也。

此狗即袁郎所常騎者也 「者」字各本並脫,據通志補

足懋先基矣 「懋」各本作「慰」,據南齊書改。

(中) 有子如袁廓足矣 「袁廓」即上之「袁廓之」。六朝人名帶「之」字,有時可省去,非脫文。

于時何僴亦稱才子 「何僴」各本作「何澗」。王鳴盛十七史商権六十:「何遜傳作」從叔僴字彥

夷』,作『澗』誤。」今從改。

魏豫州人白早生使以懸瓠來降

「早生」梁書作「早生」,魏書、通鑑作「早生」,皆無「使」字。

「攻」梁書作「故」,疑「攻」爲「故」之形誤。

攻戰多剋捷

歎曰袁德章實骨鯁臣 初陳武帝長女永嗣公主 「永嗣」陳書作「永世」,此避唐諱改。 「歎曰」各本作「答曰」,據陳書改。

戒其子芳華日 「芳華」陳書作「蔓華」。

南史卷二十七

列傳第十七

孔婧 孫琇之 琇之曾孫奐 孔琳之 孫覬 殷景仁 從祖:

孔靖字季恭,會稽山陰人也,名與宋武帝祖諱同, 晉車騎將軍。

故以字稱。

祖愉,

父

誾,散騎常侍。

|李恭始察孝廉,累遷司徒左西掾,未拜,遭母憂。 隆安五年,被起爲山陰令,不就。

宋武帝東征孫恩,屢至會稽,過季恭宅,季恭正晝臥, 有神人衣服非常, 謂曰:「起!天

子在門。」旣而失之,遽出,適見帝,延入結交,執手曰:「卿後當大貴,願以身爲託。」於是曲

意禮接,贍給甚厚。

如待其篡後,於京口圖之,帝亦以爲然。 帝後討孫恩,時桓玄篡形已著,帝欲於山陰建義。 時虞嘯父爲會稽內史,季恭求爲府司馬不得,乃 季恭以山陰路遠,且玄未居極位,不

列

至即 出 詣 叩扉 都。 季恭到任,釐整浮華,翦罰遊惰,由是境內肅清 入郡。 及帝定恒玄,以季恭爲會稽內史,使齎封板拜授,正與季恭遇。 嘯父本爲桓玄所授, 聞玄敗, 開門請罪。 季恭慰勉,使且安所住, 季恭便回舟夜還, 明日乃

常避之。季恭居聽事,竟無害也。遷尚書左僕射,固讓。 校,督課誦習。 累遷吳興太守,加冠軍。〔1〕先是吳興頻喪太守,言項羽神爲十山王,居郡聽事,二千石 十年,復爲右僕射,又讓不拜。 除領軍,加散騎常侍 義熙八年,復爲會稽內史,修飾學

關、洛。 十二年致仕,拜金紫光祿大夫。是歲,武帝北伐,季恭求從,以爲太尉軍諮祭酒。 從平

馬臺,百僚咸賦詩以述其美。及受命,加開府儀同三司,讓累年不受,薨以爲贈。 床臺初建,以爲尙書令,又讓,乃拜侍中、特進、左光祿大夫。辭事東歸,帝親餞之戲

政績修理。 糾,韶原之。 又於永興立墅,周回三十三里,水陸地二百六十五頃,含帶二山,又有果園九處。 子靈符,位丹陽尹,會稽太守,尋加豫章王子尚撫軍長史。 廢帝景和中,犯忤近臣,爲所讒構,遣使鞭殺之。二子湛之、深之於都賜死。[三] 而靈符答對不實,坐免。 尋又復官。 靈符慤實有材幹,不存華飾,每所莅官, 靈符家本豐富,產業甚廣, 爲有司所

明帝卽位,追贈靈符金紫光祿大夫。

冶,有允正法。」韶如深之議,吳免棄市。〔邑 乃人事? 冶。 死, 非此之謂。 母遇赦猶梟首,無詈母致死會赦之科。 已值赦。 江陵駡母,母以自裁,重於傷歐。若同殺科則疑重,用傷毆及詈科則疑輕。 深之大明中爲尚書比部郎。時安陸應城縣人張江陵與妻吳共駡母黃令死,黃忿恨自經 故歐傷呪詛,法所不原,詈之致盡,則理無可宥。 江陵雖遇赦恩,故合梟首。婦本以義,愛非天屬,黃之所恨,情不在吳,原死補 案律,子賊殺傷毆父母梟首,駡詈棄市,謀殺夫之父母亦棄市。 深之議曰:「夫題里逆心而仁者不入,名且惡之,況 罰有從輕,蓋疑失善,求之文旨, 會赦,発刑補 制唯有打

靈符弟靈運位著作郎。靈運子琇之。

及 左戶尙書,廷尉卿。 琇之曰:「十歲便能 知琇之淸,乃歎息。 爲盜,長大何所不爲。」縣中皆震肅。 出爲臨海太守,在任淸約。 出監吳興郡,尋拜太守,政稱清嚴 龍 郡還、獻乾薑二千斤,四齊武帝嫌其少, 遷尙書左丞,又以職 事知 名。 或諫之, 後兼

明帝 輔 政, 防備 諸蕃, 致密旨於上佐,使便宜從事。 隆昌元年,遷琇之晉熙王 冠軍長

列傳

第

+

七

孔

靖

史、江夏內史,行郢州事,欲令殺晉熙。 琇之辭,不許,欲自引決,友人陸閑諫之,琇之不從,

·臻,至太子舍人,尚書三公郎。[吾] 臻子幼孫,[tī] 梁寧遠枝江公主簿、無錫令。

子與。

遂不食而死。

相付。」 執其手曰:「昔伯喈墳素悉與仲宣, 奥字休文, 數歲而孤,爲叔父虔孫所養,好學善屬文。沛國劉顯以博學稱, **〉吾當希彼<u></u>察君,足下無愧|王氏。所保書籍,** 每深相歎 尋以

仕梁爲尚書儀曹侍郎。 時左戶郎沈炯爲飛書所謗、將陷重辟,連官臺閣,人懷憂懼,與

延議理之,竟得明白。

豈有取媚凶醜,以求全乎。」時賊徒剝掠子女,拘逼士庶,煥保持得全者甚衆。 子鑒景之腹心,朝士莫不卑屈,與獨無所下。 侯景陷建鄴,朝士並被拘縶,或薦與於賊率侯子鑒,乃脫桎梏,厚遇之,令掌書記。 或諫與曰:「不宜高抗。」與曰:「吾性命有在,

尋遭母憂。 時天下喪亂,皆不能終三年喪,唯與及吳國張種在寇亂中,守法度,並以

孝聞。

及景平,司徒王僧辯先下辟書,引爲左西掾。 梁元帝於荆州卽位,徵與及沈炯,僧辯累

表請留之。帝手敕報曰:「孔、沈二士,今且借公。」其爲朝廷所重如 此

物强識、甄明故實、問無不知、儀注體式、牋書表翰、皆出於奧。 僧辯爲揚州刺史,又補中從事史。時侯景新平,每事草創,憲章故事,無復存者。

之,一宿之間,得數萬裹。軍人旦食訖,盡棄其餘,因而決戰,大破賊。 運不繼,三軍取給,唯在都下,乃除<u>奧</u>建康令。 武帝剋日決戰,乃令奧多營麥飯,以荷葉裹 陳武帝作相,除司徒左長史,遷給事黃門侍郎。齊遣東方老、蕭軌來寇,四方壅隔,

俸,隨卽分贍孤寡,郡中號曰神君。|曲阿富人|殷綺見與居處儉素,乃餉以衣氊一具。|與曰: 擾,猶爲全實,前後二千石多行侵暴,與清白自守,妻子並不之官,唯以單船臨郡。 「太守身居美祿,何爲不能辦此?但百姓未周,不容獨享溫飽。勞卿厚意,幸勿爲煩。」 武帝受禪,遷太子中庶子。永定三年,除晉陵太守。晉陵自宋、齊以來爲大郡,雖經寇 所得秩

奏,未嘗不稱善,百司滯事,皆付咨決。 陳文帝卽位,徵爲御史中丞。與性剛直,多所糾劾,朝廷甚敬憚之。又達於政體,每所

閣 [衆事,[刊] 並令僕射到仲舉共決。及帝疾篤,與與宣帝及到仲舉幷吏部尚書袁樞、中書舍 遷散騎常侍,領步兵校尉、中書舍人。 重除御史中丞,尋爲五兵尙書。 時文帝不豫,臺

聖德日躋,廢立之事,臣不敢聞。」帝曰:「古之遺直,復見之卿。」乃用與爲太子詹事 法,卿等須遵此意。」與乃流涕歔欷跪而對曰:「陛下御膳違和,痊復非久,皇太子春秋鼎盛, 人劉師知等入侍醫藥。文帝嘗謂奧等曰:「今三方鼎峙,宜須長君,朕欲近則晉成,遠隆殷

帝卽位,爲始興王長史。 與在職淸儉,多所規正,宣帝嘉之,賜米五百斛,幷累降敕書,殷勤 廢帝卽位,除散騎常侍、國子祭酒。出爲南中郎康樂侯長史、尋陽太守,行江州事。

與應接引進,門無停賓。加以識鑒人物,詳練百氏,凡所甄拔,衣冠搢紳莫不悅服。 太建六年,為東部尚書。八年,加侍中。時有事北邊, 剋復淮、泗,封賞敍用,紛紜重

江總 州, 官尙書王廓,代有懿德,識性敦敏,可以居之。」後主時亦在側,乃曰:「廓王泰之子,不可居 那忽望公,且朕兒爲公,須在鄱陽王後。」與曰:「臣之所見,亦如聖旨。」後主時在東宮,欲以 太子文華不少,無藉於總。 累諷有司,固求台鉉。與曰:「袞章本以德舉,未必皇枝。」因抗言於宣帝。帝曰:「始興 非材。」 爲太子詹事,令管記陸瑜言之煥。與曰:「江有潘、陸之華,而無闡、綺之實,輔弼儲貳, 性 |耿介,絕諸請託,雖儲副之尊,公侯之重,溺情相及,終不爲屈。 始興王叔陵之在湘 後主深以爲恨,乃自言於宣帝。 宣帝將許之,與乃奏曰:「江總文華之人,今皇 如臣愚見,願選敦重之才,以居輔導。」帝曰:「誰可?」與曰:「都

太子詹事。」與又曰:「宋朝范曄卽范泰之子,亦爲太子詹事。」後主固爭之,帝以總爲詹事,

由是件旨。

初,後主欲官其私寵,微諷於奧,奧不從。 及左僕射陸繕遷職,宣帝欲用與代繕,已草

韶訖,後主抑遂不行。

十四年,爲散騎常侍、金紫光祿大夫,領前軍將軍。 未行,改領弘範宮衞尉。 至德元年

卒,年七十餘。有集十五卷,彈文四卷。

子紹安、紹薪、紹忠。 紹忠字孝揚,亦有才學,位太子洗馬、鄱陽王東曹掾。

孔琳之字彦琳, 會稽山陰人也。 會祖羣, 晉御史中丞。 祖沈, 丞相掾。 光祿

大夫。

| 琳之强正有志力,少好文義,解音律,能彈棊,妙善草隸。 桓玄輔政爲太尉,以爲西閤

以 通 有用 洪範 之財,旣無毀敗之費,又省難運之苦,此錢所以嗣功龜貝,歷代不廢者也。 八政,以貨次食,豈不以交易之所資,爲用之至要者乎。 故聖王制無用之貨,

列傳第十七.孔琳之

穀帛 用 百姓頓亡其利,

「

是有錢無糧之人,皆坐而飢困,此斷之之弊也。 嚴刑,弗能禁也。是以司馬芝以爲「用錢非徒豐國,亦所以省刑」。 之爲弊,著於自曩。 四十年矣,以不便於人,乃舉朝大議,精才達政之士,莫不以爲宜復用錢。〔私彼尙舍 用錢,足以明穀帛之弊著於已試也。 故鍾繇曰:「巧僞之人,競濕穀以要利, 制薄絹以充資。」魏世制以 今旣用而廢之,則 魏明 帝時,錢廢穀

|玄叉議復肉刑,|琳之以爲

而

爲輕法,可以全其性命,蕃其產育,仁旣濟物,功亦益衆。又今之所患,逋逃爲先,屢叛 [繇、陳羣之意雖小有不同,欲以右趾代棄市。 革古創制,號稱刑厝,然名輕而實重,反更傷人。 法更多,棄市之刑,本斬右趾,

漢文一謬,承而弗革,所以前賢悵恨,議之而未辯。 踊貴之尤,此五帝不相循法,肉刑不可悉復者也。 又不禁邪。 三代風純 唐虞象刑,夏禹立辟,蓋淳薄旣異,致化不同。 而事簡,故罕蹈刑辟,季末俗巧而務殷,故動陷憲網。若三千行於叔世,必有 期于刑罰之中,所以見美於昔,歷代詳論而未獲厥中者也。兵荒已後,罹 若從其言,則所活者衆矣。 故孝景嗣位,輕之以緩,緩而 漢文發仁惻之意,傷自新之路莫由 書曰「世輕世重」,言隨時也。 降死之生,誠 八慢,

不革,宜令逃身靡所,亦以肅戒未犯,永絕惡原。 至於餘條,宜且依

玄好 人附 脱,而 琳之不能順旨,是以不見知 。累遷尚書左丞,揚州 中從事史,所居著績

衆官獻便宜,議者以爲宜修庠序,卹典刑,審官方,明黜陟,舉逸拔才,務農簡調。

|琳之於衆議之外,別建言曰:

時

責

功消 傳 区 異代之爲殊也 至於內外羣官,每遷悉改,討尋其義,私所未達。 璽,歷代遞用,襲封之印,弈世 無 璽,人 一穢,則 煩 實、金銀 夫 璽 印 改作,若新置官,又官多印少,文或零失,自己然後乃鑄,則仰裨天府,非唯 漢 臣 一衆僚之卑,何 用秦璽,延祚 者,所以辨章官爵,立契符信。 鲖 ,若論其名器,雖有公卿之貴,未若帝王之重,若以或有誅夷之臣**,** 炭之費, 嫌於 不可 四百,未聞 郎印? 7稱言, 旧相傳。 以子嬰身戮國亡而 非所以因 載籍未聞其說,推 貴在 近伤舊, 官莫大於皇帝, 循舊貫,易簡 無取 若謂官各異姓, 例自 改作。 棄不佩。 之道。 乖 **爵莫**尊於公侯,而傳國之 其準,2101而 今世唯 帝王公侯之尊,不疑於 與 愚請衆 傳襲不 尉 職 終年 官 ·同,則 獨 卽 小盆 用一印, 用 刻鑄,喪 忌 未若 印, 共

之有 由 凶 门。卒革 門柏裝,不出 必 駭,然苟無關於情,而有愆禮度,存之未有所明,去之未有所失,固當式 禮典,起自末代,積習生常,遂成舊俗, 爱自天子達于庶 人。 誠行

列

傳

叉曰

遵先 單財,所謂「葬之以禮」,其若此乎?謂宜一罷凶門之式。 動十數萬,損人財力,而義無所取。至於寒庶,則人思自竭,雖復室如懸罄,莫不傾產 《典,釐革後謬,况復兼以游費,實爲人患者乎。 凡人士喪儀,多出閭里,每有此須,

揚州 嘉 中。 忤宰相,政當罪止一身。汝必不應從坐,何須勤勤邪。」自是百僚震肅,莫敢犯禁。 武帝甚 (之,行經|蘭臺,親加臨幸。 遷祠部尚書,不事產業,家尤貧素。|景平元年卒,追贈太常。 刺史,琳之弟璩之爲中從事,羨之使璩之解釋琳之,使停寢其事。琳之不許,曰:「我觸 子邈有父風,官至揚州中從事。邈子覬。 永初二年,爲御史中丞,明憲直法,無所屈橈,奏劾尚書令徐羨之虧違憲典。時羨之領 遷尙書吏部郞。義熙十一年,除宋武帝平北、征西長史,遷侍中。 宋臺初建,除宋國侍

後分 孝武 以 實,雖主意欲爲輕重,人心豈可變邪。」旣而常侍之選復卑,選部之貴不異。 **[欲重其選,於是吏部尙書<u>顏</u>竣奏以**覵及司徒左長史<u>王景文應舉。帝不欲威權在下,其</u> 東部尚書置二人以輕其任。侍中蔡興宗謂人曰:「選曹要重,常侍閑淡,改之以名而不 覵字思遠,少骨鯁有風力,以是非爲已任。口吃,好讀書,早知名。歷位中書黃門侍 初,晉安帝時,散騎常侍選望甚重,與侍中不異,其後職任閑散,用人漸輕。」孝建三年,

大 明元年,徙太子中庶子,領翊軍校尉,歷秘書監,廷尉卿,爲御史中丞。 鞭令史,爲有

司所糾,原不問。

陵忽,尤不能曲意權幸,莫不畏而疾之。 居常貧罄,無有豐約,未嘗關懷。爲府長史, 曰:「孔公一月二十九日醉,勝世人二十九日醒也。」|孝武每欲引見,先遣人覘其醉醒 事,不呼前不敢前,不令去不敢去。雖醉日居多,而明曉政事,醒時判決,未嘗有壅。 六年,除安陸王子綏後軍長史、江夏內史。性使酒仗氣,每醉輒彌日不醒,僚類問多所 典籤 咸

性真素,不尙矯飾,遇得實玩,服用不疑,而他物粗敗,終不改易。時吳郡顧覬之亦尙

儉素,衣裘器服皆擇其陋者。 宋世清儉,稱此二人。

之屬。 閱弟<u>道</u>存、從弟徽,頗營產業,二弟請假東還,閱出渚迎之,輜重十餘船,皆是綿絹紙席 **覵見之偽喜,謂曰:「我比乏,得此甚要。」因命置岸側,旣而正色謂曰:「汝輩 华**忝預士

流,何至還東作賈客邪。」命燒盡乃去。

献,潁川隱 並 三吳富 先是,庾徽 人,咸有輕之之意。 陵 人也,後卒於南 之爲御史中丞, 東海太守。 閱蓬首緩帶,風貌淸嚴,皆重跡屛氣,莫敢欺犯。 性豪麗,服玩甚華,覵代之,衣冠器用莫不粗率。 庾徽之字景 蘭臺令史

覬後 爲 司 徒左 長史,道存代覵爲後軍長史、江夏內史。 時東土大旱,都邑米貴,一斗將

列傳

第

+

七

孔琳之

都 辦 日 錢。 《有路糧。郎至彼未幾,那能得此米邪?可載米還彼。」 東曰:「自古以來無有載米上水者, 下米貴,乞於此貨之。」不聽,吏乃載米而去。 道存慮覵甚乏,遣吏載五百斛米餉之。 鼠呼吏謂之曰:「我在彼三載,去官之日,不

熙、晉陵太守袁標一時響應。 從,必有覆滅之禍。 뾖,與長子寶素謀議未判。少子寶先時爲山陰令,馳書報琛,以南師已近,朝廷孤弱,不時順 馳信密報,泰始二年正月,並逃叛東歸。遣書要吳郡太守顧琛,琛以母年篤老,又密邇建 故 佐平四司馬庾業爲右軍司馬、代閱行會稽郡事。時上流反叛,上遣都水使者孔璪入東慰 躁至,說閱以廢帝侈費,倉儲耗盡,都下罄匱,資用已竭,今南北並起,遠近離叛,若擁 永光元年,遷侍中,後爲尋陽王右軍長史、行會稽郡事。 閱前鋒軍已度浙江,踩遂據郡同反。吳興太守王曇生、義興太守劉延 明帝卽位,召爲太子詹事,遣

安否,退還延慶就休若。 與 延熙合。 庾業旣東,明帝卽以代延熙爲義興,以延熙爲巴陵王休若鎭東長史。業至長塘湖,卽 明帝遣建威將軍沈懷明東討,尚書張永係進。巴陵王休若董統東討諸軍。時 諸將帥咸勸退破岡, 休若宣令敢有言退者斬,衆小定。軍主劉亮 懷 明

又繼至,兵力轉集,人情乃安。

扞宗城猶未固,道隆率所領急攻之,俄頃城陷,斬扞宗首。 興、南臺御史王道隆至晉陵視賊形勢,賊帥 直入重栅、衆軍因之,卽皆摧破。 時 '齊高帝率軍 東討, 與張永等於晉陵九里曲結營, 齊高帝與永等乘勝馳擊之,又大破之。 孫曇瓘、程扞宗、陳景遠凡有五 與東軍相持。 劉亮果勁,便刀楯,乃負楯 上遣積射將軍江方 曇瓘因 城,互相 此敗走,孔 連帶 加 進,

生所好。」顧琛、王曇生、袁標等並詣吳喜歸罪,喜皆宥之。 康處分,莫不由身,委罪求活,便是君輩行意耳。」晏乃斬之東閣外。 村人縛以送晏,晏調曰:「此事孔躁所爲,三三無豫卿事,可作首辭, 其夕率千人聲云東討,實趨石瀃。 人,餘皆原宥。 會稽聞西軍稍近,將士多奔亡,覬不能復制。 遇潮涸不得去,衆叛都盡,門生載以小船,竄于山嵴村 上虞令王晏起兵攻郡,覬憂遽不知所爲 東軍主凡七十六人,於陣斬十七 當相爲申上。」覵曰:「江 臨死求酒,曰:「此是平

<u>覵之起兵也,夢行宜陽門道上,顧望皆丘陵。覵寤,私告人曰:「丘陵者弗平,建康其殆</u>

難剋。」

閱弟<u>道</u>存,位黃門吏部郎、南郡太守。[1三]晉安王子勛建僞號, 以爲 侍中,行雍州事,事

列

敗見殺。

|景仁少有大成之量,司徒||王謐見而以女妻之。爲||宋武帝太尉行參軍,歷位中書侍郎。 |殷景仁,陳郡長平人也。曾祖融,晉太常。祖茂之,特進、左光祿大夫。 父道裕,早亡。

景仁不爲文而敏有思致,不談義而深達理,至於國典朝儀,舊章記注,莫不撰錄,識者知其

有當世之志也。

與王華、王曇首、劉湛四人並爲侍中,以風力局幹,冠冕一時,同升之美,近代莫及。元嘉 詔申其請,以爲黃門侍郎,歷左衞將軍。|文|帝卽位,委遇彌厚。俄遷侍中,左衞 三年,車駕征謝晦,司徒王弘入居中書下省,景仁長直,共掌留任。晦平,代到彥之爲中領 嘗建議請百官舉才,以所薦能否黜陟,武帝甚知之。少帝卽位,補侍中,累表辭讓。 如故。 時 優

蹈。晉監二代,朝政之所因,君舉必書,哲王之所慎。體至公者懸爵賞於無私,奉天統者每 二|漢推恩之典。|景仁議以爲「漢氏推恩加爵,于時承|秦之弊,儒術蔑如,懼非盛明所宜軌 文帝所生章太后早亡,上奉太后所生蘇氏甚謹。六年,蘇氏卒,車駕親往臨哭,詔欲遵 軍、侍中如故。

屈情以申制、所以作孚萬國、貽則後昆」。上從之。

陽主第,日也以爲護軍府。密邇宮禁,故其計不行。 景仁對親舊嘆曰:「引之令入,便噬人。」乃稱疾請解,不見許,使停家養病。湛議欲遣人若 怒,義康納湛言,毀景仁於文帝,帝遇之益隆。景仁密陳相王權重,非社稷計,上以爲然。 欲倚宰相之重以傾之。十二年,景仁遷中書令、護軍將軍,僕射如故,尋復加領東部。 湛愈 遇本不踰己,一旦居前,意甚憤憤。知文帝信仗景仁,不可移奪,乃深結司徒彭城王義康, 湛常居外任。 闋,遷尚書僕射。太子詹事劉湛代爲領軍,湛與景仁素善,皆被遇於武帝,俱以宰相許之。 劫盜者於外殺之,以爲文帝雖知,當不能傷至親之愛。上微聞之,徙景仁於西掖門外晉鄱 母憂,葬竟,起爲領軍將軍,固辭。 會王弘、王華、王曇首相係亡,景仁引湛還朝,共參朝政。湛旣入,以景仁位 上使綱紀代拜,遣中書舍人周赳與載詣府。日日服

密,莫有窺其際者。及將收燼之日,景仁便拂拭衣冠。寢疾旣久,左右皆不悟其意。其夜, 上出華林園延賢堂召之,景仁猶稱脚疾,小牀輿以就坐,誅討處分,一皆委之。 景仁臥疾者五年,雖不見上,而密函去來,日中以十數,朝政大小必以問焉。影迹周

性本寬厚,而忽更苛暴,問左右曰:「今年男婚多,女嫁多。」是冬大雪,景仁乘輿出廳事 康爲揚州刺史,僕射、東部如故。遣使者授印綬,主簿代拜畢,便覺疾甚,情理乖

列傳

+

股景仁

觀望, 忽驚曰:「當閣何得有大樹。」旣而曰:「我誤耳。」疾篤, 文帝謂不利在州, 使還住僕射 爲州凡月餘日卒,或云見劉湛爲祟。追贈侍中、司空,諡曰文成公。 大明五年,孝武

行經景仁墓,詔遣致祭。

爲有司所奏。 子道矜,幼而不慧,位太中大夫。道矜子恒,明帝時,位侍中、度支尚書。 韶曰:「道矜生便有病,更無横疾,恒因愚習情,久妨淸序,可除散騎常侍。」 屬父疾積久,

國左長史。元嘉中,位特進、右光祿大夫,領始興王師。卒官,諡曰元子。 淳字<u>粹遠,景仁從祖弟也。祖</u>允,晉太常。 **父**穆,以和謹致稱,自五兵尚書爲宋武帝相

簡寡言,早有淸尙,愛好文義,未嘗違捨。 |元嘉十一年卒,朝廷痛惜之。 在秘書閣撰四部書大目,自己凡四十卷,行於世。

輟筯曰:「何無忌諱。」|学位吏部郎,爲順帝撫軍長史。 子學有父風。嘗與侍中何勗共食,浮羹盡,勗云:「益殷蓴羹。」勗司空無忌子也,字徐

丹陽尹,引為郡丞。袁昂先拜秘書丞,求臻為到省表。臻答曰:「何不見倩拜,而見俦作 子臻字後同,幼有名行,袁粲、褚彦回並賞異之。每造二公之席,輒淸言畢景。王儉爲

表。」遂不爲作。歷位太子洗馬。

盡力。 宮爲劭 |淳弟||沖字|||希遠,位御史中丞,有司直之稱。再遷度支尚書。 所 建鄴平,賜死。 知遇。 砌弑立,以爲司隸校尉。 沖有學義文辭,砌使爲尚書符,罪狀|孝武,亦爲勖 元凶妃卽淳女,而沖在東

沖弟淡字夷遠,亦歷黃門吏部郎,太子中庶子。 大明中,又以文章見知。

矣哉! 近之。 古人。 論 **琇**之貞素之風,不踐無義之地。 琳之二議,深達變通之道。 景仁遠大之情,著於初筮,元嘉之盛,卒致宗臣,言聽計從,於斯爲重,美矣乎。 曰:季恭命偶興王,恩深惟舊,及位致崇寵,而每存謙挹。 閱持身之節,亦日一時之良,而聽言則悖,晚致覆沒,痛 觀夫持滿之戒,足以追蹤

校勘記

- 累遷吳與太守加 冠軍 錢大町廿二史考異。「冠軍下當有將軍 二字。」
- 二子湛之深之於都 賜 死 「深之」朱書作「淵之」,此避唐諱改。

列傳第十七 校勘記

吳発棄市 「免」各本作「可」,據宋書改。按深之議吳當「原死」,詔旣「如深之議」,則不得云「可

棄市」。

獻乾薑二千斤 「二千斤」南齊書作「二十斤」。

五 子臻至太子舍人尚書三公郎 「臻」陳書作「臶」。

>'✓ 臻子幼孫 「幼」陳書作「稚」、此避唐諱改。

臺閣衆事 「衆」各本作「事」、據陳書改。

則百姓頓亡其利 「利」各本作「財」,據通典食貨典、册府元龜四九九改。

へたし 莫不以爲宜復用錢 「爲」字據通典食貨典補。

推例 自乖 其準 「例」各本作「別」,據宋書改。

文或零失 「文」朱書、太平御覽六八三引作「又」。

 $\stackrel{\frown}{=}$ 晏調曰此 事孔璪所爲 「所」各本作「之」、據通鑑改。

覬弟道存位黃門吏部郎南郡太守 「南郡」各本作「南海」,據宋書改。 按宋書臨海王子頊傳,

子頭爲廣州刺史未之鎭,徙荆州刺史,進號前將軍, 孔道存爲其府長史。 則是以長史而領南郡

太守。

遣中書舍人周赳興載詣府 「與」各本作「與」,據宋書改。

CIXJ 在秘書閣撰四部書大目 宋書無「大」字,疑衍文。

南史卷二十八

列傳第十八

褚裕之 弟谈之 玄孫球 裕之兄子湛之 湛之子彦回 彦回子賞 蓁 蓁子

向

向子翔 彦回弟澄 從父弟炤 炫 炫子澐 摆子蒙 蒙子玠

褚裕之字叔度,河南陽翟人,晉太傅康之會孫也。 祖飲、祕書監。父爽、金紫光祿大夫。

恭帝后也。 長兄秀之字長倩,歷大司 秀之雖晉氏姻戚, 馬琅邪王從事中郎,黃門侍郎,宋武帝鎭西長史。 而盡心於武帝。 遷侍中,出補大司馬右司馬。晉恭帝卽位, 秀之妹,晉

爲祠部尙書。宋受命,徙太常。元嘉初,卒於官。

秀之弟淡之字仲原,亦歷顯官,爲宋武帝車騎從事中郎,尚書吏部郎, 廷尉卿, 左衞將

軍。宋受命,爲侍中。

淡之兄弟並盡忠事 武帝,恭帝每生男,輒令方便殺焉, 或誘賂內人, 或密加毒害,前後

列傳第十八 褚裕之

帝 如 將 此 殺 非 之,不欲遣人入內,令淡之兄弟視 __<u>.</u> 及恭帝遜位居秣陵宮,常懼見禍,與褚后共止一室,慮有耽毒,自煮食於前。 后。 褚后出別室相見,兵 人乃踰 垣而入,進藥於恭 海

帝 不肯飲,曰:「佛敎 自殺者不得復人身。」乃以被掩殺之。〔1〕

後 會 **」稽郡缺,朝議欲用蔡廓,武帝曰:「彼自是蔡家佳兒,何關人事。** 可用褚佛。」佛,淡

之小字也。 乃用淡之爲會稽太守。

等攻沒縣邑,三 以告淡之,淡之不信,乃以誣人之罪收縣 景 平元年 ,戶三富陽孫氏聚合門宗謀逆, 更相 樹置,遙以鄮令司馬文宣爲 職局。 其支黨在永興縣潛相影響。 征 於是孫法先自號冠軍 西大將 軍 一,建旗鳴鼓,直攻山陰。 一大將軍 永興令羊恂覺其 ,與孫 道

身率 道納 参軍 前國子 所領 孔甯子、左光祿 淡之自假陵江將 軍 出 過 博 浦 氼 士孔 近 陽 郊。 江 欣、前 大夫孔季恭 邵與行 願等戰 軍,以 員外散騎常侍謝答之並 山陰令陸邵 參軍漏 敗, 子山士並在艱中, 賊 **遂推鋒** 恭期 領 合力,四大敗賊於柯亭。 司 而 馬, 前, 一参軍 加振 去城二十餘里。 皆起爲將軍。 武將軍, 事,召行 参軍 前 員 遺 淡之遣 七十餘人。 外散騎常侍王茂之爲長 淡之尋卒, 諡 隊 主陳願 陸邵 水軍 前 郡 日 鎭 議 質子。 禦 曹掾 西 之,而 諮 虞

軍 諮議參軍,署中兵,加建威將軍。 裕 之名 與武帝同、故行字焉。 初 從征鮮卑,盡其誠力。 爲太宰琅邪王行參軍 一、武帝 盧循攻查浦,叔度力戰有功。 車騎參軍 了, 司 徒 た 西屬,中 循

縣男。 積, 景平二年,卒。 軍、相國右司馬。 南走,武帝板行廣州刺史,加督,建威將軍,領平越中郎將。 坐発官, 尋加散騎常侍。永初三年,四出爲雍州刺史,領寧蠻校尉。 禁錮終身。 武帝受命,爲右衞將軍。 還至都,凡諸親舊及一面之款,無不厚加贈遺。 武帝以其名家,而能竭盡 在任四年,廣營貲貨,資財豐 在任三年,以清簡致稱。 心力,甚嘉之,封番禺 尋除太尉諮議

主,GD 位太宰參軍,亦早卒。 曖子績位太子舍人,亦尙宋公主。 子恬之嗣。 恬之弟寂之,著作佐郎,早卒。 寂之子曖尚宋文帝第六女琅邪貞長公

故吏何昌寓、王思遠聞球清立,以此女妻之。 續子球字仲寶,少孤貧,篤志好學,有才思。 宋建平王景素,元徽中誅滅,唯有一 一女存,

騎常侍,光祿大夫,加給事中。 著作,司徒右長史,常侍、著作如故。 **仕齊爲溧陽令,在縣淸白,資公奉而已。** 自魏孫禮、晉荀組以後,台佐加貂,始自球也。 **仕梁歷都官尚書**, 通直散騎常侍,秘書監,領 後為散

湛之字休玄,秀之子也。 列 傅 第 + 八 褚 裕 之 尚宋武帝第七女始安哀公主,拜駙馬都尉、 著作佐郎。

陽尹。 幹,故爲文帝所知。 主薨,復尙武帝第五女吳郡宣公主。 歷顯位,爲太子中庶子,司徒左長史,侍中,左衞將軍,左戶尚書,丹 諸尙主者,並因世胄,不必皆有才能。 湛之謹實有意

湛之率水師俱進,湛之因攜二息彥回、澄,登輕舟南奔。 位,以爲尙書右僕射。 大明四年卒,諡敬侯。子彦回。 元凶弑逆,以爲吏部尚書,復出爲丹陽尹,統石頭戍事。孝武入伐,劭自攻新亭壘,使 孝建元年,爲中書令、丹陽尹。 後拜尚書左僕射,以南奔賜爵都鄉 **彦回始生一男,爲砌所殺。孝武卽**

後貴乃歸罪,待之如初。 也。 湛之有一牛,至所愛,無故墮聽事前井,湛之率左右躬自營救之,郡中喧擾,彥回下簾不視 其子弟並著芒屩,於齋前習行。 或譏之,湛之曰:「安不忘危也。」 彥回時年十餘,甚有慚色。 又有門生盜其衣,彥回遇見,謂曰:「可密藏之,勿使人見。」此門生慚而去,不敢復還, <u>彦回幼有淸譽。[4] 宋元嘉末,魏軍逼瓜步,百姓咸負擔而立。時父湛之爲丹陽尹,使</u>

與弟澄、唯取書數千卷。湛之有兩厨寶物,在彥回所生郭氏間,嫡母吳郡主求之,云郭欲 尚宋文帝女南郡獻公主,拜駙馬都尉,除著作佐郎,累遷秘書丞。湛之卒,彦回悉推財

不與,彥回曰:「但令彥回在,何患無物。」猶不許, 彥回流涕固請, 乃從之。 襲爵都鄉侯,歷

位尚書東部郞。

意。]彥回曰:「回雖不敏,〔己何敢首爲亂階。」 之,備見逼迫,彥回整身而立,從夕至曉,不爲移志。 景和中,山陰公主淫恣,窺見彦回悅之,以白帝。 公主謂曰:「君鬚髯如戟, 帝召彦回西上閤宿十日, 公主夜就 何無丈夫

去。。彥回敍其事,而不言其名,時人莫之知也。 「人無知者。」彥回曰:「卿自應得官,無假此物。 宋明帝卽位,累遷吏部尚書。有人求官,密袖中將一 若必見與,不得不相啓。」此人大懼,收金而 **餅金,因求請間,出金示之,曰**

帝之在蕃,與彥回以風素相善,至是深相委仗,陳事皆見從。 改封雩都伯、歷侍中、領

尚書,右衞將軍。(10)

曰:「以無累之神,合有道之器,宮商暫離,不可得已。」 夕,風月甚美,彥回援琴奏別鵠之曲,宮商旣調,風神諧暢。三彧、謝莊並在燦坐,撫節而歎 明帝嘗嘆曰:「褚彦回能遲行緩步,便得宰相矣。」時人以方何平叔。嘗聚袁粲舍,初秋涼 **彦回美儀貌,善容止,俯仰進退,咸有風則。** 每朝會, 百僚遠國使, 莫不延首目送之。

時億人常珍奇與薛安都為逆、降叛非一。後又求降、明帝加以重位。彦回謂全其首領

於事已弘,不足大加寵異。帝不從。珍奇尋又叛。

爲 彦 情宗向 日 東部 回 吾近危篤,故召卿,欲使著黃羅欏。」指牀頭大函曰:「文書皆函內置,此函 亦悲不自勝。 彦 尚書, 衞尉卿, 尚書右僕射。 回 ,帝與彥回謀誅之,彥回以爲不可。 後爲吳興太守,自己帝寢疾危殆,馳使召之,欲託後事。 黄羅羅,乳母服也。 以母老疾,晨昏須養,辭衞尉,不許。 帝雖小間,猶懷身後慮。 帝怒曰:「卿癡不足與議事。 建安王休仁,人才令美,物 及至召入,帝坐帳中流涕 」彦回懼而奉旨。 不得 復開。 復

彦回 而 意 在彦回。 不能禁也。 明 帝 崩,遺詔以爲中書令、護軍將軍,與尚書令袁粲受顧命, **彥回同心理事,務弘儉約,** 百姓賴之。 旣而王道隆、阮佃夫用事,姦賂公行, 輔幼主。 **| 桑等雖同見託**

畢, 起為中軍將 遭所 生喪、毁頓不復可識、朞年不盥櫛、唯泣淚處乃見其本質焉。 軍,本官如故。 詔斷哭,禁弔客。

別,彦回 從弟炤同 元徽 叉語 載, 二年,桂陽王休範反,彥回 人曰:「此人才貌非常,將來不可測也。」 道逢齊高帝, 彦回舉手指高帝車謂炤曰:「此非常人 與衞將軍袁粲入衞宮省,鎭集衆 及顧命之際,引高帝 也。」出 ì 彦回初 豫焉。 爲吳興,高帝餉 爲丹陽,與 物

高帝旣平桂陽,遷中領軍,領南兗州,自己高帝固讓, 與意回及衛軍袁粲書陳情,意回、

粲答書不從,高帝乃受命。其年加彦回尚書令、侍中,給班劍二十人,固讓令。

服闋,改授中書監,侍中、護軍如故,給鼓吹一部。

彦回時雖貴,而貧薄過甚,門生有獻計賣之,云可得十萬錢。

彦回變色曰:「我謂此是食物,
 非曰財貨,且不知堪賣錢,聊爾受之。雖復儉乏,寧可賣餉取錢也。」悉與親游噉之,少日 時准北屬,江南無復鰒魚,或有間關得至者,一枚直數千錢。人有餉彥回鰒魚三十枚,

明 《年,嫡母吳郡公主薨,毀瘠骨立。 葬畢,詔攝職,固辭,又以朞祭禮及,表解職,並

辭。」事乃定。順帝立,改號衞將軍、開府儀同三司,侍中如故,甲仗五十人入殿。 彥節旣不 受任,彥回曰:「非蕭公無以了此。」手取事授高帝。 高帝曰:「相與不肯,我安得 非季世所行,縱使功成,亦終無全地。」意回默然,歸心高帝。及廢蒼梧,羣公集議,袁粲、劉 蒼梧暴虐稍甚,齊高帝與彥回及袁粲言世事,粲曰:「主上幼年,微過易改,伊、霍之事

之腹則可矣。」然竟不能貞固。 曰:「國家所倚,唯公與劉丹陽及燦耳,願各自勉,無使竹帛所笑。」 彦回曰:「願以鄙心寄公 及袁粲懷貳,曰:「褚公眼睛多白,所謂白虹貫日,亡宋者終此人也。」他日,粲謂彥回

列傳第十八 褚裕之

及高帝輔政,王儉議加黃鉞,任遐曰:「此大事,應報褚公。」帝曰:「褚脫不與, 卵將何

計。」遐曰:「彦回保妻子,愛性命,非有奇才異節,遐能制之。」果無違異

及沈攸之事起,高帝召彦回謀議,彦回曰:「西夏釁難,事必無成,公當先備其內耳。」高

帝密爲其備。事平,進中書監、司空。

固讓。 事 年,進位司徒,侍中、中書監如故,改封南康郡公。 例。 齊臺建,彥回白高帝,引何曾自魏司徒爲晉丞相,求爲齊官。 儉 以非所宜言,勸彦回受命。終不就。 尋加尚書令。 彥回讓司徒,乃與僕射王儉書,欲依<u>蔡</u>謨 二年,重申前命爲司徒,又 高帝謙而不許。 建元元

|魏軍動,||高帝欲發王公以下無官者從軍,||彥回諫以爲無益實用,空致擾動,上乃 三年七月,帝親嘗酎,盛暑欲夜出,彥回與左僕射王儉諫,以爲「自漢宣帝以來,不夜入 此

廟,所以誠非常。

。人君之重,所宜克愼」。從之。

顏。 |宋時公卿,亦當不言我應得天子。」|王儉等未及答,|彥|||斂板曰:「陛下不得言臣不早識龍 上笑曰:「吾有愧文叔,知公爲朱祐久矣。」「己 時朝廷機事,彥回多與議謀,每見從納,禮遇甚重。 上大宴集,酒後謂朝臣曰:「卿等並

彦回善彈琵琶,齊武帝在東宮宴集,賜以金鏤柄銀柱琵琶。性和雅,有器度,不妄舉

動。 百姓 語 宅嘗失火、煙爓甚逼、左右驚擾、彥回神色怡然、索輿徐去。 日 一一可憐石頭城,寧爲袁粲死,不作彦回生。」 然世頗以名節譏之,于 時

第二,策而 情,不容均之凡僚,宜有策書,用申隆寄。 十人,五日 以爲「見居本官,別拜錄,應有策書,而舊事不載。 三,拜必有策。 高帝崩,遺詔以爲錄尙書事。 朝。 不優。 錄尙書品秩不見, 優者褒美,策者兼明委寄。 而總任彌 江左以來,無單拜錄者,有司疑立優策。 旣異王侯,不假優文」。從之。尋增彦回 重,前代多與本官同拜,故不別 尚書職居天官,政化之本,故尚書令品 中朝以來,三公王侯, 則優策並設,官品 尚書令王儉議 有策。 班劍爲二 卽 雖第 事 緣

軍,侍中、錄尚書事 便 寝疾。 頃之寢 而 疾。 太白熒惑相係犯 |彦 如故。 少時嘗篤病,夢人以卜蓍一具與之,遂差其一,至是年四十八矣,歲初 薨年四十八,家無餘財,負責數十萬,詔給東園 上將, 彦回慮不起, 表遜位。 武帝不許,乃改授司空、 祕 器 驃騎將

依 授,府應上服 見君之禮,陳留迎吏依『娶女有吉日,齎衰弔』。 今掾屬雖未服 時司 空掾屬以彦回未拜,疑應爲 以不? 動,而吏節 儉又議:「依 稟於 中朝 天 七孫 朝, 吏敬以不? 宜申禮敬。」司徒府史又以 德祖從樂陵遷爲 王儉議:「依禮,婦在塗,聞 司徒府宜依居官制服。」又詔贈太宰,侍 陳留,未入境, 彦回 旣 卒、[四樂陵郡 解 夫家 職 喪,改服 而 未 恭 吏 後 而

列

燧暫啓,宜贈南康郡公夫人。

三公,轜車未有定格,王儉議官品第一,皆加幢絡,自彥回始也。 中、錄尚書、公如故,增班劍爲六十人,葬送禮悉依宋太保王弘故事,諡曰文簡。 又韶彦回妻宋故巴西主処 先是庶姓

不才,未達余趣,移尸徙殯,失吾素心,更以此爲恨耳。」永明七年卒。 閣不可開,以杵槌破,進見實曰:「事之不可得者身也,身之不可全者名也,名與身俱滅者君 也,豈不全之哉!」賁曰:「吾少無人間心,豈身名之可慕。但願啓手歸全,必在舊隴。兒輩 大怒,不肯復飲食,內外閣悉釘塞之,不與人相聞,數日裁餘氣息。 謝瀟聞其弊,往候之,排 用,以繫門外柱,入哭盡哀而退,家人不知也。 會疾篤,其子<u>露</u>載以歸。疾小間,知非故處, 書。常謝病在外,上以此望之,遂諷令辭爵,讓與弟蓁,仍居墓下。 及王儉薨,乃騎水牛出 位侍中。。彦回薨,服闋,見武帝,賁流涕不自勝。上甚嘉之,以爲侍中、領步兵校尉、左戶尙 長子實字蔚先,少耿介。父背袁粲等附高帝,實深執不同,終身愧恨之,有棲退之志。

建武末,秦位太子詹事、度支尚書,領前軍將軍。永元元年卒,贈太常,諡穆子。[18] | **蓁字茂緒,位義興太守。 八年,改封巴東郡公。[三明年,表讓封還賁子麡,詔許之。**

量,位長兼侍中。 | **蓁子向字景政,年數歲,父母相繼亡沒,哀毁若成人,[19]親表異之。及長,淹雅有器** 向風儀端麗,眉目如畫,每公庭就列,爲衆所瞻望焉。 仕梁,卒於北中郎

廬陵王長史。子翔。

友、文學加正王二等,自己翔超爲之,時論美焉。 與王訓爲二十韻詩,限三刻成。翔於坐立奏,帝異焉,卽日補宣城王文學,俄遷友。時宣城 翔字世舉,起家秘書郎,累遷宣城王主簿。中大通五年,梁武帝宴羣臣樂游苑,別詔翔

郡,忽更生枝葉,咸以爲善政所感。以秩滿,吏人詣闕請之,敕許焉。尋徵爲吏部郎,去郡, 百姓無老少追送出境,涕泣拜辭。 出爲義興太守,在政潔己,省繁苛,去游費,百姓安之。郡西亭有古樹,積年枯死,翔至 翔居小選公清,不爲請屬易意,號爲平允。遷侍中。

福,中夜忽見戶外有異光,又聞空中彈指。及旦,疾遂愈,咸以爲精誠所致云。 太清二年,守吏部尚書,丁母憂,以毁卒。翔少有孝行,爲侍中時,母病篤,請沙門祈

澄字彦道, 彦回弟也。 初湛之尙始安公主,薨,納側室郭氏,生彥回。後尙吳郡主,生

列傳第十八

褚

之

彦回 事主孝謹,主愛之。 湛之亡,主表彥回爲嫡。 澄尚宋文帝女廬江公主,拜駙馬都

尉。歷官淸顯,善醫術。

取 行 疾,至今五年,衆醫不差。」澄爲診脈,謂曰:「汝病非冷非熱,當是食白瀹雞子過多所致。」令 王 走。 國病,高帝召澄爲療,立愈。 蘇 建元中,爲吳郡太守,百姓李道念以公事到郡,澄見謂曰:「汝有重疾。」答曰:「舊有冷 升煮服之。ここ始一服,乃吐出 **隥曰:「此未盡。」更服所餘藥,又吐得如向者雞十三頭,而病都差,當時稱妙。** 尋遷左戶尙書。 一物,如升,涎裹之動,開看是雞雛,羽翅爪距具足,能 豫章

領右 介幘犀導及彥回常所乘黃牛。 軍將軍 彦 回 · 薨,澄以錢一萬一千就招提寺贖高帝所賜彦回白貂坐褥,壞作裘及櫻, ,以勤 謹 見知。 澄女爲東昏皇后。 永明元年,爲御史中丞袁彖所奏,免官禁錮,見原。 永元元年卒,追贈金紫光祿大夫。 又贖彦回 遷侍中,

炤字彦宣,彦回從父弟也。父法顯,鄱陽太守。

炤 少 有 高 節 ,王儉嘗稱才堪保傅。 爲安成郡還,CIIOJ以一目眇,召爲 國子博士,不 拜。

齊大司馬門。」炤正色曰:「不知汝家司空將一家物與一家,亦復何謂。」彥回拜司徒,賓客滿 常 非彦回 身事二代。 彦回子賞往問 .訊炤,炤問曰:「司空今日 何在。」費日:「奉璽紱,在

坐、炤歎曰:「彦回少立名行,何意披猖至此!門戶不幸,乃復有今日之拜。 郎而死,不當是一名士邪。名德不昌,遂有期頤之壽。」 使彦回作中書

彦回性好戲,以軺車給之,炤大怒曰:「著此辱門戶,那可令人見。」索火燒之,馭人奔車

乃免。炤弟炫。

| 炫字彥緒,少淸簡,爲從舅王景文所知。 從兄彥回謂人曰:「從弟廉勝獨立,乃十倍

於我。」

游豫,回回羣情便可載驩。」帝意解,乃於雉場置酒。遷中書侍郎、司徒右長史。 行可笑。」坐者莫答,炫獨曰:「今節候雖適,而雲霧尙凝,故斯暈之禽,驕心未警。 但得神駕 爲正員郎。從宋明帝射雉,帝至日中無所得,甚猜羞,召問侍臣曰:「吾旦來如臯,遂空

侍 中,領步兵校尉。以家貧, 昇明初,炫以清尙,與彭城劉俁、陳郡謝朏、濟陽江斅入殿侍文義,號爲四友。 建元初,出補東陽太守。前後三爲侍中,與從兄彥回操行 齊臺建,

不同,故彦回之世,不至大官。

蕭 永明元年,爲吏部尚書。 賓客罕至。 出行、左右常捧一黃紙帽箱、風吹紙剝殆盡。罷江夏郡還、得錢十七萬、 炫居身清立,非弔問不雜交游,論者以爲美。及在選部,門庭

或 於石頭幷分與親族。病無以市藥,以冠劍爲質。 學建,以本官領博士。未拜卒,無以殯斂,時年四十一。贈太常,諡貞子。子澐。 表自陳解, 改授散騎常侍, 領安成王師

尉屬,延陵令,中書侍郎,太子率更令,御史中丞,湘東王府諮議參軍。 澐字士洋。 **仕梁爲曲阿令。** 歷晉安王中錄事,正員郎,鳥程令。 兄游亡,棄縣還,爲太

之爲縣令,淸愼可紀。 好學,解音律,重賓客,雅爲湘東王所親愛。

澐子蒙位太子舍人。蒙子)。

及長,美風儀,善占對,博學能屬文,詞義典實,不尙淫靡。曰曰 玠 字溫理,九歲而孤,爲叔父驃騎從事中郞隨所養。 早有令譽,先達多以才器許之。

陳天嘉中,兼通直散騎常侍聘齊,還遷中書侍郞。

無良 帝手敕慰勞,幷遣使助玠搜括,所出軍人八百餘戶。三三時舍人曹義達爲宣帝所寵,縣人陳 人 張次 (宰,卿文士之內,試思其人。」]景歷進)所,帝曰 太 的、 建 中,山陰縣多豪猾,前後令皆以贓汚免,宣帝謂中書舍人蔡景歷曰:「稽陰大邑,久 王休達等與諸猾吏賄賂通姦,全丁大戶類多隱沒。 :「甚善,卿言與朕意同。」 乃除 **玠鎖次的等**, 具狀啓 山陰 令。 宣 縣

以自給。 信家富,的事義達,信父顯文恃勢橫暴。玠乃遣使執顯文,鞭之一百,於是吏人股慄。 不能自潤脂膏,則如來命,以爲不達從政,吾未服也。」時人以爲信然。 因義達譖母,竟坐免官。」好在任歲餘,守祿俸而已,去官之日,不堪自致,因留縣境種蔬菜 或以所非百里才,断曰:「吾委輸課最,不後列城,除殘去暴,姦吏局蹐。 皇太子知玠無還裝, 若謂其 信後

手書賜粟米二百斛,於是還都。

銘,以表惟舊。至德二年,贈祕書監。 射之、、截發皆中口入腹、俄而獸斃。及爲御史中丞、甚有直繩之稱。卒於官、皇太子親製誌 子愿。位尚書殿中侍郎。 後累遷御史中丞。 **玠剛毅有膽決,善騎射。** 所製章奏雜文二百餘篇,皆切事理,由是見重於世。 嘗從司空侯安都於徐州出獵,遇猛獸,**玠**

平諒 以 直,文武兼資,可謂世業無隕者矣。 叫出 人望見推,亦以人望而責也。、炤貞勁之性,炫廉勝之風,求之古人,亦何以加此。 曰:褚氏自至江左,人焉不墜。 彦回以此世資,時譽早集,及於逢迎興運,謗議 阶公

校勘記

- [1] 乃以被掩殺之 「殺」字各本並脫,據宋書補。
- 景平元年 「元年」各本作「二年」。按宋書少帝紀繫富陽孫氏舉兵事在景平元年二月,此作「二

年」譌,今據改。

於是孫法先自號冠軍大將軍與孫道慶等攻沒縣邑 「法先」朱書作「法亮」,而於少帝紀又作「法

光」,册府元龜六九三同。

[B] 邵與行參軍漏恭期 「漏」宋書作「灟」。

五 永初三年 「三年」各本作「四年」。 按下云「在任三年」。自永初三年(四二二)至景平二年(四

二四)卒,適爲三年,據宋書改。

ハベン 寂之子曖尙宋文帝第六女琅邪貞長公主 「貞」各本作「眞」,據宋魯改。

彦回幼有淸譽 **彦回本名淵,南齊書有傳,此避唐諱以字行。**

嫡母吳郡 主求 之 「郡主」各本作「縣主」。 張森楷南史校勘記:「宋書褚湛之傅作『吳郡宣公

注』,則非縣也。」按下云「嫡母吳郡公主薨」,今據改。

ۍر ′ــا 者(但爲詩文則無此限,故何點爲贊云:「回旣世族。」)此用書傳現成語(見論語顏淵篇),一語 回雖不 魰 「回」通志改「淵」;王懋竑讀書記疑:「回疑本字淵。」 按古人雙名無單舉一 字以爲 稱

歷侍中領尚書右衞將軍 錢大昕廿二史考異一按彦回在明帝時嘗爲 吏部尚書及右僕射, 此云

『領尚書』,則當時無此官也。」按南齊書作「轉侍中,領右衞將軍」。 當從之。

及王儉碑文俱無守吳郡事、蓋傳寫之譌。下文亦有『出爲吳興』之語。」今從改。 彦回後爲吳與太守 「吳興」各本作「吳郡」。 錢大昕廿二史考異:「吳郡當作吳興,南齊書本傳

遷中領軍領南兗州 下「領」字各本並脫,據南齊書補。

安帝諱。」宋劉攽東漢書刊誤:「案注引東觀記安帝諱,則此人當名祜。」祜譌爲祐,沿誤已久,不 知公爲朱祜久矣 「朱祐」南齊書作「朱祜」。 按後漢書 朱祐傳李賢注引東觀記曰:「祐作福。 避

未入境卒 「卒」字各本並脱,據册府元龜五七七補

知所自始。

改封巴東郡公 至是以南康爲王國,而改秦爲巴東公,見齊武帝諸子傳。此云『郡侯』恐誤。」按本書南康王子 「郡公」各本作「郡侯」。錢大昕廿二史考異:「彦回本封南康郡公,蓁初襲父爵,

琳傳「改封南康公褚蓁爲巴東公」,今據改。

贈太常諡穆子 「贈」字各本並脫,據南齊書補。

哀毁若成人 + 八 「哀」字據通志補。 校 勘 記

列

傅 第

- [I<] 時宣城友文學加正王二等 「正王」梁書作「它王」。
- [14] 令取蘇一升煮服之 「蘇」太平御覽七二三引南齊書、七三八引南史並作「蒜」,通志同。疑作

「恭」是。

[10] 爲安成郡還 「安成」各本作「成安」,據通鑑乙正。

但得神駕游豫 「游豫」各本作「猶豫」。按此本孟子「一游一豫」語、「猶」字譌,據南齊書改。

〔三〕詞義典實不尙淫靡 「詞義」各本作「訓義」,據陳書改。

至 所出軍人八百餘戶 「軍人」陳書作「軍民」、此避唐諱改。

南史卷二十九

列傳第十九

葵郭 子興宗 孫約 約弟撙 曾孫凝

|廓博涉羣書,言行以禮,起家著作佐郎。 後爲|宋武帝太尉參軍、中書黃門郎,以方鯁閑 |蔡廓字子度,||濟陽||考城人,||晉司徒||謨之曾孫也。祖||系,撫軍長史。父||綝,司徒左西屬。

素,爲武帝所知。載遷太尉從事中郎,未拜,遭母憂。 |宋臺建,爲侍中,建議以爲「鞫獄不宜令子孫下辭,明言父祖之罪。 虧敎傷情,莫此爲 性至孝,三年不櫛沐,殆不勝喪。

自今但令家人與囚相見,無乞鞫之訴,便足以明伏罪,不須責家人下辭」。朝議從之。

多所 世子左衞率謝靈運輒殺人,御史中丞王准之坐不糾免官。 糾奏,百僚震肅。 時中書令傅亮任寄隆重,學冠當時,朝廷儀典,皆取定於亮。 武帝以廓剛直,補 御史中 亮

列傳第十九 蔡廓

毎事

諮摩

然後行,亮意若有不同,廓終不爲屈。

遷司徒左長史,出爲豫章太守。

部尚 異。」 錄 廓 尙 書連名,故廓言署紙尾也。 徵 書徐羨之,羨之曰:「黃門郞以下悉以委齾,吾徒不復厝懷,自此以上, 爲 …「我不能爲徐干木署紙尾。」遂不拜。 干木,羨之小字也。 吏部 尚書。 廓因北地傅隆問亮:「選事若悉以見付,不論;不然,不能 羡之亦以廓正直,不欲使居權要,徙爲祠部尚書。 選案黃紙、錄尚書與 故宜 拜也。」亮以 共 參 同

詣 邪。」時院已與羨之議害少帝,乃馳信止之,信至已不及。 轉背便賣 別 文帝入奉大統,尚書令傅亮率百官奉迎,廓亦俱行。 |廓謂曰:「營陽在吳,宜厚加供奉。一旦不幸,卿諸 (惡於 人。」 人有殺主之名,欲立於世, 至尋陽,遇疾 不堪前,亮將進路, 將可得

以 社 .稷,廢昏立明,義無不可,但殺人二昆,而以之北面,挾震主之威,據上流之重, 及 文帝卽位,謝晦將之荆州,與廓別,屛人問曰:「吾其免乎。」廓曰:「卿受先帝顧命,任 以古推

今,

角発/

爲難

也。

服 武帝常云:「羊徽、蔡廓、可平世三公。」少子興宗。 諮 而 廓答 後行, 廓 年位並輕,而爲時流所推重,每至歲時,皆束帶詣門。[1]奉兄輒如父,家事大小,皆 書日 公祿賞 :「知須夏服 賜 一皆 ,計給事自 入軌,有所資須,悉就典者請焉。 應相供,無容別寄。」時人爲給事中。 從武帝在彭城,妻郗氏 元嘉二年,廓卒。 書求夏

興宗字興宗,幼爲父廓所重,謂有己風。 與親故書曰:「小兒四歲、神氣似可,不入非類

室,不與小人游。」故以興宗爲之名,以興宗爲之字。

也。 那還,送錢五十萬 母悅而從焉。 少好學,以業尙素立見稱,爲中書侍郎。 年十歲喪父,哀毀有異凡童。 以裨宅直。 **、、顺深有愧色,謂其子淡曰:「我年六十,行事不及十歲小兒。」尋又喪母。** 興宗年十一,白母曰:「一家由 **鄭罷豫章郡還,起二宅,先成東宅以與兄軌。** 中書令建平王宏、侍中王僧綽並與之厚善。元 來豐儉必共, 今日宅直 軌罷 不宜受 長沙

凶弑立,僧綽被誅,凶威方盛,親故莫敢往,興宗獨臨哭盡哀。 孝武踐作,累遷尙書吏部郎。四時尚書何偃疾患, 上謂興宗曰:「卿詳練淸濁,今以選

事

相

付,便可開門當之,無所讓也。」

雉,興宗正色曰:「今致虔園陵,情敬兼 歲。」帝不 陪輦,帝顧 是失旨。 後拜侍中,每正言得失,無所顧憚。 悅 竟陵王誕據廣陵爲逆,事平, 曰:「卿獨不叫。」興宗從容正色答曰:「陛下今日政應涕泣行誅,豈得軍中皆稱萬 重,從禽猶有餘日,請待他辰。」上大怒,遣令下車,由 孝武輿駕出宣陽門,敕左右文武 孝武新年拜陵,興宗負璽陪乘。 叫稱萬歲。 及還,上欲因以射 興宗時

還 豫章舊墓。 奉旨慰勞廣陵,州別駕范義與興宗素善,〔三在城內同誅。興宗至,躬自收殯,致喪 上聞謂曰:「卿何敢故爾觸網。」興宗抗言答曰:「陛下自殺賊,臣自葬周旋,旣

犯 |嚴制,政當甘於斧鉞耳。」帝有慚色。又廬陵內史周朗以正言得罪,鎖付寧州,親戚故人

無敢瞻送,四興宗時在直,請急,詣期別。 上知尤怒。 坐屬疾多日,白衣領 臧

繁廷 隱。 尉。 况人亡事遠,追相誣訐,斷以禮律,義不合關。」 [三]見從。 後 爲 廷尉卿,有解士先者告申坦昔與丞相義宣同謀。時坦已死,子令孫作山陽郡,自 興宗議曰:「若坦昔爲戎首,身今尚存,累經肆眚,猶應蒙宥。 **令孫天屬**,理相爲

召。 常発昵戲, 下 咸 加 每至官賭,常在勝朋。[於]蔡尚書今日可謂能負荷矣。」[刊] 出 穢 爲東陽太守,後爲左戶尚書,轉掌吏部。 一辱,唯興宗以方直見憚,不被侵媒。 去人實遠。」耽之曰:「廢豫章昔在相府,亦以方嚴不狎,」武帝宴私之日,未嘗相 尚書僕射<u>顏師伯謂儀曹郎王耽之曰:「</u>蔡尚 時上方盛淫宴,虐侮羣臣,自江夏王義恭以 書

日 復安用 大 明末, 此。 前廢帝即位,興宗告太宰江夏王義恭應須策文。 」興宗曰:「累朝故事,莫不皆然。近永初之末,營陽王卽位,亦有文策,〔<〕今 |義恭曰:「建立儲副,本爲今

在 同書,可 '檢視 也。」不從。

時養恭錄尙書,受遺輔政,阿衡幼主,而引身避事,政歸近習。

越騎校尉戴法興、中書

登 舍 藖 人巢尚 進 土 之專制朝權,威行近遠。 之意,又箴規得失,博論朝政。 興宗職管九流,銓衡所寄,每至上朝,輒與令錄以下陳欲 義恭素性惟撓,阿順法興,恒慮失旨,每聞興宗言,

輒戰懼無計。

然謂 伯 遠 極 而 殿 不 能 南 先是, 顏 凡 北 用 師 諸 伯 馳道之屬皆被毀壞,自孝建以來至大明末, 大明 制 曰:「先帝雖非盛德,要以道始終。三年無改,古典所貴。 度 世奢侈無度,多所造立,賦調煩嚴,徵役過苦,至是發詔悉皆削除。 (興造,不論是非,一皆刊削,雖復禪代,亦不至爾,天下有識當以此窺 凡諸制度,無或存者。 **今殯宮始撤** 興宗於都 《人。」師 山陵未 由此紫 坐慨

宗 等遷 越 過 興宗先 授 微 授 者, 人,本 興 諒 失序, 宗 選 率 殷 闇 安都 毎 衞 恒 宜 奏選事,法興、尚之等輒點定回換,僅有存者。 不親萬 裁 相 興宗又欲 便 爲左 應侍 去,幾 抑 機、選 令名 衞 中,那 何之間 將 改爲美選。 器 軍,常: 舉 得 不 密 輕,〔五〕 爲黃門而已。」興宗又曰:「中庶、侍中, 且 侍 事 ·)多被删改,非復公筆迹, 如故 已 時薛安都爲散騎常侍、征虜將 失征虜,非乃 宜有 一般恒為黃門,領校。太宰嫌 選序,謹 超越,復奪常侍,則 依 選體, 非 不知是何 私 興宗於朝 安都。」 安都 軍,太子率 天子 相 頓 義恭 爲多, 堂謂 去實遠 爲 降 意。」王景文、 日二 貶。 欲 殷 義恭及師伯曰: 恒 單 若謂 且 若宮官宜 爲 爲 安都作率 左 中 安都 衞 庶 謝莊 晚 加 興

列

俳

第

+

九

蔡

廓

猷。 停行。 **妣爲妾**, 守,固辭,又轉南東海太守,又不拜,苦求益州。 徙,論者並言由師伯,師伯甚病之。」法興等旣不欲以徙大臣爲名,師伯又欲止息物議,由此 詳議,義恭因使尚書令柳元景奏興宗及尚書袁愍孫私相許與,自相選署,亂羣害政,混穢大 後署案。 -年 ,殷恒中庶百日,今又領校,不爲少也。」使選令史顏禕之、薛慶先等往復 於是除興宗新昌太守,郡屬交州。[10]朝廷喧然,莫不嗟駭。先是,興宗納何后寺尼 姿貌甚美。迎車已去,而師伯密遣人誘之,潛往載取,<u>興宗迎人不得。及興宗被</u> 旣而中旨以安都爲右衞,加給事中,由是大忤義恭及法興等。出興宗爲吳郡太 義恭於是大怒,上表言興宗之失。 公論執, 韶付外 義恭然

若 乎。 守, 危 江陵咫尺,水陸通便。 勢,人情所見,在內大臣,朝夕難保。 懼 行荆州事,不行。時前廢帝凶暴,興宗外甥袁顗爲雍州刺史,固勸興宗行,曰:「朝廷形 !``衣冠咸欲遠徙``後皆流離外難、百不一存。 難 興宗曰:「吾素門平進,與主上甚疎,未容有患。 頃之,法興見殺,尚之被繫,義恭、師伯並誅,復起興宗爲臨海王子頭前軍長史、南郡太 得弭,外釁未必可量。汝欲在外求全,我欲居內免禍,各行所見,不亦善乎。」時士庶 若一朝有事,可共立恒、文之功,豈與受制凶狂,禍難不測,同年而 舅今出居陝西,爲八州行事,顗在襄、沔,地勝兵强,去 宮省內外旣 人不自保,比者會應

況 服,今舉朝惶惶,人懷危怖,指撝之日,誰不影從。如其不斷,旦暮禍及。僕昔佐貴府,蒙眷 |宗謂羨曰:「公關門絕客,以避悠悠之請謁耳,身非有求,何爲見拒。] |羨復命, |慶之使要興 閤 前 復要富貴,期功賞,各欲救死朝夕耳。 異常,故敢盡言,願思其計。」慶之曰:「僕比日前慮不復自保,但盡忠奉國,始終以之,正當 有 委天任命耳。 内。 一公威風先著,統戎累朝,諸舊部曲,布在宮省,誰敢不從。僕在尚書中,自當唱率百僚,案 先公起 世故事,更簡賢明,以奉社稷。 興宗因說之曰:「主上比者所行,人倫道盡,今所忌憚,唯在於公。 公威名素著,天下所 重除 此萬世一時,機不可失。僕荷眷深重,故吐去梯之言,公宜詳其禍福。」慶之曰「此 吏部尚書。 事者,公亦不免附惡之禍也。且車駕屢幸貴第,酣醉彌留。又聞斥屛左右,獨入 加老罷私門,兵力頓闕,雖有其意,事亦無從。」興宗曰:「當今懷謀思奮者,非 太尉沈慶之深慮危禍,閉門不通賓客,嘗遣左右范羨詣興宗屬事。 又朝廷諸所行造,人間皆言公悉豫之,今若沉疑不決,當 殿內將帥,正聽外間消息,若一人唱首,則俯仰可定。 興

樂 法 家 在 曰:「頃者 時 領 東陽,興宗故郡人也,爲玄謨所信,使至興宗間。興宗謂曰:「領軍比 軍 將軍王玄謨大將有威名,邑里訛言玄謨當建大事,或言已見誅。 殆不 復食,夜亦不眠,恒言收已在門,不保俄頃。」興宗因法榮勸玄謨舉事 玄謨典籤包法 日殊當憂懼。」

挕

大,非僕所能行。

事至,政當抱忠以沒耳。」頃之,慶之果以見忌致禍

列傳

兵,乘輿當夜幸著作佐郎江敷宅,興宗乘馬車從。 玄謨又使法榮報曰:「此亦未易可行,其當不泄君語。」右衞將軍劉道隆爲帝所寵信,專統禁 道隆從車後過,興宗謂曰:「劉公,比日思

一閑寫。」「二道隆深達此旨,指興宗手曰:「蔡公勿言。」

時帝每因朝宴,種毆羣臣,自驃騎大將軍建安王休仁以下,侍中袁愍孫等咸見陵曳,惟

興宗得免。

益。」玄謨有慚色。

言相扣發者。」「三季產 頃之,明帝定大事。玄謨責所親故吏郭季產、女壻韋希眞等曰:「當艱難時,周旋蜚無一 曰:「蔡尚書令包法榮所道,非不會機,但大事難行耳。 季產言亦何

是天下之主,宜使喪禮 粗足。 若直 如此,自四海必將乘 人。

當明帝起事之夜,廢帝橫屍太醫閤口。

興宗謂尚書右僕射王景文曰:[1]]此雖以

若繩之以法,則土崩 危懼,上集羣臣以謀成敗。 時諸方並舉兵反,朝廷所保丹陽 立至,宜明罪不相及之義。」上從之。 興宗曰:「宜鎭之以靜,以至信待人。 、淮南數郡,其間諸縣或已應賊。 比者,逆徒親戚布在宮省, 東兵已至永世,宮省

米甚豐賤,而人情更安,以此算之,淸蕩可必。 遷尙 書右僕射, 尋領衞尉。 明帝謂興宗曰:「頃日人情言何? 但臣之所憂,更在事後,猶羊公言旣平之後, 事當濟不。」興宗曰:「今

方當勞聖慮耳。」尚書褚彥回以手板築興宗,興宗言之不已。 上曰:「如卿言。」

赭圻平,函送袁顗首,敕從登南掖門樓以觀之。興宗濟然流涕,上不悅。事平,封興宗

始昌縣伯,固讓,不許,改封樂安縣伯,自三國秩東力,終以不受。

譬琰,興宗曰:「天下旣定,是琰思順之日,陛下宜賜手詔數行。今直使中書爲詔,彼必疑非 時殷琰據壽陽爲逆,遣輔國將軍劉勔攻圍之。四方旣平,琰嬰城固守。 琰得詔,謂劉**勔**詐造,果不敢降,久乃歸順。 上使中書爲詔

戰大敗,遂失淮北四州。其先見如此。初,永敗問至,上在乾明殿,先召司徒建安王休仁, 必疑懼,或能招引北虜,爲患不測。」時張永已行,不見信。安都聞大軍過准,果引魏軍。永 之。興宗曰:「安都遣使歸順,此誠不虚,今不過須單使一人,咫尺書耳。若以重兵迎之,勢 又召興宗。謂休仁曰:「吾慚蔡僕射。」以敗書示興宗,曰:「我愧卿。」 先是,徐州刺史薛安都據彭城反,後遣使歸欵,泰始二年冬,遣鎭軍將軍張永率軍迎

之周旋。及景先爲鄱陽郡,會晉安王子勛爲逆,轉在寬陵,爲吳喜所殺。母老女幼,流離夏 興宗至郢州,親自臨哭,致其喪柩,家累皆得東還。 三年,出爲郢州刺史。初,吳興丘珍孫言論常侵興宗。珍孫子景先人才甚美,興宗與

遷會稽太守,領兵置佐,加都督。 會稽多諸豪右,不遵王憲,幸臣近習,參半宮省。封

列傳

不復修。

興宗行之,禮儀甚整。

省之,幷陳原諸逋負,解遣雜役,並見從。 略 山湖 ,妨人害政,興宗皆以法繩之。 又以王公妃主多立邸舍,子息滋長,督責無窮, 三吳舊有鄉射禮,元嘉中,羊玄保爲吳郡行之,久 啓罷

「卿欲作士人,得就王球坐,乃當判耳,口心殿、劉並雜,無所益 及至,球舉扇曰:「君不得爾。」弘還,依事啓聞。 中書舍人秋當詣太子詹事王曇首,不敢坐。其後中書舍人弘興宗爲文帝所愛遇, 軍 以 拜。 王道 興宗爲 明帝 道隆等以興宗强正,不欲使擁兵上流,改爲中書監、左光祿大夫、開府儀同三司, 隆任參國政 征 崩 ,興宗與尚書令袁粲、右僕射褚彥回、中領軍劉勔、鎭軍將軍沈攸之同被顧命。 西將軍、開府儀 ,權重一時,躡履到興宗前,不敢就席,良久方去。 同三司、都督、荆州刺史,加班劍二十人, 帝曰:「我便無如此何。」至是,興宗復 也。 若往詣球,可稱旨就席。」 被徵還都。 竟不呼坐。 時右軍將 上 元嘉初, 謂 爾 固辭

筆札 · 因 侍兒,被禽反接,興宗命與杖,敬玉了 興宗行己恭恪,光祿大夫北地傅隆與父廓善,與宗常修父友之敬。 以侍兒賜之,爲立室宇,位至尚書右丞。 無作容。 其遏惡揚善若此。 興宗奇其言對, 命釋縛,試以伎能,高其 敬玉子廉,仕梁,以清 又太原孫敬玉 一嘗通

能位至御史中丞。

不

人 也,有才學。 興宗家行尤謹,奉歸宗姑,事寡嫂,養孤兄子,有聞於世。 書讓錫弟僧達曰:「告謝太傅奉寡嫂王夫人如慈母,今蔡興宗亦有 太子左率王錫妻范, 恭 聰明婦 和之

稱。」其爲世所重如此。

歐奶。 言量是 孤 微理 姪,躬自撫養,年齒相比,欲爲婚姻,每見興宗,輒言此意。 以女適象。 妻劉 虚。 不可違之處邪。」舊意旣乖,緣亦他娶。 興宗以姊生平之懷,屢經陳啓。帝答曰:「卿諸人欲各行己意,則國家 氏早卒,一女甚幼,外甥袁覬始生子緣,而妻劉氏亦亡,興宗姊卽覬母也。[1+]一孫 敬猷 遇害,興宗女無子嫠居,名門高胄,多欲結姻。 其後緣家好不終,頗又禍敗,緣亦淪廢當時, 大明初,韶興宗女與南平王敬 明帝亦敕適謝氏,興宗並不 何由 得婚。且姊

泰豫元年卒,年五十八。 遺命薄葬,奉還封爵。 追贈後授,子順固辭不受,又奉表疏十

餘上。詔特申其請,以旌克讓之風。

有開府之授,而太歲在亥,果薨於光祿 初 興宗爲郢州,府參軍彭城 顏敬 以式卜曰:「亥年當作公,官有大字者,不可受也。」及 大夫云。 文集傳 於 世

子順字景玄,方雅有父風,位太尉從事中郎。 昇明末卒。 弟約。

|永明八年八月合朔,約脫武冠解劍,[15]於省眠至下鼓不起,爲有司所奏,贖論 約字景撝 ,少尚 宋孝武女<u>安吉公主,</u>拜駙馬都尉。 仕齊,累遷太子中庶子、領屯騎校

舻 期。」約曰:「南豫密邇京師,不化自理,臣亦何人,爝火不息。」時諸王行事,多相裁割,約 出 . 為 (宜都王冠軍長史、淮南太守,行府州事。 武帝謂曰:「今用卿爲近蕃上佐, 想副我

居右任,主佐之間穆如也。

氏 遷 司徒左長史。齊明帝爲錄尙書輔政,百僚脫展到席,約躡屐不改。 帝謂江而曰:「蔡

約 好飲酒,夷淡不與世雜。永元二年,卒於太子詹事,年四十四,贈太常。

側 撙 齊末多難、服闋,因居墓所。 除太子中庶子、太尉長史,並不 字景節,少方雅退默,與第四兄寅俱知名。仕濟位給事黃門侍郎。丁母憂,廬于墓 就

改判 臨海 婢 母 與吳。 子五 梁 百姓楊元孫以婢保蘭貼與同里黃權,約生子,酬乳 臺 人,吳背約不還。元孫 |建,爲侍中,遷臨海太守。 公事左遷太子中庶子,復爲侍中,吳興太守。 元孫撾登聞鼓訟之,爲有司劾。 時뾝已去郡,雖不坐,而常以爲恥。 吳能 爲巫,出 哺直。 入撙內,以 權死 後,元孫就權妻吳煦 金釧 **賂**撙妾,遂 口 初,墫在

及在吳興,不飲郡井,齋前自種白莧紫茄,以爲常餌,詔褒其清。 加信 武將軍

時 帝將爲昭明太子納妃,意在謝氏。 袁昂曰:「當今貞素簡勝、唯有蔡撙。」乃遣吏部尚

曹徐勉詣之,停車三通不報。 勉笑曰:「當須我召也。」遂投刺乃入。

天監九年,宣城郡吏吳承伯挾祇道聚衆攻宣城,殺太守朱僧勇,轉寇吳興,吏人並請避

之。

撙堅守不動,命衆出戰,摧破斬承伯,餘黨悉平。

事 者多少? 累遷吏部尚書,在選弘簡有名稱。 」撙曰:「臣門客沈約、范岫各已被升擢,此外無人。」約時爲太子少傅,岫爲右衞 又爲侍中,領秘書監。 武帝嘗謂曰:「卿門舊尚有堪

將軍。

署、乃推白牒於香燈地下,曰:「卿殊不了事。」臍正色俯身拾牒起,曰:「臣謂舉爾所 出 已有前 便 撙 命駕 風 ,既是所知而 骨鯁正,氣調英嶷,當朝無所屈讓。嘗奏用琅邪王筠爲殿中郎,武帝嫌不取參掌通 而 去,仍欲抗表自解。 用,無煩參掌署名。 帝尋悔,取 臣撙少而仕宦、未嘗有 事 爲 畫 不了事之目。」因捧牒直 知,許允

撙 帝嘗設大臣麩,蹲在 始放筯 執笏 ,日:「爾。」 帝 坐。 曰:「卿向 帝頻呼姓名, .何聾,今何聰。」對曰:「臣預爲右戚,且職在納言,陛 **撙竟不答,食麩如故。** 帝覺其負氣,乃改喚蔡尚

-不應以名垂喚。」帝有慚色。

列

傳

第

+

性甚 一凝厲, 善自居適。 女爲昭明太子妃, 自詹事以下咸來造謁, 往往稱疾相聞, 間遺

之。及其引進,但暄寒而已,此外無復餘言。

後爲中書令,卒於吳郡太守,諡曰康子。 司空袁昂嘗謂諸賓曰:「自蔡侯卒,不復更見

此人。」其爲名輩所知如此。

子彥深,宣城內史。彥深弟彥高,給事黃門侍郎。 彦高子凝。

以名公子選尚信義公主,拜駙馬都尉、中書侍郎,遷晉陵太守。及將之郡,更令左右修 凝字子居,美容止。及長,博涉經傳,有文詞,尤工草隸。 陳太建元年,累遷太子中舍

中書廨宇、謂賓友曰:「庶來者無勞。」

啃 曰:「帝鄉舊戚,恩由聖旨,則無所復問。若格以僉議,黃散之職,故須人門無美。」帝默然而 接,趣時者多談焉。宣帝嘗謂凝曰:「我欲用義興主壻錢肅爲黃門侍郎,卿意如何。」凝正色 庸聞而不平,義興公主日譖之,尋**発官,遷**交趾。 頃之追還。 尋授東部侍郎。凝年位未高,而才地爲時所重,常端坐西齋,自非素貴名流,罕所交

憲不行。 後 主嗣位,爲給事黃門侍郎。後主嘗置酒,歡甚,將移宴弘範宮,衆人咸從,唯凝與袁 後主曰:「何爲。」凝曰:「長樂尊嚴,非酒後所過,臣不敢奉詔。」衆人失色。 後主

威晉熙王府長史,鬱鬱不得志。 曰:「卿醉矣。」令引出。 可達。」因著小室賦以見志。陳亡入隋,道病卒,年四十七。子君知,頗知名。 他日,後主謂吏部尚書蔡徵曰:「蔡凝負地矜才,無所用也。」尋遷信 乃喟然歎曰:「天道有廢興,夫子云『樂天知命』, 斯理 庶幾

矣。至於矜倨之失,蓋其風俗所通,格以正道,故亦名敎之深尤也。 者有勇,驗在斯乎。 論 日:蔡廓體業弘正,風格峻舉。 然自廓及凝,年移四代,高風素氣,無乏於時,其所以取貴,不徒然 興宗出內所踐,不隕家聲。位在具臣,而情懷伊

校勘記

- 廓年位並輕 倒作「時歲」,據宋書乙正。 而爲時流所推重每至歲時皆束帶詣門 「爲」字各本並脫,據宋書補。「歲時」各本互
- . = U 累遷尚書吏部郎 部 郎 、無吏部侍郎 更 部 郎」各本作「吏部侍郎」,據宋書删。 按宋書百官志,尚 書諸曹郎有 吏
- = 列 州 傳 別 駕 第 范義與 + 九 〈興宗 椌 勘 素善 記 「范義」各本作「范羲」,據宋書改。 張森楷南史校勘記: 七七七 案竟陵

一個是『義』字,隋書經籍志有宋<u>党州別駕范義集十二卷,即此人,作『義』非也。</u>」

|759 | 又廬陵內史周朗以正言得罪鎖付寧州親戚放人無敢瞻送 「廬陵」各本作「廬江」,據宋書改。

按宋書及本書周朗傳並作「廬陵內史」。 又「瞻送」各本作「贍送」,世說新語俳調:「謝公將發

新亭、朝士咸出瞻送。」「贍」「瞻」涉形近而譌、今改正。

C 用 〕 義不合關 「不 」各本作「有」,據宋書改。

C 4.) 每至官賭常在勝朋 「勝朋」各本作「勝明」,據宋書改。

(七) 蔡尙書· 今日 可謂能負荷矣 「負」字各本並脫,據宋書補。

近永初之末營陽王即位亦有文策 「營」各本作「榮」或「滎」,涉形近而譌,據宋書改。

[元] 令名器不輕 「令」各本作「今」,據宋書改。

於是除興宗新昌太守郡屬交州 「新昌」各本作「永昌」,據宋書、通鑑改。 按南齊書州郡志,新

昌屬交州,而永昌則屬寧州也。

(二) 比日思一閑寫 「寫」字各本並脫,據宋書補。

當艱難 時 周 旋 輩 無 言相 扣 發 者 「扣」各本 作「和」,據宋書改。

興宗謂 倘 書右僕射王景文曰 「右」各本作「左」,據宋書改。 按本傳亦作「右」,其爲左僕射在

明帝時。

四讓不許改封樂安縣伯 『改』之訛。」今從改。按元大德本作「固讓不許之」與宋書合,其他各本作「固讓而許之」。 「改」各本作「之」。張元濟南史校勘記:「宋書無『之』字,疑『之』爲

『弘興宗』,皆傳寫之譌,非沈、字之誤。」 其後中書舍人弘興宗爲文帝所愛遇至得就王球坐乃當判耳 「弘興宗」宋書作「王弘」。 敢與之同名。南史作『弘興宗』,其下又云『弘還』,若以旣是姓,則下之還應稱名,蓋皆誤也。南 史王球傳作『徐爱』,差爲得之。 爰後在孝武時兼著作,修宋書。 而在元嘉時,則權寵未盛。 蓋 有。」李慈銘宋書礼記:「王弘乃曇首之兄,」球之從祖兄,爲元嘉功臣之首,位司徒太保,必無人 盛十七史商権六○∵此文於下仍云『弘還』,則其上作『弘興宗』似是一姓弘名興宗之人者,其爲 『爱』誤作『宏』,又轉爲『弘』。、宋書復因上言『王曇首』,遂譌『王弘』;南史因在蔡興宗傳,遂譌作 傳寫之誤可知。|王弘乃又是一人,非爲太保字|休元者,彼乃|王導曾孫,門閥甚高,何不坐之 王鳴

(1-2) 外甥袁覬始生子彖而妻劉氏亦亡與宗姊即覬母也 爲與弟覬之子,此兩『顗』當作『覬』。」今從改。 「覬」各本作「顗」,錢大昕廿二史考異:「椽

八〕約脫武冠解劍 「脫」各本作「旣」,據南齊書改。

南史卷三十

列傳第二十

何尚之子偃 孫戢 偃弟子求 求弟點. 點弟胤 胤從弟炯 **尚之弟子昌寓**

昌寓子敬容

往致哀,幷設祭奠,食並珍新,躬自臨視。若朔望應有公事,則先遣送祭,皆手自料簡,流涕 睦以告官。新制:「凡劫身斬刑,家人棄市。」 睦旣自告,於法有疑。時叔度爲尚書,議曰: 對之。公事畢卽往致哀,以此爲常。至三年服竟。義熈五年,吳興武康縣人王延祖爲劫,父 謹 之身。睦父子之至,容可悉共逃亡,而割其天屬,還相縛送,解腕求存,於情可愍。並合從 「設法止姦,必本於情理,非謂一人爲劫,闔門應刑。所以罪及同產,欲開其相告,以出造惡 有行業。姨適沛郡劉璩,與叔度母情愛甚篤。叔度母早卒,奉姨若所生。 姨亡,朔望必 何尚之字彥德,廬江灊人也。曾祖準,高尚不應徵辟。祖惔,南康太守。〔〕父叔度,恭

列

傳第

何尙

之

原。」三一從之。 後爲金紫光祿大夫,吳郡太守。 太保王弘每稱其清身潔己。

家貧,初爲臨津令。 尚之少頗輕薄,好摴蒱,及長,折節蹈道,以操立見稱。 朱武帝領征西將軍,補主簿。 從征長安,以公事免, 爲陳郡謝混所知,與之游處 還都。 因患勞病

積年,飲婦人乳乃得差。

以從征之勞,賜爵都鄉侯。

陽,船泊征虜亭積日,乃至親舊無復相窺者。」 曰:「此是送吏部郎耳,非關何彥德也。 有不平之言。尚之諫戒不納。 於冶渚。及至郡,叔度謂曰:「聞汝來此,傾朝相送,可有幾客。」答曰:「殆數百人。」叔度 少帝卽位,爲廬陵王義眞車騎諮議參軍。 義眞被廢,入爲中書侍郎,遷吏部郎。告休定省,傾朝送別 昔殷浩亦嘗作豫章定省,日之別者甚衆,及廢徙東 義眞與司徒徐羨之、尚書令傅亮等不協,每 笑

生徒。 游,四謂之南學。 年,彭城王義康欲以司徒長史劉斌爲丹陽尹,上不許,乃以尚之爲之。 後拜左衞將軍,領太子中庶子。 東海徐秀,廬江何曇、黄回,潁川荀子華,太原孫宗昌、王延秀,魯郡孔惠宣並慕道 王球常云:「尚之西河之風不墜。」尚之亦云:「球正始之風尚在 尚之雅好文義,從容賞會,甚爲文帝所知。 。立宅南郭外,立學聚 元嘉十三

子祭酒。 尙之女適 尚之甚不平。 劉湛子黯,而湛與尚之意好不篤。 湛誅, 遷吏部尚書。 湛欲領丹陽,乃徙尚之爲祠部尚書,領國

得 便 像 不 加以鈇鉞。 相黜斥,萬姓將謂卿等不能容才,以我爲信受讒說。 時 左衞將軍范曄任參機密,尚之察其意趣異常,白文帝:「宜出爲廣州,若在內釁成,不 屢誅大臣,有虧皇化。」上曰:「始誅劉湛等,方欲引升後進。 但使共知如此,不憂致大變 曄事 跡 未彰,

也。」「鬥嘩後謀反伏誅,上嘉其先見。

之固 爲勞。」時上行幸,還多侵夜,尚之又表諫,上優詔納之。 . 諫乃止。時又造華林園,並盛暑役人。尚之又諫,上不許,曰:「小人常日曝背,此不足 二十二年,爲尙書左僕射。是歲造玄武湖,上欲於湖中立方丈、蓬萊、瀛洲三神山,尙

私 難 貲自倍,貧 江 泣 未 有 於市。 夏王義恭議,以一大錢當兩,以防翦鑿,議者多同。 非 朽之寶,家贏 違 便,乃罷 先 梁 **'是患貨少,鑄四銖錢,人間頗盜鑄,多翦鑿古錢以取銅,上患之。 二十四年,錄尚書** 良由 矯物而可久也。 者 爾增其困,懼非所以欲均之意。」中領軍沈演之以爲若以大錢當兩,「引 事不畫一、難用遵行。 一倍之利,不俟加憲,巧源自絕。 泉布廢興,未容驟議。〔云前代赤仄白金,俄而罷息,六貨慣亂,人 自非急病權時, 宜守長世之業。 上從演之議,遂以一錢當兩。行 尚之議曰:「凡創制改法,宜順人情, 若今制遂行,富人之 之經時,公 則國傳

一十八年,爲尙書令、太子詹事。 二十九年致仕,於方山著退居賦以明所守,而議者咸

列傳

第

+

何佝

之

間尚之不能 固志。 文帝與江夏王義恭詔曰:「羊、」」造者書謝,尚之任遇有殊,便當未宜

申許。」尚之還攝職。羊卽羊玄保,孟卽孟顗。云

尚之旣任事,上待之愈隆,於是袁淑乃錄古來隱士有迹無名者,爲眞隱傳以嗤焉。 時

或遺軍北侵,資給戎旅,悉以委之。

元凶弑立,進位司空、尙書令。 時三方興義,將佐家在都者,伽悉欲誅之。 尚之誘說百

端,並得全免。

孝武卽位,復爲尚書令。 丞相南郡王義宣、車騎將軍臧質反,義宣司馬竺超、質長史陸

展兄弟並應從誅,〔弘〕尙之上言於法爲重,超從坐者由是得原。

南之半,江左以來,揚州爲根本,委荆州以閩外,至是並分,欲以削臣下之權。 此虚耗。 在脷、江之中,正對阿口,通接瘫、梁,寔爲津要,於事爲允。」上從其議。刜、揚二州戶口居江 時欲分削州置郢州,議其所居。江夏王義恭、蕭思話以爲宜在巴陵。 尚之建言宜復合二州,上不許。 尚之議曰:「夏口 而開、揚並因

府,天子臨軒,百僚陪位,沈慶之於殿庭戲之曰:「今日何不著鹿皮冠。」慶之累辭爵命,朝 廷敦勸甚苦。 大明二年,以爲左光祿、開府儀同三司、[10]侍中如故。尚之在家,常著鹿皮帽。 尚之謂曰:「主上虛懷側席,詎宜固辭。」慶之曰:「沈公不效何公去而復還 及拜開

也。」尚之有愧色。

延之目尚之爲猴。 尚之愛尙文義,老而不休。與太常顏延之少相好狎,二人並短小,尚之常謂延之爲發, 同游太子西池,延之問路人云:「吾二人誰似猴。」路人指尚之爲似。延

之喜笑,路人曰:「彼似猴耳,君乃眞猴。」

旣以 我聞古者官人以才,今官人以勢,彼勢之所求,子何疑焉。」所與延之論議往反,並傳於世 此致怨,亦以此見稱。復以本官領中書令。薨年七十九,贈司空,諡曰簡穆公。 尚之立身簡約,車服率素,妻亡不娶,又無姬妾。執衡當朝,畏遠權柄,親故一無薦舉。 有人嘗求為東部郎,尚之歎曰:「此敗風俗也。 官當圖人,人安得圖官。」延之大笑曰:

倘 書令,偃居門下。父子並處權要,時爲寒心;而尚之及偃善攝機宜,曲得時譽。 偃 字仲弘、元嘉中、位太子中庶子。一元凶弑立、以偃爲侍中、掌詔誥。時尚之爲司空、

幷官省事,考課以 會孝武卽位,任遇無改。歷位侍中,領太子中庶子。 知能否,增奉以除吏姦。 責成良守, 外於其職, 都督刺史, 宜別其 時求讜言,偃以爲「宜重農卹本, 任。

爲 改 領 侍 · 驍騎將軍,親遇隆密,有加舊臣。 中顔 一竣至是始貴,與偃俱在門下,以文義賞會,相得甚歡。 轉吏部尚書。 尙之去 選未五載,偃復襲其迹,世 竣旣 任 遇隆密,謂宜

七八五

列

居

重 土大,而 位 次 與偃等未殊,意稍不悅。 及偃代竣領選,竣逾 憤懣,與偃 遂隙。 竣時權

野 偃 不自 安, 遂發悸病, 意 慮 乖僻。 一表解 職 告靈 不 仕。 孝武 遇偃旣深, 備 加 醫 療 乃

得

差。

偃 素好談玄,注班子逍遙篇傳於時。 卒官,孝武與顏竣韶,甚傷惜之。 諡 日婧。 子戢。

帝求 王儉 作 戢 累遷 徽 吏部 領 初 一一一一一 旣 選,間尙 高帝相 吏部 齊高帝 戢字慧景, Ë 尚書,資與戰 左 郎褚彦回 . 參朝政,引戢爲侍中,時年二十九。 珥 國 爲領軍、與戰來往、數申歡 書令褚彦 左長史。 若復 選尚宋孝武長女山陰公主,拜駙馬都尉。 一侍己, 加戢 相 回,以戢 似,領選 建元元 ,則八座便有三蟬,若帖以驍、游,亦不爲少。」廼以戢爲 彦回 雖 職 資 年, 拘 方昔小輕,不 重,欲加散騎常侍。 逼 遷散騎常侍、 宴。 終 不肯從。 高帝好水引餅, 容頓 | 戢以年未三十,苦辭內侍,改授司徒左長史。 太子詹事 與戢 加常侍。 彦 回 同居 o 曰:「宋時 累遷中書郎。 戢每設上焉。 聖旨 止月餘 尋改侍中,詹事 毎 以蟬 日, 王球 由是特申情 從侍 冕不 景和世,山陰主 **外之**,復爲侍中 如故。 宜 中、 一過多 吏部 中 書 好。 上 计尚書, , 臣 一个單 一欲轉 與 就 元

|戢美容儀,動止與褚彦回相慕,時人號爲「小褚公」。 家業富盛, 性又華侈, 衣被服飾,

加

一続騎

將

軍

傾

朝

陸探微、顧寶先皆能畫,自己歎其巧絕。 極 爲奢麗。 出爲吳興太守。 上頗好畫扇,宋孝武賜戢蟬雀扇,善畫者顧景秀所畫。 戢因王晏獻之, 上令晏厚酬其意。 卒年三十六, 諡 時吳郡

女爲鬱林王后。 又追贈侍中、右光祿大夫。日日

馬,丹陽郡丞,清退無嗜慾。 求字子有,偃弟子也。 後爲太子中舍人。 父鱳, 仕床位宜都太守。 泰始中,妻亡,還吳葬舊墓。 求元嘉末爲文帝挽郎。 除中書郎,不 歷位太子洗

拜。

仍住吳,隱居波若寺,足不踰戶,人莫見其面。

夜忽乘小船逃歸吳,隱武丘山。曰三齊永明四年,拜太中大夫,不就,卒。 宋明帝崩,出奔國哀,除永嘉太守。 求時寄住南澗寺,不肯詣臺,乞於野外拜受,見許

初,求父鱳素有風疾,無故害求母王氏,坐法死,求兄弟以此無宦情。 求弟點。

氏。 禮畢,將親迎,點累涕泣,求執本志,遂得罷。 點字子晳,年十一,居父母憂,幾至滅性。 及長,處家禍,欲絕昏宦,尚之强爲娶琅邪王

姻多貴仕。 點 明 目 點雖不 秀眉,容貌方雅,眞素通美,不以門戶自矜。 入城府,性率到,好狎人物。 遨游人間,不簪不帶, **博通羣書**, 善談論。 以人地並高,無所與 家本 素族、親

列

卒,點菜食不飲酒,訖于三年,腰帶減 弟胤爲小隱士,大夫多慕從之。 屈, 大言踑踞公卿,敬下。 或乘柴車,躡草屬,恣心所適,致醉而歸。 時人 稱 重其通,號 曰「游俠處士」。兄求亦隱 故 世論 吳郡武 以點 爲孝隱士, 丘 山。水

朱泰始末,徵爲太子洗馬。 齊初,累徵中書侍郎、太子中庶子,並不就。 與陳郡謝瀟

半。

吳國 張融、會稽 孔德璋爲莫逆友。

點門世 信佛,從弟遁以東籬門園 居之、德璋爲築室焉。 園有下忠資冢,點植花於冢側,

毎 飲必舉酒酹之。 招攜勝侶,及名德桑門,清言賦詠,優游自得。

舅氏 之,點角 司 徒竟陵王子良聞之,曰:「豫章 `,遑恤 初 、市登席、子良欣悅無已、遺點嵇叔夜 褚彦回 國家」。」 、王儉爲宰相、點謂 王儉聞 之,欲候點,知不可見,乃止。豫章王嶷命駕造點 王尙 人曰:「我作齊書已竟,贊云『回旣世族, 望塵不及,吾當望岫 酒盃 、徐景山 酒鎗 息 小小 後點在法輪寺, 點從 儉亦國華,不賴 後 子良就見 闸 遁去

常,授丸一掬,夢 點 少時嘗息 渴 中服之,自此 利, 積歲不愈。 而差,時人 後在吳中石佛 以爲 淳德所 寺 建講, 感 於講所晝寢, 夢一道人,形貌

見 而不言,旁人禽盜與之,點乃以衣施盜。 性通 **俛好施**,遠近致遺, 無所逆, 随復散 盗不敢受,點令告有司,盜懼乃受之。 焉。 嘗行 經朱雀 門街,有自車後盜點衣者,

點 雅 有 人倫鑒,多所 甄拔。 知吳興丘遲於幼童,稱濟陽 江 淹於 、寒素, 悉 如 其言。 哀

過 人。 嘗 行 逢葬者 歎 曰:「此哭者之懷 一量可 思邪。」於是悲慟 不 能 族₀

吳國 病 之。 張 老 及 叉 融 娶 點 小 魯 時 後昏,融始 発官 或 孔嗣 一而爲 女, 爲 嗣 詩 詩 贈 有 亦隱者。 點 高言 曰:「惜哉何居士,薄暮遘荒淫。」 , [三點答詩 點 雖昏,亦不 日 與妻相 昔聞 東都 見, 日,不 築別室以處之, 點 亦 在 簡 病 之。 書前 人莫諭 雖 戲 而 其意。 融 久

講,未 慧景平後,東昏大怒,欲誅之。 不 顧 之。 永元 必可量,以此言之,乃應 中 至是乃逼召點,點裂 崔慧景圍 城 人間 得封。」東昏 裙爲袴,往赴其 無薪, 王瑩 爲之懼, 點悉伐 功 岸 園樹 軍 求 計 終 於 以 蕭暢。 日 贍親 談 說, 黨。 暢謂: 不及軍 戀景性好 茹 法珍 事 佛義,先慕交點, 曰:「點若 其語: 默之迹 不 誘賊 如 此。 共

帝贈 資 給 詩 並 梁武 酒 出 帝與點 一、思禮 在所了 如舊, 日 有舊,及踐 費 仍下 所須,太官 韶徵 作,手 爲 別 侍 韶 給 中。 論 舊, 捋 賜 帝 以 鬚 鹿皮巾等, 日 ··「乃欲 臣老子。」 幷召之。 一辭疾 點以巾褐 不 起。 引 復 入華 下 部詳 林園

加

た監二 一年卒,詔給第 品材 具, 喪事 所須,內監 經 理。 點弟胤

胤字 子 季 出出 繼 叔 父曠,故 更字胤叔。 年八歲, 居憂, 毁若成人。 及長輕薄不 -羈,晚 乃

折 節 好學,師 事沛 國劉瓛,受易及禮記、毛詩。 又入鍾山定林寺聽內典,其業皆通。 而 縦 情

誕節,時人未之知也,唯職與汝南周顒深器異之。

仕齊爲建安太守,政有恩信,人不忍欺。 每伏臘放囚還家,依期 而反。

歷黃門侍郎,太子中庶子。 尚書令王儉受詔撰新禮, 未就 而 卒。 又使特進張緒續成,

緒 叉卒,屬在司徒竟陵王子良。 子良以讓胤,乃置學士二十人佐 胤撰 錄。

後以國子祭酒與太子中庶子王瑩並 一爲侍中。 時胤單作祭酒,疑所服。 陸澄博古多該,

亦不能據,遂以玄服臨試。 爾後詳議,乃用朱服。 祭酒朱服,自此始 也

吳興郡 足。 建武 及鬱林嗣位,胤爲后族,甚見親待。 不還,胤恐後之,乃拜表解職,不待報輒去。 初,已築室郊外,恒與學徒游處其 爲 内。 中書令, 至是遂賣園宅欲 明帝大怒,使御史中 領臨海 、巴陵王 入東。 師。 丞袁昂奏收胤。 胤 未及發, 雖 貴顯, 聞 常懷 謝 朏 罷 止

胤 又隱,世號點爲「大山」,胤爲「小山」,亦曰「東山」。 胤 以會稽 Щ 多 |靈異,往游焉,居岩邪 山雲門寺。 初,胤二兄求、點並棲 兄弟發迹雖異, 克終皆隱, 遁,求 先卒,至是 世謂何氏

有詔許之。

永元中,徵爲太常、太子詹事,並不就。 梁武帝霸朝建,引爲軍謀祭酒,幷與書詔

至 。江江及帝踐 作, 詔爲特進、光祿 大夫。[[]]遣領 軍 司馬王杲之以手 敕 諭意,[[公弁徴 謝朏。

豈敢 所先。 者謂 代合之郊 者欲樹雙闕。 席伏讀。 之象 輕 杲之先至 議 圓 胤因謂 丘南 丘,先儒之巨失。今梁德告始,不宜遂因前 魏,懸法於其上,狹日 或 典,此當敬俟 胤 世傳輸室欲立闕,王丞相指牛頭山云,『此天闕 郊,舊典不 杲之曰:「吾昔於齊朝欲陳 所,胤恐朏 叔 同。 孫生耳。」 不出,先示 南郊祠五帝靈威仰之類 而收之。 以可起, **象者法也**,魏者當塗而高大貌 三兩條事 乃單 衣 謬。 ,圓丘祠天皇大帝、北 鹿皮巾 者欲正郊 卿宜陳之。」杲之曰:「僕之鄙劣, 也。 執經 丘,二者欲更鑄 是則未 卷,下牀跪受。 也。 明立闕之意。 鼎者 極 大星 神器,有 韶 是 九鼎,三 也。往 出,就 闕 或

例___? 斗 同游邪 米 胤 不 及杲之從謝朏 、朏俱前 了

果之愕然曰:「古今不聞此例。」

胤曰:「檀弓兩卷,皆言物始。 盡,何容復有宦情。」杲之失色不能答。 代高 所還,問 士,胤處名譽尤邁矣。 胤 以出 期。 胤 知朏已應召,答杲之曰:「吾年已五 胤反謂曰:「卿何不遣傳詔還朝拜表, 自卿 而 十七,月食四 始, 何必 留 與我

乃敕 何子朗、孔壽等六人於東山受學。 杲之還,以胤 意奏聞,有敕給白衣 尙書祿。 太守衡陽王元簡深加禮敬, 胤固辭。 叉敕山陰 庫錢 月中 月給 常命駕式閭,談論 五萬, 叉不受。

列傳第二十 何尚

之

終

日

初 堵 遷將築室,忽見二人著玄冠,容貌甚偉,問胤 別為 忽不復見。 胤 以若邪 小閤室,寢處其中,躬自啓閉,僮僕無得至者。 處勢迫隘,不容學徒,乃遷秦望山。 胤依言而卜焉。 尋而 山發洪水,樹石皆倒拔,唯胤所居室歸然獨存。 曰:「君欲居此邪。」乃指一處云:「此 山有飛泉,廼起學舍,卽林成援,因巖爲 山側營田二頃,講隙從 生徒游之。胤 中殊 元簡

自 非 降貴 及 (元簡 Щ 一藪,豈容復望城邑。 去郡,入山與胤別。 此埭之游、於今絕矣。」執手涕零。 胤 送至都賜埭,去郡三里,因曰:「僕自棄人事,交游路斷, 乃命

記室參軍

鍾嶸作瑞室頌,刻石以旌之。

何 氏 過江,自晉司空充並葬吳西山。 胤家世年皆不永,唯祖尚之至七十二。日也胤年登

祖 乃乃移 還吳,作別山詩一首,言甚悽愴。

虞 人逐鹿,鹿 至吳、居武丘山 徑 來 超胤 西寺講經論,學僧復隨之。 ,伏而不動。 又有異鳥如鶴紅 東境守宰經途者,莫不畢至。 色,集講堂,馴狎 如家禽。 胤常禁殺,有

授胤 {論 何遠以狀啓昭明太子, '''; 世 初,開 香爐奩 中 未有。 善寺藏 拜 涵 訪之香爐,乃藏公所常用。 .書,回四云:「貧道發自揚都,呈 法 師 與胤 太子欽其德, 遇於秦望山, 遣舍人何思澄致手令以褒美之。 後還都, 又於寺內立 「何居士。」言訖 卒於 、鍾山。 一明珠 柱,柱乃 失所在。 死 日,胤在波若寺見一名僧, 七日七夜放 胤開 中大通三年卒,年八 函,乃是大莊嚴 光。 太守

俄 得 患而卒,胤 先是胤疾,妻江氏夢神告曰:「汝夫壽盡,旣有至德,應獲延期,爾當代之。」妻覺說焉, 疾乃瘳。 至是胤夢見一神女幷八十許人,並衣恰,行列在前,俱拜牀 下,覺

又見之,便命營凶具。

旣

而

疾困

不

復

末 雖 大怒。 不 食蚶 之於彼 會草木之不若,無馨無臭,與瓦礫其 意,深懷 飢, 能 往 年遂絕 蠣 不 初 非自死之草 取 極 汝南 來,生死常 ,使門人議之。 胤 如 血 一切,滋味之在我可赊。 備屠門。 但。 侈於味,食必方丈,後稍 味 周顯與胤書,勸令食菜,曰:「變之大者,莫過死生,生之所重,無逾 至於車螯蚶蠣,眉 不食,聞其 事,則傷心之慘,行亦自 財貝之經盜 學生 |鍾帆日:「觛之就脯,驟於屈申,蟹之將糖, 風者,豈不 手 若云三世 ,猶爲 目內闕,慚渾沌之奇,擴殼 欲去其甚者,猶食白魚、觛脯,糖蟹,以爲非見生 へ何算。 使人多娘。 廉 士所 及。 理誣,則幸矣良快, 故宜長充庖厨, (棄) 丈人於血 生性之一啓鑾刀, 丈人得此有素,聊復片言發起耳。」故胤 氣之類,雖不 永爲 外緘,非金 如使此道果然,而 口實。」 寧復 身踐,至於晨鳧 人之愼。 竟陵王 躁 擾彌 慈心所 性 子良見阮議 甚。 受形 不悴不榮, 命。 忍 物。 仁人用 夜鯉 未息, 鰯 虞 疑

胤 注 列 傳 ·百} 第 }論 {+· + 門論各一 何 尙 之 卷,注周易十卷,毛詩總集六卷,毛詩隱義十卷, 七 禮記隱義一

-卷、禮答問五十五卷。子撰亦不仕,有高風。

白皙美容貌,從兄求、點每曰:「叔寶神淸,杜乂膚淸,今觀此子,復見衞、杜在目。」從兄戢謂 何炯字士光,胤從弟也。父撙,太中大夫。 炯年十五,從胤受業,一春並通五經章句。

人曰:「此子非止吾門之寶、亦爲一代偉人。」

炯常慕恬退,不樂進仕。 從叔昌寓謂曰:「求、點皆已高蹈,汝無宜復爾。 且君子出處

亦各一途。」

脚虛 解。 腫。 炯侍疾踰 年十九,解褐揚州主簿,舉秀才,累遷梁仁威南康王限內記室,書侍御史。 醫云:「須服猪蹄湯。」炯以有肉味不肯服,親友請譬,終於不回,遂以毁卒。 旬,衣不解帶,頭不櫛沐,信宿之間,形貌頓改。 及父卒,號慟不絕聲,藉 以父疾陳 地 腰

後,溫飽無資。 月朝十五 先是謂家 日,可置一甌粗粥,如常日所進。」又傷兩兄並淡仕進,故祿所不及,恐而 人曰:「王孫、玄晏所尚不同,長魚、慶緒於事爲得。 乃濯然下泣,自外無所言。 必須儉而 中禮,無取苟 今而

何昌寓字儼望,尚之弟子也。 **父佟之,位侍中。**[三]昌寓少而清靖,獨立不羣,所交者必

當世 清名,是以 風流籍甚。 仕朱為尚 書儀曹郎、 建平王景素征北南徐州府主簿,以 風素見

重。母老求祿,出爲湘東太守。還爲齊高帝驃騎功曹。

昌寓 在 郡、景素被誅、昌属痛之、至是啓高帝理其冤、又與司空褚彦 回書極言之。 高帝

嘉其義。 歷位 中書郎、王儉衞軍長史,儉謂昌萬 曰:「後任朝事者,非卿 而 誰

詔,拒詔,軍法行事耳。」〔三〕答曰:「能見殺者君 叔業賣旨詔 之計耳。」昌寓 臨 臨海王未有失,寧得從君單詔邪? 海王 昌寓, 昭秀為荆州 素有名德,叔業不敢逼 令以便宜從事。三三昌寓拒 ,以昌寓爲西中郎長史、南郡太守,行荆州 而退。 卽時自有啓聞,須反更議。」叔業曰:「若 上 |之日:「國家委身以 聞 也, 而嘉之,昭秀 能 拒詔者僕也。 由此 上流之重,[三] 付身 事。 得還都 君不能見殺,政有沿流 明帝 將踐阼,先使裝 爾 便 以 萬 是 拒 里

昌寓 後爲吏部尚書,嘗有 客姓閔 水官。 昌萬謂曰:「君是誰後。」答曰:「子騫後。」昌

寓團扇掩口而笑,謂坐客曰:「遙遙華胄。」

昌寓 不 雜交游,通和汎愛,歷郡皆以清白稱。 後卒於侍中,領驍騎將軍。 贈太常, 諡 日

簡子。子敬容。

敬容字 禮 弱 冠 尚齊武帝女長城公主, 拜駙馬都尉。 梁天監中,爲建安內史,清公有

七九五

列

傳

子

中庶

辯 訟 如 吏人 神, 、稱之。 視事四年,政爲天下第一。吏人詣闕請樹碑,詔許之。 累遷守吏部尚書,銓序明審,號爲稱職。 出為吳郡太守,為政勤卹人隱, 復爲吏部尚書、侍中,領太

事。 衣 有 裳 侍 不整,伏牀熨之,或暑月背爲之焦。 遷左僕射、丹陽尹,並參掌大選如故。 臣 敬容身長八尺,白皙美鬚眉,性矜莊,衣冠鮮麗。 衣帶卷摺,帝怒曰:「卿衣帶如繩,欲何所縛。」敬容希旨,故益鮮明。 每公庭就列,容止出人。爲尚書右僕射,參掌選 武帝雖衣浣衣,而左右衣必須潔。 常以膠清刷鬚, 嘗

名對。 此 門 敬容接對賓朋、言詞若訥、酬答二宮、則音韻調暢。 制 一狹,我始欲改構,遂遭天火。」相顧未答,敬容獨曰:「此所謂先天而天不遠。」時以爲 大同中,朱雀門災,武帝謂羣臣曰:

無賄 於 簿 則 領 五. 略 年, 請 不交語。 朝理 改爲 事 尚書令,參選事如故。 ,,日旰不休。 自晉宋以來,宰相皆文義自逸,敬容獨勤 職隆任 .重,專預機密,而拙於草隸,淺於 敬容久處臺閣,詳悉晉魏以來舊事,且聰明識達,動 庶務,貪吝爲 **沙學術** 時所 嗤 通 包苴 鄙 餉

公家『苟』既奇大、『父』亦不小。」敬容遂不能答。 其 署 [名「敬」字,則大作「苟」,小爲「文」,「容」字大爲「父」, 小爲「口」。<[三]陸 又多漏禁中語,故嘲誚日至。 倕 嘗有客姓 戲之曰:

吉,敬容問:「卿與邴吉遠近。」答曰:「如明公之與蕭何。」時蕭琛子巡頗有輕薄才,因製卦

名、離合等詩嘲之,亦不屑也。

帝嘗夢具朝服入太廟拜伏悲處,旦於延務殿說所夢。 敬容對曰:「臣聞孝悌之至,通於

神明。 陛下性與天通,故應感斯夢。」上極然之,便有拜陵之議。

後坐妾弟費慧明爲蘽倉丞夜盜官米,爲禁司所執,送領軍府。 時河東王譽爲領軍,敬

奏敬容協私罔上,合棄市。詔特免職。到漑謂朱异曰:「天時便覺開霧。」其見嫉如此。

容以書解慧明。譽前經屬事不行,因此卽封書以奏。帝大怒,付南司推劾。

御史中丞張綰

初,沙門釋寶誌嘗謂敬容曰:「君後必貴,終是『何』敗耳。」及敬容爲宰相,謂何姓當爲

其禍,故抑沒宗族,無仕進者,至是竟爲河東所敗。

祿大夫,未拜,又加侍中。 敬容舊時賓客門生諠譁如昔,冀其復用。 會稽謝郁致書戒之曰:

中大同元年三月,武帝幸同泰寺講金字三慧經,敬容啓預聽,敕許之。又起爲金紫光

草萊之人,聞諸道路,君侯已得瞻望朝夕,出入禁門。醉尉將不敢呵,灰然不無其

漸,甚休!敢賀於前,又將弔也。

而求親者也。 昔流言裁至,公旦東奔,燕書始來,子孟不入。 夫聖賢被虛過以自斥,未有嬰時釁 且暴鰓之魚,不念杯酌之水,雲霄之翼,豈顧籠樊之糧。何者。所託已

列

萬分,竊不爲左右取也。昔竇嬰、楊惲亦得罪明時,不能謝絕賓客,猶交黨援,卒無後 盛也。昔君侯納言加首,鳴玉在腰,回豐貂以步文昌,聳高蟬而趨武帳,可謂盛矣。不 福,終益前禍。 僕之所弔,實在於斯。 以此時薦才拔士,少報聖主之恩,今卒如爰絲之說,受責見過,方復欲更窺朝廷,觖望

楡」。如此,令明主聞知,尚有冀也。 能改之言,惟子貢更也之譬,少戢言於衆口,微自救於竹帛,所謂「失之東隅」收之桑 杜門念失,無有所通,築茅茨於鐘阜,聊優游以卒歲,見可憐之意,著待終之情,復仲尼 大署,冀君侯之復用也。夫在思過之日,而挾復用之意,未可爲智者說矣。夫君侯宜 人人所以頗猶有踵君侯之門者,未必皆感惠懷仁,有灌夫、任安之義,乃戒翟公之

僕東臯鄙人,入穴幸無銜寠,恥天下之士,不爲執事道之,故披肝膽,示情素,君侯

豈能鑒焉。

文謂曰:「淮北始更有信,侯景定得身免。」敬容曰:「得景遂死,深是朝廷之福。」簡文失色, 陽退敗,未得審實,傳者乃云其將暴顯反,景身與衆並沒。朝廷以爲憂。敬容尋見東宮,簡 太清元年,遷太子詹事,侍中如故。二年,侯景襲建鄴,敬容自府移家臺內。初,景渦

問其故,對曰:「景翻覆叛臣,終當亂國。」

「昔晉氏喪亂,頗由祖尙虛玄,胡賊遂覆中夏。 是年,簡文頻於玄圃自講老莊二書,學士吳孜時寄詹事府,每日入聽。 今東宮復襲此, 殆非人事, 其將爲戎乎。」俄 敬容謂孜曰:

而侯景難作,其言有徵也。三年,卒于圍內。

助財造構,敬容並不拒,故寺堂宇頗爲宏麗。時輕薄者因呼爲「衆造寺」。及敬容死職出宅, 止有常用器物及囊衣而已,竟無餘財貨,時亦以此稱之。 何氏自晉司空充、宋司空尚之奉佛法,並建立塔寺,至敬容又捨宅東爲伽藍,趨權者因

從弟敬容。」其見知如此。 也。」位秘書丞,早卒。 「仍欲就兄求名。」胤卽命紙筆,名曰鵔。曰:「書云兩玉曰穀,吾與弟二家共此一子,所謂穀 敬容特為從兄胤所親愛,胤在若邪山嘗疾篤,有書云:「田疇館字悉奉衆僧,書經並歸 敬容唯有一子,年始八歲。在吳,臨還與胤別,胤問名,敬容曰:

恒之赴**慧景,子季之矯敬沖,**Clk2以迹以心,居然可測。而高自標致,一代歸宗,以之入用, 此之謂乎。 粹之地,高人未之全許。然父子一時並處權要,雖經屯詖,咸以功名自卒,古之所謂巧宦, 論曰一尚之以雅道自居,用致公輔,行己之迹,動不踰閑。及乎洗閤取譏,皮冠獲誚,貞 點、胤弟兄俱云遁逸,求其蹈履,則非曰山林,察其持身,則未捨名譽。 觀夫子

傳

未知所取。 斯殆虛勝之風,江東所尚,不然何以至於此也? 昌寓雅仗名節,殆曰人望。

容材實幹蠱,賄而敗業,惜乎。

校勘記

租惔南康太守 「惔」各本作「恢」,據晉書何準傳改。

並合從原 宋書此句上有「陸旣縛送,則餘人無應復告」二句,則「從原」爲免其家人,意自顯豁,

處删 節不當,似並其子亦原発。

此

= 昔殷浩亦嘗作豫章定省 張森楷南史校勘記:「『作』,疑當作『往』,字近而誤。」按限說蓋是。

立學聚生徒東海徐秀廬江何曇黃回至並慕道來遊 「立學」朱書作「立玄學」,「回」字各本並

脫,據宋書補。

 \Box 五 不憂致大變也 「變」字各本並脫,據宋書補。

泉布廢興未容驟議 「未容」二字各本並脱,據通志補

中領軍沈演之以爲若以大錢當兩 「錢」字各本並脫,據宋書補。

孟 即 孟顗 「顗」各本作「覬」、據宋書改。 按孟顗附見謝靈運傳。

بر اسا 義宣司馬竺超至 並應從誅 「竺超」朱書作「竺超民」,此避唐諱 而省。

敬

- 以爲左光祿開府儀同三司 「爲」字各本並脫,據宋書補。
- 時吳郡陸探微 顧寶先皆能畫 「實」各本作「彦」、據太平御覽九四四引改。 按顧寶先附顧琛傳

宋孝武帝大明中爲尚書水部郎,時正相接。 本書卷二十二王曇首傳子僧虔附傳稱「吳郡顧寶先

卓. ·越多奇,自以伎能,僧虔乃作飛白以示之」,即其人。

- **叉追贈侍中右光祿大夫** 「又」各本作「父」,據南齊書改。
- 隱武丘山 「武」本字「虎」、避唐諱改。
- 與陳郡謝滯吳國張融會稽孔德璋爲莫逆友 「孔德璋」即「孔稚珪」、此避唐諱而改稱其字。
- 而爲詩有高言 「高」下梁書有「尙」字。
- 梁武帝霸朝建引為軍謀祭酒幷與書詔不至 時梁武帝未即位,不得言韶,疑此「韶」字衍文。 }道

志無「詔」字。

- -1: 詔 爲特進光祿大夫 「光祿」上梁書有「右」字。
- 遺領軍 司馬王杲之以手敕諭 意 「王杲之」梁書作「王果」。
- 之 唯祖尚之至七十二 年至七十二,疑當以尚之本傳爲正。 按南史及朱書何尚之傳並 作薨年 七十九, 此與梁書處士何胤傳又並作尚
- 列 胤 在波若寺見 一名僧授胤香爐奩幷函書 梁書無「名」字、疑此衍文。

傳

第

+

校

勘

記

父佟之位侍中 張森楷南史校勘記:「南齊書作『父佟之,太常。」按『佟』當作『攸』,梁書何敬容 何

}傳 作 『攸之』。 宋書江湛傳有『侍中何攸之』,即其人也,何尚之傳又作『悠之位太常、侍中』。

佟之別一人,見梁書儒林傳。」

 \subseteq 先使裴叔業賷旨詔昌寓令以便宜從事 「詔」通志作「詣」。「賷旨詔昌萬」北監本、殿本作「往密

敕昌寓」,其他各本如本文。「裴叔業」南齊書作「徐玄慶」。

至 國家委身以上流之重 北監本、殿本作「國家委身以六尺之孤」,其他各本如本文。

拒韶軍 法行 事耳. 北監本、殿本作「拒韶恐非佳事耳」,其他各本如本文。

容字大爲父小爲口 各本脱「爲父小」三字,據册府元龜九五四補。 按下陸倕云「父亦不小」,

CTC 子季之矯敬沖 「子季」各本作「子秀」,據何胤傳改。 按子季,何胤之字,敬沖、謝朏之字。

則作「大爲父而小爲口」爲是。

南足卷三十一

列傳第二十一

張裕 子永 岱 岱兄子緒 緒子完 充 永子瓌 瓖子率 率弟盾 瓌弟稷

稷子嵊 稷從子種

張裕字茂度,吳郡吳人也,名與宋武帝諱同,故以字稱。 曾祖澄,晉光祿大夫。 祖彭

祖、廣州刺史。 父敞、侍御史、度支尚書、吳國內史。

留任州事。 茂度仕爲宋武帝太尉主簿、楊州中從事,累遷別駕。 武帝西伐劉毅,北伐關洛,皆居守 出爲都督、廣州刺史、平越中郎將,綏靜百越,嶺外安之。

以邵誠節,故不加罪。 西軍始至白帝。|茂度與晦素善,議者疑其出軍遲留。弟邵時爲湘州刺史,起兵應大駕。 元嘉元年,爲侍中、都督、益州刺史。帝討荆州刺史謝晦,詔益州遣軍襲江陵。晦平, 累遷太常,以脚疾出爲義興太守。上從容謂曰:「勿以西蜀介懷。」對

列

傅

百:「臣不遭陛下之明、墓木拱矣。」

之華山爲居止。 後爲都官尚書,以疾就拜光祿大夫,加金章紫綬。 優游野澤,如此者七年。十八年,除會稽太守。 茂度內足於財,自絕人事,經始本縣 素有吏能,職事甚理。

於官、諡曰恭子。

子演,位太子中舍人。演四弟鏡、永、辯、岱俱知名,己時謂之張氏五龍。

延之從籬邊聞之,取胡牀坐聽,辭義淸玄。 延之心服,謂客曰:「彼有人焉。」由是不復酣叫。 鏡少與光祿大夫顏延之鄰居,顏談義飲酒,喧呼不絕,而鏡靜默無言聲。後鏡與客談,

仕至<u></u>新安太守。 演、鏡兄弟中名最高,餘並不及。

某處年幾減半,位裁卿校,而累世貴顯。」燈乃葬其劣處。位光祿,年六十四而亡,其子孫遂 初,裕曾祖澄當葬父,郭璞爲占墓地,曰:「葬某處,年過百歲,位至三司,而子孫不蕃

撰,徙永爲删定郎,掌其任。二十二年,除建康令,所居皆有稱績。又除廣陵王誕北中郎錄 |永字景雲,初爲郡主簿,累遷尙書中兵郎。先是尙書中條制繁雜,元嘉十八年,欲加修

事參軍。

列傳第二十一 張裕

地。 累 墨 何 任 武 九 所及。」 一,詔責 年 湖 旬 自營造, 永 不 永 並 以 拔,爲 涉 及 永 永等與思話。 使 申坦 獵 爲 永 書史,能爲文章,善隸書, 魏 監統。 揚威將軍 上每 並 軍 爲統 得 所殺甚衆。 凡 永 府撫軍 冀州 所 表 又與江夏王義恭書曰:「 啓, 制置、皆受則於永。 將軍 刺 輒 永即 史,加都督。督王玄謨、申坦 執玩 蕭思話 夜撤圍退軍 咨嗟, 騎射雜藝, 觸類兼善。 所收, 自嘆供御者了不及也。 水既 ,不報告諸將, 早知諸將輩如此,恨不 繋於 有才能,每盡 歷城獄。 等諸將經略河南,日進攻碻磝, 叉有 衆軍 文帝以屢征無功, 心力,文帝謂堪爲將。 一驚擾, 巧思、益爲文帝所知 二十三年,造華林園 以白刃驅之, 爲 魏所 乘死 諸 **今者悔** 將 敗 不 玄 可 塗 紙

德,近 相 都 誻 督 緝 三十 効 永 平 與 遣 年, 思 勃亡 司 元凶弑立,起永爲青州刺史。 話 馬 書, 私 崔勳之、中兵 之美。 勸 與 永 事 坦 平, 懷。 参軍 召 劉 爲 叉 宣則 使 江 夏王 永 從兄 及司空南譙王義宣起義, 軍 義 恭 馳 長 史張暢 赴 大 國 司 難。 馬 從 與 時 事 永 蕭 書 中 郎,領 思話 勗 之, 又改永為冀州 在 中 使遠 彭 兵 城 湿脈 義宣 閵 廬 刺 在 史,加 人不

旣 有 銅 與 釋之 滓 孝 ٠, 武 乃 同 孝 扣 姓 建 鍾 一、欲 元 求 年 使 其 處,鑿 天 臧質 下 復 反, 而 無冤 去之, 遣 人。」 永 聲遂清越。 輔 永 武 曉 昌 音律, 王 渾 鎭 太極 京 口 殿 O 前鍾 大 明 聲 嘶 年 孝武 累 遷 嘗 廷 以問 尉。 泳。 上謂 泳答鍾 日: 卿

八〇六

明 卽 位 . , 爲|青冀二州 刺史、監四州諸 軍 事,統諸將討徐州刺史薛 安都,累戰 剋 破

薛索兒。又遷鎭軍將軍,尋爲南兗州刺史,加都督。

事, 進軍彭城。 時 薛安都據彭城請降, 安都招引魏兵旣至, 而誠心不款。 永狼 狽引 明帝遣永 軍 還 燙 爲魏軍追大敗, 與沈攸之重 兵迎 復遇 之, 寒雪, 加都督前 士卒離散 鋒諸軍

冰脚指斷落,僅以身免,失其第四子。

馬,號 所 有謝方童、阮須、 失之子,有兼常 三年,徙會稽太守, 日侍從。 有軍 何達之等竊其權,贓貨盈積。 哀, 事,輒語左右 服制 加都督,將軍 雖除, 報郎 **獪立** ·如故。 靈座, 君 知 也。 以北行失律,固求自貶, 飲食衣服, 方童等坐贓下獄 以破薛索兒功,封孝昌 待之如 生。 死,永又降號 毎 降號左將軍。 1縣侯。 出行 ',常別' 冠軍 在會稽,賓客 將軍 具名車 永痛 好 悼

攻南 賜脯 軍、南兗州刺史,加都 悅 非 餼 掖 常 ",必 棊 門, 卽 即位, 永遣 日 坐齊割,手 命駕還 人覘賊、旣反、唱言臺城陷、水衆潰、 爲右光祿 都。 督。 ,自頒 未之鎭, 大夫、侍中, 永少便驅 賜。 邁 年雖已老,志氣未衰,優游閑任,意甚 ·馳,志在宣力, 其爲將 柱陽王 領安成 休範 王 作亂 師。 棄軍還。 永 出爲吳郡 率所 帥 ٠, 領屯 能 以舊臣不加罪,止免官削爵 太守。 與士卒同 自下。 不樂。 元徽二年,爲 休範 甘苦。 及 至 有此 新亭,前鋒 朝 征 廷 授,喜 北 所 給 將

以

愧

發病

卒。

俗字 景山 ,州辟從事 界遷東遷令。 時殷沖爲吳興太守,謂 人曰:「張 東遷 親貧 須養、所

以棲遲下邑。然名器方顯,終當大至。」

糾 學。 後 宋孝武 爲 司 徒 左西曹掾。 曰:「觀 過可 以 母年八十,籍注未滿,低便去官,從實還養。 知仁,不 · 須案 也。 有司 以岱違制,將

欲

兗州 以 事 城 多 禮,悔吝之事 太守,行府、 門, 岱 累 遷山陰 歷 加 爲 毎 能 \equiv 令, 州 府 緝 無由 職事 諮議三王行 和 國事。 公私,云何致此。」岱 而 閑 及 理。 後臨海 , 明 事,與 闇 巴陵王休若爲北 短長,更是才用多少耳。」 王 、典籤 爲征虜將軍 主帥 曰:「古人言,一 共 徐州,未親政事,以岱爲冠軍諮議參軍,領 廣州 事 事 豫章王 舉 心 而 可 情 以事 爲 得。 車騎 或謂岱 百 揚州 君。 我爲 曰:「主王旣幼,執 晉安王 政端 爲征 平,待 房南 彭 物

卿 美効夙著,兼資宦已多,今欲用卿 入爲黃門郞。 新安王 子鸞以盛寵 爲子鸞別駕,總刺 爲 南 徐州 割吳郡 史之任,無謂 屬焉。 髙 選佐史, 小 屈,終當 孝武召岱謂 大申也。」

帝崩 累遷吏部郎。 泰始 末,爲吳興太守。 元徽中, 爲盆州 刺史, 加 都督。 數年、益土

安其政。

累遷 吏 部 尙 書。 王儉爲吏部郎, 時專斷曹事, 岱每相違執。 及儉爲宰相, 以 此頗不

相善。

宜濫 裁。」高帝曰:「恕爲人我所悉, 兄子瓌、弟恕誅吳郡太守劉遐,齊高帝欲以恕爲晉陵郡。 其又與 、瓊同 勳 自應有賞。」岱曰:「若以家貧賜 岱曰:「恕未閑從政, 禄此 美錦不 所

不論,語功推事,臣門之耻。」加散騎常侍。

建元元年,中詔序朝臣,欲以右僕射擬岱。 褚彦回謂得此過優,若別有忠誠,特宜升引

者,別是一理。」詔更量。

戎務殷,宜須望實。 出 爲吳郡太守。 今用卿爲護軍。 高帝知岱歷任清直,至郡未幾,手敕曰:「大郡任重,乃未欲 加給 事中。」岱拜竟,韶 以家爲府 回 換,但總

武帝即位,復爲吳興太守。 岱晚節在 吳興,更以寬恕著名。 此十數年。 遷南兗州 刺 諡 史,未拜卒。

叔陽 誻 詳 並貴 郡 緒字思曼,偕兄子也。父演,宋太子中舍人。緒少知名,清簡寡欲,從伯敷 縣 (異之。 米 事 ア,緒蕭: 鏡比之樂廣,敷云「是我輩人」。 然直視,不以 經 懷。 宋明帝 毎見緒,輒歎其 暢言於孝武 帝, 、清淡。 用爲· 尙 書倉部郎。 及叔父鏡、從 都令史

轉 ·太子中庶子、本州大中正,遥 司徒左長史。 吏部尚書袁粲言於帝曰:「臣觀張緒有正

始 日:「一生不解作諾。」有以告袁粲、褚彦回者,由是出爲吳郡太守,緒初 擬 遺 含 風,宜爲宮職。」復轉中庶子。 人王儉爲格外記室。 緒以儉人地無美,宜轉秘甚丞。 後爲侍中,遷吏部郎,參掌大選。 從之。 緒 元徽初,東宮官罷,選 不 又遷侍中,嘗私謂客 知 也

僕射王儉嘗云:「緒過江所未有,北士可求之耳。〔三不知陳仲弓、黃叔度能過之不?」 昇 明二年,自祠部尚書爲齊高帝太傅長史。 建元元年,爲中書令。 緒善談 区玄,深1 見敬

曰:「儉 諸 用 子 緒 皆 爲 駕 輕 少 右 幸 僕射, 一俠,中子虎 年或未憶耳,江左用陸玩、顧和,皆南 莊嚴寺聽僧達道人講維摩,坐遠不聞緒言,上難移緒,乃遷僧達以近之。 以問王儉。 少 時又不護細行 **|**儉曰:「**||**熔少有清望,誠美選也。 ,儉又以爲言,乃止。 人也。」儉曰:「晉氏衰政,不可爲則。」先是緒 南 士由 來少居此職。」 褚彦 時帝欲 回

精 敬 理 、季琰爲 奥 及 立 見宗一時。 國學,以緒爲太常卿,領國子祭酒,以王延之代緒爲中書令。 此 職,今以王延之、張緒爲之,可謂 常云「何 平叔不 解易 中 七事 清官。 後接 之者,實爲未易。」緒 何點歎曰:「晉以子 長於周易,言

騎常侍、 事 武 金紫 給 卽 事 位,轉吏部 光 如 祿 故。 大 夫,師 緒 尙 毎 書, 朝 如 故 見, 祭酒 給親信二十人。 武 如 帝目 故。 送之, 永明二年,領南郡王師,加給 謂王儉曰:「緒以位尊我 事中。 我以德貴緒。」遷散 三年,轉太子

列

復領中正。 長沙王晃屬選用吳郡聞人邕爲州議曹,緒以資籍不當,執不許。 晃遺書於

緒固請之,緒正色謂晃信曰:「此是身家州鄉,殿下何得見逼。」乃止。

常賞玩咨嗟,曰:「此楊柳風流可愛,似張緒當年時。」其見賞愛如此。 尹,時諸令史來問訊,有一令史善俯仰,進止可觀。 益州、獻蜀柳數株、枝條甚長、狀若絲縷。 「十餘歲在張冷門下。」儉目送之。 時尹丞殷存至在坐,曰:「是康成門人也。」 **賭吐納風流,聽者皆忘飢疲,見者肅然如在宗廟。** 時舊宮芳林苑始成,武帝以植於太昌靈和殿前, 儉賞異之,問曰:「經與誰共事。」答云 雖終日與居,莫能測焉。 王儉爲尚書令、丹陽 劉俊之爲

爲 [如何?]子良竟不拜,以賭領國子祭酒。 七年,竟陵王子良領國子祭酒,武帝敕王晏曰:「吾欲令司徒辭祭酒以授張緒,物議以

緒口不言利,有財輒散之。清談端坐,或竟日無食。 門生見緒飢,爲之辦餐, 然未嘗

求也。

不設祭」。從弟融敬緒,事之如親兄。 死之日,無宅以殯,遺命「凶事不設柳翣,止以蘆葭。[三] 轜車引柩,靈上置盃水香火, **齎酒於緒靈前酌飲慟哭曰:「阿兄風流頓盡。」追贈散**

子完,宋後廢帝時爲正員郎,險行見寵,坐廢錮。 完弟允,永明中安西功曹,淫通殺人 騎常侍、特進、光祿大夫,諡簡子。

矣,請至來歲。」緒曰:「過而能改,顏氏子有焉。」及明年便修改,多所該通,尤明老、易,能清 充 字延符,少好逸遊。 緒嘗告歸至吳,始入西郭,逢沈獵,右臂鷹,左牽狗。 遇緒船至,

充 穀 歷尚書殿中郎、武陵王友。時尚書令王儉當朝用事,齊武帝皆取決焉。 儉方聚親賓,

以爲慍,與儉書曰:

與從叔稷俱有令譽。

圓 崖,確乎 水柔,性之別也,圓行方止,器之異也。 軸 之用。 以 由 氣岸 自娛,逍遙乎前史。從橫萬古,動默之路多端,紛綸百年,升降之塗不一。 頃日路長,霖霞韜晦,凉暑未平,想無虧攝。 之情,峯横海岸。 疏凝,情塗狷隔。 至如影纓天閣,旣謝 獨師懷抱,不見許於俗人,孤秀神崖,每遭回 善御性者,不違 廊廟之華,綴組 金水之質, 雲臺,終愧衣冠之秀。 善爲器者, 介然之志,峭聳霜 於在世。 不 故 ·易方 金 剛

列

傅

第

+

張裕

魚鳥,畢景松阿。 雖復玉沒於訪珪之辰,桂掩於搜芳之日,汎濫於漁父之遊,偃息於卜

居之會,如此而已,充何識哉。

森,相繚於澗側。 時,孤松獨秀者也。而茂陵之彥,望冠蓋而長懷,渭川之甿,佇簪裾而竦歎,得無惜乎。 川,每至西風,何嘗不歎。丈人歲路未强,學優而仕,道佐蒼生,功橫海望,可謂德盛當 煙霞,高臥風月, 容與於屠博之間,其歡甚矣。然舉世皆謂沈爲狂,充亦何能與諸君道之哉。是以 |充崐西百姓,||岱表一人,「KJ 蠶而衣,耕而食。不能事王侯,覓知己,造時人, 騁游 若夫驚巖罩日,吐海逢天,竦石崩尋,分危落仞。 悠悠琴酒,岫遠誰來,灼灼文言,空擬方寸。不覺鬱然千里,路隔江 元卿於是乎不歸,伯休亦以兹長往。至於飛竿釣渚,濯足滄洲,獨浪 桂蘭綺靡,叢雜於山幽, 松柏陰

阻,書罷莫因,儻遇樵夫,妄塵執事。 披聞見,掃心胸,述平生,論語默。所可通夢交魂、推襟送抱者,唯丈人而已。闕廷夐

嶢等並爲司徒竟陵王賓客。累遷義興太守,爲政淸靜,吏人便之。後爲侍中。 見其書,歎曰:「充始爲之敗,終爲之成。」久之,爲司徒諮議參軍,與琅邪王思遠、同郡陸慧 儉以爲脫略,弗之重,仍以書示賭,賭杖之一百。又爲御史中丞到撝所奏, 発官禁錮。 沈約

梁武帝兵至建鄴,東昏逢殺,百官集西鍾下,召充,充不至。武帝霸府建,以充爲大司馬

講說 頃之,出爲吳郡太守。 下車恤貧老,故舊莫不忻悅。 諮議參軍。 ,皇太子以下皆至。 天監初,歷太常卿、吏部尚書,居選以平允稱。 時王侯多在學, 執經 以拜, |
充
朝
服 卒於吳郡、諡 再遷散騎常侍、國子祭酒。 而立,不 日穆子。 敢當。 子最 再遷尙書僕射 嗣 登堂

祿, 自発不拜。 · 康字祖逸,宋征北將軍、南兗州刺史永之子也。 仕宋,累遷<u>桂陽</u>內史。 後爲司徒右長史,通直散騎常侍,驍騎將軍 不欲前兄瑋處

融聞之,與讓書曰:「吳郡何晚,何須王反,聞之嗟驚,乃是阿兄。」郡人顧暠、陸閑並少年未 冲。 高帝密遣殿中將軍十白龍令嚷取遐。 知名,瓌並引爲綱紀,後並立名,世以爲知人。 恩自結。後遭父母喪,行還吳持服。 褒委以軍事, 褒偽受命, 與叔恕領兵十八人入郡斬之, 郡內莫敢動。 沖曰:「壞以百口一擲,出手得盧矣。」卽授吳郡太守,錫以嘉名,封義城縣侯。 〔5〕從弟 初,壞父永拒桂陽王休範於白下,敗績,阮佃夫等欲加罪,齊高帝固申明之,壞由此感 諸張世有豪氣, 昇明元年,劉彥節有異圖, **瓌宅中常有父時舊部曲** 弟遐爲吳郡,潛相 事捷,高帝以告左軍張 [數百。 影響。 遐召

我 (親卿不異賾、)嶷等。」文季每還直,器物若遷, 瓌止朝服而已。 齊建元元年,改封平都侯,遷侍中,與侍中沈文季俱在門下。 時集書每兼門下,東省實多 高帝常謂曰:「 卵雖 我臣

列傅

第二十一

張

裕

清貧,有不識壞者,常呼爲散騎。

出爲吳興太守。 **褒以旣有國秩,不取郡奉。** 高帝敕上庫別藏其奉,以表其淸。

絅 臨雍州, 武 帝即位,爲寧蠻校尉、雍州刺史,加都督。 行部登蔓山, 有野老來乞。 納問:「何不事產而行乞邪。」答曰:「張使君臨州理 徵拜左 一戶尙書,加右軍 將軍。還後,安陸王

物,百姓家得相保。後人政嚴,故至行乞。」網由是深加嗟賞。

大夫。 瓊 後拜太常, 曰:「陛下御臣等若養馬,無事就閑愿,有事復牽來。」帝猶怒,遂以爲散騎常侍、光祿 自謂閑職,輒歸家。 武帝曰:「卿輩未富貴,謂人不與,既富貴, 那復欲委

石頭,督衆軍事。 鬱林之廢,朝臣到宮門參承明帝。 嚷見朝廷多難,遂恒 「臥疾。 褒託脚疾不至。 海陵立,明帝疑外藩起兵,以嚷鎮

好音律,老而 建武 末,屢啓求還吳,見許。 方解 。。平生嗜欲,無復一存,唯未 居室豪富,伎妾盈房。 能遣 此耳。 或者譏其衰暮畜伎。 瓌曰:「我少

兵迎 拒於 明帝疾甚,防疑大司馬王敬則,授壤平東將軍、吳郡太守,以爲之備。 松江。 聞敬則軍鼓聲,一時散走。 褒棄郡逃人間, 事平乃還郡, 及敬則 爲有司奏, 反, 瓌遣

削

爵。

永元初,爲光祿大夫。三年,梁武帝起兵,東昏假壞節,戍石頭,尋棄城還宮。

元年,拜給事中、右光祿大夫,以脚疾拜於家。四年卒。

躟有子十二人,常云「中應有好者」。 子率知名。

|訥便句句嗟稱,無字不善。|率曰:「此吾作也。」|訥慚而退。 頌,至年十六,向作二千餘首。有虞訥者見而詆之,率乃一旦焚毁,更爲詩示焉,託云沈約。 率字」士簡,性寬雅。十二能屬文,常日限爲詩一篇,或數日不作,則追補之,稍進作賦

時陸少玄家有父澄書萬餘卷,率與少玄善,遂通書籍,盡讀其書。

約,遇任昉在焉。)約謂昉曰:「此二子後進才秀,皆南金也,卿可識之。」由此與昉友。 建武三年,舉秀才,除太子舍人,與同郡陸倕、陸厥幼相友狎。嘗同載詣左衞將軍沈

首。後引見於玉衡殿,謂曰:「卿東南物望,朕宿昔所聞。卿言宰相是何人,不從天下,不由 詩,武帝別賜率詩曰:「東南有才子,故能服官政,余雖慚古昔,得人今爲盛。」率奏詩往反六 甚見稱賞。手敕答曰:「相如工而不敏,枚臯速而不工,卿可謂兼二子於金馬矣。」又侍宴賦 琅邪王琛、吳郡范懷約等寫給後宮。 率取假東歸,論者謂爲傲世,率懼,乃爲待詔賦奏之, 梁天監中,爲司徒謝朏掾,直文德待詔省,敕使抄乙部書,又使撰古婦人事。使工書人

地 世。 卿名家奇才,若復以禮律爲意,便是其人。祕書丞天下淸官,東南望冑未有爲之者,

今以相處,爲卿定名譽。」尋以爲祕書丞,掌集書詔策。

四年,禊飲華光殿,其日河南國獻赤龍駒,能拜伏,善舞。 韶率與到漑、周興嗣爲賦,武

帝以率及興嗣爲工。

奏,然猶致時論。服闋,久之不仕。 願,遂出家爲尼。嘗因齋會率宅,珖之乃飛書言與率姦。南司以事奏聞,武帝惜其才,寢其 其年,父憂去職。 有父時妓數十人,其善謳者有色貌,邑子儀曹郎顧珖之求娉,謳者不

守,丁所生母憂卒。 奏事,武帝覽牒問之,並無對,但答云:「事在牒中。」帝不悅。後歷黃門侍郎。出爲新安太 參軍。率在府十年,恩禮甚篤。後爲揚州別駕。率雖歷居職務,未嘗留心簿領。及爲別駕 七年,除中權建安王中記室参軍,俄直壽光省,修丙丁部書抄。累遷晉安王宣惠諮議

賦,今亡其文者,並補作之。所著交衡十五卷,文集四十卷行於世。子長公。率弟盾。 故,答曰:「雀鼠耗。」率笑而言曰:「壯哉雀鼠。」竟不研問。自少屬文,七略及藝文志所載詩 率嗜酒不事,於家務尤忘懷。 在新安遣家僮載米三千石還宅,及至遂耗太半。 率問其

易。」 所 用 餘無所言。[弘於是生資皆盡,不以介懷。 نار 盾 学士宣, 身死之日,家無遺財,唯有文集幷書千餘卷,酒米數甕而 以謹 重稱。 爲無錫令,遇劫, 問劫何須,劫以刀斫 爲湘東王 記室, 出監富陽 其類, 令。 盾日 廓然獨 咄 叫, 不

劇 則累夜不寢。 稷字公喬, 譲 弟 也。 及終,毀瘠過人,杖而後起。 幼有孝性,所生母劉無寵, 見年輩幼童,輒哽咽泣淚,州里謂之淳孝。 遘疾。 時稷年十一,侍養衣不解带,每

長兄瑋善彈筝,稷以劉氏先執此伎,聞瑋爲淸調,便悲感頓絕,遂終身不聽之。

永明中,為豫章王嶷主簿,與彭城劉繪俱見禮接,未嘗被呼名,每呼爲劉四、張五 性 疎 率,朗悟有才略,起家著作佐郎,不拜。父永及嫡母丘相繼殂,六年廬于墓 側。 以貧求 齊

爲剡令,略不視事,多爲小山遊。[10]會山賊唐寓之作亂,稷率厲部人保全縣境 自幼及長、數十年中、常設劉氏神座。 所 生母劉先假葬琅邪黃山,建武中改申葬禮,賻助委積。於時雖不拒絕,事畢隨以還 出告反面,如事生焉

淫 - ,宿衞宮城。 虐,北徐州刺 歷 給事 中黃門侍郎,新興、永寧二郡太守。 梁武 史王珍國就稷謀,乃使直閣張齊行弑于含德殿。 師至,兼衞尉江淹出奔,稷兼衞尉卿,副王瑩都督城內諸軍事。 郡犯私諱,改永寧爲長寧。 稷乃召右僕射王亮等列坐 永元末,爲侍 時東昏

別

殿 前西鍾下,議遣國子博士范雲、中書舍人裴長穆等使石頭城詣武帝,以稷爲侍中、左衞將

軍,遷大司馬左司馬。

承伐之, 豈在臣而已。」帝埓其鬚曰:「<mark>張公可畏人。」中丞陸杲彈稷云:「領軍張稷</mark>, 門無忠 貞,官必險達,殺君害主,業以爲常。」武帝留中竟不問。 天血,如卿兄弟,有何名稱。」稷曰:「臣乃無名稱,至於陛下不得言無勳。 內宴,稷醉後言多怨辭形於色。 帝時亦酣,謂曰:「卿兄殺郡守,弟殺其君,袖提帝首,衣染 梁朝建,爲散騎常侍,中書令。及上卽位,封江安縣子,位領軍將軍。武帝嘗於樂壽殿 東昏暴虐,義師亦

以 |稷清貧,手詔不受。 累遷尚書左僕射。 宋時孝武帝經造張永、三三至稷三世,並降萬乘,論者榮之。 帝將幸稷宅,以盛暑留幸僕射省。舊臨幸供具,皆酬太官饌直。 帝

防寬弛,僚東頗致侵擾。 同 以旌 稷 雖 其志。 居朝右,每慚口實,乃名其子伊字懷尹,霍字希光,畯字農人。 旣懼且恨,乃求出,許之。出爲靑冀二州刺史,不得志,常閉閤讀 州人徐道角等夜襲州城,乃害之。 有司 奏削 爵士。 同字不見,見字不 佛經。禁

稷 性明烈,善 與 人交、歷官無畜聚、奉祿皆頒之親故、家無餘財。 爲吳興太守,下車存

間遺老,引其子孫置之右職,政稱寬恕。

初 去郡就僕射徵,道由吳,鄉人候稷者滿水陸。 稷單裝徑還都下,人莫之識,其率素

如此。

稷 長女楚媛適會稽孔氏,無子歸宗,至逢稷見害,女以身蔽刃,先父卒。

稷與族兄克、融、卷俱知名,時目云克、融、卷、稷爲四張。 卷字令遠,少以和理著稱,能

稷子嵊。

清言,位都官尚書,天監初卒。

嵊字四山。 稷初爲剡令,至嵊亭生之,因名嵊,字四山。 少敦孝行,年三十餘,猶斑衣

受稷 杖、動至數百、收淚歡然。 方雅有志操,能清言,感家禍,終身蔬食布衣,手不執刀刃,

不聽音樂。弟潍言氣不倫,嵊垂泣訓誘。

曰:「卿 起家 後當 秘 書郎,累遷鎮南湘 東入爲郡、恐不得終其天年。」「嵊曰:「貴得其所耳。」時伏挺在坐,曰:「君王 東王長史、尋陽太守。 王暇日玄言,因爲之筮,得節卦,謂嵊 可畏

人也。」

東歸 亦 無 還爲· 恨。」浚固 ,嵊往見之,謂 太府卿,吳興太守。 勸 嵊舉 曰:「賊臣 義。 時 |邵陵王編東奔至錢唐,聞之,遣前舍人陸丘公板 憑陵,人臣効命之日, 侯景圍建鄴,遣弟伊率郡兵赴援。 今欲收集兵刃, 保據 城陷,御史中丞沈浚違難 貴 鄉,雖復 授 嵊征東將 萬死、誠

傳第二十一 張裕

列

軍。嵊曰:「天子蒙塵、今日何情復受榮號。」留板而已。

翠知名。 室. 就爾處求恩。」於是皆死。賊平,元帝追贈侍中、中衞將軍、開府儀同三司、諡忠貞子。「嵊弟 曰:「速死爲幸。」乃殺之。 助神茂擊嵊。 賊行 臺劉神茂攻破義興,遣使說嵊,嵊斬其使,仍遣軍破神茂。 嵊軍敗, 乃釋戎服坐於聽事。 子弟遇害者十餘人。景欲存其一子,嵊曰:「吾一門已在鬼錄,不 賊臨以刃終不屈,執以送景。景將舍之,嵊 侯景乃遣其中軍侯子

史,重選府僚,以極爲左西曹掾。 其風。」仕梁爲中軍宣城王府主簿,時已四十餘。家貧,求爲始豐令。及武陵王紀爲益州刺 種 種字士苗,永從孫也。祖辯,宋大司農,廣州刺史。 父略,太子中庶子,臨海太守。 少恬靜,居處雅正,傍無造請。時人語曰:「宋稱敷、演,梁則卷、充,清虛學尙,種有 種辭以母老,爲有司奏,坐黜免。

書,侍中,中書令,金紫光祿大夫。 畢,居家飲食,恒若在喪。景平,初司徒王僧辯以狀奏,起爲中從事,幷爲具葬禮,葬訖,種 方卽吉。僧辯 侯景之亂,奉母東奔鄉里。母卒,種時年五十,而毀瘠過甚。又迫以凶荒未葬,服雖 又以種年老無子,賜以妾及居處之具。陳武帝受禪,爲太常卿。歷位左戶尙

種沉深虛靜,識量宏博,時以爲宰相之器。 僕射徐陵嘗抗表讓位於種,以爲宜居左執

其爲所推如此。卒,贈特進,諡元子。

失之,帝大笑而不深責。 處 僻陋,特賜宅一區。 種 仁恕寡欲,雖歷顯位,家產屢空,終日晏然,不以爲病。 又累賜無錫、嘉興縣秩。 有集十四卷。 嘗於無錫見重囚在獄,天寒,呼囚暴日,遂 太建初,女爲始興王妃,以居

種弟

陵亦清靜有識度,位司徒左長史,贈光祿大夫。

譽所 心 士之行己,可無深議。 以永元之末,人憂塗炭,公喬重圍之內,首創大謀,而旋見猜嫌,又況異於斯也。 歸,豈徒然也。 論 曰:張裕有宋之初,早參霸政,出內所歷,莫非淸顯、諸子並荷崇搆, 思曼立身簡素,殆人望乎。 四山赴蹈之方,可謂矯其違矣。 夫濯纓從事,理存無二**,** 取信一 克舉家聲, 其美 主,義 然則 絕百

校勘記

演 四 弟鏡 永辯岱俱 知名 「鏡」本字「敬」,此刻本避宋 韓改。 參李慈銘宋書札記。

督 王 玄 謨 申 坦 等 諸 將經 心略河南 「督」字各本並脫、據宋書補

列

傳

第

+

校

勘

記

= U 北士過江以來,未有如緒者。 緒過江所未有北士可求之耳 故下云『不知陳仲弓、黃叔度能過之不』。 李慈銘南史札記:「南齊書作『北士中夏張緒,過江未有人』。 陳、黃皆漢末北士最 謂 有

<u> 29</u> 史並以爲七事、誤也。 何平叔不解易 中七事 梁書伏曼容傳亦云九事,世說同。」 梁玉繩瞥記三:「何平叔不解易中九事」見魏志管輅傳注,南齊書及南

C 型 」 止以 蘆 葭 「 止 」 各本作 「 上 」 「 據 通 志 改 。

C*J 岱表一人 「一人」梁書作「一民」,此避唐諱改。

〔七〕後遭父母喪 南齊書無「母」字,疑衍文。

錫以嘉名封義城縣侯 「義城」南齊書作「義成」。 按南齊書州郡志, 司州齊安郡有義城縣,雍

州義成郡有義成縣。就「錫以嘉名」言之,似「義成」爲是。

へたし 劫以刀斫其頰盾曰咄咄不易餘無所言「盾曰」各本並作「眉目」,據通志改。

多爲小山遊 宋時孝武帝經造張永 「小山遊」梁書作「山水遊」。 「孝武帝」各本作「武帝」。按永仕宋在文帝以迄廢帝之世,

明此「武帝」

應爲「孝武帝」,今訂正。

南史卷三十二

列傳第二十二

張邵子敷 孫冲 兄子暢 暢子融 寶積 徐文伯 嗣伯

張邵字茂宗,會稽太守裕之弟也。初爲晉琅邪內史王誕龍驤府功曹, 桓玄徙誕於廣

M,親故皆離棄之,唯B情禮彌謹,流涕追送。 時寇亂年饑,B</br>
了沒饋其妻子。

欵,帝大悅,命署寺門曰:「有犯張廷尉家者,軍法論。」事平,以<u>敞爲吳郡太守</u>。 桓玄篡位,父敞先爲尚書,以答事微謬,降爲廷尉卿。及宋武帝討桓玄,邵白敞表獻忠 及王謐爲揚

州,召邵補主簿。

世 人傑,何煩多問。」劉穆之言於帝,帝益親之,轉太尉參軍,署長流賊曹。 劉毅位居亞相,好士愛才,當世莫不輻湊,唯哪不往。 親故怪而問之,邵曰:「主公命

盧循至蔡洲,武帝至石頭,使邵守南城。時百姓水際望賊,帝不解其意, 以問邵。 邵

列 傅 第二十 張 邵

條倉庫及舟船人領,至曉取辦。」「1〕旦日,帝求諸簿最,應時卽至,怪問其速。諸曹答曰: 邵悉心政事,精力絕人,及誅劉藩,邵時在西州直廬,卽夜誠衆曹曰:「大軍當大討,可各各 曰:「節鉞未反,奔散之不暇,亦何暇觀望,今當無復恐耳。」帝以邵勤練憂公,重補州主簿。

「宿受張主簿處分。」帝曰:「張邵可謂同人憂慮矣。」

九年,世子始開征虜府,以邵補錄事參軍,轉號中軍,遷諮議參軍,領記室。

十一年,武帝北伐,邵請見曰:「人生危脆,宜有遠慮。若劉穆之邂逅不幸,誰可代之?

尊業如此,若有不諱,則處分云何。」帝曰:「此自委廖之與卿耳。」

檀 韶據中流,道濟爲軍首,若有相疑之跡,則大府立危。不如逆遣慰勞,必無患也。」賦果 青州 刺史檀祗鎭廣陵,輒率衆至滁中掩討亡命,劉穆之慮其爲變,議欲遣軍。 |邵 |日 |:

不動。

然世子無專行之義,宜須諮。」「息」信反,方使世子出命曰:「朝廷及大府事悉諮徐司馬,其餘 及穆之暴卒,朝廷恇懼,便發詔以司馬徐羨之代之。〔三〕邵獨曰:「今誠急病,任終在除,

啓還。」武帝善其臨事不撓,得大臣節。

四年,世子改授荆州,邵諫曰:「儲貳之重,四海所繫,不宜外出,敢以死請。」世子竟

功封 臨沮伯。 |文帝爲中郎將、|荆州刺史,以邵爲司馬,領南郡相,衆事悉決於邵。 分荆州立湘州, 以邵爲刺史,將署府,邵以長沙內地,非用武之國, 武帝受命, 置府妨 以佐命

乖爲政要。 從之。 荆州刺史謝晦反,遺書要邵,邵不發函,使呈文帝。

要,親舊爲之危心。 元嘉五年,轉征虜將軍,領寧蠻校尉、雍州刺史,加都督。 邵曰:「子陵方弘至公,豈以私隙害正義。」是任也,華實舉之。 初,王華與邵不和,及華參

敷 其 揚烈將軍 至襄陽定省,當還都,羣蠻欲斷取之,會蠕蠕國獻使下,蠻以爲是敷,因掠之。 帥 並出,因大會誅之,遣軍掩其村落,悉禽。旣失信羣蠻,所在並起,水陸路斷。 及至寒陽,築長圍,修立堤堰,創田數千頃,公私充給。 丹、淅二川蠻屢爲寇,四郡誘 邵坐降號 七年,子

百 四十五萬,至下廷尉,発官削爵土。 邵 江 夏王 臨終遺命,祭以菜果,葦席爲轜車,諸子從焉。 義恭鎭江陵,以邵爲撫軍長史、持節、南蠻校尉。 後爲吳興太守,卒。 長子敷。 九年,坐在雍州營私畜取贓貨 追復爵邑,諡曰簡伯。

散 施已盡 敷 字景胤,生而 一,唯得 易 母亡。 ,乃緘 錄之。 年數歲問知之,雖童蒙便有感慕之色。至十歲許,求母遺物,而 毎 至感思,輒開笥流涕。 見從母,悲感哽咽

列

傳第

復數番。少文每欲屈、握麈尾歎曰:「吾道東矣。」於是名價日重 性整貴,風韻甚高,好讀玄言,兼屬文論。「芯初,父邵使與高士南陽宗少文談繫象,往

車載沙門往,謂曰:「道中可得言晤。」敷不奉詔,曰:「臣性不耐雜。」上甚不悅。 夏王義恭撫軍記室參軍。義恭就文帝求一學義沙門,會敷赴假還江陵,入辭,文帝令以後 宋武 、帝聞共美,召見奇之,曰:「眞千里駒也。」 以為世子中軍參軍,數見接引。 累遷江

二牀,去壁三四尺。二客就席,敷呼左右曰:[云]移我遠客。」 赳等失色而去,其自標遇 不相容接,便不如勿往, 詎可輕行。」當曰:「吾等並已員外郞矣, 何憂不得共坐。」 敷先旁設 之宗,樝何敢比也。」中書舍人秋當、周赳並管要務,「引以敷同省名家欲詣之。」赴曰:「彼若 遷正員中書郎。|敷小名憈,父邵小名梨。|文帝戲之曰:「樝何如梨?」答曰:「梨是百果

善持音儀、盡詳緩之致、與人別、執手曰:「念相聞。」餘響久之不絕。 張氏後進皆慕之,

、源起自敷也。

冀譬汝有益,但更甚耳。」自是不復往。未朞而卒。孝武卽位,詔旌其孝道,追贈侍中,改其 葬畢不進鹽菜,遂毁瘠成疾。伯父茂度每止譬之,輒更感慟,絕而復續。|茂度日:「我 遷黃門侍郎,始興王濬後將軍司徒左長史,未拜,父在吳興亡,成服凡十餘日,始進水

所 居稱|孝 張里

敷 弟 柬 郎。 陳勇力,手格猛獸,元凶以爲輔國將軍。 孝武至新亭,東出

墜淮死。 子烒嗣。 弟冲。

冲字思約, 出繼伯父敷。 | 冲母戴顒女,有儀範, 張氏內取則焉。

冲 少 有至 一性,隨從叔永爲將帥 除肝胎 太守。 冰征彭城遇寒,軍人足脛凍斷者十七八,

所 無用性 物」。 冲在鎮,四時還吳國 取 果菜,每至烝嘗,輒流涕薦焉。 仍轉 刺 史。

冲

足

指皆墮。

齊永明八年,爲假節,監淸冀

州行刺

史事。

冲父初卒,遺命「祭我

必

以

郷土

一未拜

永元 二年,爲南兗州刺 史,遷 司 州 裴叔業以壽春降魏, 又遷冲南兗州刺 史, 並

崔 慧景 事 卒 一,徵 建安王 寶夤還都,以冲爲郢州刺 史,行一歲之中,頻授四州刺 史,至 是乃受

任 封定襄侯

梁武 暨樂 Щ 除 伯 師 梁 驍騎 武 將 領 至 兵 帝 將 一元嗣 起兵, 及糧運送冲,使拒 軍 手書喻意,又遣 僧寄 祭伯 謂 相率 冲日 入郢城。 西 …「下官雖未荷朝廷深恩, 師。 辯士說之,冲確然 元嗣 時 竟陵 等懲 太守房僧寄被代還 劉 Щ 陽 不回。 之敗, 實蒙先帝厚澤。 東昏 疑 冲 遣驍騎將軍薛元 至 不 野, 敢 進, 東昏敕 蔭其樹 停住 僧寄 夏首 者 嗣 不 留守魯 制局 浦 折 其 監 聞

列

傅

第

+

張

邵

一塵効。」冲深相許諾, 共結盟誓, 分部拒守。 遣軍 主孫樂祖數千人助僧寄據魯 八二八

|Щ 岸 立城

枝,實欲微立

之,光靜戰死,冲固守不出。 明年二月,梁武圍魯山城,遣軍主曹景宗等過江攻郢城。 病將死,厲府僚以 誠節,言終而卒。 冲中兵參軍 元嗣 榮伯與冲子 陳光靜等間 · 放及長 出擊

史江夏程茂 固 守。 東昏詔贈冲散騎常侍、護軍將軍

元嗣 等處圍城之中,無他經略,唯迎蔣子文及蘇侯神,日禺中於州聽上祀以求福,鈴鐸

聲 晝夜不 岸 又使子文導從登陴巡行,旦日輒復如之。 識者知其將亡。

僧寄病死,孫樂祖窘,以城降。

坐畫 失高 書 與 郢被圍 梁武帝。 山之望,亦恐彼所不取也。」不從,卒以野城降。 一,以荷 二百餘日,士庶病死者七八百家。 · 析薪。 若天運不與,幅巾待命,以下從使君。 魯山陷後二日,程茂及元嗣等議降, 時以冲及房僧寄比臧洪之被圍也。 今若隨諸人之計,非唯 郢 使孜 州 但 士女 當 鮰 端

暢字少微,邵兄褘子也。 韓少有操行, 爲晉琅邪王國郎中令。 從王至洛。 還京都, 未

益州刺

武 帝 封藥酒一 甖付禕,使密加酖毒,受命於道自飲而卒。

奔 赴, 暢 制 小 服 與 盉 從 哀,爲論 兄敷、演、鏡齊名,爲後進之秀。 者所美。 弟收嘗為獅犬所傷, 起家爲太守徐佩之主簿, 醫云宜食蝦蟇,做甚難之。 佩之被誅, 暢含笑先 暢馳出

嘗,牧因此

乃食,創亦卽愈。

萬安 耳。 鬱 食 尉 以 征 張 長 車營 不 洲 ,太尉江夏王義恭統 長史言 之術 若 史 ·足,義恭欲 有 累遷太子中 何 爲 可 至之理,下 勗 且 函 不 而 動 不同 箱陣、精兵爲外翼、奉二王及妃媛直趨壓城,分城兵配護軍 就 미 脚 異 棄彭城 危亡之道。 ,欲席卷奔鬱洲,自海道還都。 ·庶子。 也。 則 各自散走,欲至所在,何由可 官 義恭 南 諸軍出鎭彭城。 | 敢不 孝武鎭彭城,暢爲安北長史、沛郡太守。 歸,計議 若 功 高讚。 JF. 此 計 彌日 必用,下 今城內乏食,百姓 不定。 太武親率大衆, 官請 時歷城衆 以頸 二議未決,更集羣僚謀之。 得? Ú 今軍 成有走情,但以 汚君馬 少食多,安北 去彭城數 食雖寡, 跡。」 元嘉二十七年,魏太武南 十里。 孝武 朝 關局 中兵參軍沈 夕猶 將軍 聞暢議 彭城 嚴固, 未窘罄, 蕭 暢 衆 思話留守。太 日 力 謂 : 「若歷城 欲去莫從 慶之議欲 雖 義 豈有捨 多,軍 恭日

遺送 應至 魏 太 小 武 得至, क् 門 致 仍登 意 城南 求甘蔗及酒。 亞父家,於戲馬 孝武遣人送酒二器,甘蔗百挺 臺立氊屋。 先是隊主蒯應見執,其日晡 求 駱駝。 明 日,太武又 時, 大武

列

見識。」孝伯曰:「君聲名遠聞,足使我知。」因言說久之。城內有具思者嘗在魏,義恭遣視, 自上戲馬臺,復遣使至小市門求與孝武相見,遣送駱駝幷致雜物,使於南門受之。暢於城 知是孝伯,乃開門進餉物。 上與魏尙書李孝伯語。|孝伯問:「君何姓。」答云:「姓張。」|孝伯曰:「張長史。」|暢曰:「君何得

巾、赤眉似不在江南。」孝伯曰:「亦不離靑、徐。」暢曰:「今者靑、徐實爲有賊,但非白賊耳。」 |伯曰:「鄰國之君,何爲不稱詔於鄰國之臣。」|暢曰:「君之此稱,尚不可聞於中華,況在諸王 又求博具,俄送與。 斷。」暢白:「君著白衣,故稱白賊邪。」|孝伯大笑曰:「今之白賊亦不異黃巾、「赤眉。」 暢曰:「黃 當爲護送。」暢曰:「此方間路甚多,不復以此勞魏主。」孝伯曰:「亦知有水路,似爲白賊所 之貴,而獨日鄰國之君邪。」自己孝伯曰:「魏主言太尉、鎭軍久闕南信,殊當憂邑,若欲遣信, 「魏主有詔 借 博 具。」暢曰:「博具當爲申致,有詔之言,政可施於彼國,何得稱之於此。」|孝 太武又求酒及甘橘,暢宣孝武旨,又致螺盃雜粽,南土所珍。太武復令孝伯傳語曰:

脹 氣懣,細刮取六銖,以酒服之,胡鹽療目痛,柔鹽不用食,療馬脊創,赤鹽、駮鹽、臭鹽、馬 |太武又遣送館及九種鹽幷||胡豉,云「此諸鹽各有所宜:白鹽是||魏主所食;(三)黑者療腹

者。」暢曰:「安北不乏良駟,送自彼意,非此所求。」義恭又餉炬燭十挺,孝武亦致錦一匹。又 曰:「知更須黃甘,誠非所吝,但會不足周彼一軍。向給魏主,未應便乏,故不復重付。」 不復遣信。」又云:「魏主恨向所送馬殊不稱意,安北若須大馬,當更送之,脫須蜀馬,亦有佳 來。」暢又宣旨答曰:「魏主形狀才力,久爲來往所具,|李尚書親自衡命,不患彼此不盡。故 我 7間? 彼此之情雖不可盡,要須見我小大,知我老少,觀我爲人。若諸佐不可遣,亦可使僮

陣之間,不容緩服。」 何爲著屩?君而著此,使將士云何。」暢曰:「膏粱之言,誠爲多愧,但以不武,受命統軍,戎 太武復求甘蔗安石榴,暢曰:「石榴出自鄴下,亦當非彼所乏。」 孝伯曰:「君南土膏粱,

答,吐屬如流,音韻詳雅,風儀華潤。|孝伯及左右人並相視歎息。 太武又遣就二王借箜篌、琵琶、筝、笛等器及棊子。孝伯辭辯亦北土之美,楊隨宜應

時魏聲云當出襄陽,故以暢爲南譙王義宣司空長史、南郡太守。

舉哀畢,改服著黃袴褶,出射堂簡人。音姿容止,莫不矚目,見者皆願爲盡命。事平, 三十年,元凶弑逆,義宣發哀之日,卽便舉兵。 暢爲元佐,位居僚首,哀容俯仰,蔭映當

徵為吏部尚書,封夷道縣侯。

傳第

= +

摄邵

義宣旣有異圖,蔡超等以暢人望,勸義宣留之。乃解南蠻校尉以授暢,加冠軍將軍,領

丞

相

長

史。

暢造門生荀僧寶下都,因

顏竣陳義宣釁狀。

僧寶有私貨,停巴陵

不

·時下。

會義

宣起兵,津路斷絕,僧寶遂不得去。

救 軍 酒 殺 常 王 得 以 趸 玄 醉 徇 義 宣 謨 衆 。[三執送 ,不省文書。 賴 乘 將爲逆,遣嬖 輿出營,暢 丞 相 都 司 一, 下 馬竺 隨 義宣 廷 已 人 翟 得 超 尉 敗衣, 人得免。二三進號撫軍 靈寶告暢, 東 尋 <u>F</u> 見原 因排玄 梁山 陽陳必無此理,請以死保之。 「戰敗, 謨上 興。 於亂 ·, 別 玄謨意 兵自歸,為軍人 立軍 一部,以 甚 一不悅,諸將請殺之,隊主 收 所掠,衣服 人望。 靈寶知暢不回 暢雖署文 都 盡 ·; 勸 檄 張 遇 而 世 右 義 飲 將

張 閤 子 暢 與 ? 婢 帝 故 起 是 妾 爲 目 奇 都 共 才 官尚書,轉侍 洗 何 黄閣 事 同 相苦。」 義宣 故 作賊, 暢譏之。 初,元凶 中,代子 亦能 時 淹 無咎, 偃 領太子 **父尚之爲元凶** 非 ·右衞· 才 何 率。 以 致 孝武 此 司 空,義 ? 宴朝賢,暢亦 暢 乃厲 師 至新 聲 日 林, 在 太初 門 坐。 生 督 之時 何偃 逃, 因 尙之 誰 醉 黄 其 父

孝 建 年 出 爲 會稽 太守。 卒,諡 日 宣。 暢 愛弟子輯,臨終遺命 ,與興 合墳、論 者 非之。

暢

弟

悅

亦

有

美稱

歷

侍

中

臨海

王

子

頊

前

軍

長

史、南郡

太守。

晉安王

子勛

建

僞

號。召

拜

始 爲 六年 吏 部 尙 明帝 書 於巴郡置三巴校尉,以悅補之,加持節 與 鄧 琬 共 輔 僞 政。 事 敗, 悅 殺 琬 歸 降, 輔師 復爲 將軍,領巴郡太守。 太子 中 庶 子。 後 拜 雍 未拜卒 州 刺 史。 泰

祿 陽 勳 太守。[三逼郡 ,臨川內史。 暢 子浩,官至義陽王昶征 更燒臂照佛。 後與晉安王子勛同逆,軍敗見殺。 北諮議參軍。 百姓有罪,使禮佛贖 浩弟淹,黄門郎,封 愆,動 淹弟融 至數千拜。 廣晉縣子, 坐発官禁錮。 太子 右衞率、 起為 光 東

嶮,僚賊執融將殺食之。 |永出||後渚送之曰:「似聞朝旨,汝尋當還。」||融曰:「不患不還, 政恐還而復去。」及行, 人。」解褐爲宋新安王子鸞行參軍。 一萬,少不减五千,融獨注儭 融字思光,弱冠有名。道士同 融神色不動,方作洛生詠,賊異之而 百錢。 . 郡陸脩靜以白鷺羽麈尾扇遺之,曰:「此旣異 王母 帝不悅曰:「融殊貧, 殷淑儀薨,後四 月八 當序以佳祿。」 不害也。 日建齋幷灌佛, 出爲 僚住 封溪 物, 大令。 儭 路經嶂 者 以奉 從叔 多 異 至

融挺 號之與融兄有恩好, 號之卒, 融身負墳土。 不道鹽耳。」融卽求筆注 又作海賦 身 浮海至交州,於海中遇風,終無懼色,方詠曰:「乾魚自可還其本鄉,肉脯復何爲者哉。」 奔 , 文辭詭激, 獨與衆異。 赴。 日:「漉沙 構白,熬波出素,積雪中春,飛霜 後以示鎭軍將軍顧覬之, 覬之曰:「卿此賦實超玄虛 在南與交趾太守下展善。 暑路。」 展於嶺南 此 四 句 爲 後 人所殺, 所 足也。 一,但恨

舉秀才,對 策 中第。 爲尙書殿中郎,不就,改爲儀曹郎。 尋請假奔叔父喪,道中罰幹錢

列

敬道鞭杖 五 一十,寄繫延陵獄。 大明五年制,二品清官行僮幹杖,不得出十。 爲左丞孫緬所

奏。発官。

以正月開太倉,融議不宜拘束小忌。尋兼掌正厨,見宰殺,回車徑去,自表解 復位, 攝祠部、 倉部二曹。 時領軍劉 動戰死, 融以祠部議, 上應哭 動,見從。 職 又俗人忌

申 求 昔求三吳一丞,雖屬舛錯,今聞南康缺守,願得爲之。 融不知階級,階級亦可不知融,政以 待,榛栗棗脩,女贄旣長,束帛禽鳥,男禮已大。勉身就官,十年七仕,不欲代耕,何至此事。 風 陽王長史,融啓求去官,不許。 也,進不辨貴,退不知賤,實以家貧累積,孤寡傷心,八姪俱孤,二弟頓弱,豈能 融情累。 ·丞不得,所以求郡,求郡不得,亦可復求丞。」 又與吏部尚書王僧虔書曰:「融天地之逸人 了雖則不敏,率以成性。 布衣韋帶,弱年所安,簞食瓢飲,不覺不樂。 但世業清貧,人生多 再遷南陽王友。 阮籍愛東平土風,融亦欣晉平閑外。」時議以融非御人才,竟不果。 融災暢爲丞相長史,義宣事難,暢將爲王玄謨所殺,時玄謨子瞻爲南 融家貧欲祿,乃與從叔征北將軍|水書曰:「融昔幼學,早訓家 山海陋禄,

觀 辭、修儀 成市,而融了無慚色。 辟濟太傅掾,稍遷中書郎,非其所好。乞爲中散大夫,不許。 張氏自敷以來,並以理音 範 為事。 至融風 隨例同行,常稽遲不進。 止詭越,坐常危膝,行則曳步,翹身仰首,意制甚多。 高帝素愛融,爲太尉時,與融欵接。見融 見者驚異,聚

常笑曰:「此人不可無一,不可有二。」

道 時覷主至淮而退,帝問:「何意忽來忽去。」未有答者,融時下坐,抗聲曰:「以無道而來,見有 殿 西室,融入問訊,彌時方登階。 通 而去。」公卿咸以爲捷。 故衣,意謂雖故,乃勝新也。 卽 位後,手詔賜融衣曰:「見卿衣服粗故,誠乃素懷有本。 是吾所著,已令裁減,稱卿之體,幷履一量。」高帝出太極 及就席,上曰:「何乃遲爲。」對曰:「自地升天,理不得速。」 交爾藍縷,亦虧朝望。今送

法,亦恨二王無臣法。」 融善草書,常自美其能。 帝曰:「卿書殊有骨力,但恨無二王法。」答曰:「非恨臣無二王

趨 就之。 融假還鄉,詣王儉別。儉立此地舉袂不前,融亦舉手呼儉曰:「歐曰『王前』。」儉不得已 融曰:「使融不爲慕勢,而令君爲趍士,豈不善乎。」常歎云:「不恨我不見古人,所

恨古人又不見我。」

融 非是。」 與 東部尚書何戢善,往詣戢,誤通尚書劉澄。下車入門,乃曰:「非是。」至戶望澄, 既造席視燈曰:「都自非是。」乃去。 其爲異如 此。

敕 朝 臣集 叉 爲 聽。 長沙 融 王鎭軍,竟陵王征北諮議,並領記室,司徒從事中郎。 扶 入 就榻,私索酒飲之。 事畢,乃長歎曰:「嗚呼! 仲尼獨何人哉。」爲御史 永明二年,總明觀講,

列

中丞到為所奏発官,尋復職。

融形貌短醜,精神清徹,王敬則見融革帶寬,殆將至髀,謂曰:「革帶太急。」融曰:「旣非

步更,急帶何爲?」

:::「融近東出,未有居止,權牽小船於岸上住。」上大笑。 融假東出,武帝問融住在何處,答曰:「臣陸處無屋,舟居無水。」後上問其從兄緒,緒

鹽蒜,口終不言,方搖食指,半日乃息。出入朝廷,皆拭目驚觀之。 久之, 曰:「先君不幸, 名達六夷。」豫章王大會賓僚, 融食炙, 始行畢, 行炙人便去。 融欲求 後使融接對北使李道固,就席,道固顧而言曰:「張融是宋彭城長史張暢子不。」融嚬蹙

良答曰:「此乃是長史美事,恐朝有常典,不得如長史所懷。」遷黃門郎,太子中庶子,司徒左 於時爲諸暨令,坐罪當死,於時父興世討宋南譙王義宣,官軍欲殺融父暢,興世以袍覆暢而 坐之,以此得免。興世卒,融著高履爲負土成墳。至是,融啓竟陵王子良乞代欣時死。子 八年,朝臣賀衆瑞公事,融扶入拜起,復爲有司所奏,見原。遷司徒兼右長史。竟陵張

見殺,緣司馬竺超人得活,爾等必報其子。」後超人孫微冬月遭母喪居貧,融弔之,悉脫衣以 融有孝義,忌月三旬不聽樂,事嫂甚謹。父暢臨終謂諸子曰:「昔丞相事難,吾以不同將 長史。

爲膊 披牛被而反。常以兄事微。 豫章王嶷、竟陵王子良薨,自以身經佐吏,哭輒盡慟。

事 自當 ·畢,CIKJ各遺還家。」曰:「吾生平之風調,何至使婦人行哭失聲,不須暫停閨閤 陵雲一笑。三千買棺,無製新衾。 建 武 四年,病卒,遺令建白旐無旒,不設祭,令人捉麈尾登屋復魂。 左手執孝經、光子,右手執小品法華經。 曰:「吾生平所善,

褚彦 常,政當 吾天 章之體, 存焉,父書不讀,況父音情,婉在其韻。曰曰吾意不然,別遺爾旨。 挺, 回 融 問 玄 有其體。 蓋不隤家聲。 多為 其故。 義 無師法,而神解過人,高談鮮能抗拒。 世 融 人所驚,汝可師耳以心,不可使耳爲心 丈夫當删詩、書,制禮樂, 云:「蓋玉以比德,海崇上善耳。」張氏前有敷、演、鏡、暢,後有沈、融、 汝可號哭而 看之。」融文集數十卷行 何至因循寄人籬下。」臨卒,又戒其子曰:「手澤 永明中遇疾,爲門律,[12]自序云:「吾文 師也。 於世, 夫文豈有常體,但以 吾文體英變,變而屢奇,豈 自名其集爲玉海。 有體爲 司徒

點造 詐作善,非實得也。」

二五謂孔珪及

融並第五 坐 第六弟寶積,建武 便 日 :「今日 可謂盛集,二五我兄弟 中,出爲廬陵太守。 之流, 時名流謝瀟、何點、陸惠曉、孔珪至融弟鐵之舍。 阿六張氏保家之子。」 顧見王思遠曰:「卿

卷、稷。

列

深以爲善

了

即用為相府諮議。

後位御史中丞。

晚? 寶積 答曰:「本朝危亂,四海橫流,旣不能爲比干之死,實未忍爲微子之去,是以至晚。」類胄 永元 中爲湘州行事蕭穎胄於江陵,乘腰輿詣穎胄, 舉動自若。 穎胄問:「何 至之

有道 {經 甚悽愴,[12]秋夫問何須,答言姓某,家在康陽,患腰痛死。 曰:「云何厝法。」鬼請爲芻人,案孔穴針之。 卷,因精心學之,逐名震海內。 明日見一人謝思,忽然不見。 士過求 融 與東海徐文伯兄弟厚。文伯字德秀,濮陽太守熙會孫也。 飲、留 一瓠顱與之,曰:「君子孫宜以道術救世,當得二千石。」熙開之,乃扁鵲鏡 當世伏其通靈。 生子秋夫,彌工其術, 秋夫如言, 爲灸四處, 仕至射陽令。 雖爲 鬼痛猶難忍,請療之。 熙好黃、老、隱於秦望山 叉針肩井三 嘗夜有鬼呻吟, 處,設祭埋 秋夫

療疾 脫詩、褚欣遠模書、褚胤圍棊、徐道度療疾 " 無不 秋夫生道度、叔嚮,皆能精其業。 絕驗。 位蘭陵太守。 宋文帝云:「天下有五絕,而皆出錢唐。」謂杜道鞠彈棊,范 道度有脚疾不能行,宋文帝令乘小與入殿,爲諸皇子 也。

融謂文伯、嗣伯曰:「昔王微、嵇叔夜並學而不能,殷仲堪之徒故所不論。得之者由 道度生文伯,叔嚮生嗣伯。C1103文伯亦精其業,兼有學行,倜儻不屈意於公卿,不 以 前明明 (醫白

武路 剖。 癥。 腹 虚 王常侍, 洞 唯達者 是 徹 文伯 髮而 女 文伯 太后病,衆醫不識。 ,然後可至,故非吾徒所及。 也。」問文伯,曰:「腹有兩子, 知此 遺以千金,旬日 惻 已,病都差。三三宋後廢帝 曰:「此髮癥。」以油投之,卽 然曰:「若刀斧恐其變異,請針之立落。」便寫足太陰,補手陽明,胎便應針 可崇,不達者多以爲深累,旣鄙之何能不恥之。」文伯爲効與嗣伯 文伯診之曰:「此石博小腸耳。」乃爲水劑消石湯 恩意隆重。 且褚侍中澄富貴亦能救人疾,「三卿此更成不遠。」 出 一男一女, 宋明 吐得 樂遊苑門,逢一 物 帝宮人患腰痛牽心,每至輒氣欲絕, 如髮。稍引之長三尺,頭已成蛇能 男左邊,青黑, 婦人有娠,帝亦善診, 形小於女。」帝性急, "病即 診之日 動,挂門 衆醫以 愈。 相 埓。 三三此 除 便欲使 答曰 而 為肉 上 鄱 適

幾至 自 子 滅。 雄 亦 俄而兄亡,扶杖臨喪,撫膺一慟,遂以哀卒。 傳家業,尤工 診察,位奉朝請。 能清言, 多爲貴遊所善。 事母孝謹,母終,毀瘠

兩

兒

相

續

田,

如其言。

房伯 發之,非冬月不可。」至十一月,冰雪大盛,令二人夾捉怕玉,解衣坐石,取冷水從頭澆之,盡 玉 嗣 服 伯 字叔紹 Ŧi. 石散· 十許 ,亦有孝行,善淸言,位正 劑 無益,更患冷,夏日常複衣。 員郎,諸府佐,彌爲 嗣伯爲診之, 臨 JII 王 曰:「卿 映 所重。 伏 熱 時 應 直 閣 須 以 將 水 軍

列

史 卷 Ξ + _ 八四

斛,伯玉始能動,而見背上彭彭有氣。 二十斛。 伯 玉 口 | 噤氣 人啼哭請止。 俄而 嗣伯遣人執杖防閣, 起 坐, 曰:「熱不可 忍, 敢 乞冷 有 諫者撾之。 飲。」嗣伯 以 叉 水與之, 盡 水百

飲一升,病都差。 自爾 恒發熱,冬月猶單褌衫,體更 肥壯

處處 伯 是往 皆拔出釘,長寸許。 笪屋中有 間 枕投之,魂氣飛越,不得復附體,故尸注可差。 得 魎,應須邪物以鈎之,故用死人枕也。 病 療,以問 .藥不能遣,所以須鬼物驅之然後可散,故令煑死人枕也。 不 曰:「邪氣入肝,可覓死人枕煑服之。竟,可 大利,并蚘蟲 古冢 同,而皆用 常有 有 黝黑無數。 嗣伯。 呻 中取 嫗 吟聲。[[刊]嗣伯曰:「此病甚重,更二日不療必死。」乃往視,見一老姥稱體 人患滯冷,積年不差。 枕,枕已一邊腐 嗣伯 死 頭 堅 人枕而俱差,何也。」答曰:「尸注者,鬼氣伏而未起,故令 嗣伯還煑斗餘湯送令服之,服訖痛勢愈甚,跳投床者無數。 一如石,五升,〔三〕病卽差。 曰:「此石蚘耳,極難療。 以膏塗諸瘡口,三日而復,云「此名釘疽也」。 缺,服之卽差。 嗣伯 氣因枕去,故令埋於冢 爲診之曰:「此尸注也,當取死 後沈 埋枕於故處。」如其言又愈。 後秣陵人張景,年十五, 當 石蚘者久蚘也,醫療旣僻, 取死人枕煑之。」「三」依語煑枕,以湯投之, 僧翼患眼痛,又多見鬼物,以問 夫邪氣入肝, 故使眼 間也。」又春月出 腹脹 人枕養服之乃愈。」於 **蚘蟲轉堅、**(三八世 人沉滯。 王晏問之曰:「三 面黄, 南 須臾所黝處 籬 衆醫不能 痛 嗣 門 们 得死人 而 戲 痛 見魍 而 聞 嗣

邊便起一 時又有薛伯宗善徙擁疽,公孫泰患背,伯宗爲氣封之,徙置齋前柳樹上。 瘤如拳大。 稍稍長二十餘日,瘤大膿爛,出黃赤汁斗餘,樹爲之痿損 明旦蘇消 , 樹

遵,齊高帝所云「不可有二,不可無一」,斯言其幾得矣。 暢,蓋其尤著者也。 之和、鵲,何以加茲。 論曰:有晉自宅淮海,張氏無乏賢良。及宋齊之間,雅道彌盛。 然景胤敬愛之道,少微立履所由,其殆優矣。 融與文伯款好,故附之云爾 徐氏妙理通靈,蓋非常所至,雖古 思光行己卓越,非常俗所 其前則云敷、演、

校勘記

- 可各各條倉庫及舟船人領至曉取辦 「各各」宋書、通志不重疊「各」字。
- 便發 詔 以司 馬徐羨之代之 下「之」字據宋書補
- 三 宜 須 諮 「諮」上朱書有「北」字。
- 29 丹淅二 州」、「淅州」,今從改。「屢」各本作「屬」,據宋書改。 川 蠻屢爲寇 「川」各本作「州」。 孫獻宋書考論:「『州』當作『川』。」按孫說是,時無「丹
- 35. 5| 九 傅 年坐在 鹟 ___ 雍州營私畜取贓貨二百四十五萬 + 校 勘 記 宋書無「九年」二字,通鑑 繫此事於元嘉八年,「取」

作「聚」。

[六] 好讀玄言兼屬文論 宋書作「好玄言,善屬文」。

中書舍人秋當周赳並管要務 「秋當」各本作「狄當」。 按本書「秋當」、「狄當」雜見, 今並改作

「秋當」。廣韻:「秋、又姓、宋中書舍人秋當。」

〔八〕敷呼左右曰 「敷」各本作「敷」、據宋書改。

/\ 10 ∐ 以冲爲郢州刺史 「郢州」各本作「舒州」。 錢大昕廿二史考異:「齊無舒州。」據南齊書改。

遺軍主孫樂祖數千人助僧寄據魯山岸立城壘 「據」各本作「援」。 按上云「僧寄留守魯山」作

「援」非、據南齊書改。

二〕而獨日鄰國之君邪 「獨」朱書作「獪」。

白鹽是魏主所食 「白鹽」下魏書李孝伯傳有「食鹽」二字,是,方足九種之數。

賴丞相 司馬竺超人得免 「竺超人」朱書作「竺超民」,此避唐諱改。 下同

隊主張 世營救得 免 張 世 即張興世,宋書有傳。 本單名世、故書中張世、張興世雜用。 南齊

書張融傳作「張興世」。

清谈。 太子右衛率東陽太守 「右」各本作「左」。 按上云「代子淹領太子右衞率」, 此作「左」誤, 據宋

- (15) 妾二人哀事畢 「哀事」各本互倒,據南齊書乙正。
- 永明 中遇 疾爲門律 門律」各本作「問 律」。 據册府元龜八一七改。 按南齊書及木書顧歡傳

並云張融作門律。

- [八] 況父音情婉在其韻 「父」各本作「文」,據南齊書改。
- **管夜有鬼呻吟聲甚悽愴** 「吟」字據太平廣記二一八引談藪及通志補。
- [110] 叔嚮生嗣伯 「嗣伯」南齊書褚澄傅作「嗣」。
- 且褚侍 中 澄富貴亦能救 人疾 富」各本調「當」,據通志改。
- 挂門上 適 盡 髮 而 巳病 都差 適盡 一髮」太平御覽七二二引宋書、 太平廣記 二一八引談藪並

作「水滴盡一髮」。

- 帝亦善診診之日 據太平御覽七二二引、太平廣記二一八補 一「診」字。
- 當 取 死 人 枕 煮之 取」字各本並脫,據册府元龜 八 五 九及通志 補
- 幷 蚘 蟲 頭 堅 如 石 五 开 如 石」下,太平御覽七二三引、太平廣記二一 八並有「者」字。
- 全台 蚘 蟲 轉 堅 蟲」各本 作「中」, 太平御覽七二七引齊書、太平廣記二一八引南史並 作「蟲 今據

列傳第二十二 校勘記

宝

叉

春

月

出

南

籬

門

戲

聞

笪

屋中有

呻吟聲

「南籬門」各本作「南籬間」,據南齊書、

太平御覽七二三

改。

Š st

į.

ž

南史卷三十三

列傳第二十三

范泰 子曄 荷伯子 族子萬秋 徐廣 郗紹 廣兄子豁 鄭鮮之

裴松之 孫昭明 曾孫子野 何承天 曾孫遜

范泰字伯倫,順陽人也。 祖汪,晋安北將軍、徐克二州刺史。父甯,豫章太守。並有名

前代。

端 前驅,以君持重,欲相委留事,何如。」緣曰:「百年逋寇,前賢挫屈者多矣,功名雖貴,鄙生所 功,謂泰曰:「今城池旣立,軍甲亦充,將欲掃除中原,以申宿昔之志。 或問忱,范泰 肅 泰初爲太學博士,外弟荆州刺史王忱請爲天門太守。 |漆陳酒旣傷生,所宜深誡,其言甚切。 何 如謝邈,忱曰:「茂度漫。」又問何如殷覬,忱曰:「伯通易。」「以忱常 |忧嗟歎久之,曰:「見規者衆,未有若此者 忧嗜酒,醉輒累旬,及醒 伯通意銳,當 令擁戈 可嚴然 有 意立 也。

列

傳第

=

-|-

Ξ

范泰

不敢謀。」

復 表聞,唯籤元顯而已。 會忱病卒,召泰爲驃騎諮議參軍,遷中書郎。 |泰言以爲非宜,元顯不納。 時會稽世子元顯專權,內外百官請假,不 以父憂去職,襲爵陽遂鄉侯。日

桓玄輔晉,使御史中丞祖台之奏緣及前司徒左長史王准之、輔國將軍司馬珣之並居喪

無禮,泰坐廢,徙丹徒。

歷侍 元太一流人也。」 🗐 徙爲太常。 中,度支尙書。 宋武帝義旗建,累遷黃門侍郎、御史中丞,坐議殷祠事謬,白衣領職。 時僕射陳郡謝混後進知名,武帝嘗從容問混:「泰名輩誰比?」對曰:「王 出爲東陽太守。

文帝,又令居重。 初, 司 徒道規無子,養文帝。 及道規追封南郡公,應以先華容縣公賜文帝。 及道規薨,以兄道憐第二子義慶爲嗣。 武帝以道規素愛

是文帝還本屬。

武帝 與泰登城。 甚賞 後 加 /愛之。 說動常侍,爲尚書兼司空,與右僕射袁湛授宋公九錫,隨軍到洛陽。 泰有 然短 足疾,特 於爲政,故不得在 命乘輿。 泰好酒, 政 事 不拘 官。 小 節 通通 率任 ۱Ļ 雖公坐,笑言不 武帝還彭城, ·異私室,

武帝受命,議建國學,以泰領國子祭酒,泰上表陳獎進之道。 時學竟不立。 又言事者

多 以 錢貨減少,國用不足,欲更造五銖。 |泰又諫日

博矣, 無患不 要用 海 少 不 夫貨存貿易,不在少多,昔日之貴,今者之賤,彼此共之,其揆一也。 無爽。今之所憂,在農人尙寡,倉廩未充,轉運無已,資食者衆,家無私 有 之納 · 補 ,食祿之家,**不** 餘 者也。 勞, 臣 則 鍾 足。 聞 擇 在 律 貴 爲國 :所通 賤 用 若使必資貨廣以收國 故囊漏貯中、識者不吝、反裘負薪、存毛質難。 牧 同 則 拯弊,莫若務本。「百姓不足,君孰與足」,未有人貧而國富,本不足 之說 君 者遠,機衡所揆者大,夏鼎負圖,實冠衆瑞,晉鐸呈象,亦啓休 資,物有適宜 與百姓爭利。 人俱困,校之以實,損 ,則家 故拔葵所以明政,織蒲謂之不仁。 用者,則龜貝之屬,自古所行。 國 共 多益 急。 少。 今毁必資 **伏願思可久之道,探欲速** 之器,而爲無施 王 者 不言 尋銅之爲器, 是以 但令官人 有無,諸侯 積,難 心之錢, 貴 賤有章 之情,弘 以 於貨 徴 均通,則 禦荒耳。 在 不 職 而末 器 用 說 則 功 Ш 也 多 有 分

帝 雕 不 景 能 平 初 納 亦 加 不 位 加 特 譴。 進,明年 徐羨之、傅亮等與泰素不平,及廬陵王 致仕,解國子祭酒。 少帝在位,多諸愆失,泰上封事 養眞、少帝見害 泰謂 極 諫。 所親 少

芻

吾 觀 古今多 矣,未有 受遺 顧託,而嗣 君 見殺,賢王 嬰戮者 也。」

元嘉二 年, 泰表賀 元正幷陳旱災,多所獎勸。 拜表**遂**輕舟遊東陽,任心行止,不關朝

延。 有司 刻 奏之,文帝不問。 時文帝雖當陽親覽,而羨之等猶執重權,泰復上表論得失,言

及 執 事。 諸子禁之,表竟不奏。

三年 ,

羨之伏誅,

進位侍中、

左光祿大夫、

國子祭酒,

領江夏王師,

特進如故。 上以泰先

朝 舊臣,恩禮甚 重。 以有脚疾,宴見之日,特聽乘輿到坐。 所陳時事,上每優容之。

被宥,由來尚矣,謝晦婦女猶在尚方,匹婦一至,亦能有所感激。」書奏,上乃原 其 、年秋,旱蝗,又上表言:「有蝗之處,縣官多課人捕之,無益於枯苗,有傷於殺害。又女 徒王弘輔政,泰謂弘曰:「彭城王,帝之次弟,宜徵還入朝,共參朝政。」弘 謝晦 婦女。

納

其言。

時 旱災 (未已,加以疾疫, 泰又上表 有所 勸誡。

時

司

暮 擬 議 年 台司 事 泰 佛 博覽篇 .。」竟不 港精, 籍,好爲 於宅西立祇洹 果。 及葬,王弘撫棺哭曰:「君生平重殷鐵, 文章,愛獎後生, 一精舍。 五年卒。 孜孜 、無倦。 初議 贈開府, 撰古今善言二十四篇及文集傳於世 殷景仁曰:「泰素望 今以此爲報。」追贈車騎將軍, 示 重,不可

諡

「宣侯。

第四

子

睡最知名。

等侯。 曄 字 少好學,善爲文章,能隸書,曉音律。 · 蔚宗,母如厠產之,額爲塼所傷,故以塼爲 爲秘書丞,父憂去職。 小字。 出繼 一從伯弘之,後襲封武興縣 服闋, 爲征南 大將軍檀 五

道濟司馬,領新蔡太守。後爲尚書吏部郞。

祭 酒 廣 元 夜 嘉 中酣飲,至 九 年,彭城太妃薨,四將葬,祖夕,僚故並集東府,曄與司徒左西屬王深及弟司徒 開北牖 聽挽歌爲樂。 彭城王義康大怒,左遷宣城太守。 不得志,乃删

衆家後 漢 書 爲一家之作,至於屈伸樂辱之際,未嘗不致意焉。

及 太子詹 行 遷 又攜伎妾自隨,爲御史中丞劉損所奏。 長沙 王義欣鎭軍長史。 兄暠爲宜都太守,嫡母隨暠在官亡,報之以疾,曄不時奔赴。 文帝愛其才,不罪也。 服闋,累遷左衞將軍

綜 藉 義 不 逆 嶺 康 乃引 得 終不肯為。 之好。 被 南 調 曄長不滿 初 熙先 黜, 遺 魯國 財家 初,熙 熙先 熙先 與曄戲,熙先 孔 七尺,肥黑,禿眉鬢,善彈琵琶,能爲新聲。 甚富 密懷 先父默之為 上嘗宴飲勸適、謂曄曰:「我欲 熙先博學有從橫才志,文史星算,無不 始 以 豆, 報効,以曄意志不 微言 乃傾身事 故為不 動 廣州 曄、曄不回。 ·敵,前 刺 綜。 一史,以贓貨下廷尉,大將 滿, 後 始 輸 與綜諸弟 **曄素有閨庭論議,朝野所** 曄物甚 欲引之, 歌,卿可彈。」購乃奉旨。上歌旣畢,購亦 多。 共 無 博, 棄善,爲員外散騎侍郎,不 因 曄旣 進說。 故為 上欲聞之,屢諷以微旨,曄僞若不 軍彭城王 利 其財 拙行, 曄甥 知, (寶) 又 一義康保持之,故免。 謝綜雅為曄所 以 故門冑 物 愛 輸 其文藝,遂 之, 雖 情意 華 爲時知,人 , 而 知,熙先 総稍款 止弦。 國家 與申 及

列

傳

相

不 與 、姻,以 遇,而丈人欲爲之死,不亦惑乎。」曄默然不答,其意乃定。 此激之曰:「丈人若謂朝廷相待厚者,何故不與丈人婚, 爲是門戶不得邪?人作

曄又 以 時 此 |曄 爲怨。 與沈演之並爲 曄累經義康府佐, 上所知待,每被見多同,曄若先至,必待演之,演之先至,常獨被引, 見待素厚,及宣城之授,意好乖離。 **綜爲義康大將軍記**

室參 軍 ,隨鎭豫章。 **綜還,申義康意於睡,求解晚隙,復敦往好。**

階。一 正 大逆之罰。 上不 曄 旣 納 有遊謀,欲探時旨,乃言於上曰「臣歷觀前史二漢故事 況義康姦心釁跡, 彰著遐邇,而至今無恙,臣竊 感焉。 ,諸蕃王政以妖詛幸災,便 且大梗常存,將成 亂

之。 亦 有 線 総 述 熙先 酬報之心。 素善天文,云:「文帝必以非道晏駕,當由骨肉相殘。 亦 爲 (義康所遇,綜弟約又是義康女夫,故文帝使綜隨從南上。 江州應出天子。」以爲議康當 旣爲熙先獎說,

結 |承祖南下,申義康意於蕭思話及曄,云 | 「本欲與蕭結婚,恨始意不果。 將 納 軍 府史仲承 廣 丹陽 孙 人 尹 周靈甫 徐湛之素爲義康 祖 ,義康舊所信念,屢銜命下都, 有家兵部曲,熙先以六十萬錢與之,使於廣州合兵。 所愛,雖爲舅甥, 亦潛結腹心,規有異志。 恩過子弟, 承祖 因此結事湛之,告以 與范本情不薄,中間 靈甫 聞熙先 去不反。 有 誠、密相 密計

相失,傍人爲之耳。」

恩,規相拯拔,並與熙先往來。使法略罷道。 有法略道人先爲義康所養,粗被知 待。 法略本姓孫,改名景玄,以爲臧質寧遠參軍 又有王國寺法靜尼出入義康家內,皆感激舊

款,亦密相酬和。法靜尼南上,熙先遣婢采藻隨之,付以牋書,陳說圖讖。 乞療得損,因成周旋。 熙先善療病兼能診脈,法靜尼妹夫許耀領隊在臺,宿衞殿省,嘗有疾,因法靜尼就熙先 熙先以耀膽幹,因告逆謀,耀許爲內應。 豫章胡藩子選世與法靜甚 法靜還,義康餉

熙先銅匕銅鑷袍段棊奩等物。 熙先慮事泄,耽采藻殺之。

州刺史,熙先左衞將軍。其餘皆有選擬。凡素所不善及不附義康者,又有別簿,並入死目。 憂兵力不足,但當勿失機耳。」乃備相署置:湛之爲撫軍將軍、揚州刺史,曄中軍將軍、南徐 熙先使弟休先豫爲檄文,言賊臣趙伯符肆兵犯蹕,禍流儲宰,乃奉戴義康。 湛之又謂曄等·「臧質見與異常,質與蕭思話款密,二人並受大將軍眷遇,必無異同,不 又以旣爲

大事,宜須養康意旨,乃作義康與湛之書,宣示同黨。

等期以其日爲亂,許耀侍上,扣刀以目嘩,嘩不敢視,俄而坐散,差互不得發。十一月,徐湛 二十二年九月,征北將軍衡陽王義季、右將軍南平王鑠出鎮,上於武帳 韶收綜等,並皆款服,唯曄不首。 岡祖道。(云) 曄 上頻

列傳第二

書 使 疏 第詩 皆曄所 ,乃曰:「 《造及改定,云何方作此抵。」上示以曄墨迹,曄乃引罪。 熙先苟誣引臣。」熙先聞曄不服,笑謂殿中將軍沈邵之曰:「凡諸處分、符檄 明日送曄付廷尉, 入

獄,然後知爲湛之所發。

此 ブラ 我負 熙先望 曄 後 卿 與謝綜等得 風 也。」熙先於獄中上書陳謝,幷陳天文占候,誠上有骨肉相殘之禍, 吐款,辭氣不撓,上奇其才, 隔 壁, 遙問綜曰:「疑誰所告。」綜曰:「不知。」 購乃稱徐湛之小 使謂曰:「以卿之才而滯於集書省, 其言 理應有異志, 深 名 切

夏侯 म् 而 乃是徐僮 知 書 色。 曰:「去白 來 緣 寄言生存子,此路行復卽。」上有白團 也。」在 **惶無識,好醜共一丘,何足異枉直。** 日之炤炤,襲長夜之悠悠。」 獄為詩曰:「禍福 本無兆,性命歸有極,必至定前期,誰能延 上循覽悽然 扇甚 **豈論東陵** 佳,送曄令書 上,寧辨首山側 出詩賦美句。 ,雖無嵇生 息。 琴, 在 庶同 生已

顏 躍 當 口 馬 長 繋。」 以 顧 瞱 生 本 眄 謂 曄 存 自 _° 聞 入 以爲 曄謂衛獄將日 獄 之驚喜。 便死 世 而 之雄,而今擾攘紛紜,畏死乃爾。 綜、熙先笑之曰:「詹事嘗 Ŀ 窮 · 「惜哉,埋如此人。」將曰:「不忠之人,亦何足惜。」 曄曰:「大將 其 獄,遂經二旬, 曄更有生望。 共 論 事 T,無不 設令今時賜以性 獄 攘袂瞋目, 吏因戲之曰:「外傳詹事 命, 及在 人臣 西池 圖 射堂上, 主,何 或

言是也。」

列傳第二十三 范泰

醉,子藹亦醉,取地土及果皮以擲嘩,呼爲別駕數十聲。 曄問曰:「汝瞋我邪?」藹曰:「今日 職妻云∵罪人,阿家莫憶莫念。」妹及妓妾來別,曄乃悲泣流漣。 何關 何緣復瞋,但父子同死,不能不悲耳。」 |嘩收淚而已。|綜母以子弟自陷逆亂,獨不出視。|曄語||綜曰:「姊今不來,勝 人 多 也。」|曄轉 生母對泣曰:「主上念汝無極,汝曾不能感恩,又不念我老,今日奈何」」仍以手擊曄頭及頻。 爲百歲阿家,不處天子恩遇,身死固不足塞罪,奈何枉殺子孫。」曄乾笑,云罪至而已。 得相見,將不暫別。,」綜曰:「別與不別,亦何所存,〔刊〕來必當號泣,正足亂人意。」曄曰:「號泣 異疾篤, 初無慚恥。 《人,向見道邊親故相瞻望,吾意故欲相見。」於是呼前。曄妻先撫其子,回駡曄曰:「君不 及將詣市,曄最在前,於獄門顧謂綜曰:「次第當以位邪。〕綜曰:「賊帥當爲先。」在道語 何事强飯。」曄家人悉至市,監刑職司問曰:「須相見不?」曄問綜曰:「家人已來,幸 至市問綜曰:「時欲至未。」綜曰:「勢不復久。」 曄旣食,又苦勸綜,綜曰:「此 綜日:「舅殊不及夏侯色。」

·寄語何僕射,天下決無佛鬼,若有靈,自當相報。」收曄家,樂器服玩並皆珍麗,妓妾亦盛 母住止單陋,唯有二厨盛藮薪。弟子冬無被,叔父單布衣。 曄常謂死爲滅,欲著無鬼論,至是與徐湛之書「當相訟地下」。其繆亂如此。

職及黨與並伏誅,
職時年四十八。
謝綜弟緯徙廣州。
萬子魯連,
吳興昭公主外孫,
請会

生命,亦得遠徙。孝武即位,乃還。

尚之;詹唐黏濕,比沈演之;棗膏昏鈍,比羊玄保;甲煎淺俗,比除湛之;甘松蘇合,比慧琳道 助於馨烈,乃當彌增於尤疾也。」所言悉以比類朝士:麝本多忌,比庾仲文;零藿虛燥,比何 安息、鬱金、奈多、和羅之屬,並被珍於外國,無取於中土。又棗膏昏鈍,甲煎淺俗,非唯無 序之曰:「麝本多忌,過分必害。沈實易和,盈斤無傷。零藿虛燥,詹唐黏溼。甘松、蘇合、 人;沈實易和,以自比也。 **曄性精微,有思致,觸類多善,衣裳器服,莫不增損制度,世人皆法學之。**撰和香方,其

曄獄中與諸生姪書以自序,其略曰:

以此爲恨,亦由無意於文名故也。 有其分,手筆差易,於文不拘韻故也。吾思乃無定方,但多公家之言,少於事外遠致, 則其辭不流。然後抽其芬芳,振其金石耳。觀古今文人多不全了此處,年少中謝莊最 胸懷。常謂情志所託,故當以意爲主,以文傳意。以意爲主,則其旨必見,以文傳意, 吾少懶學問,年三十許,始有尙耳。自爾以來,轉爲心化,至於所通處,皆自得之

論,殆少可意者。班氏最有高名,旣任情無例,唯志可推耳。博贍不可及之,整理未必 本未開史書, [5] 政恒覺其不可解耳。旣造後漢,轉得統緒。詳觀古今著述及評

造非 散 之有文采,俟時 | 曄自序並實,故存之。 云:「此兒進利,終破門戶。」果如其言 |騎侍郎,那不作賊。」|熙先死後,又謂尚之曰:「孔熙先有美才,地冑猶可論,而翳迹仕流 時 初,何尚之處銓衡,自謂天下無滯才,及熙先就拘,帝詰尚之曰:「 作。 愧 中體趣,言之不可盡。 志,前漢所有者悉令備,CtJ雖事不必多,且使見文得盡。又欲因專就卷內發論 而思精,未有此也。 知所以稱之。 匠 代得失,意復不果。 毫似者,此永不 也。 其 失乎。]尚之曰:「臣昔謬得待罪選曹,誠無以濯汙揚淸,然君子之有智能, 吾於音樂,聽功不及自揮,但所精非雅聲爲可恨,然至於一絕處,亦復何異邪。 中 吾雜傳論皆有精意深旨,至於循吏以下及六夷諸序論,筆勢縱放,實天下之奇 合 m 者,往往不減過秦篇。 振羽翼,何患不出雲霞之上。若熈先必蘊文采,自棄於汙泥,終無論矣。」 此書行,故應有賞音者。 傳矣。 高幼而整潔,衣服竟歲未嘗有塵點,死時年二十。 恐世人不能盡之,多貴古賤今,所以稱情狂言耳。 贊自是吾文傑思,殆無一字空設,奇變不窮, 絃外之意,虚響之音,不知所從而來。 吾書雖小小有意,筆勢不快,餘竟不 嘗共比方班氏所作,非但不愧之而已。 紀傳例爲舉其大略耳、諸細意甚多。 成就,每愧此 亦嘗以授 使孔熙先年三十猶作 同 合異體, 人 名。 士庶中未有 欲偏 自古體大

列

傅

猶

| 鵺 鳳

兄晏常

其

乃自不

以正

作諸

上曰一昔有良才而不遇知己者,何嘗不遺恨於後哉。」

郎徐廣重其才學,舉伯子及王韶之並爲佐郎,同撰晉史及著桓玄等傳。 而 通率好爲雜語,遨遊閭里,故以此失淸途。 荀伯子,潁川潁陰人,晉驃騎將軍羨之孫也。 父猗,秘書郎。 解褐駙馬都尉、奉朝請、員外散騎侍郎。 伯子少好學,博覽經傳,

乃進第秩,加贈蘭陵,又轉江夏。中朝公輔,多非理終,瓘功德不殊,亦無緣獨受偏賞。宜 道惟新,豈可不大判臧否?謂廣陵之國,宜在削除。故太保衛瓘本爵盛陽縣公,旣被橫禍, 准黨翼孫秀、江三禍加淮南、竊饗大國、因罪爲利。 嗣 復本封,以正國章。」詔付門下。 | 闕然,蒸嘗莫寄。漢以<u>蕭何元功,故絕世輒紹,愚謂鉅平之封,宜同</u>酇國。故太尉<u>廣陵公</u>陳 遷尙書祠部郎。義熙元年,[10]上表稱:「故太傅與平侯羊祜勳參佐命,功盛平吳,而享 詔皆付門下,並不施行。 前散騎常侍江夏公衞璵及潁川陳茂先各自陳先代勳,不伏 會西朝政刑失裁,中興復因而不奪,今王

有平陽侯之風」。 伯子爲妻弟謝晦薦達,爲尚書左丞,出補臨川內史。 車騎將軍王弘稱伯子「沈重不華, 伯子常自矜藉蔭之美,謂弘曰:「天下膏粱,唯使君與下官耳,宣明之徒不

宋居 陳並 克股, 衞 足 數 公 也 **娅署、宋侯孔紹子弟一** 杷 爲 劃)。」遷散騎常侍,又上表曰:「百官位 、陳之上,考之近代,事亦有徵。 列 神農 國 後 而 薊 於焦,黃帝後於配,帝堯後於薊 、祝、焦無聞。 人駙馬都尉。 斯則襃崇所承, 晉泰始元年,詔賜 又泰始三年, 次, 陳留 ,帝舜後於陳,夏后後 優於遠代之顯驗也。 王在零陵王上,臣愚竊以爲疑。 太常上言博士劉 Щ 陽 公劉康 於相,殷 是以 子弟 嘉等議 秦 人 後 `秋 () 舒關 次序諸侯 於 稱衞 朱。 昔 內 1武王

於大晉 在三恪之數,應降稱侯。 臣 一以爲 零陵王位宜在 陳留之上。」從之。

守。 或 文集 爲 延及 御 史中丞,莅 傳 祖 於世 禰 示 其 職 切 勤 直。 恪, 有 叉 頗 匪 雑 躬 之 嘲 戲, 稱。 故世 立 朝 人以此 正 色, 非之。 衆咸憚之。 補司 徒左長史, 凡所奏劾, 卒於 莫不 東陽 深 相 太 訶

子赤松,爲尚書右丞,以徐湛之黨,爲元凶所殺。

伯子族 弟昶字茂祖,與伯子 絕服,元嘉初, 以 文義 至 中 書郎。 昶子萬秋。

須 看 日:「大德所 萬 若非 秋 字元寶, 先見而答,貧道 以不德。」 亦用才 乃相 學自 不能 對笑, 顯 爲 。昶見釋慧琳 ,若先見而答,貧道 竟不 ·看焉。 ,謂曰:「昨 萬秋孝武初爲晉陵太守, |奴皆能爲。||昶 萬秋 對 策、欲 曰:「此 以 相 坐於郡立華林閣 示。」 將 不 ·傷道 答 日 此

列

傅

第

_

+

Ξ

置主衣、主書,下獄免。 前廢帝末,爲御史中丞,卒官。

終不改。 廣尤精。百家數術,無不研覽。家貧,未嘗以產業爲意,妻中山劉謐之女忿之,數以相讓,廣 徐廣字野人,自己東莞姑幕人也。父藻,都水使者。兄邈,太子前衛率。 如此十數年,家道日弊,遂與廣離。後晉孝武帝以廣博學,除爲秘書郎,校書秘 家世好學,至

閣,增置職僚。

立 號,文公服三年之喪、日司子於父之所生,體尊義重。且禮祖不厭孫,固宜遂服無屈。而緣情 極, |制,若嫌明文不存,則疑斯從重。 謂應同於爲祖母後,齊襄三年。」 時從其議。 理制備盡,情禮彌申。隱秋之義,母以子貴。旣稱夫人,禮服從正。故成風顯夫人之 隆安中,尚書令王珣舉爲祠部郎。 李太后崩,廣議服曰:「太皇太后名位旣正,體同皇

及會稽王世子元顯錄尚書,欲使百僚致敬,臺內使廣立議,由是內外並執下官禮,廣常

爲愧恨。

散騎常侍,領著作郎。二年,尚書奏廣撰成晉史。六年,遷驍騎將軍。時有風雹爲災,廣獻 義熙初,宋武帝使撰連服儀注,仍除鎭軍諮議參軍,領記室,封樂成縣五等侯。轉員外

言武帝,多所勸勉。自己又轉大司農,領著作郎,遷秘書監。

涕泗交流。 初,桓玄篡位,安帝出宮,廣陪列悲慟,哀動左右。及武帝受禪,恭帝遜位,廣又哀 謝晦見之,謂曰:「徐公將無小過。」廣收淚答曰:「身與君不同,君佐命與王,逢

千載嘉運。

身世荷晉德,眷戀故主。」因更歔欷。

之官,歸終桑梓。許之,贈賜甚厚。性好讀書,年過八十,曰酒猶歲讀五經一遍。 元嘉二年卒。 廣所撰晉紀四十二卷,義熙十二年成,表上之。又有答禮問百餘條,行於世。 永初元年、詔除中散大夫。廣言墳墓在晉陵丹徒,又生長京口,息道玄忝宰此邑,乞隨

行何書。 不與。至書成,在齋內厨中,法盛詣紹,紹不在,直入竊書。紹還失之,無復兼本,於是逐 不復俟此延譽。我寒士,無聞於時,如袁宏、干實之徒,賴有著述,流聲於後。宜以爲惠。」紹 時有高平都紹亦作晉中興書,數以示何法盛。法盛有意圖之,謂紹曰:「卿名位貴達,

徐豁字萬同,廣兄子也。父邈,晉太子前衞率。豁宋永初初,爲尚書左丞、山陰令,日公

列傳

徙廣州刺史、未拜卒。

鄭鮮之字道子,滎陽開封人,魏將作大匠渾之玄孫也。祖襲,大司農,經爲江乘令,因

居縣境。父遵,尙書郎。

或異。故聖人或就迹以助教,或因迹以成罪,屈申與奪,難可等齊,舉其阡陌,皆可終言矣。 教大極, 忠孝而已。至乎變通抑引, 每事輒殊。本而尋之, 皆求心而遺迹。迹之所乘, 遭遇 沒,行也屍喪不反。恬子羨仕宦不廢,論者嫌之。桓玄在荆州,使羣僚博議。鮮之議曰:「名 理務,無譏前哲。通滕者則以無譏爲證,塞滕者則以隱處爲美。折其兩中,則異同之情可見 天可逃乎?而伊尹廢君,君可脅乎?而鬻拳見善,忠可愚乎。而箕子同仁。自此以還,殊 「齊聲」異譽而等美者,不可勝言。今如滕羨情事者,CICJ或終身隱處,不關人事,或升朝 宋武帝起義兵,累遷御史中丞。性剛直,甚得司直之體。外甥劉毅權重當時,朝野莫 夫聖人立教,猶言有禮無時,君子不行。有禮無時,政以事有變通,不可宗一故耳。」
[15] 鮮之下帷讀書,絕交遊之務。初爲桓偉輔國主簿。先是,兗州刺史滕恬爲丁零霍遼所

不歸附,鮮之盡心武帝,獨不屈意於毅,毅甚恨焉。以與毅舅甥制不相糾,使書侍御史丘洹

八六〇

奏彈||級輒宥傳詔羅道盛。 詔無所問。

是自二品以上,父母及爲祖父母後者,墳墓崩毁及疾病,族屬輒去,並不禁錮 曰:「今省父母之疾而加以罪名,〔三〕悖義疾理,莫此爲大。謂宜從舊,於義爲允。」從之。 時新制,長東以父母疾去官,禁錮三年。 山陰令沈叔任父疾去職、江口一鮮之因此上議 於

謂之曰:「此鄭君何爲者?」無復甥舅之敬。 意大惡,謂帝曰:「知公不以大坐席與人。」鮮之大喜,徒跣繞牀大叫,聲聲相續, 鯼甚不平, 其半,積錢隱人,瀫呼帝倂之。先擲得雉,帝甚不悅,良久乃答之,四坐傾屬。旣擲得盧,瀫 |劉毅當鎭江陵,武帝會於江寧,朝士畢集。| 毅素好摴蒱,於是會戲。帝與緣斂局各得

切至,未嘗寬假。 帝少事戎旅,不經涉學,及爲宰相,頗慕風流。 與帝言,要須帝理屈,然後置之。帝有時慚恧變色,處其輸情,時人謂爲 時或談論,人皆依違不敢難。 鮮之難必

答曰:「夫佞言似忠,姦言似信,中人以上,乃可語上。」始皇未及中人,所以暗於識士。」前至 涎蒸對。帝曰:「及子嬰而亡,已爲晚矣。然觀始皇爲人,智足見是非,所任不得人,何也。」 之。及入咸陽,帝遍視阿房、未央故地,悽愴動容,問鮮之秦、漢所以得喪。鮮之具以賈誼 十二年,武帝北伐,以爲右長史。 鮮之會祖晉江州長史哲墓在開封,求拜省,帝以騎送

列傳第二十

鄒鮮

之

|渭濱, 帝 復 歎 曰:「此地寧復有呂望邪。」鮮之曰:「昔葉公好龍而眞龍見,燕昭市骨而駿足

至。 明公以旰食待士,豈患海內無人。」帝稱善者久之。

官尚 洛,卿乃居僚首,今日答颯,去人遼遠,何不肖之甚。」 鮮之熟視不對。 書。 宋國 初 時傅亮、 建 **一轉奉常。** 謝晦位遇 赫連勃勃陷關中,武帝復欲北討,鮮之表諫。 日 隆, 范泰嘗衆中讓消鮮之曰:「卿與傅、 謝俱從聖主有功關、 及踐阼, 遷太常、都

被遇如 駕 定,謂羣臣曰:「鄭鮮之必當自來。」俄 或不知所適,隨御者所之。 <u>鮮之爲人通率,在武帝坐,言無所隱晦,亦甚憚焉。[hi]而隱厚篤實,贍恤親故,遊行命</u> 此。 以從征 功,封龍陽 縣五 尤爲武帝所狎。 一等子。 而 外啓尚書鄭鮮之詣神獸門求啓事 上曾內殿宴飲,朝貴畢至,唯不召鮮之。 ,

市大笑引入。

坐

其

所禮,方於前代,鍾元常、王景興之流。 景平中,徐、傅當權,出爲 豫章 太守。 今徐、傅出 時王弘爲江州刺史,竊謂人曰:「鄭公德素,先朝 以爲郡,抑當有以。」尋 有廢立 事

元嘉三年,弘入爲相,舉鮮之爲尚書右僕射。 匹 年卒。 文集行於世。 子情,始安太守。

松之博覽墳籍,立身簡素。年二十,拜殿中將軍。 此官直衞左右,晉孝武太元中,革

選名家以參顧問,始用琅邪王茂之、會稽謝輶,皆南北之望。

表陳之,以爲「諸欲立碑者,宜悉令言上,爲朝議所許,然後聽之,庶可以防遏無徵,顯彰茂 義熙初,爲吳興故彰令,在縣有績。 入爲尚書祠部郎。松之以世立私碑,有乖事實,上

由是普斷。

與殷景仁同,可令知之。」 初建、毛德祖使洛陽、武帝敕之曰:「裴松之廊廟之才、不宜久居邊務、今召爲世子洗馬、三三 武帝北伐,領司州刺史,以松之爲州主簿,轉中從事。旣剋洛陽,松之居州行事。宋國

元嘉三年,誅司徒徐羡之等,分遣大使巡行天下,並兼散騎常侍,班宣二十四條詔書。 時議立五廟樂,松之以妃臧氏廟用樂亦宜與四廟同。除零陵內史,徵爲國子博士。

松之便湘州,甚得奉使之義,論者美之。

轉中書侍郎。上使注陳壽三國志,松之鳩集傳記,廣增異聞。旣成奏之,上覽之曰:

裴世期爲不朽矣。」

博士、進太中大夫。使續成何承天國史、未及撰述、卒。 出爲永嘉太守,勤卹百姓,更人便之。後爲南琅邪太守,致仕,拜中散大夫。 尋爲國子

列

子 ,駰,南中郎參軍。 松之所著文論及晉記,駰注司馬遷史記,並行於世。 脚子昭明 。

太元 所 凡 **虎豹雖文,而徵禮所不言,熊羆雖古,而婚禮所不及,珪璋雖美,或爲用各異。 今宜準經點,** 諸僻謬,一 進 擬。 中,公主納徵,虎豹皮各一。此豈謂婚禮不詳。 昭 明 少傳儒史之業,宋泰始中爲太學博士。 昭明議:「禮『納徵儷皮』。鄭云:『皮爲庭實, 鹿皮也』,晉太子納妃注『以虎皮二』。 皆詳正。」於是有司參議,加珪璋豹熊羆皮各二。 有司奏太子婚,納徵用玉璧虎皮,未詳何 王公之差,故取虎豹文蔚以尊其事。

禮 之命者,我不愛也。」昭明曰:「下官忝爲郡佐、不能光益上府、豈以鴻都之事,仰累清風。」 元徽 中,出爲長沙郡丞。 罷任,刺史王蘊謂曰:[[四] 卿清貧必無還資,湘中人士有須一

郡 郡 人襲 不知古人中 齊 永 敬 玄宜 事 明三年使魏,武帝謂曰:「以卿有將命之才,使還當以一郡相賞。」還爲始安內史。 之。 云:「神人與其玉 誰 昭 可比之。」遷射聲校尉 明 付獄 案罪。 印玉板書,不須筆,吹紙便成字。」自稱襲聖人,以此 及還,甚貧罄,武帝曰:「裴昭明當罷郡,還遂無宅,我 惑衆,前後

九 年復北使。 建武初,爲王玄邈安北長史、廣陵太守。 明帝以其在事無啓奏,代還責

之,昭明曰:「臣不欲競執關鍵故耳。」

聚彼散。 昭明歷郡皆清勤,常謂人曰:「人生何事須聚畜,一身之外亦復何須。子孫若不才,我 若能自立,則不如一經。」故終身一不事產業。中興二年卒。子子野。

子野字幾原,生而母魏氏亡,爲祖母殷氏所養。殷柔明有文義,以章句授之。年九歲,

殷氏亡,泣血哀慟,家人異之。

至,涕泗霑濡。父夜夢見其容,旦召視如夢,三三俄而疾間,以爲至孝所感。命著孝感傳,固 少好學,善屬文,仕齊爲江夏王行參軍。遭父憂去職。初,父寢疾彌年,子野禱請備

辭乃止。及居喪,每之墓所,草爲之枯。有白兔白鳩馴擾其側。

所慕,遊其門者,防必推薦。子野於昉爲從中表,獨不至,昉亦恨焉,故不之善。 |梁天監初,尚書僕射范雲嘉其至行,將表奏之,會雲卒不果。|樂安任昉有盛名,爲後進

之,終無恨意。 職。 或勸言請 外之兼廷尉正, 時三官通署獄, 子野嘗不在, 同僚輒署其名。 奏有不允, 子野從坐免 有司,可無咎,[云子野笑曰:「雖慚柳季之道,豈因訟以受服。」自此免黜久 中書郎范縝與子野未遇,聞其行業而善焉。 會遷國子博士,乃上表讓之,有

司以資歷非次,不爲通

後為 《諸暨令,在縣不行鞭罰,人有爭者,示之以理,百姓稱悅,合境無訟。

以爲著作郎,掌修國史及起居注。 弗 |齊 而 逮也。」 云「戮淮南太守沈璞,以其不從義師故也」。約懼,徒跣謝之,請兩釋焉。 永明末,沈約所撰宋書稱「松之已後無聞焉」。子野更撰爲宋略二十卷,其敍事評論多善, 敕叉掌 初 ,子野曾祖松之,宋元嘉中受詔續修何承天宋史,未成而卒,子野常欲繼成先業。 蘭陵蕭琛言其評論可與過秦、王命分路揚鑣。 中書韶誥。 頃之,兼中書通事舍人,尋除通直員外,[ip]著作、舍人如 於是吏部尚書徐勉言之於武帝, 歎其述作曰:「**吾** 及

好,顯 子 其後乎。」時人服其博識。 漢 野 願陰侯斬胡白題將一人。服虔注云:『白題,胡名也。』又漢定遠侯擊虜,八滑從之,<

「三〕此 與沛 時 尤推重之。 西 國 北遠邊有白題及滑國遣使由岷山道入貢,此二國歷代弗賓,莫知所出。子野曰: 劉顯 、南陽劉 時吳平侯蕭勱、范陽張纘每討論墳籍、云司咸折 之遴、陳郡殷芸、陳留阮孝緒、吳郡顧協 敕仍使撰方國使圖,廣述懷來之盛,自要服至于海表,凡二十國。 衷於子野。 (京兆韋稜皆博學)深相賞

集壽光殿 詔 立 成 繼 母曹氏亡、居喪過禮、服闋、再遷員外郎。 武 以觀之,時並歎服。 帝 以其事體大,召尚書僕射徐勉、太子詹事周捨、鴻臚卿劉之遴、中書侍郎朱异 武帝目子野曰:「其形雖弱,其文甚壯。」俄又敕爲書喻魏相 普通七年,大舉北侵,敕子野爲移魏文,受

爽便就。及奏,武帝深嘉焉。自是諸符檄皆令具草。 元叉。 其夜受旨,子野謂可待旦方奏,未之爲也,及五鼓,敕催令速上。子野徐起操筆,昧

重之。或問其爲文速者,子野答云:「人皆成於手,我獨成於心。」 子野爲文典而速,不尙靡麗,制多法古,與今文體異。當時或有詆訶者,及其末,翕然

中以上乃有諡,及子野特以令望見嘉,賜諡貞子。 通二年卒。 先是,子野自占死期不過庚戌歲,[10] 是年自省移疾,謂同官劉之亨曰:「吾其 爲本、子姪祗畏、若奉嚴君。劉顯常以師道推高之。末年深信釋教,終身飯麥食蔬。 逝矣。」遺命務存儉約。」武帝悼惜,爲之流涕。贈散騎常侍,卽日舉哀。先是,五等君及侍 家及中表貧乏,所得奉悉給之。無宅,借官地二畝,起茅屋數間,妻子恒苦飢寒,唯以敎誨 遷中書侍郎、鴻臚卿,領步兵校尉。 |子野在禁省十餘年,默靜自守,未嘗有所請謁。 中大 外

羨道列誌,自此始焉。 秋,始草創,未就而卒。及葬,湘東王爲之墓誌銘,陳于藏內。 邵陵王又立墓誌,堙于羨道**。** 卷,百官九品二卷,附益諡法一卷,方國使圖一卷,文集二十卷:並行於世。又欲撰齊梁春 子野少時集注喪服、續裴氏家傳各二卷,抄合後漢事四十餘卷。又敕撰衆僧傳二十 子騫,官至通直郎。

義初 射 劾 雖 不傷 以犯蹕,罪止 鳥 何 非有心於中人。 撫軍將軍 承天, 人,處法 東海郯人也。 一罰金。 棄市。 劉毅鎮姑孰 案律過誤傷人三歲刑,況不傷乎? 何者? 承天議曰:「獄貴情斷,疑則從輕。 ,板爲行參軍。 五歲喪父。 明其無心於驚馬也。 母徐廣姊也, | 毅嘗出行,而鄢陵縣吏陳滿射鳥,箭誤 故不以乘輿之重,加於異制。 聰明博學, 微罰可也。」〔三〕 昔有驚漢文帝乘輿馬者,張釋之 故承天幼漸訓義。 今滿意在 中直帥 宋武起

軍 ,轉諮議參軍,領記室。 宋臺建、爲尚書祠部郎, 與傅亮共撰朝儀。謝晦鎭江陵,請爲南蠻長史。 晦進號衛將

歸 心 荆楚用 罪, 領 兵戍義陽,將軍率衆於夏口一戰。 元嘉三年,晦將見討,問計於承天,曰:「大小旣殊,逆順又異,境外求全,上計也。 以腹 兄宥。 武之國,且當決戰,走不晚也。」及晦下,承天留府不從。 後兼尚書左丞 若敗,卽趨義陽,以出 北境,此其次也。」晦良久日 到彦之至馬頭 承天自詣

補 應 兵,大功則不在此例。〔三〕婦人三從,旣嫁從夫, 在 補 吳興 讁 徐杭 之例 人薄道舉為刧,制 法 以代公等母存爲春親,則子宜 同籍朞親補兵。 夫死從子。 隨母補兵。 道舉從弟代公、道生等並爲刧大功親,非 承天議曰:「尋劫制 今道舉為劫,若其叔父尚存, ,同籍朞親

制 不合補讁。 應補讁,妻子營居,固其宜也。 今若以叔母爲春親,令代公隨母補兵,旣乖大功不謫之制,又失婦人三從之道 但為劫之時,叔父已歿,代公、道生並是從弟,大功之親,

由於主者守朞親之文,不辨男女之異。謂代公等母子並宜見原。」

內史。昔在西方與士人多不協,在郡又不公淸,爲州司所糾,被收繫獄,會赦免。 承天為 性剛愎,不能屈意朝右,頗以所長侮同列,不爲僕射殷景仁所平。 出爲衡陽

常呼爲嬭母。承天曰:「卿當云鳳凰將九子,嬭母何言邪?」尋轉太子率更令,著作如故。 十六年,除著作佐郎,撰國史。 承天年已老,而諸佐郎並名家年少。 潁川荀伯子嘲之,

稱財 相糾。 同伍 制旨:若人葬不如法,同伍當卽糾言。三年除服之後,不得追相告引 但讁此三人,殆無所肅,開其一端,則互相恐動。臣愚謂況等三家,〔長〕且可勿問,因此附定 . 積年,未嘗勸之以義,繩之以法。 十六年冬,旣無新科,又未申明舊制,有何嚴切,欻然 而 時丹陽溧陽丁況等外喪而不棺葬、「這」承天議曰:「禮云『還葬』,當謂荒儉一時,故許其 不求備。丁況三家數年中葬輒無棺櫬、〔善〕實由淺情薄恩同於禽獸者耳。竊以丁實等 或由隣曲分爭,以興此言。如聞在東諸處,此例旣多,至三江西、淮北尤爲不少。

十九年,立 國子學,以本官領國子博士。皇太子講孝經,承天與中庶子顏延之同爲執

經。頃之,遷御史中丞。

其二,浚復城隍,以增阻防,其三,纂偶車牛,以飾戎械,其四,計丁課仗,勿使有闕。 時魏軍南伐,文帝訪羣臣捍禦之略。承天上安邊論,凡陳四事:其一,移遠就近,以實內

地; 文多不載。

曰:「局子之賜,何必非張武之金邪。」 承天素好弈棊,頗用廢事。又善彈箏。文帝賜以局子及銀裝箏。承天奉表陳謝,上答

四時行焉,百物生焉。」文帝知之,應遣先戒曰:「善候何顏色,如其不悅,無須多陳。」 墓」。時帝每有疑議,必先訪之,信命相望於道。承天性編促,嘗對主者厲聲曰:「天何言哉, 左者,唯風即爲大司徒,必即之墓。」俄而永又啓冢內更得一斗,復有一石銘「大司徒風即之 訪朝士。|承||天日:「此亡||新威斗。||王莽三公亡,皆賜之。一在冢外,一在冢内。時三台居||江 |承天博見古今,爲一時所重。|張永嘗開|玄武湖遇古冢,冢上得一銅斗,有柄。|文帝以

二十四年,承天遷廷尉,未拜,上欲以爲吏部郎,已受密旨,承天宣漏之,坐発官。卒於

家,年七十八。

,並傳於世。又改定元嘉曆,改漏刻用二十五箭,皆從之。 先是禮論有八百卷,承天删減幷合,以類相從,凡爲三百卷,幷前傳、雜語、所纂文及文 曾孫遜。

遜字仲言,八歲能賦詩,弱冠,州舉秀才。 南鄉范雲見其對策,大相稱賞,因結忘年交。

謂所親曰:「頃觀文人,質則過儒,麗則傷俗,其能含淸濁,中今古,見之何生矣。」沈約嘗謂

遜曰:「吾每讀卿詩,一日三復,猶不能已。」其爲名流所稱如此。

梁天監中,兼尙書水部郎,南平王引爲賓客,掌記室事,後薦之武帝,與吳均俱進倖。

後稍失意,帝曰:「吳均不均,何遜不遜。未若吾有朱异,信則異矣。」自是疏隔,希復得見。

卒於仁威廬陵王記室。

初,遜爲南平王所知,深被恩禮,及聞遜卒,命迎其柩而殯藏焉,幷餼其妻子。

僧孺集其文爲八卷。

初、遜文章與劉孝綽並見重、時謂之何、劉。 梁元帝著論論之云:「詩多而能者沈約,少

而能者謝朓、何遜。」

遜從叔僴字彥夷,亦以才著聞,宦遊不達,作拍張賦以喻意。末云:「東方曼倩發憤於

侏儒,遂與火頭食子稟賜不殊。」位至臺郎。

爲南平王大司馬府記室。緣歸工爲詩,避博學有思理,注論語、孝經。二人並有文集。 時有會稽虞騫工爲五言,名與遜埓,官至王國侍郎。後又有會稽孔翁歸、濟陽江避並

道爲貴,實光載德。 其行事,何利害之相傾。 自著,而干時之譽,本期俱不爲弘。 論 曰:夫令問令望,詩人所以作詠,有禮有法,前哲由斯播美。 承天素訓所資,無慚舅氏,美矣乎。 徐廣動不違仁,義兼儒行。 雖才則有餘而望乃不足。 鮮之時稱「格佞」,斯不佞矣。松之雅 蔚宗藝用有過人之美,迹 觀夫范、荀二公,並以學

校勘記

叉問何如殷覬忱曰伯通易 「伯通」各本作「伯道」。按晉書殷覬傳云「字伯通」。 删府元龜七八

八亦作「伯通」,注云:「南蠻校尉殷覬字」,今據改,下並改。

襲爵陽遂鄉侯 「陽遂鄕侯」各本作「遂鄕侯」,據宋書補正。

三 王元太一流人也 「王元太」各本脫「太」字,據宋書補。 孫彪宋書考論:「蜀志楊戲輔臣贊有『王

元泰』亦時知名士。」

29 元嘉九年彭城太妃薨 「九年」各本作「元年」,據宋書彭城王義康傳改。

六 豇 瞱與 上於武帳岡祖道 司 徒左 西屬王深及弟司徒祭酒廣夜中酣飲 「武帳岡」各本作「虎帳岡」、據宋書、通鑑改。胡注引杜佑通典曰:「岡在廣莫 「廣」朱書作「廣淵」,此避唐諱省。

門外宣武場,設行宮便坐於其上。」王鳴盛十七史商權:「漢書汲黯傳: 『上嘗坐武帳見黯。』 應

一 曰:『武帳、織成帳爲武士象也。』元嘉武帳取此義也。 後之校史者誤以爲字延壽避唐諱改作

『武』,實當作『虎』,遂奮筆改之。」

- [4] 別與不別亦何所存 「存」各本作「在」,據宋書改。
- (ベ)本未開史書「未開」宗書作「未關」。
- Cま〕前漢所有者悉令備「所有」各本作「可有」、據宋書改。
- 〔10〕義熙元年 「元年」宋書作「九年」。
- 故太尉廣陵公陳准黨翼孫秀 史考異謂當作「準」,史家避宋順帝諱改爲「准」,因爲「淮」。 「陳准」各本作「陳淮」,宋書同,一本作「準」或「准」。 今正爲「准 錢大昕廿二
- 徐廣字野人 「野人」本字「野民」、宋書有傳,此避唐諱改。
- }異 故成風顯夫人之號文公服三年之喪 「成風之薨不在僖公之世,且安帝於李后爲祖 「文公」各本作「昭公」 母,非僖公於成風之比。 宋書作「僖公」。 竊謂當是文公之譌 錢大昕廿二史考
- 也。」按錢說是,今據通典禮典改。
- [12] 廣獻言武帝多所勸勉 「勉」各本作「免」,今改正。
- 列傳第二十三 校勘記 (i語)年過八十 晉書、宋書均言元嘉二年卒,時年七十四。

初一。

- 豁宋 永初初爲尚書左丞山陰令 「永初」各本作「永嘉」,據通志改。按宋書良吏徐豁傳作「永
- 兗州刺史滕恬爲丁零翟遼所沒 「遼」字各本並脫,據晉書滕脩傳補。
- 今如滕羨情事者 「今」各本作「令」,據通志改。
- 政以事有變通不可宗一故耳「宗」宋書作「守」。
- 山陰令沈叔任父疾去職 「叔」各本作「淑」,據宋書改。 按宋書沈演之傳云「父叔任,吳山陰

令」。

- 字。 言無所隱晦亦甚憚焉 今省父母之疾而加以罪名 「晦亦」宋書作「時人」,觀上范泰讓消鮮之,疑宋書是。 「今省」二字各本並脫,據通典職官典補。 按宋書有「省」字無「今」 通志改作「言無
- 今召爲世子洗馬 「世子」各本作「太子」,據宋書改。 按上言「宋國 [初建」,是劉裕尚未稱帝, 其
- 刺史王 蘊謂 曰 「蘊」下各本有「之」字,據宋書王景文傳兄子蘊附傳删。

子不

得稱太子。

所

隱

脢

`人甚憚焉」。當亦有見於是。

宣告 父夜夢見其容旦召視如夢 「旦」各本作「且」,據通志改。

- [1六] 或勸言請有司可無咎 「請」梁書作「諸」。
- 尋除通 直員外 「通直 員外」梁書作「通直正員郞」。 册府元鑑四五四作「通直正員外郎」。 按通

直正員郎、通直正員外郎非一官。

又漢定遠侯擊虜八滑從之 「八滑」各本作「入滑」、又各本脫「從之」二字,據梁書正補。 按後漢

書西域車師後王傳, 班勇「率後王農哥子加特奴及八滑等、發精兵擊北虜呼衍王」。 此「八滑

下當有「從之」二字,文意始足。

三乙 時吳平侯蕭勱范陽張纘每討論墳籍 「吳平侯」各本作「長平侯」,據梁書蕭景傳改。

先是子野自占死期不過庚戌歲 「庚戌」各本作「戊戌」,按中大通二年爲庚戌歲,據梁書改。

[JI] 微罰可也 「微」各本作「徵」,據宋書改。

Clini) 大功則不在此例 「此」字各本並脫,據通典刑法典補。

棺櫬。 時丹陽溧陽丁況等久喪而 王鳴盛十七史商権六一謂「『不』下脫『棺』字」,今從補。 不棺葬 「棺」字各本並脫。 據下「葬輒無棺櫬」,則非「不葬」, 乃無

丁況三家數年中葬輒無棺櫬 「數年」各本作「數十年」,王懋並讀書記疑、王鳴盛十七史商權

六一並謂「十」字衍文,今從删。

[hīn] 此例旣多 「此」各本作「比」,據册府元龜五七六改。

列

傅

第

= +

Ξ

校

勘

記

南史卷三十四

列傳第二十四

顏延之子竣 從子師伯 沈懷文子沖 從兄曇慶 周朗 族孫顒

顒子拾 拾弟子弘正 弘讓 弘直 弘直子確

軍司馬。延之少孤貧,居負郭,好讀書,無所不覽,文章冠絕當時。好飲酒,不護細行。年 三十猶未昏。妹適東莞劉穆之子憲之。行過穆之聞其美才,將仕之,先欲相見,延之不往也。 後爲宋武帝豫章公世子中軍行參軍。及武帝北伐,有宋公之授,府遣延之慶殊命。行 顏延之字延年,琅邪臨沂人也。 曾祖含,晉右光祿大夫。[1]祖約,零陵太守。 父顒,護

至洛陽,周視故宮室,盡爲禾黍,悽然詠黍離篇。道中作詩二首,爲謝晦、傅亮所賞。

武帝親幸,朝彦畢至。延之宮官列卑,引升上席。上使問續之三義,續之雅仗辭辯,延 武帝受命、補太子舍人。雁門周續之隱廬山、儒學著稱。永初中、徵詣都下,開館以居

列

傳

第二十

四

顔

延

之

之每 令傅亮自以文義 以簡 要連 挫續之。 一時莫及,延之負其才,不爲之下,亮甚疾焉。 上又使還自敷釋,言約理暢,莫不稱善。 廬陵王義眞待之甚厚,徐羨 再遷太子中舍人。 時尙書

之等疑

延之爲同異,意甚不悅。

郡,道經汨潭,爲湘州刺史張邵祭屈原文以致其意。 卿 《又爲始安,可謂『二始』。」 黃門郎殷景仁亦謂之曰:「所謂人惡俊異,世疵文雅。」 延之之 少帝即位,累遷始安太守。 領軍將軍謝晦謂延之曰:「昔荀勗忌阮咸,斥爲始平郡,今

元方 以才學見遇,當時多相推 與孔元駿齊年文學,元駿拜元方於牀下,今君何得不見拜。」淑無以對。 元嘉 三年,羨之等誅,徵爲中書侍郎,轉太子中庶子,領步兵校尉,賞遇甚厚。 ,服,唯袁淑年倍小延之,不相推 重。 延之忿於衆中折之曰:「昔陳 延之旣

詠,以述竹林七賢,山濤、王戎以 沈飲,誰知非荒宴。」此四句蓋自序也。湛及養康以其辭旨不遜,大怒,欲黜爲遠郡。 云:「物故不 不升,當 之智所能 延之疏誕,不能取容當世,見劉湛、殷景仁專當要任,意有 由 獨了」。辭意激揚,每犯權要。 作卿家吏耳。」湛恨焉,言於彭城王義康,出爲永嘉太守。 可 論,途窮能 !無慟。」詠阮咸云:「屢薦不 貴顯被黜。 又少經爲湛父柳後將軍主簿,至是謂湛曰:「吾名器 詠嵇康 入官,一 云:鸞翮 **麾乃出守。」詠劉伶** 有時鍛,龍性誰 不平。 延之甚怨憤,乃作 常言「天下事豈一人 能 剔。 云:「韜 詠 文帝與 阮籍 精 范

義康詔曰:「宜令思愆里閭,猶復不悛,當驅往東土,乃至難恕者,自可隨事錄之。」於是延之

屛居不豫人間者七載。

眠,延之發簾熟視曰:「朽木難彫。」尚之謂左右曰:「此人醉甚可畏。」閑居無事,爲庭誥之文 嘲曰:「誰得卿狂。」答曰:「其狂不可及。」尚之爲侍中在直,延之以醉詣焉。 醒乃見。帝嘗問以諸子才能,延之曰:「竣得臣筆,測得臣文,奧得臣義,躍得臣酒。」何尙之 能事生,焉能事死。」文帝嘗召延之,傳詔頻不見,常日但酒店裸袒挽歌,了不 以訓子弟。 百官,皆取義熙元年除身。以延之兼侍中,同邑吏送札,延之醉,投札於地曰:「顏延之未 中書令王球以名公子遺務事外,與延之雅相愛好,每振其罄匱。晉恭思皇后葬, 尚 之 望 見 應對,他 應須 便陽 日醉

復蒙抽進,而曾不悛革,怨誹無已。交游關茸,沈迷麴蘗,橫興譏謗,詆毀朝士。 陳聞,依傍詔恩,抵捍餘直,垂及周年,猶不畢了。 增憤薄之性,私恃顧眄,成强梁之心。外示寡求,內懷奔競,干祿祈遷,不知極已。預宴班 啓買人田不肯還直,尚書左丞荷赤松奏之曰:「求田問舍,前賢所鄙。 子祭酒、司徒左長史。何尚之素與延之狎,書與王球曰:「延之有後命,敎府無復光暉。」坐 劉湛誅後,起延之爲始興王濬後軍諮議參軍、御史中丞。在任從容,無所舉奏。 昧利苟得,無所顧忌。 延之昔坐事屏斥, 延之唯利是視,輕冒 仰竊過榮 遷國

觴,肆詈上席。山海容含,每存遵養。 畏。 聲問過情,孟軻所恥,況聲非外來,問由己出。 豈可復弼亮五教,增耀台階。 後為祕書監,光祿勳,太常。 請以延之訟田不實,妄干天聽,以强陵弱,免所居官。」詔 愛兼雕蟲,未忍遐棄。 雖心智薄劣,而高自比擬,客氣虛張,曾無愧 而驕放不節,日月彌甚。 臣聞

之。」上變色。 獨榻,延之甚疾焉。因醉白上曰:「昔同子參乘,袁絲正色。此三台之坐,豈可使刑餘居 時 ·沙門釋慧琳以才學爲文帝所賞,朝廷政事多與之謀,遂士庶歸仰。 上每引見,常升

約,不營財利,布衣蔬食,獨酌郊野。當其爲適,傍若無人。三十年,致事。 延之性旣褊激,兼有酒過,肆意直言,曾無回隱,故論者多不與之,謂之顏彪。 居身儉

兼造書檄。砌召延之示以檄文,問曰:「此筆誰造。」延之曰:「竣之筆也。」又問:「何以知之。」 下。」砌意乃釋,由是得免。 曰:「竣筆體,臣不容不識。」劭又曰:「言辭何至乃爾。」延之曰:「竣尙不顧老臣,何能爲陛 元凶弑立,以爲光祿大夫。長子峻爲孝武南中郎諮議參軍。及義師入討,峻定密謀,

之曰:「顏公」延之以其輕脫,怪之,答曰:「身非三公之公,又非田舍之公,又非君家阿公, 孝武登阼,以爲金紫光祿大夫,領湘東王師。嘗與何偃同從上南郊,偃於路中遙呼延

何以見呼爲公。」偃羞而退。

竣鹵 竣曰::「平生不喜見要人,今不幸見汝。」見|竣起宅,謂曰::「善爲之,無令後人笑汝拙也。」表 |簿,即屏住道側。 竣 旣貴重,權傾一朝,凡所資供,延之一無所受。 又好騎馬遨游里巷,遇知舊輒據竃索酒,得必傾盡,欣然自得。 器服不改,宅宇如舊,常乘嬴牛車,逢 嘗 語

之始也。 嘗早候竣,遇賓客盈門,竣方臥不起,延之怒曰:「恭敬撙節,福之基也。 况出糞土之中,而升雲霞之上,傲不可長,其能久乎。」 驕佷傲慢,禍

解師職,加給親信二十人。

地,因病。 至,常坐靈上哭曰:「貴人殺汝,非我殺汝。」以冬日臨哭,忽見妾排屛風以壓延之,延之懼墜 延之有愛姬,非姬食不飽,寢不安。 孝建三年卒,年七十三。贈特進,諡曰憲子。 姬憑寵,嘗盪延之墜牀致損,峻殺之。 延之痛惜甚

稱顏 當 便成 君 誤 詩若鋪錦 後生。」 ,靈運久之乃就。 謝 延之與陳郡謝靈運俱以辭采齊名,而遲速縣絕。文帝嘗各敕擬樂府北上篇,延之受詔 焉 列繡,亦雕繢滿眼。」延之每薄湯惠休詩,謂人曰:「惠休制作,委巷中歌 是時議者以延之、靈運自潘岳、陸機之後,文士莫及,四江右稱潘、陸,江左 延之嘗問鮑照已與靈運優劣,照曰:「謝五言如初發芙蓉,自然可愛。 謠耳,方

元嘉 中, 竣字士遜,延之長子也。 上不欲諸王各立朋黨,將召竣補 早有文義,爲宋孝武帝撫軍主簿, 尙書郎。 江湛 以爲在 一府有稱,不宜回 甚被嘉遇, 竣亦盡 改,乃止。 心補 益。 隨

下。」後竣在彭城, 初 ,沙門釋僧含精有學義,謂竣曰:「貧道常見讖記,當有眞人應符, 嘗於親人敍之, 言遂宣布, 聞於文帝。 時元凶巫蠱事已發, 名稱次第,屬在 故 上不 一殿 加

推

案。

府

轉安北、鎭軍

·、北中郎府主簿。(云)

厥衆務,竣皆專斷 疾,自沈慶之以下 崩 問 至,孝武舉兵 孝武鎭尋陽,遷南中郎記室。 施行 並 入討, 示堪 轉諮議參軍,領錄事,日日任總內外, 相 見,唯竣出入臥內,斷決軍 三十年春,以父延之致仕,固求解職, 機。 時孝武屢經危篤, 幷造檄書。 賜假未發, 孝武 不任諮禀, 發尋陽 而文帝 便 凡

風 留 姿甚美,賓客喧 J) 選舉 孝 武 丁,自强 踐阼,歷侍中、左衞將軍,封建城縣侯。 不 息。 訴,常歡笑答之。 任遇 既隆,奏無不可。 人言顏竣瞋 後謝莊代竣領選,意多 而 孝建 與 人官 元年, 1,謝莊 轉吏部尚 笑 而 不 不 書, 行。 與 人官 領驍騎將軍, 竣容貌嚴毅 ~;
脏 \Box

南郡王義宣 、臧質等反,以竣兼領右將軍。 義宣、質諸子藏匿建康、秣陵、湖熟、江寧縣

界,孝武大怒,免丹陽尹褚湛之官,收四縣官長,以竣爲丹陽尹,加散騎常侍。

名義恭子爲伯禽,以比魯公伯禽,周公之子。名竣子爲辟强,以比漢侍中辟强, 先是,竣未有子,而大司馬江夏王義恭諸子爲元凶所殺,「む」至是各產男,上自爲制名, 張良之

子也。

耗。 器化爲財。」上下其事於公卿,竣議曰:「今云開署放鑄,誠所欲同,但慮采山事絕,器用日 下之貨將糜碎至盡。空曰嚴禁,而利深難絕,不過一二年間,其弊不可復救。此其甚不可 難得,欲鑄二銖錢。一竣又議曰:「今鑄二銖,恣行新細,於官無解於乏,而人姦巧大興,〔三〕天 檢盜鑄,幷禁翦鑿。數年之間,公私豐膽,銅盡事息,姦爲自止。禁鑄則銅轉成器,開鑄則 鑄錢。置署,樂鑄之家皆居署內。去春所禁新品,一時施用,今鑄悉依此格。萬稅三千,嚴 甚,百物踊貴,人患苦之。乃立品格,薄小無輪郭者悉加禁斷。始興公沈慶之議:「宜聽人 翦鑿古錢以取其銅,錢轉薄小,稍違官式。雖重制嚴刑,人吏官長坐死免者相係,而盜鑄彌 即位,又鑄孝建四銖,所鑄錢形式薄小,輪郭不成,於是人間盜鑄者雜以鉛錫,並不牢固。又 也。使姦人意騁,而貽厥愆謀,此又甚不可二也。富商得志,貧人困窘,此又甚不可三 銅旣轉少,器亦彌貴。設器直一千,則鑄之減半,爲之無利,雖令不行。」時議者又以銅 先是,元嘉中鑄四銖錢,輪郭形制與五銖同,用費損無利,[10]故百姓不盜鑄。及孝武

列傳

=+

Щ

顏延之

即位 井 盈三寸,大小 鑢, 也。 用 不復 。三三復禁人鑄,官署亦廢,尋復普斷,唯用 如今之翦鑿者,謂之耒子錢。 ,鑄二銖,形式 若使 料數,十萬 \交益深重,尙不可行,況又未見利,而衆弊如此,失算當時, ,稱此,謂之鵝眼錢;劣於此者謂之綖環錢。 錢不盈 (轉細,官錢每出, 二掬。 斗米一 景和元年,沈慶之啓通私 、人間即 萬,商貨不行。 古錢 i模劾之,而大小厚薄皆不及也。 明帝 貫之以縷,入水不沈,隨手破碎,市 鑄 初,唯禁鵝眼、綖環,其餘皆通 由是錢貨亂敗, 取笑百代乎。」前 無輪郭 千錢長不 不磨 廢帝

丹陽 息米 近 尹 竣自散騎常侍、丹陽 萬 如 故 斛。 復代謝莊爲吏部尚書,領太子右衞率,未拜, |竣固辭,表十上不許。 尹加中書令, 遣 表讓中書令,見許。 中書舍人戴明寶抱峻登車,載之郡舍。日司賜以布衣 時歲早人飢, |竣上言禁餳一月, 丁父憂。 裁踰月, 起爲右將軍,

襲,絮以綵綸,遣主衣就衣諸體。

對 所 永 懇 親故 求 執 切 旣 朝 7, 並無 竣藉審朝之舊 政。 ,頗懷怨憤。 許, 所回 便憂懼 而所陳 避。 無 多 臣,每極陳得失。 計。 又言朝廷違謬,人主得失。 上意甚不 不被納,疑 至州 叉 悦,多不見從。 上欲疎之,乃求出 1 母 艱,不許去職,聽送喪還都,恩待猶厚,竣彌不自安。每 上自卽吉之後,宮內頗有 |竣自謂· 以 卜時旨。 才足幹時,恩舊莫比 大明 醜論,又多 元年,以爲 ,當贊務居 所 興造。 東揚 州 中 竣諫 刺 · 7 [四] 史。 爭

復過煩思慮,懼不全立,豈爲下事上誠節之至邪。」 怒,詔答曰:「憲司所奏,非宿昔所以 家,早負世議,天倫怨毒,親交震駭。 還葬,事畢不去,盤桓經時。方構間勳貴,造立同異,遂以已被斥外,國道將顚。 彌放。 **免竣所居官,下太常削爵土。」上未欲便加大戮,且止発官。** 懷猜懼,偽請東牧,以卜天旨。旣獲出藩,怨詈方肆,反脣腹誹,方之已輕。 包藏隱慝,豫聞中旨,罔不宣露。 上乃使御史中丞庾徽之奏竣:「窺覘國柄,潛圖 及王僧達被誅,謂爲所讒構,臨死陳竣前後忿懟,恨言不見從。 傳詔犯憲,舊須啓聞,而竣以通訴忤己,輒加鞭辱,罔顧威靈,莫此爲甚。 罰則委上,善必歸己,脅懼上宰,激動闆閻。 相期。 **街談道說**,非復風聲,宜加顯戮,以昭盛化。 卿受榮遇,政當極此。 **人執。** 受任選曹,驅扇滋甚,出尹京輦 竣頻啓謝罪,幷乞性命。 **訕**訐怨憤,已孤本望,乃 僧達所言,頗相 前冬母亡,詔賜 末慮上聞,內 懷挾姦數 請以 兼行 符會, 見事 闕於

足,然後於獄賜死,妻息宥之以遠。 及寬陵王誕為逆,因此陷之,言通於誕。召御史中丞庾徽之於前立奏,奏成,詔先打折 一子辟强徙交州,又於宮亭湖沈殺之。。竣文集行於

|竣弟|||亦以文章見知,官至江夏王|義恭大司馬錄事參軍。 以兄貴爲憂,先竣卒。

綢繆恩舊,可擢爲中書侍郎。」奧,延之第三子也。 明帝 即位,詔曰:「延之昔師訓殷躬,情契兼重。 前記室參軍、濟陽太守奧,伏事蕃朝,

諮議 參 顔師 軍,領錄事,軍府之務悉委焉。 伯字長深、自己竣族兄也。 父邵,剛正有局力,爲謝晦領軍 邵慮晦 有禍, 求爲竟陵太守。 ·司馬。 未及之郡,會晦 晦鎭江陵, 請爲

邵飲藥死。

孝武 主簿。 師伯 爲徐州,師伯 少 善於附會,大被知遇。 、孤貧,涉獵書傳,頗解聲樂。 仍為 輔國安北行參軍。 及去鎭 弟師仲妻, ,師伯以主簿送故。 王景文時為諮議參軍 臧質女也。 ,愛其諧敏,進之孝武,以爲 質爲徐州,辟師伯爲 主簿

師伯。」孝武啓爲長流正佐,帝又曰:「朝廷不能除之,郎可自板,ここ然亦不宜署長流。」乃板 孝武 鎭 尋陽,啓文帝請爲 南中郎府主簿,文帝不許,謂典籤曰:「中郎府主簿,那得 用顔

爲參軍刑獄。及討元凶,轉主簿。

師伯 下, 多納 貨賄,家累千金。 :遽斂子曰:「幾作盧。」爾日,師伯 孝武 、踐阼,以爲黃門侍郎,累遷侍中。 孝武嘗與 師伯摴蒱,帝擲 一輸百萬。 大明元年,封平都縣子。 得雉,大悦,謂必勝。 仍遷吏部尙書、右軍 一將軍。 師伯後 親幸隆密,羣臣莫二。 上不欲威權在 得盧,帝失色,

前後領選者唯奉行文書,師伯專情獨斷,江刊奏無 七年,爲尚書右僕射。 時分置二選,陳郡謝莊、 琅邪王曇生並爲吏部尚書。 不可。

師伯

子舉

列傳第二十四 沈懷文

市買丞事。 惠、顏禕之、元從夫、任澹之、石道兒、黃難、周公選等抑道惠敕,使奇先到公車,不施行奇兼 周旋寒人張奇爲公車令,上以奇資品不當,使兼市買丞,以蔡道惠代之。令史潘道栖、褚道 師伯坐以子預職、「八二莊、曇生免官,道栖、道惠棄市,禕之等六人鞭杖 百。 師

孝武臨崩, 師伯受遺詔輔幼主, 尚書中事專以委之。CIEJ廢帝即位, 復還卽眞, 加領 伯尋領太子中庶子,雖被黜挫,受任如初。

衞尉。

帝欲親 盡 一天下之選,園池第宅,冠絕當時,驕奢淫恣,爲衣冠所疾。 師伯居權日久,天下輻凑,游其門者,爵位莫不踰分。 朝政,轉師伯 爲左僕射。 以東部尚書王景文爲右僕射。 多納貨賄,家產豐積,妓妾聲樂, 又遷尙書僕射,領 奪其京尹,又分臺任。 丹陽尹 師伯 廢

至是始懼,與柳元景謀廢立。

而 切齒,乃泄其謀。 初,師伯 專斷朝事,不與沈慶之參懷,謂令史曰:「沈公爪牙者耳,安得預政事。」慶之聞 尋與太宰江夏王義恭同誅,六子皆見殺。 明帝卽位,諡曰荒。

沈懷文字 思明,吳興武康人也。 祖寂,晉光祿勳。 父宣,新安太守。

畢集。 服闋,除尚書殿中郎。 父憂,新安郡送故豐厚,奉終禮畢,餘悉班之親戚,一無所留。 懷文少好玄理,善爲文章,爲楚昭王二妃詩,見稱於世。 爲連句詩,懷文所作尤美, 隱士雷次宗被徵居鍾山, 辭高 座。 隨王誕鎭襄陽,三出爲後軍主簿, 後南還廬江。CIOI何尚之設祖道, 文帝聞而嘉之,賜奴婢六人。 爲江夏王義恭東閤祭酒。 與諮議參 文義之士

不 · 悅。 元嘉二十八年,誕當爲廣州,欲以懷文爲安南府記室,先除通直郎。 弟懷遠納東陽公主養女王鸚鵡爲妾,元凶行巫蠱,鸚鵡豫之, 事洩, 懷文固辭南行,上 懷文因 此 失調,

軍謝莊

共掌辭令,領義成太守。

爲治書侍御史。

遷別駕從 齋。 疾落馬, 懷文 元凶 問行奔新亭, 以爲不可,乃止。 .弑立,以爲中書侍郎。孝武 史。 以爲竟陵王 尋轉揚州中從事史。 一誕驃騎 入討,呼之使作符檄, 錄 事參軍、 時議省錄尚書,懷文以爲非宜,上議不從 淮陵 固辭。 太守。行三時國哀 砌大怒,會殷沖救得免。託 未釋, 誕欲起內

子尚 移居東城 及江 夏王 以厭之。 義恭遷西陽王子尚爲揚州, 懷文曰:「天道示變,宜應之以德,今雖空西州,恐無益也。」不從,而 居職 如 故。 時熒惑守南斗, 上乃廢 西州 舊館,使

竟廢。

事

列傳第二十四 沈懷文

懷 文 日 大 [二]周 明二年,遷尙書吏部郎,時朝議欲依古制置立王畿, 制 封畿,漢置司 隸,各因時宜, 非存相反。 安人定國 揚州移居會稽, 其揆 一也。 **猶以星變故** 茍 人心所安, 也

亦從之。 未必改今追古,乃致平一。回司神州舊壤,歷代相承,異於邊州,或置或罷。 旣物

情不悅,容虧化本。」又不從。

五郡 九百三十六獄,衆咸 三年,子尚移鎭 會稽。 稱 遷撫 平。 軍長史,行府州事。 時囚繫甚多,動經年月, 懷文到任,

訊

人首於石頭 入爲侍中,寵待隆 南岸,謂之髑 密。 髏 竟陵王 Щ 懷文陳其 誕據廣陵反,及城陷,士庶皆裸身鞭面然後加刑,聚所殺 不 可 ,上不納

明幽 · 昔漢后郊祀太一,白日重輪,神 感所致,臣願 孝武嘗有事 圓 與侍臣賦 丘,未至期 之。 而 上笑 光 雨 晦 四 稱 燭。 竟 善。 夜。 今陛下 明 日 有事茲禮,而膏雨迎夜,淸景麗朝,斯實 風霽,雲色甚美,帝升壇悅。 懷文 稱慶日

徙居,旣乖 揚州 移會稽,上忿浙江 人情,一州兩格,尤失大體。」上不 東人情 不 和,行門欲貶其勞祿,唯西州舊人不改。 從。 懷文曰:「揚州

之,亦當不 懷文 與顏竣、周朗 敢 如 此。」懷文默然。又嘗以歲夕與謝莊、王景文、顏師伯被敕入省,未及進,景文 素善, 竣以失旨見誅, 朗 亦 以忤意得罪。 上謂懷文曰:「竣若 知 我 殺

因談言次稱竣、朗人才之美,懷文與相酬和。 師伯後因語次白上,敍景文等此言。

經犯忤,至此上倍不悅。

上又壞諸郡士族以充將吏,並不服役,至悉逃亡。 加以嚴制不能禁,乃改用軍法,得便

斬之。 莫不奔竄山湖,聚爲盜賊。 懷文又以爲言。

齋庫上絹年調鉅萬疋,綿亦稱此,期限嚴峻。 人間買絹一疋至三二千,綿一兩三四百,

貧者賣妻子,甚者或自縊死。懷文具陳人困,由是綿絹薄有所減,俄復舊。

子尚等諸皇子皆置邸舍、逐什一之利、爲患偏天下。懷文又曰:「列肆販賣、古人所非。

卜式明不雨之由,弘羊受致旱之責。若以用度不充,故宜量加減省。」不聽。 孝建以來,抑黜諸弟,廣陵平後,復欲更峻其科。懷文曰:「漢明不使其子比光武之子,

前史以爲美談。陛下旣明管、蔡之誅,願崇唐、衞之寄。」及海陵王休茂誅,欲遂前議。太宰

江夏王義恭探得密旨,先發議端,懷文固請不可,由是得息。

宜從。」智深未及有言,上方注弩,作色曰:「卿欲劾顏竣邪。何以恒知人事。」又曰:「顏竣小 亦謂之善。与思俄而被召俱入雉場,懷文曰:「風雨如此,非聖躬所宜。」景文又曰:「懷文所啓 下,風雨甚驟。景文曰:「卿可以言矣。」懷文曰:「獨言無繼,宜相與陳之。」江智深臥草側, 時游幸無度,太后六宮常乘副車在後。[懷文與王景文每諫不宜亟出,後因從坐松樹

子,恨不得鞭其 面。

不能耳。」 |文曰:「卿每與人異,亦何可久。」|懷文曰:「吾少來如此,豈可一朝而變。 上每宴集,在坐者咸令沈醉。 懷文素不飲酒,又不好戲,上謂故欲異己。 非欲異物,性之所 謝莊嘗誠懷

怒,收付廷尉賜死。 中, 臨辭又乞停三日,

訖猶不去,爲有司所糾,

强官,禁錮十年。 五年,出爲晉安王子勛征虜長史、廣陵太守。明年坐朝正事畢,被遣還北,以女病求 旣被免,賣宅還東。

武康令,撰南越志,及懷文文集並傳於世。 與相沈法系論起義 宗慤欲殺之,ᠬ言之會南郡王義宜反,懷遠頗閑文筆,慇起義,使造檄書,幷銜命至 弟懷遠爲始興王濬征北長流參軍,深見親待。 事。 事平,慤具爲陳請, 由此見原。終孝武世不得還。 坐納王鸚鵡爲妾,孝武徙之廣州。 前廢帝 一始興, 世歸,位 與始 刺

史

懷文三子:淡、深、沖。日日

哀貌苦,見者傷之。 沖字景綽,涉獵文義,仕宋歷位撫軍正佐,兼記室。 柳元景欲救懷文,言於孝武曰:「沈懷文三子塗炭不可見,願陛下速正 及懷文得罪被繫,沖兄弟行謝,情

列 傳 第

+

四

沈 懷 文

其 罪。」帝曰 …「宜急殺之,使其意分。」 竟殺之。 元景爲之歎息,沖兄弟以此知名。 累遷司徒

錄事。

待 劣,世號爲「腰鼓兄弟」。 以恩舊。 齊 武帝爲江州,沖爲征虜長史、尋陽太守。 及卽位,轉御史中丞、侍中。 淡、深並歷御史中丞。 永明四年, 為五兵尚書。 兄弟三人皆爲司直、晉、宋所未有 齊建元中,累遷太子中庶子。 沖與兄淡、深名譽有優 武帝在東宮, 也。

並 焚爇,大呼曰:「我三兒皆作御史中丞, 與人豈有善者。 丞 一歷侍 到官數日,奏彈深子績父在僦白憶車,免官禁錮。 中丞案裁之職,被惡者多結怨。 中、武 帝方欲任沖,尋卒。 追贈太常、諡 永明中,深彈吳興太守袁彖。 日 恭子。 沖母 方恐肌分骨散,何但焚如。」兄弟後 孔氏在東,鄰家失火, 建武 中,象從 疑爲 弟昂 爲中 人 所

慶 議 立常平倉以救人急,文帝納其言 |曇慶,懷文從父兄也。 父廢,員外散騎侍郎。 而 事 不 行 曇慶仕宋位尚書左丞。 時歲有水旱, 曇

大 明 元 年,爲徐州 刺 史。 時殿中員 外將 軍裴景仁助戍彭城、景仁本北人,多悉關中事。

慶使撰秦記十卷,敍苻氏事,其書傳於世

曇慶謹實淸正,所莅有稱績。 常謂子弟曰:「吾處世無才能,圖作大老子耳。」世以長者

公主。二女適建平王宏、廬江王韓。 周朗字義利,汝南安成人也。父淳,宋初歷位侍中,太常。 以貴戚顯官。謝少而愛奇、雅有風氣、與嶠志趨不同, 兄嶠尙武帝第四女宣城德

嶠甚疾之。爲江夏王義恭太尉參軍。

元嘉二十七年春,朝議北侵魏,當遣義恭出鎭彭城,爲諸軍大統。朗聞之解職。 及義

|恭出鎮,府主簿||羊希從行,與||朝書戲之,勸令獻奇進策。||期報書援引古義,辭意倜儻。 孝武卽位,除建平王宏中軍錄事參軍。時普責百官讜言,朗上書陳述得失,多自矜誇。

書奏忤旨,自解去職。

可有之。蟲獸之災,寧關卿小物。」 您失多不允,臣在郡猛獸三食人,蟲鼠犯稼,以此二事上負陛下。」上變色曰:「州司不允,或 燒郡解,朗悉以秩米起屋,償所燒之限。稱疾去官,爲州司所糾,還都謝孝武曰:「州司舉臣 後爲廬陵內史,郡界荒蕪,頗有野獸。母薛氏欲見獵,朗乃合圍縱火,令母觀之。火逸

朗尋 丁母憂,每哭必慟,其餘頗不依居喪常節。 大明四年,上使有司奏其居喪無禮。詔

列

傅

族

孫顒。

朗悖 禮 利口 ,宜合翦戮,微物不足亂典刑,特鎖付邊郡。」於是傳送寧州,於道殺之**。** 朗

顧字彥倫,晉左光祿大夫顕七世孫也。 祖虎頭,員外常侍。父恂,歸鄉相。

頥 少爲族祖朗所知,解褐海陵國侍郎。 益州刺史蕭惠開賞異願,攜入蜀,爲厲鋒將軍,

常謂惠開性太險,每致諫,惠開不悅,答順曰:「天

險地險,王侯設險,但問用險何如耳。」隨惠開還都。

帶肥鄉、

成都二縣令、三乙仍爲府主簿。

爲 輒 東宮,顒遷正 齊 誦 殿中郎。 經中因緣罪福事,帝亦爲之小止。一元徽中,韶爲剡令,有恩惠,百姓思之。齊高 宋明帝頗好玄理,以顒 員郎,始興王前軍諮議,直侍殿省,深見賞遇。 建元 初,爲長沙王後軍參軍、山陰令。 有辭義,引入殿內,親近宿直。帝所爲慘毒之事,顒不敢顯諫, 還爲文惠太子中軍錄事參軍。 帝輔政, 文惠在

麈 見 尾 來 如 睭 四 音辭辯麗,長於佛理,著三宗論言空假義。 此 十餘載,頗見宗錄,唯此塗白黑無一人得 順於 |鍾山 西立隱舍,休沐則歸之。 者,爲之發病,非意 西涼州智林道人遺願書深相贊美,言「捉 此音猥來 、入耳」。其論

轉 ?太子僕,兼著作,撰起居注。 遷中書郎,兼著作如故。云記常游侍東宮。 少從外氏車

列傳第二十四 周朝

騎 將軍臧質家得衞恒散隸書法, 學之甚工。文惠太子使顒書玄圃茅齋壁。 國子祭酒何胤

以倒薤書求就顋換之。 顒笑答曰:「天下有道,丘不與易也。」

,彌日不解。 每賓友會同,願虛席晤語,辭韻如流,聽者忘倦。 兼善老、易,與張融相遇,輒以玄言相 清貧寡欲,終日長蔬,雖有妻子,獨處山舍。甚機辯,衞將軍王儉謂關曰:

早韮,秋末晚菘。」何胤亦精信佛法,無妻。太子又問順:「卿精進何如何胤。」順曰:「三塗八 「卿山中何所食。」、順曰:「赤米白鹽,綠葵紫蓼。」文惠太子問、關菜食何味最勝, 頥曰:「春初

難,共所未免,然各有累。」太子曰:「累伊何。」對曰:「周妻何肉。」其言辭應變如此。

轉國子博士,兼著作如故。太學諸生慕其風,爭事華辯。 始著四聲切韻行於時。 後卒

於官。子捨。

尤精 義理 |捨字昇逸,幼聰穎,

順異之。 臨終謂曰:「汝不患不富貴,但當將之以道德。」及長博學, ,善誦詩書,音韻淸辯。 弱冠舉秀才,除太學博士。 從兄綿爲剡縣,贓汙不少,籍

沒資財,捨乃推宅助焉。

名爲 口辯。 建 武 中,魏 王亮爲丹陽尹,聞而悅之,辟爲主簿,政事多委焉。 人吳苞南歸,有儒學。 尚書僕射江祏招苞講,拾造坐折苞,辭理遒逸,由是 遷太常丞。

從之。

益,多自捨出。 梁武 一帝卽位,吏部尚書范雲與顒素善,重捨才器,言之武帝,召拜尚書祠部郎。 先是,帝與諸王及吳平侯書皆云弟,捨立議,引武王、周公故事, 禮儀損

儀體法律,軍旅謀謨,皆兼掌之。日夜侍上,豫機密二十餘年,未嘗離左右。帝以爲有公輔 遷尙書東部郎,太子右衞率,右衞將軍。 累遷鴻臚卿。時王亮得罪歸家,故人莫至,捨獨敦恩舊。及亮卒,身營殯葬,時人稱之。 雖居職屢徙,而常留省內,罕得休下。 國史詔誥,

中廢,捨專掌權轄,雅量不及勉而清簡過之,兩人俱稱賢相。 初,范雲卒,僉以沈約允當樞管,帝以約輕易不如徐勉,於是勉、捨同參國政。 勉小嫌

紀,則事無所包,若直書功德,則傳而非紀。應於上紀之前,略有仰述」。從之。 時議國史,疑文帝紀傳之名。捨以爲「帝紀之籠百事,如乾象之包六爻,今若追而爲

器用、居處牀席、如布衣之貧者。每入官府、雖廣廈華堂、閨閣重邃、捨居之則塵埃滿積。以 捨占對辯捷,嘗居直廬,語及嗜好,裴子野言從來不嘗食薑。 **捨應聲曰:「孔稱**『不徹』,

获為障,壞亦不修。歷侍中、太子詹事。普通五年,南津校尉郭祖深獲始興相白渦書, C™00

餉捨衣履及婢,以聞,坐觅官。 以右驍騎將軍知詹事。CIII)卒。 上臨哭哀動左右,追贈侍中、

護軍將軍, 諡曰簡子。

量加褒異,以旌善人」。. 捨集二十卷。二子弘義、弘信,弟子弘正。 其德美。以爲「往者南司白渦之劾,恐外議謂朕有私,致此黜免。追愧若人一介之善,外可 初,帝銳意中原,羣臣咸言不可,唯捨贊成之。普通中,累獻捷,如己帝思其功,下詔述

學,孟冬應舉,學司以日淺不許。博士到洽曰:「周郎弱冠講經,豈俟策試?」 歲,通光子、周易。捨每與談論,輒異之,曰:「觀汝淸理警發,後世知名,當出吾右。」河東裴 子野深相賞納,請以女妻之。十五,召補國子生,仍於國學講易,諸生傳習其義。以季春入 弘正 |字思行。父寶始,||梁司徒祭酒。||弘正幼孤,及弟弘讓、弘直俱爲伯父捨所養。年十

諧 名,著紅 似優,剛腸似直,善玄理,爲當世所宗。 人競改常服 覘知,大 普通 種,錦絞髻,踞門而聽,衆人蔑之,弗譴 中,初置司文義郎,直壽光省,以弘正爲司義侍郎。弘正醜而不陋,吃而能談,俳 相 .. 賞狎。 ,不過長短之間。 劉顯將之尋陽,朝賢畢祖道,顯縣帛十匹,約曰:「險衣來者以賞之。」 顯曰:「將有甚於此矣。」旣而弘正綠絲布袴,繡假種,軒昂 藏法 也。 師於開善寺講說,門徒數百,弘正年少,未知 旣 而 乘間進難,舉坐盡 |傾,法師疑非世

子。 而 至 了折標取帛。中大通三年,昭明太子薨,

「

三其嗣華容公不得立,乃以晉安王綱爲皇太 弘正奏記,請「抗目夷上仁之義,執子臧大賢之節」。〔邑〕其抗直守正如此

館 國子博士。 弘正居以講授, 常自稱有才無相,僕射徐勉掌選,以其陋不堪爲尙書郎,乃獻書於勉,其言甚切。 學中有宋元凶講孝經碑,歷代不改,弘正始到官,卽表刊除。 聽者傾朝野焉。 弘正啓周易疑義凡五十條, 又請釋乾坤二繫, 時於城西立士林 稍遷

|武帝講武詩,降敕原罪,仍復本位。 後 《爲平西邵陵王府諮議參軍,有罪應流徙,敕以賜干陁利國。 未去,寄繫尙方。 於獄

與 汝 石珍合族,避景諱,改姓姬氏,拜太常。景將篡之際,使掌禮儀。 知何所逃之。」及武帝納侯景,弘正謂弘讓曰:「亂附此矣。」臺城陷, 弘正博物,知玄象,善占候。大同末,嘗謂弟弘讓曰:「國家愿在數年,當有兵起,吾與 弘正諂附王偉,又

至,僧辯飛騎迎之。 :| 若將加諸膝,老夫何足以當。」僧辯卽日啓<u>元帝,元帝手書與弘正,〔三乃遣</u>使迎之,謂 智不後機、體能濟勝、無妻子之顧,有獨決之明,其餘碌碌不逮也。」俄而前部傳云弘正 及王僧辯東討,元帝謂僧辯曰:「王師近次,朝士孰當先來?」王僧辯曰:「其周 及見、歡甚,曰:「吾固知王僧達非後機者,公可坐吾膝上。」對曰:「可謂 弘正乎。

侍 朝 郎,直侍中省。俄遷左戶尙書,加散騎常侍。夏月著犢鼻褌,衣朱衣,爲有司所彈。 士曰:「晉氏平吳、喜獲二陸,今我討賊,亦得兩周。」及至、禮數甚優、朝臣無比。 授黄門 其放

弘正 了其於義理淸轉無窮,二十二亦一時之名士也。」 元帝嘗著金樓子, 曰:「余於諸僧重招提琰法師,隱士重華陽陶貞白,士大夫重汝南周

如此。〔景〕

夜思 弘正 人,仰勸東下,非爲 姓之心、「尽」不可不歸建鄴。」當時頗相酬許。弘正退後,黃羅漢、宗懍乃言「弘正、王襃並東 唯聖王所都,本無定處。 諫還丹陽甚切,帝雖納之,色不悅。及明日,衆中謂[褒曰:「卿昨勸還]建鄴,不爲無理,吾昨 虞,悔無所及。且臣等又聞荆南有天子氣,今其應矣。」元帝無去意。時尚書左僕射王襃及 之,猶懷疑惑。」 懷知不引納,乃止。 他日,弘正乃正色諫,至于再三,曰:「若 |成侍,帝顧曰:「卿意何如。]|襃等以帝猜忌,弗敢衆中公言,唯唯而已。 |襃後因淸閒,密 時朝議遷都,但元帝再臨荆陝,前後二十餘年,情所安戀,不欲歸建業。 兼故府臣僚皆 弘正善清談,梁末爲玄宗之冠。及侯景平,僧辯啓送秘府圖籍,敕弘正讎校。 國 計。 至如黔首、未見入建鄴城、便謂未是天子、猶列國諸王。 弘正竊知其言,他日乃復上前面折二人,曰:「若東人勸下東,謂 如士大夫, 今日赴百

臣,上舊左右,而閹人也,頗有幹用,故上擢之。 及是勸上遷,曰:「買臣家在荆州,豈不願官 其預會者四五百人,帝欲徧試人情,曰:「勸吾去者左袒。」於是左袒者過半。 之私計,西人勸住西,亦是私計不。」衆人默然,而人情並勸遷都。 上又曾以後堂大集文武, 武昌太守朱買

長住,但恐是買臣富貴,非官富貴邪!」上深感其言,卒不能用。

位,領都官尙書,總知五禮事。宣帝卽位,遷特進,領國子祭酒,加扶。太建五年,○禹己授尙書 右僕射。尋敕侍東宮講論語、孝經。太子以弘正德望素重,有師資之敬焉。 武帝授太子詹事。天嘉元年,遷侍中、國子祭酒,往長安迎宣帝。三年,自周還。廢帝嗣 及魏平江陵,弘正遁歸建鄴。太平元年,授侍中,領國子祭酒,遷太常卿、都官尚書。陳

經疏二卷,集二十卷,行于代。 中、中書監,諡曰簡子。所著周易講疏十六卷,論語疏十一卷,莊子疏八卷,老子疏五卷,孝 弘正特善玄言,兼明釋典,雖碩德名僧,莫不請質疑滯。六年,卒官,年七十九,贈侍

子豫玄,年十四,與俱載入東,乘小船度岸,見藤花,弘正挽之,船覆俱溺,弘正僅免,豫

弘讓性簡素,博學多通。始仕不得志,隱於句容之茅山,頻徵不出。晚仕侯景,爲中書

始彭 侍 郎,人問其故,對曰:「昔王道正直,得以禮進退,今乾坤易位,不至將害於人,吾畏死耳。」 城 劉孝先亦辭辟命,隨兄孝勝在蜀。 武陵建號, 仕爲世子府諮議參軍。 隱 並 遊機

初, 以白衣領太常卿、光祿大夫,加金章紫綬。 弘 讓承聖初,爲國子祭酒。 二年,爲仁威將軍,城向容以居之,命曰仁威壘。 陳天嘉

陽宗燣、平原劉緩、沛國劉穀同掌書記。「四〕王出鎭江、荆二州, 濱 「縣侯。 弘 讓弟弘直,字思方,幼而聰敏。 累遷昌州刺 史。 仕梁爲西中郎湘東王外兵記室參軍,與東海鮑泉 累除諮議參軍。 及承 **分制**,封 南

王琳之舉兵,弘直 在湘州、琳敗、乃入陳,位太常卿、光祿大夫,加金章紫綬。

弘直

方雅敦厚,氣調高於次昆。

或問三周孰賢,人曰「若蜂腰矣」。太建七年卒。

遺疏

裙衫故 「氣絕之後,便買市中見材小形者。 履。 旣 應侍養, 宜備紛 帨,或逢善友,又須香煙,棺內唯安白布手巾 斂以時服,古人通制,但下見先人,必須備 粗 香鑪 禮 ,可著單衣 而

外無所用。」卒於家,年七十六。 有集二十卷。

子 確,字士潛 ,美容儀,寬大有行檢。 **博涉經史**, 篇好玄言。 位都官尚書,禎 明初卒。

列

傳第

於宋朝 其誠深矣。 欲,好進忘退,旣以此始,亦以此終,宜乎。 **援筆數罪,陵讎犯難,餌彼慈親,棄之獸吻,回以此爲忠,無聞前誥。** 人之親,士遜自忘其孝,期以申人之孝,自非嚴父之辭允而義愜,則難乎殆矣。 論曰:文人不護細行,古今之所同焉。 ,非不名高一代,靈運旣以取斃,延之亦躓當年,向之所謂貴身,翻成害己者矣。士遜 周朗始終之節,亦倜儻爲尤。 願、捨父子,文雅不墜, 弘正兄弟義業,幾乎德門 懷文蹈履之地,足以追蹤古烈,孔母致懼中丞, 由夫聲裁所知,故取忤於人者也。 夫自忍其親, 必將忍 觀夫顏、謝之 師伯行己縱

校勘記

者焉。

- 會祖 含晉右光祿大夫 「右」各本作「左」,據宋書改。 按晉書顏含傳作「右」。
- 妹適東莞劉穆之子憲之, 子貞之。「憲」與「慮」形近,不知孰是。 「憲之」宋書同。按宋書劉穆之傳,穆之三子:長子慮之,中子式之,少
- F 以延之兼侍中 「侍中」二字各本但作「持」,誤,據建康實錄改。

- 〔四〕方當誤後生 「後生」各本作「後事」,據通志改。
- Ħ. 是時議者以延之靈運自潘岳陸機之後文士莫及 「靈運」各本作 「靈惠」, 據通志改。 按宋書

云:「延之與陳郡謝靈運齊名,自潘岳、陸機之後,文士莫及也。」

へ **☆**ご 隨府轉安北鎭軍北 中郎府主簿 「鎭軍」各本作「領軍」,據宋書改。 按孝武帝紀,孝武嘗爲鎭軍

將軍,不曾爲領軍。

[4]轉諮議參軍領錄事 各本「領」下有「軍」字,據宋書删

轉吏部尚書領驍騎將軍 「驍騎」各本作「驍衞」。據宋書改。 按宋書百官志無驍衞將軍。

而 大司馬江夏王義恭諸子爲元凶所殺 「大」字各本並脫,據宋書補

[10] 用費損無利 「損」字各本並脱,據宋書補。

[11] 而人姦巧大興 「姦巧」二字各本並脫,據宋書補。

[1] 其餘皆通用 「其餘」各本作「其錢」,據宋書改。

遣中書舍人戴明寶抱竣登車載之郡舍 「戴明寶」 各本作 「戴寶明」。 按戴明寶入恩倖傳

乙正。

[12] 當贊務居中 「贊」字各本並脫,據宋書補。

[1吾] 顏師伯字長深 「長深」宋書作「長淵」,此避**唐**諱改。

- [1六] 郞可自板 「郞」各本作「卿」,據宋書改。
- [1+] 師伯專情獨斷 「專情」各本作「專精」,據宋書改。
- [14] 師伯坐以子預職 「預」宋書作「領」。
- (1元)尚書中事專以委之「中」上各本術「侍」字,據宋書删
- 隱士雷 次宗被徵居鍾山後南還廬江 「廬江」朱書作「廬岳」,是。
- [1] 隨王誕鎭襄陽 「鎭」各本作「領」,據宋書改。
- 呈 以爲竟 陵王誕 驃騎錄事參軍淮陵太守 「淮陵」宋書作「淮南
- [11]] 未必改今追古乃致平一 「未」字各本並脫,據宋書補。
- [118] 上忿浙江東人情不和 各本脱「上」字,據宋書補。
- 呈 江智深臥草側 亦謂之善 「智深」宋書作「智淵」,此避唐諱改。
- 三乙 刺史宗慤欲殺之 宋書作「使廣州刺史宗慇於南殺之」。
- [117] 懷文三子淡深沖 「深」宋書作「淵」,此避唐諱改。
- 爲厲鋒 將 軍 帶 肥鄉 成都二縣令 「肥鄉」朱書 、齊書州郡志 益州 並 無 此 縣 名。
- 遷中 書 郎 兼著 作 如 故 如故」二字各本並脱,據南齊書補。 下文之「轉國子 祭酒兼著 作 其

下亦應有「如故」二字、下並補。

普通 五年南津校尉郭祖深獲始興相白渦書 梁書周捨傳作 普通 五年, 南津獲武陵太守白渦

書」。 梁書武帝紀及本書郭祖深傳皆云南津 校尉置於普通 七年,則普通 五. 年當作 普通七年。 自

渦是始興相抑武陵太守,則無以決。

以 右 驍 続 騎 將 軍 知詹 事 「驍騎」各本作「驍衞」,據梁書改。 參本卷校記第八條。

普通中累獻捷 「普通中」各本作「大通 中。 按梁書本傳,捨卒於普通 五年 ,明年下詔「褒美」

又普通五、六年,北伐屢捷。 足證以作「普通」爲是,今改正。

中大通 三年昭明太子薨 中」字各本並脱,據梁書昭 明太子傳補。

[III] 執子臧大賢之節 「大賢」二字各本並脫,據陳書補。

CMED 元帝手書與弘正 「元帝」二字各本並脫,據陳書補。

其 放 達 如 此 放 達」各本作「作達」,據太平御覽六 九 六引改。

[ll-P] 其於義理淸轉無窮 「淸」各本作「情」,據陳書改。

CMC)今日赴百姓之心 「今日」陳書作「今宜」。

(三九) 太建 五. 年 五. |年」各本作「二年」,據陳書及册府元龜二六〇改。 按本紀亦 是「五年

與 東 海 鮑 泉 南 陽 宗 懍平 原 劉 緩沛 國 劉 瑴 同 掌 書記 劉緩」 各本作 劉 綬 或 陸 綬 據陳書

列傳第二十四 校勘記

改

按

梁書

及本

書

劉

昭傳

並

作

劉緩」。

南史卷三十四

諱故作「獸吻」。 。

(日) 棄之獸吻 「棄」各本作「再」,王懋竑讀書記疑:「『再』疑作『棄』。」今從改。「獸吻」猶虎口,避唐

九〇六

列傳第二十五

劉湛 庾悅 族弟登之 仲文 仲文子弘遠 仲文族 孫仲容 顧

顧覬之 孫憲之

劉湛字弘仁,南陽涅陽人也。 祖躭,父柳,並晉左光祿大夫、開府儀同三司。 湛出繼伯

父談,襲封

安聚馬五等男。少有局力,不尚浮華,博涉史傳,諳前代舊典。 弱年便有宰物情,

常自比管、萬。不爲文章,不喜談議。

之。 服闋,爲相國參軍。 除宋武帝太尉行參軍,賞遇甚厚。父柳亡於江州,府州送故甚豐, 謝晦、王弘並稱其器幹。 無所受,時論

稱

守。 義康 武帝 弱 入受晉命,以第四子義康爲冠軍將軍、豫州刺史,留鎭壽陽。 年 未 親 政,府州事悉委湛。 進號右將軍, 仍隨府轉。義康 以本號徙南豫州 以湛爲長史、梁郡太 湛

列 傳 第 __ + 五 劉 湛

改領歷陽太守。 爲人剛嚴用法,姦吏犯贓百錢以上皆殺之,自下莫不震肅。

帳下備膳,湛禁之,義眞乃使左右人買魚肉珍羞,於齋內別立廚帳。會湛入,因命臑酒炙車 湛正色曰:「公當今不宜有此設。」義眞曰:「旦甚寒,杯酒亦何傷,長史事同一家,望不 廬陵王義眞出爲車騎將軍、南豫州刺史,湛又爲長史,太守如故。 義眞時居武帝憂,使

於合殿與四人宴飲甚悅。華等出,帝目送良久,歎曰:「此四賢一時之秀,同管喉脣,恐後世 後爲廣州刺史,嫡母憂去職。服闋,爲侍中。時王華、王曇首、殷景仁亦爲侍中,文帝 爲異。」酒至,湛起曰:「旣不能以禮自處,又不能以禮處人。」

斥,意甚不平。常曰:「二王若非代邸之舊,無以至此。可謂遭遇風雲。」 輔政,而王華、王曇首任事居中,湛自謂才能不後之,不願外出。是行也,謂爲弘等所 及撫軍將軍江夏王義恭鎭江陵,以湛爲使持節、南蠻校尉,領撫軍長史,行府州事。日日

駿病卒,湛求自送喪還都,養恭亦爲之陳請。文帝答義恭曰:「吾亦得湛啓事,爲之酸懷,乃 不欲苟違所請,但汝弱年,新涉軍務,八州殷曠,專斷事重,疇諮委仗,不可不得其人。量算 一三,未獲便相順許。今答湛啓,權停彼葬。頃朝臣零落相係,寄懷轉寡,湛實國器,吾乃 湛負其才氣, 常慕汲黯、崔琰爲人, 故名長子曰醫字長孺, 第二子曰啖字季珪。 睒於江

密遣 甚重,善論政道,幷諳前代故事,聽者忘疲。每入雲龍門,御者便解駕,左右及羽儀隨意分 氏門者。 湛黨劉敬文父成未悟其機, 詣景仁求郡, 敬文遽謝湛曰:「老父悖耄, 遂就殷鐵干 仁,獨當時務。義康屢言之於文帝,其事不行。 彭城王義康專執朝權,而湛昔爲上佐,遂以舊情委心自結,欲因宰相之力回主心,傾黜景 素款,又以其建議徵之,甚相感悅。及俱被時遇,猜隙漸生。以景仁專內任,謂爲間己。 耳。」明年,景仁轉尙書僕射,領選,護軍將軍,湛代爲領軍。 欲引其令還,直以西夏任重,要且停此事耳。 詹事,加給事中,與景仁並被任遇。 于素篤,欲加酬順,乃詔之曰:「當今之才,委受已爾,宜盡相彌縫,取其可取,棄其可棄。」 由敬文闇淺,上負生成,合門慚懼,無地自處。」敬文之姦諂如 **[詰讓|義|恭。|義|恭陳|湛無居下之禮,又自以年長,未得行意,雖奉詔旨,每出怨言。 上友** 先是王華旣亡,曇首又卒,領軍將軍殷景仁以時賢零落,白文帝徵湛。八年,召爲太子 義康擅權專朝,威傾內外,湛愈推崇之,無復人臣之禮,上稍不能平。 義恭性甚狷隘,年又漸大,欲專政事,每爲湛所裁。 湛云…「今代宰相何難,此正可當我南陽郡漢代功曹 汝慶賞黜罰預關得失者,「三必宜悉相委寄。」 義康僚屬及湛諸附隸潛相約勒,無敢歷殷 主佐之間,嫌隙逐構。 十二年,又領詹事。湛與景仁 此 湛初入朝,委任 文帝聞之,

散,不夕不出,以此爲常。及晚節驅煽義康,陵轢朝廷,上意雖內離而接遇不改。

列傳第

十五五

劉湛

九〇九

上謂所親

曰:「劉斑初自 [西還,吾與語常看日早晚,慮其當去,比入亦看日早晚,慮其不去。] 湛小字斑

獸,故云斑也。〔三遷丹陽尹,詹事如故。

甲於室,以待上臨弔。 見今日,如 亂 子 親 醫等從誅。至弟素,黃門郎,徙廣州。 ,殺我日自是亂法耳。」入獄見<u></u>素,曰:「乃復及汝邪? 曰:「今年必敗,常日賴 十七年,所生母亡。 何 」。湛生女輒殺之,爲時流所怪。 謀又泄,竟弗之幸。 上與義康形迹旣乖,釁難將結,湛亦知無復全地。 口舌爭之,故得推遷耳。 湛初被收,歎曰:「便是亂邪。」又曰:「不言無我應 十月, [3] 詔收付廷尉, 今旣窮毒,無復此望,禍至其能久乎。」伏 相勸爲惡,惡不可 於獄伏誅,時年四十九。 爲, 及至丁艱,謂 相勸爲善,正 所

庾悅字仲豫,潁川鄢陵人也,晉太尉亮之曾孫也。 祖羲 吳興 八內史。 父準,西中郎將、

荆州刺史。云

悦 仕晉 爲司 徒右長史。 桓玄篡位,爲中書侍郎。 朱武平建鄴,累遷建威將軍、江州刺

史,加都督。[f]

初 ,劉毅家在京口,酷貧, 嘗與鄉曲士大夫往東堂共射,時脫爲司徒右長史,要府州僚

豈不能以此堂見讓。」

悅素豪,徑前不答。 文武三千人悉入竅將府,深相挫辱。脫不得志,疽發背,到豫章少日卒。 不答。至是,毅表解悅都督、將軍官,以刺史移鎭豫章。 不以及鯼, 繳旣不去,悅甚不歡。 鯼又相聞曰:「身今年未得子鵝,豈能以殘炙見惠。」 悅又 佐出東堂,緣已先至,遣與悅相聞曰:「身並貧躓,營一遊甚難。 激語衆人並避,□□唯殿留射如故。 以親將趙恢領千兵守尋陽,建威府 君如意人,無處不可爲適, 悦廚饌甚盛,

几席之屬,一物不具,則不肯坐。嘗於晦坐誦西征賦云:「生有修短之命,位有通塞之遇。」晦 同,一旦爲之佐,意甚不愜。 太守。謝晦爲荆州刺史、請爲長史、南郡太守、仍爲衞軍長史。登之與晦俱曹氏壻,名位本 登之少以强濟自立,初爲宋武帝鎭軍參軍,預討桓玄功,封曲江縣五等男。累遷新安 登之字元龍,悅族弟也。曾祖冰,晉司空。 到廳牋唯言「卽日恭到」,初無感謝之言。每入覲見,備持箱囊 祖蘊,廣州刺史。父廓,東陽太守。

因 此三豎。」故登之爲嘲。 禍爲福,未必皆知。」 登之曰:「我亦幾與三豎同戮。」承天爲晦作表云:「當浮舟東下,戮 晦拒王師,欲登之留守,登之不許。 晦敗,登之以無任免官禁錮還家。 何承天戲之日:

雖恨而常優容之。

拜卒。

南 卷 \equiv + 五

剛, 每陳己志,義康不悦,出爲吳郡太守,以贓貨免官。 後為 司 徒長史、南東海太守。 府公彭城王義康專覽政事,不欲自下厝意。 後拜豫章太守,徵爲中護 而登之性 軍,未

章 太守。 謁 不替。 子仲遠,日初爲宋明帝府佐。 贈侍中。 明帝卽位,謂曰:「卿所謂疾風知勁草。」 自軍錄事參軍擢拜太子中庶子,卒於豫 登之弟仲文。 廢帝景和中, 明帝疑防, 賓客故人無到門者,唯仲遠朝

仲文位廣平太守、100兄登之爲謝晦長史,仲文往省之。 時晦權重,朝士並加敬,仲文

獨 與抗 禮。

正 稱 中 王后 書侍 ,則禮亦從之,安可未到廢其節乎? 後 何? 郎裴松之議曰:「案春秋桓公八年,祭公逆王后于紀。 爲彭城王義康驃騎主簿,未就,徙爲丹陽丞。旣未到府,疑於府公禮敬,下禮官博議。 王者無外,其辭成矣。』 推此而言,則仲文爲吏之道,定於受敕之日矣。 宜執 東禮。」從之。 公羊傳曰:『女在國稱女,此其 名器旣

軍 劉湛協附大將軍彭城王義康,而與僕射殷景仁隙。 後始 興王濬當鎭湘州,以仲文爲司馬。 濬不之任,仍除南梁太守,司馬如故。 凡朝士遊殷氏者,不得入劉氏之門, 于時領

獨 一种文遊二人間,密盡忠於朝廷。 1 景仁稱疾不朝見者歷年,文帝常令仲文銜命去來,湛不

辭色。 郡殷沖亦好淨,小史非淨浴新衣,不得近左右,士大夫小不整潔,每容接之。 尙 書,領義陽王師。 義 素無術學,不爲衆望所推。 康出蕃,湛伏誅,以仲文爲尚書吏部郎,與右衞將軍沈演之俱參機密。 內外歸附,勢傾朝野。 性好潔,士大夫造之者,未出戶輒令人拭席洗牀。 仲文爲人强急不耐煩,賓客訴非理者,忿駡形於 歷侍中、吏部 仲文好潔反 時陳

常自 乘焉。或以白文帝,帝見問曰:「道錫餉卿小車,裝飾甚麗,有之乎。」仲文懼起謝 領選旣不緝衆論,又頗通貨賄,用少府卿劉道錫爲廣州刺史,道錫至鎮,餉白檀牽車 又仲文請急還家, 吏部令史錢泰、主客令史周伯齊出仲文宅諮事。 泰能彈琵琶,伯齊

是,每以此見譏

仲文素厚,將恕之,召問尚書右僕射何尚之,具陳仲文得失,奏言 善歌,仲文因留停宿。尚書制,令史諮事不得宿停外,雖八座命亦不許,爲有司所奏。上於

事,政當 華廙 |仲文事如丘山,若縱而不糾,復何以爲政。|晉武不爲明主,斷||屬令事,[11]||遂能奮 見待 云 與 (殷景仁不失其舊,與劉湛亦復不疎。 不 輕,廢錮累年,後起改作城門校尉 耳。 且景仁當時意事,豈復 若言仲文有誠於國,未知 可蔑,縱有微 的 是 何

列

伏 誠 顧 刨 願 遠 問 復何 之日,宜布嫌責之旨。 深 出 加三思。 足掩其惡。 陛下聖叡,反更遲遲於此。 試以諸聲傳普訪諸可顧問者,羣下見陛下 賈充勳烈,自己晉之重臣,雖事業不稱,不聞有大罪, 若不如此,亦當不辨有所得失。 仲文身上之釁,旣自過 顧 於范曄,所 遇 既重 恐不敢苦侵傷, 諸臣進說,便 少 賊 事 耳。

時 仲文自 理不 諳臺制,令史並言停外非嫌。 帝以小事不足傷大臣,尚之又陳

要 珀 史出,乃遠虧 時賢 異 他 令史具向仲文說不得停之意,**仲文了不聽納**, !尙書」。〔1151又云「不癡不聾,不成姑公」。敢作此言,亦爲異也。 少失,桓胤春蒐之謬,皆白 朝典,又不得謂之小 事。 衣領職,況公犯憲制 謝晦望實非今者之疇, 非爲不解, 邪? 孔萬 一事錯誤,免侍中官。 直是苟相留耳。 祀居左局, 言「仲文貴 雖是令

文帝猶優 遊 使尚之更陳 、其意。 尚之備言仲文愆曰

百 動 俱被恩接,不宜復 日 月之 П 四 材助營宅、恐人知、作虛買券。 海 臣 明 思張遼之言,關羽雖兄弟,曹公父子豈得不言。 仲文先與劉德 或有所蔽。 生厚薄。 然不 願 殊惡 知臣者豈不謂臣 太尉昨與臣言說仲文有諸 ,德願自持琵琶甚精麗遺之,便 劉道錫驟有所輸,傾南奉之半。 「有爭競之心,亦追 不 觀今人臣憂國 可,非唯 以悵悵。 復款然。 一條,遠近 劉雍自謂得其力 甚寡,臣復結舌, 臣與仲文 市令盛馥 相崇畏,震 周 進 旋, 數

助,事之如父,夏中送甘蔗,若新發於州。 事 答和,故得停。 仲文都無共事之體,凡所選舉悉是其意,政令太尉知耳。論虞秀之作黃門,太尉不正 或不求,聞劉遵考有材便乞材,見好燭槃便復乞之。 陳力百倍,今日事實好惡可問,若赫然發憤,顯明法憲,陛下便可閑 臥 紫 闥 無 復 以謝太尉。 也。 前後漏泄賣恩,亦復何極。 太尉近與仲文疏,欲用德願兒作州西曹,仲文乃啓用爲主簿,卽語德 縱不罪,故宜出之。自從裴、劉刑罰已來,諸將 國吏運載藮蘇,無輟於道。 選用不平,不可一二。 諸見人有物,鮮 太尉又言

帝欲出仲文爲丹陽,又以問尚之,答言:

出,若能修改,在職著稱,還亦不難,而得少明國典,粗酬四海之誚。 今愆釁如山,榮任 不損,仲文若復有彰大之罪,誰敢以聞。 犯觸之尤,苟是愚懷所挹,政自不能不舒達,所謂「雖九死而不悔」也。臣謂仲文且外 之重、迷一凡人。令賈誼、劉向重生、豈不慷慨流涕於聖世邪。臣昔啓范曄、當時亦懼 輝,乃更成形勢,是老王雅也。古人言,無賞罰,雖堯舜不能爲政。陛下豈可坐損皇家 人於此而息,貪狼恣意,歲月滋甚。 仲文蹈罪負恩,陛下遲遲舊恩,未忍窮法,方復有尹京赫赫之授。恐悉心奉國之 如臣所聞天下議論,仲文恒塵累日月,未見一毫增 亦知陛下不能採臣之言,故是臣不能以已之

意耳。

叉曰

勝,細葛斗帳等物不可稱數。在尚書中令奴酤酃酒,利其百十,亦是立臺閣所無,不審 萬數,猶謂不然。選令史章龍向臣說,亦歎其受納之過。 言實得嫁女銅鑪,四人舉乃 欲。」客出門,遂相聞索之。劉道錫言是仲文所舉,曰思就道錫索嫁女具及祠器,乃當百 人問:「有好牛不。」言無。問:「有好馬不。」又言無,政有佳驢耳。仲文便答:「甚是所 庾仲遠仍當送至新林,見縛束猶未得解手」。一首萬秋嘗詣仲文,逢一客姓夏侯,主 臣見劉伯龍大慷慨仲文所行、自己言有人送張幼緒,語人「吾雖得一縣,負錢三十

帝乃可有司之奏,免仲文官,卒于家。帝錄其宿誠,追贈本官。子弘遠。 少簡聖聽不?

刑,索帽著之,曰:「子路結纓,吾不可以不冠而死。」謂看者曰:「吾非賊,乃是義兵,爲諸君 請命耳。 弘遠字士操,清實有士譽。 仕齊爲江州長史。 陳公太輕事,若用吾言,天下將免塗炭。」弘遠子子曜年十四,抱持父乞代命,遂併 刺史陳顯達舉兵敗,斬於朱雀航。

殺之。

仲文從弟徽之位御史中丞。 徽之子漪,齊邵陵王記室。 漪子仲容。

仲容字子仲,幼孤,爲叔父泳所養。 及長,杜絕人事,專精篤學,晝夜手不輟卷。

孤,人才粗可,願以晏嬰所忝回用之。」勉許焉。 之,除安成王中記室。當出隨府,皇太子以舊恩降餞,賜詩曰:「孫生陟陽道,吳子朝歌縣, 原劉峻亦爲府佐,並以强學爲王所禮接。 初爲安西法曹行參軍,泳時貴顯,吏部尙書徐勉擬泳子晏嬰爲宮僚。 後爲永康、錢唐、武康令,並無績,多被推劾。 轉仲容爲太子舍人,遷安成王主簿。 泳泣曰:「兄子幼 時平

遇太淸亂,遊會稽卒。 友以此少之。 後爲尙書左丞,坐推糾不直発官。一仲容博學,少有盛名,頗任氣使酒,好危言高論,士 唯與王籍、謝幾卿情好相得,二人時亦不調,遂相追隨,誕縱酣飲,不持檢操。

未若樊林舉,置酒臨華殿。」時輩榮之。

仲容抄子書三十卷,諸集三十卷,衆家地理書二十卷,列女傳三卷,文集二十卷,並行

於代。

字弘璋,吳郡吳人,晉司空和之會孫也。 祖履之,父惔,並爲司徒左 西

證出,證出者百日無代人,聽還本職。琛仍爲彭城王義康所請,再補司徒錄事參軍。 **寄**尚書張茂度門名,而與顧碩同席坐。 甚善之。 尚書寺門有制,日公八坐以下門生隨入者各有差,不得雜以人士。 有幾許? 經略河南,大敗,悉委棄兵甲,武庫爲之空虛。文帝宴會,有歸化人在座,上問琛庫中仗猶 踩謹確不尙浮華,起家州從事、駙馬都尉,累遷尙書庫部郎。元嘉七年,文帝遣到彦之 | 踩詭辭答有十萬人仗。舊庫仗祕不言多少,上旣發問,追悔失言。及| 琛詭對,上 明年坐譴出,免中正。日也凡尚書官大罪則免,小罪 琛以宗人顧碩

斥外。十九年,徙東陽太守,欲使踩防守彭城王義康,固辭忤旨,廢黜還家積年。 十五年,出爲義興太守。初,義康請踩入府,欲委以腹心,踩不能承事劉湛,故尋見

及元凶弑立,分會稽五郡置州,以隨王誕爲刺史,即以琛爲會稽太守。誕起義,加冠軍

將軍。事平,遷吳興太守。

又云「當啓文秀留縣」。孝武聞之大怒,謂琛賣惡歸上,免官。琛母老仍停家。 無禮,下廷尉,錢唐令沈文秀判劾違謬,應坐被彈。琛宣言於衆,「闓被劾之始,屢相申明」。 孝建元年,爲吳郡太守,以起義功,封永新縣五等侯。 大明元年,吳縣令張闓坐居母喪

踩及前西陽太守張牧並事司空竟陵王誕,誕反,遣客陸延稔齎書板踩及子弟官。時孝

東西。 在 廟 叉問 船 活者甚衆,生子皆以凡爲名焉。 以 武 之,遣二子送延稔首啓聞。 職 女人爲官屬,以孔氏爲司馬。 以琛素結事誕,或有異志,遣信就吳郡太守王曇生誅琛父子。 悉泊岸側,有一人玄衣介幘,執鞭屛諸船云:「顧吳郡部伍尋至,應泊此岸。」於是諸船各 至是果爲吳郡,乃立廟方山,號白馬廟云。 **∵「何船?」曰:「顧朝請耳。」莫不驚怪。** 次子 琛 琛 明 自陳 帝 帝卽位,爲吳郡太守。 俄有一假裝至,事力甚寡,仍泊向處,人問:「顧吳郡早晚至。」船人答:「無顧吳郡。」 仍爲吳興太守,明年坐郡人多翦錢及盜鑄発官。歷位都官尙書。 母孔氏時年百餘歲,晉安帝隆安初,琅邪王廞於吳中作亂,以女爲貞烈將軍,日公悉 泰始 寶先,大明 不 拜。 初 ,與四方同反。 孝武 中,爲尙書水部郞。 詔曰:「敕違糾慢,憲司之職,若有不公,自當更有釐改。 孝武所遣誅琛使其日亦至 初, 兵敗,奉母 及孫恩亂後,東土饑荒,人相食,孔氏散家糧以振邑里,得 踩景平中為朝請,假還東,日晚至方山。 先是,琛爲左丞荀萬秋所劾,及 深意 奔會稽,臺軍旣至,歸降,後爲員外常侍、中散大 「竊知爲善徵,因誓之曰:「若得郡,當於此立 而 獲免。 會延稔先至,踩等即執斬 質先 于時商旅數十 爲郎,萬秋猶 而 自 頃劾無

列

傅

第

+

五

顧琛

九一九

+ Ŧ.

興丘深之及踩,吳音不變。日亞深之字思玄,吳興鳥程人,位侍中、都官尙書,卒於太常。 輕重,輒致私絕, 此風難長,主者嚴爲其科。」先是宋世江東貴達者,會稽孔季恭子靈符 | | | | | |

顧覬之字偉仁,吳郡吳人也。 高祖謙字公讓,晉平原內史陸機姊夫。 祖崇,大司農。父

黃老,司徒左西曹掾。

廢,朝廷多受禍,[10] 號之竟免。 欲與殷景仁久接,乃辭脚疾発歸。 覬之爲 謝晦衛軍參軍,晦愛其雅素,深相知待。 每夜常於床上行脚,家人竊異之而莫曉其意。及義康徙 歷位尚書都官郎。 殷、劉隙著,覬之不

用 無事。 後爲山陰令。山陰劇邑三萬戶,前後官長晝夜不得休,事猶不舉。 晝日垂簾,門階閑寂,自宋世爲山陰,務簡而事理,莫能尙也。 **凱之御繁以約,縣**

辦作賊。」覬之正色曰:「卿乃復以忠義笑人。」淑有愧色。孝建中,爲湘州刺史,以政績稱。 後爲尚書吏部郎。嘗於文帝坐論江東人物,言及顧榮,袁淑謂覬之曰:「卿南人怯懦,豈

吐蠱二十餘物。 大明元年,徵守度支尚書,轉吏部尚書。時沛郡相縣唐賜往比村彭家飲酒還,因得病, 賜妻張從賜臨終言,死後親刳腹,五藏悉糜碎。郡縣以張忍行刳剖,賜子

列傳第二十五 顧覬之

副又不禁止。 妻痛遵往言,回己兒識謝及理,考事原心,非在忍害,謂宜哀矜。」覬之議:「以妻子而行忍酷, 論妻傷夫,五歲刑,子不孝父母,三三子棄市。 並非科例。三公郎劉勰議:「賜

不宜曲通小情,謂副爲不孝,張同不道。」詔如覬之議。

善,嫌其風節過峻。 曰簡子。 後爲吳郡太守,幸臣戴法興權傾人主,而覬之未嘗低意。左光祿大夫蔡興宗與覬之 閱之曰:「字毗有云、孫、劉不過使吾不爲三公耳。」後卒於湘州刺史、諡

爲吳郡,誘出文券一大厨,悉令焚之。宣語遠近,皆不須還。綽懊歎彌日。 觀之家門雍穆、爲州郡所重。子綽私財甚豐,鄉里士庶多負責、
,號之禁不能止。 及後

徒虧雅道,無關得喪。乃以其意,命弟子愿作定命論。 - 觀之常執命有定分,非智力所移,唯應恭己守道,信天任運。而闇者不達,妄意徼倖,

愿字子恭,父深之,散騎侍郎。曰司愿好學,有才辭,卒於太子舍人。 覬之孫憲之。

其罪,時人號日神明。 二家辭證等,前後令莫能決。 憲之字士思,性尤清直。 宋元徽中,爲建康令。 時有盜牛者,與本主爭牛,各稱己物, 至於權要請托,長吏貪殘,據法直繩,無所阿縱。性又淸儉,强力爲 憲之至,覆其狀,乃令解牛任其所去,牛徑還本宅,盜者始伏

政,甚得人和,故都下飲酒者醇旨輒號爲「顧建康」,謂其淸且美焉。

若九郡率然,吾將何事。」 別,事不相由,風俗遂改。時刺史王奐初至,唯衡陽獨無訟者,乃歎曰:「顧衡陽之化至矣, 土俗,山人有病輒云先亡爲禍,皆開冢剖棺,水洗枯骨,名爲除祟。憲之曉喩,爲陳生死之 憲之下車,分告園縣,求其親黨,悉令殯葬。其家人絕滅者,憲之出公祿使紀綱營護之。又 仕<u>齊</u>爲衡陽內史。先是,郡境連歲疾疫,死者太半,棺槨尤貴,悉裹以葦席,棄之路傍。

<u></u>
之至郡,即日除之。<u>文度後還葬,郡縣爭赴弔,憲之不與相聞,文度甚衡之,亦卒不能傷也。</u> 五百,求加至一倍,計年長百萬。浦陽南北津及柳浦四埭,乞爲官領攝,一年格外長四百許 時西陵戍主杜元懿以吳興歲儉,會稽年登,商旅往來倍歲。西陵牛埭稅,官格日三千 後為東中郎長史,行會稽郡事。山陰人呂文度有寵於齊武帝,於餘姚立邸,頗縱橫。憲

禹。武帝以示會稽,使陳得失。憲之議曰:

案吳興頻歲失稔,今茲尤饉,去乏從豐,良由饑棘,舊格新減,尚未議登,格外加倍,將 生理外,行國凡如此類,不經埭煩牛者上詳。被報蒙停格外十條,從來喧訴,始得暫弭。 私是樂,故輸直無怨。京師航渡,卽其例也。而後之監領,各務己功,或禁遏別道,互 尋始立牛埭,非苟通僦以納稅也,當以風濤迅險,人力不捷,濟急以利物耳。 旣公

體。 能於 簡 若 以 比 事 廉 見 何 不副言 平 術? 人力之外,用天分地者 與 加 几 , 則 如 格 其有聚斂之臣,寧有盜臣。」言盜公爲損 置 皇慈恤隱,振廪蠲調,而元懿幸災権利,重 此等,誠宜深察。 無害於人。 市者 、懼貽譴詰,便百方侵苦,爲公賈怨,其所欲舉腹心,亦當 一前後 愚又以便宜者, 相屬,非 也,率皆即 唯 新 加 無贏 日不宜於人,方來未便於公,名與實反,有乖 蓋謂便於公宜於人也。 並皆舊格 (蓋微) 斂人所害乃大也。 「增困瘼,人而不仁,古今共疾。 有 以闕,愚恐元懿今啓,亦當不殊 竊見頃 熠 、之言便宜者,非 而 然掌斯任者應 冠耳。三哥書 政 且.

網辟 漸,不 所優 則常 緒 有貲 非,其可 裁 者多 徒 荫, 千)[三]積習 然。 山 可 峻 陰 '疾責。 得 猶 是士 此 乎。 · 摩 互 衆局 縣課戶二萬,其人貲不滿三千者,殆將居半,刻 不 生常, 人 能 誠存 起。 死 ·檢校,[leb]首尾尋續,橫 復除,其貧極者悉皆露 馊。 且 鑑事 不擾,藏疾納洿。 不 遂迷忘 竊尋人之多偽,實由宋季軍 憚,矧伊刑罰,身且不愛,何況 弛 反。 而農業廢,賤取 四海 之大, 務詳寬簡, 戶役 相質累者亦復不少。 庸而貴舉責,應 庶黎之衆, 人,三五屬官,蓋惟 則稍自歸淳。 旅 繁 妻子。 興, ر ان 用 役賦 公贍私, 又刻之,猶且三分餘 是以 參差, 一人被攝,十人 分定,公百端翰 殷 又被簡符, 前 重 難卒澄之。 檢 日 未窮,後 不堪 不 暇 給 前後累千, 勤 劇 巧復滋, 相 化 欲 追,一 奇巧 調,又 宜以 無爲 凡

不簡則疑其有巧,欲簡復未知所安。愚謂此條宜委縣保,舉其綱領,略其毛目,乃當有 者實足傷駭。回己兼親屬里伍,流離道路,時轉窮涸,事方未已,其士人婦女彌難厝衷。 符旨旣嚴,不敢誾信。 縣簡送郡,郡簡呈使,殊形詭狀,千變萬源。 聞者忽不經懷,見

可 知 。 諺云:「會稽打鼓送恤,吳興步擔令史。」會稽舊稱沃壤,今猶若此,吳興本是塉土,事在 又永興、諸暨離唐寓寇擾,[10]公私殘燼,[1]]彌復特甚,儻逢水旱,實不易思。俗 因循餘弊,誠宜改張。

漏,不出貯中,庶嬰疾沉痼者重荷生造之恩也。

武帝並從之,由是深以方直見知。

徒竟陵王於宣城、臨成、定陵三縣界立屯,封山澤數百里,禁人樵採。 遷南中郎巴陵王長史、南兗南豫二州事。 王曰:「非君無以聞此德音。」卽命罷屯禁。 典籤諮事,未嘗接以顏色,動遵法制。 憲之固陳不可,言甚 時司

萬晞者,少孀居無子,事舅姑尤孝,父母欲奪而嫁之,誓死不許。 爲憲之植耳。」至是憲之果爲此職。 梁武帝平建鄴,爲揚州牧,徵憲之爲別駕從事史,比至而已受禪。 遷給事黃門,兼尙書吏部郎中。 永元中爲豫章內史,自己在任淸簡,務存寬惠。 |朱時其祖||凱之嘗爲吏部,於庭列植嘉樹,謂人曰:「吾 憲之賜以束帛,表其節義。 憲之風疾漸篤,因求 有貞婦

還吳,就加太中大夫。憲之雖累經宰郡,資無儋石,及歸,環堵不発飢寒。

祭必齋如』者,本貴誠敬,豈求備物哉。」所著詩賦銘讚幷衡陽郡記數十篇。 自吾已下,止用蔬食時果,勿同於上世,示令子孫四時不忘其親耳。「三」孔子云『雖菜羹瓜 意。不須常施靈筵,可止設香燈,使致哀者有憑耳。朔望祥忌,可權安小牀,暫施几席,唯 覆以粗布,為使人勿惡也。漢明帝天子之尊,猶祭以杆水脯糗,范史雲列士之高,亦奠以寒 志也。 下素饌,勿用牲牢。蒸嘗之祠,貴賤罔替,備物難辦,多致疎怠。祠先自有舊典,不可有闕, 水乾飯。況吾卑庸之人,其可不節衷也。喪易寧感,自是親親之情,禮奢寧儉,差可得由吾 制,允理愜情,衣周於身,示不違禮,棺周於衣,足以蔽臭。入棺之物,一無所須,載以輔車, 茫昧難徵,要若非妄。百年之期,迅若馳隙,吾今預爲終制,瞑目之後,念並遵行,勿違吾 亦安識所往。延陵云:『精氣上歸于天,骨肉下歸於地,魂氣則無所不之。』良有以也。 天監八年,卒於家。臨終爲制敕其子曰:「夫出生入死,理均晝夜。 莊周、澹臺、達生者也,王孫、士安、矯俗者也。吾進不及達,退無所矯。常謂中都之 生旣不知所從,死

論曰:古人云「利令智昏」,甚矣利害之相傾也。 劉湛識用才能,實包經國之略,豈知

類矣。 號之清白之迹,見於暮年。 移弟爲臣,則君臣之道用,變兄成主,則兄弟之義殊。 而犯順,何以異哉。 登之因禍而福,倚伏無常,仲文賄而爲災,乃徇財之過也。 昔<u>華</u>元敗則以羊羹而取禍,觀夫<u>庾</u>悅亦鵝炙以速尤。 憲之莅政,所在稱美,時移三代, 而執數懷姦,苟相崇悅,與夫推長戟 一德無虧,求之古人,未爲易 顧琛吳郡, 徵兆於初筮, 乾餱以愆,斯相

校勘記

遇。

觀其遺命,可謂有始有卒者矣。

- 一〕行府州事 「州」字各本並脱,據宋書補。
- [二] 汝慶賞黜罰預關得失者 「關」字各本並脫,據宋書補。
- 湛 小字斑獸故云斑也 「斑獸」朱書作「斑虎」,此避唐諱改。 「斑獸」而云「斑」 者,則又以避唐
- 諱省。
- 〔四〕十月 「十月」各本作「十日」,據宋書改。
- 〔五〕子黯等從誅 「子」字各本並脱,據宋書補。
- 祖羲吳興內史父準西中郎將荆州刺史 「羲」各本作「義」,「準」各本作「淮」:並據晉書庾亮

- -□ 累遷建威將軍江州刺史加都督 張森楷南史校勘記:「朱書作『督江州豫州』云云,無『都』字
- 此妄加之。」按督、都督權力大小有別。
- [八] 毅語衆人並避 「語」各本作「時」,據宋書改。
- [元]子仲遠「仲遠」宋書作「冲遠」。
- 仲文位廣平太守 「仲文」本名「炳之」,宋書有傳。 此避唐諱以字行。
- [11] 斷鬲令事 「事」各本作「史」,據宋書改。
- 賈充勳烈 「賈充」上各本有「今」字,或以爲方晉人,「今」當作「昔」。 按通志無「今」字,當是衍

文,今删去。

- 異他尙書 「尙書」下各本有「令」字。 按仲文無爲「令」事,據宋書删。
- 臣見劉伯龍大慷慨仲文所行 「劉伯龍」朱書作「劉伯龍」。
- [三] 劉道錫言是仲文所舉 各本無「是」字,據宋書補。
- (1六) 尚書寺門有制 「寺」各本作「等」,據宋書改。
- 明年 則 字 不當從『言』,宋書是。」 坐譴出発中 正 「譴」朱書作「遣」,下「譴出」同。張森楷南史校勘記:「據下『小罪譴出』,
- 列傳第二十五 核勘記 [八] 以女爲貞烈將軍 「女」字各本並脫,據宋書補

二
立 會稽孔季恭子靈符吳興丘深之及琛吳音不變 宋書「孔季恭」下疊「季恭」二字;「深之」作「淵

之」,此避唐諱改。

朝廷多受禍 「朝廷」通志作「朝士」。

子不孝父母 「父」字各本並脫,據宋書補。

「痛遵往言」各本作「痛往遵言」,據通典刑典乙正。

賜妻痛遵往言

父深之散騎侍郎 「深之」朱書作「淵之」,此避唐諱改。

互生理外 「互」各本作「人」。據南齊書陸慧曉傳附顧憲之傳改。 按南齊書此句在「各務己功」

下。

至 亦當獸而冠耳「獸」本字「虎」。「虎而冠」見史記酷吏楊僕傳,此避唐諱改。

三 蓋惟分定 「蓋惟分定」各本作「並惟正」,據南齊書改。

宝

比衆局檢校

「比」各本作「皆」,據南齊書改。

奇巧所優 南齊書作「倚巧祈優」。

見者實足傷駭 「見」下各本有「殊刑」二字,據南齊書删

又永興諸暨離唐寓寇擾 「唐寓」即「唐寓之」,六朝人名後之「之」字,往往可省略。

公私殘燼 「殘」各本作「殊」,據南齊書改。

南史卷三十六

列傳第二十六

羊欣 羊玄保子戏 兄子希 沈演之 子勃 兄孫頶 演之從子憲

憲孫浚 江夷 子湛 曾孫斅 玄孫蒨 瞂 五世孫紑 六世孫總

夷弟子智深 江秉之 孫謐

羊欣字敬元, 泰山南城人也。 會祖忱, 晉徐州刺史。 祖權, 黄門郎。 父不疑, 桂陽

太守。

幅而去。 十二。時王獻之爲吳興太守,甚知愛之。欣嘗夏月著新絹裙晝寢,獻之入縣見之,書裙數 欣少靖默,無競於人,美言笑,善容止。泛覽經籍,尤長隸書。 欣書本工、因此彌善。 父不疑為鳥程令, 欣年

高 顯 卑見 每 使書扇 起家 色,論者稱焉。 輔 **,常不奉命。** 國 [參軍,府解還家。 嘗詣領軍謝混,混拂席改服然後見之。 元顯怒,乃以爲其後軍府舍人。 隆安中,朝廷漸亂,欣優遊私門,不復進仕。 此職 本用寒人,欣意貌恬然,不以 時混族子靈運在坐, 會稽王世子元 退告族

之, 就 職 以爲楚臺殿 少日,稱病自免,屏居里巷十餘年。 桓 玄 輔政,以欣爲平西主簿,參豫 中郎。 謂曰:「尙書政事 之本, 機 要。 殿中禮樂所出。 欣欲自疎, 時漏密事。 卿昔處股肱, 玄覺其此意, 方此爲輕。」欣 **愈更重**

兄瞻

曰:「望蔡見羊欣,遂改席易衣。」於由

此

益

知名。

義 熙中,弟徽被知於武帝, 帝謂諮議參軍鄭鮮之曰:「羊徽一時美器,世論猶在兄後。」

即板欣補右軍劉藩司馬。

參軍 一千石, 後 爲 不就。 新安 斯可 太守,在郡四年,簡惠著稱。 矣。」及是便懷止足。 文帝重以爲新安太守。 轉義興太守, 在郡十三年,樂其 除臨川王義慶輔國長史, 非其好也。 山水,嘗謂 頃之, **廬陵王義眞車騎諮議** 稱病篤 子弟曰:「人 趸 歸 生仕宦 除 中散 至

不 堪拜伏,辭不朝覲, 素 好黃、港,常手自書章。 自非尋省近親, 有病不服藥,飲符水而已。 不妄行詣。 行必由城外,未嘗入六門。 兼善醫術,撰藥方數十卷。 武帝、文帝 欣 並 以

恨不識之。元嘉十九年卒。

弟徽字敬猷,時譽多欣,位河東太守,卒。

羊玄保,泰山南城人也。 祖楷,晉尙書都官郞。 父綏,中書侍郎。

玄保初爲宋武帝鎭軍參軍,少帝景平中,累遷司徒右長史。 府公王弘甚知重之,謂左

也。」頃之,入爲黃門侍郎。 長史庾登之、吏部尚書王准之曰:「卿二賢明美朗詣,會悟多通,然弘懿之望,故當共推洋

則應與天下爲一,若其非邪,亦不宜獨行一郡。」由此制停。 「臣伏尋亡叛之由,皆出於窮逼。今立殊制,於事爲苦。又尋此制施一邦而巳,若其是邪, 立吏人亡叛制,一人不禽,符伍里吏送州作部,能禽者賞位二階。 玄保以爲非宜,陳之曰: 善弈棊、品第三。文帝亦好弈、與賭郡、玄保戲勝、以補宣城太守。先是劉式之爲宣城

每有好官缺,我未嘗不先憶羊玄保。」元凶弑立,以爲吏部尚書,領國子祭酒。及孝武入伐, 殊績,而去後常必見思。不營財利,產業儉薄。 文帝嘗曰:「人仕宦非唯須才,亦須運命。 歷丹陽尹,會稽太守,太常,吳郡太守。文帝以玄保廉素寡欲,故頻授名郡。 爲政雖無

列傳

朝士多南 .奔,砌集羣僚,横刀怒曰:「卿等便可去矣。」衆並懼莫敢言。 玄保容色不異,徐曰:

「臣其以死奉朝。」励爲解。

老,謹於祭奠,四時珍新未得祠薦者,口不妄嘗。 孝武卽位,爲金紫光祿大夫,以謹敬見知。 大明五年,加散騎常侍、特進。 卒,諡曰定子。 玄保自少至

死。 出,以牀狹,乃自開牀。 帝並賜名曰咸、曰粲,謂玄保曰:「欲令卿二子有林下正始餘風。」 光景,當得劇棊。」玄保常嫌其輕脫,云「此兒必亡我家」。位通直郎, 死後,孝武帝引見玄保,玄保謝曰:「臣無日禪之明,以此上負。」上美其言。 戎二弟,文 子成少有才氣,而 |戎曰:「官家恨狹、更廣八分。」王笑曰:「卿豈唯善雙聲、乃辯士也。 |輕薄少行檢, 語好爲雙聲。 江夏王義恭嘗設齋,使成布牀,須臾王 坐與王僧達謗時政賜

父榮期與臧質同逆,胤應從誅。 獲免,父戮子宥,其例甚多。 玄保旣善棊,而何尚之亦雅好其事。 特乞與其微命,使異術不絕。」不許,時人痛惜之。 何尚之固請曰:「胤弈棊之妙,超古冠今。 吳郡褚胤年七歲便入高品,及長,冠絕當時。 魏犨犯令, 以材 胤

玄保兄子希字泰聞, 少有才氣,爲尚書左丞。時揚州刺史西陽王子尚上言:「山湖之 列傳第二十六 羊玄保

陂 盔條, 者,水土一尺以上,並計 礩 禁,雖有舊科,人俗相因,替而 上 貲 頃 湖 朝 而 占,貧 簿。 五 頓 江 之制 更申 十畝 海 去,易致嗟怨。 若先已占山,不 魚梁鰌鮆場, ,其禁嚴 弱者薪蘇無託, 恒制 第五 一第六 有司 刻,事旣難遵,理 今更 品二頃,第七第八品一 恒 臓依 檢 加 得更占; 壬辰詔書:「占山 至漁 刊革 功修作者, 常 不奉,熂山封水,保爲家利。 盜 採 ·,立制 律 之地 先占闕 論。 與時弛。 五條: 亦 聽不 停除 文 少,依 護澤,日 如 追奪。 凡是山 咸康 頃五十畝,第九 而 茲。 占山 限 二年壬 占足。 斯實 官品 澤先恒 . 封 强 盜 水、漸染復滋、更相 、害人之深弊, 第 律論。 辰 若 熂 自頃 一第二聽 之科。」 非 **減**處,養 品品 前 及百 以 贓一 條 來, 從之。 舊業, 種 占 姓 丈以上 爲 竹木 頹 一 頃 : Щ 政 弛 「三頃) 因 所 雑果 日 皆 宜 仍, 便成 不 皆依 甚, 第三 得禁。 棄市。」希以 去 爲 富 絕。 林荫, 定 一第四 强 格, 有犯 者 損 及 딞 條 益 兼

齒 牋 親 待, 陳 有 時 謝 FF 屢 益 ,云:「聞 受 生 州 謝 瑀 刺 元 於 史 伯往 之羊 宏 劉 稱先 希。 來 會 希 瑀 爲 希 間 出 右 坐漏 爲益 衞 瑀 將 密令 泄発官 州, 軍,與· 訪 奪 訊 府司 士 被 人 発之由, 妻 馬 爲 何 妾, 季 穆共 希 宏使 日二 事 希舉察 亦 此 卒, 奏非 季穆為 芝, 我 意。」 瑀 坐 尙 璃即 趸 書 官。 令建平王宏所 日 到 珚 宏門泰 恨 希 切

道 違 節 泰 失 始 利 年, |希 爲 遣 收 寧 之。 朔 將 思道 軍 廣 不受命,率所領襲州 州 刺 史。 四 年,希以沛郡劉 希踰城走,思道 思道行 晉康 獲而 太守,領 殺之。 軍 伐俚 思

能 步步,頓伏江渚。 稀子崇字怕遠,尚書主客郎,丁母憂,哀毀過禮。 門義以小船致之,父葬畢,乃不勝哀而卒。 及聞廣州亂, 卽日便徒跣出新亭,不

史,卒。 質,朱齡石伐蜀,爲齡石建威府司馬。平蜀之功,亞於元帥,以功封寧新縣男。 史,戍金墉,爲燕將慕容恪所陷,不屈見殺,贈東陽太守。 沈演之字臺眞,吳興武康人也。 高祖充,晉車騎將軍、吳國內史。 祖赤黔,廷尉卿。父叔任,少有幹 曾祖勁,冠軍陳祐長 後拜益州刺

節好學,讀老子百偏,以義理業尙知名。襲父別爵吉陽縣五等侯。舉秀才,爲嘉興令,有 演之年十一 ,尚書僕射劉柳見而知之,曰:「此童終爲令器。」沈氏家世爲將,而演之折

能名。

中,文帝謂之曰:「侍中領衞,望實優顯,此蓋宰相便坐,卿其勉之。」 衞將軍。 仗正義,與景仁素善,盡心朝廷。文帝甚嘉之。及彭城王義康出蕃,誅劉湛等,以演之爲右 元嘉中,累遷尙書吏部郎。 景仁尋卒,乃以後軍長史范曄爲左衞將軍,與演之對掌禁旅,同參機密。 先是劉湛、劉斌等結黨,欲排廢尚書僕射殷景仁。 尋加侍 演之雅

生 口 銅器等物,演之所得偏多。 上欲伐林邑,朝臣多不同,唯廣州刺史陸徽與演之贊成上意。 上謂曰:「廟堂之謀、卿參其力, 平此遠夷, 未足多建茅土。 及林邑平, 賜羣臣黃金

俟廓淸舊都, [三鳴鸞東岱,不憂河山之不開也。」

伏誅。歷位吏部尚書,領太子右衞率。 申濟屈滯,而謙約自持,上賜女伎,不受。暴卒。文帝痛惜,贈金紫光祿大夫,諡曰貞。 二十一年,詔以演之爲中領軍。 太子詹事范曄懷逆謀,演之覺其有異,言之文帝,曄尋 素有心氣,寢病歷年。 上使臥疾理事。性好舉才,

子睦,位黃門侍郎,與弟西陽王文學勃忿鬩,坐徙始興郡。

勃輕薄好利,位太子右衞率,加給事中,坐贓賄徙梁州。 後還,結事阮佃夫、王道隆等,

位司徒左長史,爲後廢帝所誅。

演之兄子坦之,仕齊位都官郎。坦之子顗。

常獨處一室,人罕見其面。從叔勃貴顯,每還吳興,賓客塡咽,顗不至其門。勃就之,顗送 顗字處默, 幼清靜有至行, 慕黃叔度、徐孺子之爲人, 讀書不爲章句, 著述不尙浮華。

迎不越閩。勃歎曰:「吾乃今知貴不如賤也。」

列傳

第二十

六

沈演之

顗內行甚修,事母兄孝友。兄昂一名順,亦退素,以家貧仕爲始安令。兄弟不能分離,

相隨之任。

玉 齊永明 山崩。」
顗聞之曰:「此讖言也。」旣而太子薨,至秋,武帝崩,鬱林、海陵相次黜 年 中,徵拜著作郞、太子舍人、通直郞,並不起。 文惠太子嘗擬古詩云:「磊磊落

唯 1採蓴荇根供食,以樵採自資,怡怡然恒不改其樂。 **뛫素不事家產,及昂卒,逢齊末兵荒,與家人幷日而食。** 或有饋其粱肉者,閉門不受,

興太守柳惲,責之不能甄善別賢。 梁 天監四年,大舉北侵,南陽樂藏爲武康令,以顗從役到建鄴,揚州別駕陸任以書與吳 惲大慚,即表停之。 卒家,所著文章數十篇。

績,太守褚彦回歎美,以爲方圆可施。少府管掌煩冗,材幹者並更其職,憲以吏能,累遷 憲字彥璋,演之從祖弟子也。 憲 少有幹局,爲駕部郎。 宋明帝與憲棊,謂曰:「卿廣州刺史材也。」補鳥程令, 祖說道,巴西、梓潼二郡太守。父璞之,北中郎行參軍。 甚著政 少

豊 可 武 御,但用不得人耳。」乃以憲帶山陰令,政聲大著。 陵王曄爲會稽,以憲爲左軍司馬。 齊高帝以山陰戶衆,欲分爲兩縣。 孔珪請假東歸,謂 武帝啓曰:「縣 人曰:「沈令料

府卿。

事

特有天才。」

列傳第二十六 沈演之

如故。 後 爲 永明八年,子明典籤劉道濟贓私百萬,爲有司所奏,賜死。 晉安王後軍長史、廣陵太守。 西陽王子明代爲南兗州,憲仍留爲冠軍 憲坐不糾,発官。後除散 長史,太守

騎常侍,未拜,卒。當時稱爲良夷。

所 以遺子孫也。」仲起字子震,位至廷尉,卒。 憲 同 郡丘仲起先是爲晉平郡,淸廉自立。 褚彦回歎曰:「目見可欲,心能不亂, 此楊公

孫浚字叔源,少涉學有才幹,仕梁歷山陰、吳、建康三縣,並有能名。

若不能決戰,當深壁自守。大將軍十萬之衆,將欲何資。」景橫刀於膝,瞋目叱之。浚乃正 雖困,尙有兵糧。朝廷恐和好乖貳,已密敕外軍:若臺城傾覆,勿以二宮爲念,當以死雪恥。 盟,復舉烽鼓譟。後數日,景復進表請和,簡文使沒往景所。景曰:「卽日向熱,非復行時, 六十之年,且天子使也,奉命而行,何用見脅。」徑去不顧。

景歎曰:「是眞司直也。」然密銜 色責景曰:「河南王人臣,而舉兵向闕。今朝廷已赦王罪結盟,口血未乾,而復翻背。沈浚 政欲立效求停,君可見爲申聞。」沒曰:「大將軍此意,意在得城。下風所聞,久已乏食,城內 詔許之。 太清二年,累遷御史中丞。時臺城爲侯景所圍,外援並至,景表請和,求解圍還江北 遣右衞將軍柳津對景盟歃。 景知城內疾疫,稍無守備,因緩去期。城內知其背

之。 又勸張嵊立義,後得殺之。

江夷字茂遠,濟陽考城人也。 祖霖,晉護軍將軍。〔三爻數,驃騎諮議參軍

夷少自藻厲,爲後進之美。 宋武帝板爲鎭軍行參軍,豫討桓玄功,封南郡州陵縣五等

侯。 累遷大司馬,回武帝命大司馬府、琅邪國事,一以委焉。

武帝受命、歷位吏部尚書、吳郡太守。 營陽王於吳縣見害,夷臨哭盡禮。 以兄疾去官,

後爲右僕射。

夷美風儀,善舉止,歷任以和簡著稱。 出爲湘州刺史,加散騎常侍,未之職,卒。遺令

薄斂,遊奠務存儉約。子湛。

史,以湛爲長史、南東海太守,委以政事。 之盛,人競求自昵,唯湛自疎,固求外出,乃以爲武陵內史。 太子中舍人。司空檀道濟爲子求娶湛妹,不許,義康有命,又不從。時人重其立志。義康 湛字徽深,□ 居喪以孝聞。愛文義,善彈棊鼓琴,兼明算術。爲彭城王義康司徒主簿、 隨王誕爲北中郎將、南徐州刺

嘉 二十五 年,徵爲侍中, 任以機密。 遷左衞將軍。 時改選學職, 以太尉江夏王義恭

假 或 子祭酒, 湛領博 土

濣 衣, 轉 稱疾 吏 部 經 尙 日, 書。 衣成然後起。 家甚貧,不營財利,餉饋盈門,一無所受。 牛餓, 御 人求草,湛良久曰:「可與飲。」在選職頗 無兼衣餘食, 嘗爲上所召,遇 有刻覈之

湛 艘, 而 公 吏, 韶 傾 分 異,未敗 草 倒。 乃 恁位 初, 得見湛。 以委焉。 公平無私,不受請謁,論者以此 劭 砌後宴集、未嘗 今三王 少 上 著 之入 日 大舉北侵、舉朝謂爲不可、唯湛贊成之。 作佐 が所眠 弑 在阨,詎宜苟執異議。」聲色甚 魏遣 湛 鄎 據窗受害, 湛直 牀 使求昏, 恁 忽有數斗 命湛,上乃爲劭 上省, 子製 意色不 上召太子劭以下集議。 聞叫乃匿 血 孝武 橈。 稱焉 長子偉之娉湛第三女,欲以和 傍 即位, 五 小 子恁、恕、憼、愻、法壽皆見殺。 屋。 厲。 追贈左光祿大夫、開 坐散俱 励遣求之, 及魏太武至瓜步, 衆 並謂. 畄, 宜許, 劭 舍吏紿 使 班 湛 府儀 劍及 云「不 之。 謂許 以湛兼領 同 左右推 上 在此」。兵即 之無益。 三司 初, 將 ·廢 湛 排之, 軍,軍 劭 家 諡 使使 數 日 劭 忠簡 見怪 湛 怒謂 殆 事 殺 含含

於

具

處

| 劉字 叔文, 母宋文帝女准陽長 公主。 幼以戚屬召見,孝武謂謝莊曰:「此小兒方當爲名

列

少有美譽,尚孝武女臨汝公主,拜駙馬都尉,爲丹陽丞。 時袁粲爲 尹,見斅歎 日「風流

不墜,政在江郎。」數與宴賞、留連日夜。

高帝即位 引爲長史。 菱陳請 遷中書郞。 朝廷優其朝直。 製 隨府轉司空長史, 以祖 | 勢庶祖 母 久疾,啓求自解 母王氏 初,湛 領臨淮 娶褚秀之女,大義不終。 老疾,勢視膳嘗藥,七十餘日不解衣。 太守。 轉齊高帝太尉從事 褚彦回爲 中郎。 衞軍,重斅爲 及累居內官, 齊臺建,爲 人,先通意, 吏部 每以侍

所寄, 情 議,謂「間 **敷還本家,詔使自量** 一皆由父祖 初, 唯學 宋明帝敕數 世立後, 一 人, 之命,未有旣孤 禮 傍無朞屬, 無其 出繼 立 後 者。 文。 其叔孫為從 之後, **斆宜還本。** 荷顗 無子立孫, 出繼宗族 祖淳後,於是僕射王險啓:「禮無後小宗之文,近代緣 若不 也。 墜禮之始。 欲江悉 雖復 絕後, 臣 子 何琦 可以斅 一揆,而为 叉立 小 義 此 兒繼 非 論 天屬。 義無所據」。於是 悉 爲 江忠 孫。 尙 簡 潜 胤 麥 嗣

引 咎。 出 爲 上甚 豫章 有 怪 內 史,還除 色,王儉從容啓上曰:「江斅若能 太子 中 庶子、未拜、門客通贓 臨郡 此 利, 便是具美耳。」上 武帝遣 信檢覆, **製**藏 意 乃 此客 釋。 而躬 自

膏, 東海、吳二郡太守, [刊]復爲侍中,轉都官尚書,領驍騎將軍。 永 明 中, 爲竟陵 王 司 馬。公數好 文辭, 韋 秦第五 品 爲朝貴 王晏啓武帝曰:「江駿今重 H 最 遷侍 中 ' , 歷 五. 兵尙

以侍 登 一禮閣,兼掌六軍,慈渥所覃,實有優忝;但語其事任,殆同閑輩。 中 領驍騎,望實淸顯,有殊納言。」上曰:「燉常啓吾,爲其鼻中惡。 天旨旣欲升其名位,愚謂 今既以何胤、王

門下,故有此回換耳。」

帝曰:「由江斅、謝瀟,我不得措此意,可自詣之。」僧眞承旨詣斅,登楊坐定,數便命左右 武 權倖降意。 **【吏,邀逢聖時,階榮至此。爲兒昏,得<u>荀昭光</u>女,卽時無復所須,唯就陛下乞作士大夫。」** 移吾牀讓客。」僧眞喪氣而退,告武帝曰:「士大夫故非天子所命。」時人重數風格,不爲 先是中書舍人紀僧眞幸於武帝,稍歷軍校,容表有士風。 謂帝曰:「臣小人,出 自 |本縣

託散 動,醉吐車 明帝卽位,改領祕書監,又改領晉安王師。 隆昌元年,爲侍中,領國子祭酒。 中而 去 鬱林廢, 朝臣皆被召入宮。 卒,遺令不受賻贈。 | 敷至| 雲龍門,方知廢立 詔賻錢三萬,布百匹。

子庸啓遵燉命不受,詔嘉美之,從其所請。 贈散騎常侍、太常卿、諡曰敬子。

簿。 **- 唐字彦標,幼聰警,讀書過口便誦。** 居父憂以孝聞,廬于墓側,明帝敕遣齋仗二十人防之墓所。服闋,累遷建安內史。 選爲國子生,舉高第,起家秘書郎,累遷廬陵王主

九四三

列傳

武帝起兵,遣寧朔將軍劉諓之爲郡,庸拒之。 及建鄴平,庸坐禁錮,俄被原。

與勉忤。 抗禮,不爲之屈。 入集書,其官品視侍中,而非華胄所悅,故勉斥泰爲之。 疾假出宅,乃遷散騎常侍,皆勉意也。初,天監六年,詔以侍中常侍並侍帷幄,分門下二局 歷太尉臨川王長史、尚書吏部郎,領右軍。 勉因庸門客翟景爲子繇求昏於蒨女,不答。 方雅有風格,僕射徐勉權重,唯庸及王規與 景再言之,乃杖景四十,由此 泰以

患, 又不悉人物。」乃止。遷光祿大夫。卒、諡肅。 **凊尋遷司徒左長史。** 初王泰出閣,武帝謂勉云:「江蒨資歷,應居選部。」勉曰:「凊有眼

文集十五卷。 曇弟祿

,以氣陵府王,王深爐焉。 廬陵威王續代爲荆州,留爲驃騎諮議參軍。 形貌短小,神明俊發。位太子洗馬、湘東王錄事 獻書告別,王答

書乃致恨。

祿先爲武寧郡,頗有資產,積錢於壁,壁爲之倒, **迮銅物皆鳴**。 人戲之曰:「所謂『銅山

相,卒。云 傾 洛鐘東應」者也。」湘東王恨之旣深,以其名禄,改字曰榮財, 撰列仙傳十卷行於世,及井絜皐木人賦、敗船詠,並以自喻。 以志其忿。 後爲作唐侯

子徽亦有文采,而清狂不慧,常以父爲戲。

· 倩子/杯。

泉。 嘉名。 |者 眼 云 者 曰:「無量壽經云,慧眼見眞, 飲慧眼水』。 依夢 飲慧眼水必差。」及覺說之,莫能 |杯字含絜,幼有孝性,年十三,父||帝思眼,||杯侍疾將朞月,衣不解帶。 敕答云:「純臣孝子往往感應, 取 水洗眼及煮藥,稍覺有瘳,因此遂差。 慧眼 則五眼之一 能度彼岸。」構乃因智者啓拾同夏縣界牛屯里舍為寺, 號,可以慧眼爲名。」及就創造,泄故井,井水淸冽,異於恒 解者。 晉時顏含遂見冥中送藥, 杯第三叔 嚴與草堂寺智者法師善,往訪之。 時 人謂之孝感 又近見智者以卿第二 夜夢 一僧云:「 一息夢 乞賜 惠 智

紑廬于墓,終日號慟 南 康 王 爲 徐州 , 召爲迎 不絕聲,月餘乃卒。 主簿 |杯性 子總。 及父卒,

總字 總持 ",七歲 而 孤、依于外氏。 幼聰敏,有至性。 元舅吳平侯蕭勸名重當世,特所鍾

列

愛,謂曰:「爾神采英拔,後之知名,當出吾右。」

帝覽總詩,深見嗟賞。轉侍郎。 之遴並高才碩學,總時年少有名,續等雅相推重,爲忘年友會。之遴嘗酬總詩,深相欽挹。 及長,篤學有文辭。 仕梁爲尙書殿中郎。 尚書僕射<u>范陽張纘、度支尚書琅邪王筠、都官尚書南陽劉</u> 武帝撰正言始畢,製述懷詩,總預同此作。

始興內史。會應剋江陵,不行,自此流寓嶺南積歲。 於龍華寺,乃製修心賦。總第九舅蕭勃先據廣州,又自會稽往依焉。及元帝平侯景,徵爲

累遷太子中舍人。侯景寇建鄴,詔以總權兼太常卿,守小廟。臺城陷,避難會稽郡,憩

宣帝怒発之。後又歷侍中、左戶尙書。 言七言,溺於浮靡。及爲宮端,與太子爲長夜之飲,養良娣陳氏爲女,太子亟微行遊總家, 陳天嘉四年,以中書侍郞徵還。累遷左戶尙書,轉太子詹事。總性寬和溫裕,尤工五

後庭,多爲豔詩,好事者相傳諷翫,于今不絕。唯與陳暄、孔範、王瑳等十餘人,當時謂之狎 由是國政日頹,綱紀不立,有言之者,輒以罪斥之,君臣昏亂,以至于滅。 後主卽位,歷吏部,尚書僕射,尚書令,加扶。旣當權任宰,不持政務,但日與後主遊宴

建之時,權移羣小,諂嫉作威,屢被摧黜,奈何命也。」 識者譏其言跡之乖。 有文集三十卷。 顾明三年,陳亡入隋,拜上開府。 開皇十四年,卒於江都,年七十六。 其爲自序云:「太 列傳第二十六 江夷

長子隘,頗有文辭,性慠誕驕物,雖近屬故友,不免詆欺。 歷中書黃門侍郎,太子中庶

子。入隋,爲秦王文學,卒。

貴達。 軍參軍,在襄陽,誕待之甚厚。時諮議參軍謝莊、主簿沈懷文與智深友善,懷文每稱曰:「人 所應有盡 江智深,夷之弟子也。[5] 父僧安,宋太子中庶子。 智深父少無名問,湛禮敬甚簡,智深常以爲恨, |有、所應無盡無者,其||工智深乎。] 自非節歲不入湛門。及爲隨王 **咦有盛名,夷子湛又有淸譽,父子並** 誕後

深 固 悟其機,請假先反。誕事發,卽除中書侍郎。 辭 不拜。後爲竟陵王誕司空主簿、記室參軍,領南濮陽太守,遷從事中郎。誕將爲逆,智 元嘉末,除尙書庫部郎。 時高流官序不爲臺郎,智深門孤援寡,獨有此選,意甚不悅,

奉僚相随 智深常爲其首。同侶未及前,輒獨蒙引進,每以越衆爲慚,未嘗有喜色。 智深愛好文雅,辭采淸贍,孝武深相知待,恩禮冠朝。上宴私甚數,多命羣臣五三人遊 見傳 :詔馳來,知當呼己,[10]聳動愧恧,形於容貌,論者以此 多之。 每從遊幸,與

漸不 遷驍騎將 ·會旨。 軍、尚書吏部郎。上每酣宴,輒詆羣臣,幷使自相 上嘗使以王僧朗戲其子景文。智深正色曰:「恐不宜有此戲。」上怒曰:「江僧 嘲訐,以爲歡笑。 智深素方

安癡人,癡人自相惜。」智深伏席流涕,由此恩寵大衰。

皆騎從,上以馬鞭指墓石柱謂智深曰「此柱上不容有『懷』字」,智深益惶懼,以憂卒。 羣臣議諡,智深上議曰「懷」。上以不盡嘉號,甚銜之。 出爲新安王子鸞北中郎長史、南東海太守,行南徐州事。 後車駕幸南山,乘馬至殷氏墓,羣臣 初,上寵姬宣貴妃殷氏卒,使

夫,筠妻王平望鄉君。 子筠,太子洗馬,早卒。[11]後廢帝皇后,筠之女也。廢帝卽位,以后父追贈金紫光祿大

智深兄子檗早孤,智深養之如子。 **| 糜歷黃門東部郎,侍中,| 武陵王| 費北中郎長史。**

江東之字玄叔、三濟陽考城人也。 祖趙,晉太常。父纂,給事中。

於官所。 理,而未能簡事。 階庭常數百人。 名東土。徵爲建康令,爲政嚴察,部下肅然。 「東之少孤」弟妹七人並幼,無育姻娶,盡其心力。
「宋少帝時」爲永世、鳥程令,以善政著 得秩悉散之親故,妻子常飢寒。 秉之御繁以簡,常得無事。 以在縣有能,出補新安太守。 人有勸其營田, 秉之正色答曰:「食祿之家, 豈可 宋世唯顧凱之亦以省務著績,其餘雖復刑政修 後爲山陰令,人戶三萬,政事繁擾,訟訴殷積, 元嘉十二年,轉在臨海, 並以簡約見稱,卒

列傳第二十六 江秉之

與農人競利。」在郡作書案一枚,去官留以付庫。

秉之宗人邃之字玄遠,CIID頗有文義,撰文釋傳於世,位司徒記室參軍。

東之子徽,尚書都官郎,吳令。

元凶殺徐湛之,徽以黨與見誅。 子艦。

諡字令和,父徽遇禍,諡繫尚方。 朱孝武平建鄴,乃得出爲于湖令,强濟稱職。 宋明帝

成人服、諸王服大功。左丞孫夐重奏:「禮記『女子十五而笄』、鄭玄云:『應年許嫁者也。其未 爲兗州、江巴艦傾身奉事,爲帝所待。 證再遷右丞、兼比部郎。泰始四年、江夏王義恭第十五女卒、年十九、未笄、禮官議從 即位,以爲驃騎參軍。弟蒙貌醜,帝常召見狎侮之。

許嫁者,則二十而笄。』射慈云:『十九猶爲殤。』禮官違越經典,於理無據。」太常以下結免 贖論,謐坐杖督五十,奪勞百日。

叉結免贖論、詔可。

莅郡,犯小事,餓繫郡獄。僧<u>遵道裂三衣食之盡而死,爲有司奏,</u>徵還。明帝崩,遇赦免。 出爲建平王景素冠軍長史、長沙內史,行湘州事。 政教苛刻,僧遵道又與艦情款,隨艦

元徽末,朝野咸屬意建平王景素,謐深自委結。景素事敗,僅得免禍。 齊高帝領南兗州,謐爲鎭軍長史、廣陵太守。入爲游擊將軍。性流俗,曰善趨時利 蒼梧王廢後,物情尚

謐 帝黄鉞、謐所建也。 懷疑貮,謐獨竭誠歸 爲 長 史,封永新縣伯。 事 事寧、遷吏部郎。 齊高帝。 三年,爲左戶尚書。 昇明元年,爲黃門侍郎,領尙書左丞。 齊建元元年,位侍 諸皇子出閤,用文武主帥,悉以委謐。 中。 旣 而 驃騎 豫章王嶷領湘州 沈攸之事起,議加高 尋敕選 以

日:「江謐寒士,誠當

不得競等華儕,然甚有才幹,可遷掌吏部

今欲 鴆 南 不 遷官,以 來, 何計 謐 金椀 才長刀筆,所在幹職。 · []武帝知之,出謐爲鎭北長史、南東海太守。 此怨望。 玉杯。」上使御史中丞沈沖奏謐前後罪惡,請收送廷尉。 時武帝不豫,謐詣豫章王嶷,請閒 高帝崩、謐稱疾不入、衆頗疑其怨不預顧命。 曰:[lk]「至尊非起疾,東宮又非才,公 未發,憂甚,乃以奕棊占卦云:「有 詔賜死, 果以金甖盛 武帝卽位,謐 藥 客 义

子 介,建武 中爲吳令,政亦深苛。 人間榜死人髑髏爲鑑首、江北介棄官而去。

於玄 /機務。 論 日 跡 處默保閉篤素,叔源節見臨危,懿德高風 敬元 其 恩 夷簡 龍, 蓋亦 歸譽,玄保弘懿見推,其取重於世,豈虛名也。然玄保時隆帝 「猶賢」 之助。 沈氏 世傳武節,而 ,所謂世有人矣。 演之 以業 茂遠自晉及陳,雅道 尙 見 知, 綢 繆 念, 帷 雖命 幄, 稟 相 遂

|玄叔清介著美,足以追蹤古烈。 係,弈世載德, 斯之謂焉。 而總溺於寵狎,反以文雅爲敗,然則士之成名,所貴彬彬而已。 令和窺覘成性,終取躓於險塗,宜矣。

校勘記

- 〔一〕占山護澤 「澤」各本作「宅」,據宋書改。
- 俟廓清舊都 「俟」字各本並脱,據那府元龜四六一及通志補。
- C N') 祖稼晉護軍將軍 「豫」字據晉書江稼傳補。
- 累遷大司馬 按句有脫文、宋書作「尋行大司馬琅邪王軍事」。
- [云] 湛字徽深 「深」宋書作「淵」,此避唐諱改。
- 永明中爲竟陵王司馬 「司馬」上南齊書有「司徒」二字。
- -出 歷 爲 五. 輔 兵尚書東海吳二郡太守 國將軍、東海太守,行南徐州事。」東海屬南徐州,今據改。 「東海」各本作「東陽」。 按南齊書云:「五年、遷五兵尚書。 明年,
- 後 為作 唐 侯相 卒 「作唐侯」各本作「唐侯」。 按宋書州郡志有「作唐侯相」,今據補。
- (10) 知當 江 智深 呼 己 夷之弟子也 當」各本 「深」本字「淵」、此避唐諱改。 宋書有江智淵傳。
- 列海第二十六 校勘記 07 知當呼已 「當」各本作「常」「據宋書改。

- [1] 子筠太子洗馬早卒 「筠」宋書作「季筠」。
- 江秉之字玄叔 王懋竑讀書記疑:「北史『秉』作『康』,或是康字,後人以宋書改之。」
- 秉之宗人邀之字玄遠 「邈之」宋書附見沈渡之傳作「邈」,無「之」字,禮志同;隋書經籍志「江

邃撰雜詩二十卷」,當即其人。

年,又出爲南豫州刺史。則當作「南豫州」爲是。 宋明帝爲兗州 「兗州」南齊書作「南豫州」。 按宋書明帝紀:大明八年,出爲徐州刺史: 永光元

[三] 性流俗 「流」各本作「疏」,據南齊書改。

会」 證脂豫章王嶷請閒曰 「閒」各本譌「問」,據南齊書改。

人間榜死人髑髏爲謐首 「人間」各本作「人門」、據南齊書改。 列

体

第二十

七

沈

慶 之

南史卷三十七

列傳第二十七

沈慶之 孫昭略 子文季 弟子文秀 從子攸之 攸之從孫僧昭

宗慰 從子夬

知名。[1] 兄敞之為趙倫之征虜參軍,監南陽郡,擊蠻有功,遂卽眞。 慶之往襄陽省兄,倫之 之,伯符由此致將帥之稱。 見而賞之,命子竟陵太守伯符板爲寧遠中兵參軍。竟陵蠻屢爲寇,慶之爲設規略,每擊破 隨鄉族擊之,屢捷,由是以勇聞。荒擾之後,鄕邑流散,慶之躬耕壟畝,勤苦自立,年四十未 沈慶之字弘先,吳興武康人也。少有志力,晉末孫恩作亂,使其衆寇武康,慶之未冠,

濟白文帝稱慶之忠謹曉兵,上使領隊防東掖門,稍得引接,出入禁省。 永初二年,慶之除殿中員外將軍,又隨伯符隸到彦之北侵。伯符病歸,仍隸檀道濟。道 領軍劉湛知之,欲相

引 此 曰:「卿何意乃爾急裝。」慶之曰:「夜半喚隊主,不容緩服。」 遣收吳郡太守劉斌殺之。 仰累。」尋轉正員將軍。 接,謂曰:「卿在省年月久遠,比當相論。」慶之正色曰:「下官在省十年,自應得轉,不復以 及湛被收之夕,上開門召慶之,慶之戎服履靺縛袴入,上見而驚

元嘉 十九年,雍州刺史劉道產卒,羣蠻大動,征西司馬朱脩之討蠻失利,以慶之爲建威

廣陵王 破之。 與隨 將 軍,率衆助脩之。脩之失律下獄,回慶之專軍進討,大破緣沔諸蠻。 王 後爲孝武撫軍中兵參軍。孝武以本號爲雍州、隨府西上,征蠻寇屢有功。還都,復爲 誕 誕 威震諸山、羣蠻皆稽類。 北 入阿。〔三及至襄陽,率後軍中兵參軍柳元景、隨郡太守宗慤等伐沔北諸山蠻,大 中郎中兵參軍,加建威將軍、南濟陰太守。雍州蠻又爲寇,慶之以將軍、太守復 慶之患頭風,好著狐皮帽,羣蠻惡之,號曰蒼頭公。每見慶

慶之前後所獲蠻,並移都下,以爲營戶 夜下山,人提 ·) 營中 慶之引軍出,前後破降甚衆,又討犬羊諸山蠻,緣險築重城,施門櫓甚峻。 開 門相通。 一炬燒營。 又令諸軍各穿池於營內,朝夕不外汲。 火至,輒以 池水灌滅之。 **蠻被圍守日久,並飢乏,自後稍出歸降。** 兼以防蠻之火。 頃 慶之連營山 之風甚,蠻

之軍,輒畏懼曰:「蒼頭公已復來矣。」

十七年,遷太子步兵校尉。 其年,文帝將北侵,慶之諫曰:「道濟再行無功,彦之失利

列 傳 第 + 七 沈 麼 之

在坐, 彥之中塗疾動。 而 二成,館穀弔人,虎牢洛陽,自然不固。」慶之固陳不 而 反,今料王玄謨等未踰 上使湛之等難 與白面書生輩謀之,事何由濟了上大笑。 虜所恃唯馬,夏水浩大,泛舟濟河,福磝必走, 慶之。 兩將、恐重辱王師。」上曰:「王師再屈、別有所由。 慶之曰:「爲國譬如家,四] 可, 耕當問 時丹陽 奴, 滑臺 尹徐湛之、 織當訪婢。 小 戍, 吏部 易可覆拔。 道濟養寇自資, 陛 尚書江 下 今欲 剋此 湛 伐 並

攻滑臺,積旬不拔,魏太武大軍南向,斌遣慶之將 及軍行,慶之副玄謨。 玄謨進圍滑臺,慶之與蕭斌留守碻磝,仍領斌輔國司 五 千人救玄謨。 慶之日:「少軍輕往,必無 馬。 玄

國

益

也。」會玄謨退還,斌將斬之,慶之諫乃止

問 耳學也。」玄謨 用,空議 計於慶之, 蕭 斌 何施。」斌及坐者並 以前 慶之日:「閩 驅敗 自以退敗,求戍碻破 績,欲死固碻磝,慶之以爲 外 笑曰:「沈公 之事, 將所得專, 斌 乃更學問。」慶之厲聲曰:「衆人雖見古今,不如 乃還歷城。 不可。 制從遠來,事勢已異。 申坦 會制 、垣護之共據清口 使至,不許退,諸將並宜 節下 ,慶之奔驛 有一 范增 留。 而 馳歸 下官 斌 不 能 復

紅、豫、荆、雍並遣軍受慶之節度。 叛 吏夏侯 方進 在 西陽五 水灌 動羣蠻,自潍汝間至江沔,咸離其患,乃遣慶之督諸將討之,制

二十九年

,師復行,慶之固諫不

從。

以立議不

同,不使北

世。

是時亡命司馬黑石

廬江

武 嗣 軍。」慶之卽勒內外處分。 厚恩,常願報德,今日之事,唯力是視,殿下是何疑之深。」帝起再拜曰:「家國安危,在於將 帥 稱疾不敢見。慶之突前,以元凶手書呈簡,孝武泣求入內與母辭。慶之曰:「下官受先帝 並 自建鄴還,陳元凶弑逆,孝武遣慶之引諸軍。慶之謂腹心曰:「蕭斌婦人不足數,其餘將 易與耳。 孝武 今輔順討逆,不憂不濟也。」時元凶密與慶之書,令殺孝武。慶之入求見,孝 出次五洲 · ,總統羣帥。 慶之從巴水出至五洲諮受軍略。 會孝武 典籤董元

參預,此禍至矣,宜斬以徇衆。」帝曰:「峻何不拜謝。」峻起再拜。慶之曰:「君但當知筆札之 事。」於是處分,旬日內外整辦,時皆謂神兵。百姓欣悅。 相 應赴,此危道也。 府主簿顏竣聞慶之至,馳入見帝曰:「今四方尙未知義師之舉,而劭據有天府,首尾不 宜待諸鎭脣齒,然後舉事。」慶之厲聲曰:「今方興大事,而黃頭 小兒皆

軍將軍,尋出爲南兗州刺史,加都督,鎭盱眙,封南昌縣公。 不許。賊別遣慶之門生錢無忌齎書說慶之解甲,慶之執無忌白之。孝武踐阼,以慶之爲領 衆軍旣集,假慶之爲武昌內史,領府司馬。孝武至尋陽,慶之及柳元景等並勸卽大位,

尋與柳元景俱開府儀同三司,固辭,改封始興郡公。慶之以年滿七十,固請辭事,以爲侍 孝建元年,魯爽反,遣慶之與薛安都等往討之。安都臨陣斬爽,進慶之號鎭北大將軍

就第,月給錢十萬,米百斛,二衞史五十人。 中、左光祿大夫、開府儀同三司。 固讓,乃至稽顙自陳,言輒泣涕。 上不能奪, 聽以郡公罷

州刺史,加都督,率衆討之。誕遣客沈道愍齎書說慶之,餉以玉環刀。慶之遣道愍反,數以罪 次司空、元景在從公之上,給卹吏五十人、門施行馬。 乃屠城斬誕。進慶之司空,又固讓爵。於是與柳元景並依晉密陵侯鄭袤故事,朝會慶之位 之輒身先士卒。上戒之曰:「卿爲統任,當令處分有方,何須身受矢石邪。」自四月至七月, 焚之。誕於城上投函表,令慶之爲送。慶之曰:「我奉制討賊,不得爲汝送表。」每攻城,慶 御史中丞庾徽之奏觅慶之官以激之,制無所問。誕餉慶之食,提挈者百餘人,慶之不開,悉 足勞少壯,故使僕來耳。」慶之塞塹,造攻道,立行樓土山幷諸攻具。時夏雨不得攻城,上使 慶之至城下,誕登樓謂曰:「沈公,君白首之年,何爲來此。」慶之曰:「朝廷以君狂愚,不 大明三年,司空竟陵王誕據廣陵反,復以慶之爲車騎大將軍、開府儀同三司,固讓南兗

主。」及中興之功,自五校至是而登三事。 富貴、然未在旦夕。」問其故,答云:「鹵簿固是富貴容,厠中所謂後帝也。 初,慶之嘗夢引鹵簿入廁中,慶之甚惡入廁之鄙。 時有善占夢者爲解之,曰:「君必大 知君富貴不在今

四年,西陽五水蠻復爲寇,慶之以郡公統諸軍討平之。

列

改 宅 中 興 還官,悉移 封 (身享: 南 毎 從 海 郡, 居 游 大 幸 國,家素富厚,產業累萬金,奴僮千計。 親 ·及校獵,據鞍陵厲,不異 明門外,有宅四所,室宇甚麗。 戚 中表於婁湖, 妓妾十數 人,並美容工藝。 列門 同 開焉。 少壯。 又有園舍在婁湖,慶之一 太子妃上孝武金鏤匕筯 廣 開 慶之優游 田 再獻錢千萬,穀萬斛,以始 園之業,每指地 無事,盡意歡 語人曰:「錢盡在此。」 及行杓, 夜攜 愉, 自 子孫徙居之,以 興封優近,求 上 非 以 朝賀不出 賜

幸,得 其 令 辭意 作 逢 之美。 一嘗歡 時 慶之日 運 飲 昌。 一臣不 普令羣 朽 老 臣賦 筋力盡,徒 知書,請 詩,慶之粗 口 授 步 還南岡。 師伯。」上即 有口辯,手不知書, 辭樂此 **令顏師伯** 聖 世,何愧 執 每將署事, 輒恨眼不識字。 筆。 張子房。」上甚悅,衆 慶之口授之曰:「微 坐 生 並 上 遇 多 稱 调

日

觴

酌

之賜

宜

以大

大為

先也。

景、 園 位 行 袁 顏師伯嘗詣慶之,會其游田,元景等鳴笳列卒滿道, 加 有 孝武 田 慶 人 之儿杖、 時 毎 晏駕,慶之 與馬 農 桑 · 治 三 成 劇 月, 與柳元景等並受顧命。遺制「若有大軍旅及征討, 一望車 無 無 人 人 則 從行 乘。 與馬成二。 慶之每朝賀 遇之者 **示知** 今乘 ,常乘猪 三公也。 此 車, 安所 鼻無憾 慶之獨 及 之乎?」及 加三 車 望 與左右 丁左右 車 ·, 謂 賜 從者 悉委慶之」。前 ___ 几 人在 人日 杖, 示 過 並 田 我 固 五 見之悄然 讓 毎 廢帝卽 游 騎 柳 履 田 履

列傳第二十七 沈慶之

改容 損 挹 之事 曰:「夫貧賤不可居,富貴亦難守。 老子八十之年,目見成敗者已多 吾與諸公並出貧賤,因時際會,榮貴至此,唯當 一諸君炫 此車服 欲 何爲乎」於是插杖而 共 思

爲之顧。 慶之 旣通貴,鄉里老舊素輕慶之者,後見皆膝行 元景等徹侍褰裳從之,慶之乃與相 對 爲歡。 而前。 慶之歎曰:「故是昔時沈公。」 視

沈 爲 劫 首者數十人,士民悉患之。至慶之詭爲置酒大會,一時殺之,於是合境肅清,人

喜悅。

其 事。 廢帝 帝誅 狂悖無道,衆勸之廢立,及柳元景等連謀,以告慶之,慶之與江夏王義恭不厚,發 義恭 、元景等,以慶之爲侍 中、太尉。 及義陽王昶反,慶之從帝度江,總統 衆軍

青溪 諸 是歲 帝 **松** 橋 以 旦,慶之夢有人以 絕之。 日甚 ,慶之猶盡言諫爭,帝意稍不悅。 慶之果往,不得度 兩 疋絹 與 而還。 之, 謂曰:「此 帝又忌之, 及誅 絹足度。」 何邁,慮慶之不 乃遣其從子攸之齎藥賜 寤而 謂人曰:「老子今年 ·同,量其 、必至, 死, 時 不 年八 乃開 発

泰始 輬車 矣。 ,前後 七年 兩疋,八十尺也,足度, 一、改封 羽 葆、鼓吹,諡 蒼梧郡 公。 日 忠武 慶之羣從姻戚 無 盈 公。 餘 矣。」及死, 未及葬, ,由慶之在 帝敗。 贈賻甚 列位 明帝 厚,追贈侍中、太尉 者數 卽 位 -|-, 追贈侍中、 司空, 諡 人。 如故,「K」給鸞輅輼 襄公。

長子文叔 位 一侍中,慶之之死也,不肯飲藥,攸之以被掩殺之,文叔密取藥藏錄。 或勸文

九六〇

叔 逃避,文叔見帝斷截江夏王義恭支體,慮奔亡之日,帝怒,容致義恭之變,乃飲藥自殺。文

叔子昭明位秘書郎、聞父死、曰:「何忍獨生。」亦自縊死。

元徽元年,還復先封,時改始興爲廣興。 昭明子曇亮襲廣興郡公,齊受禪,國除。 昭明

弟昭略。

樓湖苑,逢王景文子約,張目視之曰:「汝是王約邪?何乃肥而癡。」約曰:「汝沈昭略邪。何 乃瘦而狂。」昭略撫掌大笑曰:「瘦已勝肥,狂又勝癡,奈何王約,奈汝癡何」」 昭略字茂隆,性狂儁,不事公卿,使酒仗氣,無所推下。嘗醉,晚日負杖攜家賓子弟至

之了險以擬前軍將軍,上不欲違,乃可其奏。尋爲中書郎,累遷侍中。王晏嘗戲昭略曰: ·賢叔可謂吳興僕射。」昭略曰:「家叔晚登僕射,猶賢於尊君以卿爲初蔭。」 昇明末,爲相國西曹掾。齊高帝賞之,及卽位,謂王儉曰:「南士中有沈昭略,何職處

官見龍逢、比干,欣然相對,霍光脫問明府今日之事,何辭答之邪。」 明,古今令典,宰相無才,致有今日。」以甌投其面,曰:「使爲破面鬼。」死時言笑自若,了無 徐孝嗣謂曰:「見卿使人想夏侯泰初。」答曰:「明府猶憶夏侯,便是方寸不能都豁。下

列傅第二十七 沈慶之

曇亮 已得逃去,聞四光死,乃曰:「家門屠滅,獨用生何爲。」又絕吭而死。 昭 略 弟昭光聞收兵至,家人勸逃去,昭光不忍捨母,入執母手悲泣,遂見殺。 時人歎其累世孝 時昭明子

中興元年,贈昭略太常,昭光廷尉。

書郞 。父慶之遇害,諸子見收,文叔謂之曰:「我能死,爾能報。」遂自殺。 文季字仲達,文叔弟也。以寬雅正直見知,尤善塞及彈碁,在宋封山陽縣五等伯,位中 文季揮刀馳馬去,

收者不敢追,遂免。

徽 醉 不 文季,轉驃騎長史、南東海太守。休祐被殺,雖用薨禮,僚佐多不敢至,文季獨往墓展哀。元 初, 者, 明帝立,爲黃門郎,領長水校尉。明帝宴會朝臣,以南臺御史賀咸爲柱下史,[刊]糾不 自秘 文季不肯飲,被驅下殿。 書監出爲吳興太守。 晉平王休祐爲南徐州,帝就褚彥回求幹事人爲上佐,彥回 文季飲酒至五斗,妻王氏飲亦至三斗,嘗對飲竟日,而視事

之求 季 能 行,至是文季收攸之弟新安太守登之,誅其宗族,以復舊怨,親黨 報先恥。 昇 明元 年,沈攸之反,齊高帝加文季冠軍將軍、督吳興錢唐軍事。 齊國 建 **,爲侍中,領秘書監。** 建元元年,轉太子右衞率,侍 無吹 初,慶之之死也,攸 中 八火焉。 如 故。 君子以文 改封西豐

發怒, 闌 爲 一此 沈 **遂言及魏** 帝 彦 其郡、依 在 故當 率 文季 東 醉 П 啓武 宮、於玄圃宴朝臣、文季數舉酒勸彥回。 也。 取樂器爲明君曲。 不 軍 風采稜岸,善於進止,司徒褚彦回當時貴望,頗以門戶裁之。 損 然猶有故情。」文季曰:「惟桑與梓, 帝 動 仲容之德。」彦回颜色無異,終曲 中丞 曰:「褚彥回遂品藻人流,臣未 事。 一劉休舉其事, 彦回曰:「陳顯達、沈文季當今將略,足委以邊事。」文季諱稱將門,因是· 文季便下席大唱曰:「沈文季不能作伎兒。」豫章王嶷 見原。 後豫章王北宅後堂集會,文季與彦 知其 m 必恭敬止。 止 、身死之日,何面 彦回甚不平, 啓武帝曰:「沈文季謂 豊 如 明府亡國失土,不識 目 見 宋明帝。」 文季不為 河並 武 善琵琶,酒 又解之曰: 之屈。 帝 彦回 枌 笑日: 楡 武 經

多 歷 年所。」 永 明 中 文季對曰:「南風 累遷 領軍將軍。 不競,非復 文季 雖 不學, 一日。」當世善其 發言必有 ·辭采。 對。 武帝謂文季曰:「南士無僕射,

法 王晏嘗戲 有 人 明 帝 未,景儁還具言之。 文季 輔 政, 爲吳興僕射。 欲以文季爲江州, 延興元年,以爲 文季答曰:「琅邪 遺左右 單景儁宣旨。 尚 書右 執 法 一似不 僕射。 文季 出 明 卿 帝 陳讓,稱老不原外出,因 門。 即位 加加 領 太子 詹事 問 尚 右執 書 令

建武二年,魏軍南伐,明帝以爲憂,制文季鎭壽春。 文季 入,城門嚴加備守。[六] 魏軍尋

退,百姓無所損。

文季論時事,文季輒引以他辭,終不得及。 季已還臺。 水元元年,轉侍中、左僕射。 明日,與尚書令徐孝嗣共坐南掖門上。時東昏已行殺戮,孝嗣深懷憂慮,欲與 始安王遙光反,其夜遣於宅掩取文季,欲以爲都督,而文 事寧,加鎭軍將軍,置府史。

不反。」於華林省死,年五十八,朝野寃之。中興元年,贈司空,諡曰忠憲公。 求免乎。」文季笑而不答,未幾見害。先被召,便知敗,舉動如常。登車顧曰:「此行恐往而 |文季以時方昏亂,託老疾不豫朝機。 兄子昭略謂文季曰:「阿父年六十爲員外僕射,欲

本任。 文秀與徐州刺史薛安都並同子勛反。尋陽平定,明帝遣其弟召之,便歸命請罪。即安 行,慶之果見殺。又遣直閣江方興領兵誅文秀,未至,而明帝已定亂。時晉安王子勛據尋陽, 将之鎮,部曲出次白下。文秀說慶之以帝狂悖,禍在難測,欲因此衆力圖之。慶之不從。及 文秀字仲遠,慶之弟子也。父邵之,南中郎行參軍。文秀宋前廢帝時,累遷靑州刺史,

曜援之。 四 年、封新城縣侯。先是冀州刺史崔道固亦據歷城同反,文秀遣信引魏,魏遣慕容白 及至,而文秀已受朝命。 文秀善於撫御,被魏圍三載無叛者。五年,爲魏所剋,終

列

傳第

= +

沈慶之

于北。

攸 之字仲達,慶之從父兄子也。父叔仁爲宋衡陽王義季征西長史,兼行參軍領隊。

軍 將軍劉遵考求補白丁隊主。遵考以爲形陋不堪,攸之歎曰:「昔孟嘗君身長六尺爲齊相, 攸 之少孤貧,元嘉二十七年,魏軍南攻,朝廷發三吳之衆, 攸之亦行。 及至建鄴,詣領

今求士取 肥大者哉。」因隨慶之征討。

二十九年,征西陽蠻,始補隊主。 巴口建義,授南中郎府板長兼行參軍。 新亭之戰,身

被 重 |創,事寧,爲太尉行參軍,封||平洛縣五等侯。 隨府轉大司馬行參軍。

晉

職 功,被箭破骨。 攸之掌北岸,會稽孔璪掌南岸,後又罷。攸之遷員外散騎侍郎,又隨慶之征廣陵屢有 時都下二岸揚州舊置都部從事,分掌二縣非違, 孝武以其善戰,配以仇池步矟。 事平當加厚賞,爲慶之所抑。 遷太子旅賁

永初以後罷省。

孝建三年,復置其

中郎,攸之甚恨之。

[五] 誅戮攀公,攸之等皆爲之用命,封東興縣侯。 前 廢帝景和元年,除豫章王子尚車騎中兵參軍、直閣,與宗越、譚金等並爲廢帝所

明帝卽位,以例削封。 尊告宗越、譚金等謀反,復召直閤。 會四方反叛,南賊已次近

同 道, 五 以 有 軍 攸之爲 後 耕 夫 叉 駱驛 漁父夜 寧朔將 繼 相 至, 軍 呵 每夜各立 尋陽 叱, 便 太守, 致駭 姓 亂 號 率軍 7,不 此 據虎檻。 敗 相 禀受。 道 也。 時 請 攸 主 之謂 就 玄謨 軍 軍 爲大統 取 吏 號 日 一个衆 未發, 衆 咸 從 軍 前 之。 同 鋒 躯 有 而 五. 軍 姓 在 虎

爲孝 檻 午,大破賊於赭圻 政不 流 矢死, 總統 攸之曰:「卿忘 祖 艘 ,致敗 旣 孝 衆軍 軍主 祖 死, 賊有 爲前 之由 別野孝祖 范潛率五 鋒都督,大失 乘勝之心, ,乃率諸軍 廉藺 死,遣 百 窓買 人投 寧朔將 主詣 明 (事邪) 賊, 人情,[10]攸之 日 若不 方 人情震 軍 興 吾本以 江 推 更攻 方興 重 駭, 濟 則示 內 幷 龍 並謂 撫將 國 慰 驤 之 活 勉 攸之宜 將軍 以弱。 家, 之, 古, 劉 豊計 方興 外 代孝 靈遺各率三千人 諧羣 方興名位相 (甚悅。 此之升降。」 祖 帥 爲 統 衆 攸之 並 亞, 安之。 時 旣 明 建安王 赴赭圻 必不爲 且 出 進 諸軍 時殷孝 休仁 己 攸之 自 主 下 並 屯 祖 , 以 虎 中

濃湖 尋進 以囊 號 盛 輔 米 或 緊流 將 軍 查及 一,代 船 孝 腹 祖 督前 陽覆船,順 鋒 諸 軍 事 風 流 下 薛常! , 以餉 保 等 赭 在 圻。 赭 圻 攸之疑 食 盝 、二二南 其 有 異 賊 大 遣 帥 人 取 劉 船 胡 及 屯

流查,大得囊米,尋剋赭圻。

尾 H 一據錢溪 遷 寧 蠻 校 劉 尉 胡 雍 自 · 攻之。 州 刺 史, 攸之率諸將攻濃湖。 加 都督。 袁顗 復 率 大衆來 錢溪信至大破賊,攸之悉以錢溪所送胡 入 鵲 尾, 相持 旣 軍 主 張 興 世 越

走。 耳 鼻示 ,不犯毫芥,諸將以此 攸之在御 赭 圻 之。 濃湖之平也, 賊軍 顗駭 坐謂遵考曰:「形陋之人今何如 懼, 急追胡還。 多之。 委 攸之進平尋陽, 棄資財, 攸之諸 珍貨 軍悉力進攻, Щ 帝問之,攸之依實 遷 ·. 積, 中 領 諸 多所斬獲, 軍 軍 ,封貞陽 各競收斂, 《對,帝 縣公。 胡 唯 於 攸 是棄衆 大笑。 時 之、 劉 遵考爲 張 而 興 奔, 世 顗 光 約 藤 亦 勒 大 所 奔

不 監 自 禽 豫 强 不息, 累遷郢州 司 則 宿 之二郡 、士庶] 昔 圍 刺史,爲 守。 畏憚,人莫敢欺。 軍 事 ,進號鎭軍 賦斂嚴苦,徵 政刻暴,或鞭士大夫。 將軍 ·發無· 聞 有 度,繕修船舸, 猛 獸,輒自 上佐以下 圍 捕, 營造器甲。 有件 往 無不 意,輒 得, 自 面 至 加 日 一夏口 晉辱。 :或得 兩三。 便 而 有 曉 異 達吏 岩 몲 逼

幕

進

承明 擾。 奉。 四 邏 將 Щ 時開 蠻 已 富 土 泰 一,使耕 平, 豫 貴 裝 州 擬 元 万 以 戰艦數百千艘、沉 於 刺史建平王 年 田 王 攸之爲鎭 而 明帝 者,夜中 食。 崩, 廩財 景素被徵,新除荆 **西將軍** 諸 攸之與蔡興宗 悉 厢 之靈 廊 充 ・、荆州 然燭 倉儲。 溪 裏 達 刺 荆州 並在外蕃, 旦,後房服 史, 錢帛 州 作部 加都督。 刺 器 史蔡興宗 械 巨 歲送數千人 珠玉 同 積。 預 聚斂 一者數一 顧命。 未 獑 之鎭 兵 白 懷 仗 力, 人,皆 不 會巴西 , 攸 之 割 留 ,乃遺攸之權 養馬至二千 臣之心, 人李承 時 絕 朝 之,簿上云「 貌 廷 行 餘 明 制 荆州 匹, 反, 度 無所 皆 蜀 事 供 1: 分 澊 賦 搔 會

江

州刺史桂陽王休範密有異志,欲以微旨動攸之,

使道士

陳公昭作天公書

画刻

列傅第二十七 沈慶之

遣使受郢州刺史晉熙王爕節度。會休範平,使乃還。進號征西大將軍、開府儀同三司,固 都,攸之謂僚佐曰:「桂陽今逼朝廷,必聲言吾與之同,若不顚沛勤王,必增朝野之惑。」於是 沈丞相,送攸之門者。攸之不開書,推撿得公昭,送之朝廷。 後廢帝元徽二年,休範舉兵襲

讓開府。攸之自擅閩外,朝廷疑憚之,累欲徵入,慮不受命,乃止。

兵,乃上表稱慶,幷與齊高帝書推功。 左長史元琰齎廢帝刳斮之具以示之,攸之曰:「吾寧爲|王凌死,不作賈充生。」尚未 得 卽 起 客事發。 其階級。 索刃槊,自己道慶馳馬而出。還都說攸之反狀,請三千人襲之。 州取教毁之而去。 攸之初至州,道慶在家,牒其親戚十餘人,求州從事西曹,攸之爲用三人。道慶大怒,自入 四年,建平王景素據京城反,攸之復應朝廷,景素尋平。時有臺直閣高道慶家在江陵, 楊運長等常相疑畏,乃與道慶密遣刺客齎廢帝手詔,以金餅賜攸之,州府佐 廢帝旣殞,順帝卽位,加攸之車騎大將軍、開府儀同三司。齊高帝遣攸之子司徒 時有象三頭至江陵城北數里,攸之自出格殺之,忽有流矢集攸之馬鄣泥,其後刺 道慶素便馬,攸之與宴飲於聽事前,合馬槊,道慶槊中攸之馬鞍,攸之怒 朝議慮其事難濟,高帝又保 更進

十挺,割之得太后手令,曰「國家之事,一以委公」。明日,遂舉兵。其妾崔氏、許氏諫曰:「官 攸之有素書十數行,常韜在兩襠角,云是宋明帝與己約誓。 又皇太后使至, 賜攸之燭

年已老、那不爲百口作計。」攸之指兩襠角示之。

爲雍 高帝 文和 吏嘗 云::「不至都 爲 遣 俱自經 州 攸 之素畜士馬,資用豐積 衆 攸 刺 之所鞭,待攸之甚厚,不以往罰爲怨,殺狘薦食。 史張敬兒所據,無所 軍 死,村人斬首送之都。 西討,攸之盡銳攻郢州,行事 ,當自郢州回還。」意甚不悅。 歸,乃與第三子中書侍郎文和至華容之饋頭林,投州吏家。此 ,至是戰士十萬,**鐵馬三千。** 或割其腹,心有五竅。 柳世隆屢破之。 初發江津,有氣 昇明二年,還向江陵,未至,城已 狀如塵霧從西北來,正蓋軍 征西主簿市昭先以家財葬 旣而村人欲取之,攸之於櫟林與 將發江陵,使沙門釋僧粲筮之, 攸 上。齊

「當今軍糧要急,而 及攻郢城, 他之晚好讀書, 手不釋卷, 史、漢事多所記憶。 夜嘗風 卿不 浪,米船沉沒。 以在意,由與城內婚姻邪。」靈鳳答曰:「樂廣有言,下官豈以五男易 倉曹參軍崔 靈鳳女先適柳世隆子, 常歎曰:「早知窮達有命, 攸之正色謂曰: 恨不 十年讀

一女。」攸之歡然意解。

乃自歸,攸之不 射 殺 數 攸之招集才力之士,隨郡人雙泰眞有幹力,召不肯來。 人,欲過家將母去,事迫不 ·罪,曰:「此孝子也。」 賜錢 獲,單身走入蠻。 萬,轉補隊主,其抑情待士 追者旣失之, 攸之遣二十人被甲追之,泰眞 。錄其 如 母 此 去。 泰真旣失母,

初 ,

攸之賤時,

與吳郡孫超之、

全景文共乘一小船出都,

三人共上引埭,有一人止而相 列傳第二十七 沈慶之

爲郢、荆二州、超之廣州刺史、景文南豫州刺史。 之,曰:「君三人皆當至方伯。」攸之曰:「豈有是事。」相者曰:「不驗,便是相書誤耳。」後攸之 景文字弘達,齊永明中,卒於光祿大夫。

異色。泰山程邕之者,素依隨榮,至是抱持榮謂敬兒曰:「君入人國,不聞仁惠之聲,而先戮 作贼,不早來。」一條曰:「沈荆州舉義兵,匡社稷,身雖可滅,要是宋世忠臣。 天下尚有直言之 鞭殺錄事。攸之自江陵下,以榮爲留府司馬守城。張敬兒將至,人或說之使詣敬兒降。 質事人,豈可幸其成而責其敗。」乃投水死。又倉曹參軍金城邊榮爲府錄事所辱,攸之爲榮 先殺邕之然後及際,三軍莫不垂泣,曰:「奈何一日殺二義士。」比之臧洪及陳容。 義士,三楚之人,寧蹈江、漢而死,豈肯與將軍同日以生。」敬兒曰:「求死甚易,何爲不許。」 士,不可謂之爲賊。身本不蘄生,何須見問。」敬兒曰:「死何難。」命斬之,榮歡笑而去,容無 日所拔,若不時舉,挫銳損威,攸之不從。旣敗, 諸將帥皆奔散, 或呼寅俱亡。寅曰:「我委 曰:「受沈公厚恩,一朝緩急,便改易本心,不能也。」城敗見敬兒,敬兒問曰:「邊公何 他之初至<u>郢州,有順流之志,府主簿宗儼之勸攻郢城。功曹臧寅以爲攻守勢異,非旬</u> 爲同人

敗。 八合也。 昔桂陽以太白伏時舉兵,一戰授首,此近世明驗。今蕭公廢昏立明,正逢太白伏時,此 廢帝之殞,攸之欲起兵,問知星人葛珂之。一可之曰:「起兵皆候太白,太白見則成,伏則 且太白尋出東方利用兵,西方不利。」故他之止不下。及後舉兵,西之又曰:「今

歲 星守南斗,其國不可伐。」攸之不從,果敗。

攸之表檄文疏,皆其記室南陽宗儼之辭也,事敗責之,答曰:「士爲知己, **豊爲君輩所**

遂伏誅。

昭爲義興公主後。

生二女,並養之宮中,恩禮甚厚,及嫁皆得素舊,公家營遣焉。 攸之景和中與齊高帝同直殿省,申以歡好,帝以長女義興憲公主妻攸之第三子文和 齊武帝制以攸之弟雍之孫僧

吉凶,頗有應驗。 僧昭別名法朗,少事天師道士,常以甲子及甲午日,夜著黃巾衣褐醮於私室。 自云爲泰山錄事,幽司中有所收錄,必僧昭署名。 中年爲山陰縣 時記人

書,上有一大字,字不 嘯知耳。」 俄而使至。 復謂人曰:「吾昔爲幽司所使,實爲煩碎,今已自解。」 乃開 獵,中道而還,左右問其故,答曰:「國家有邊事,須還處分。」問何以知之,曰:「向聞 十不一存。」乃苦求東歸。 口 便息。 |梁武陵王||紀爲||會稽太守,宴坐池亭,蛙鳴聒耳。 王曰:「殊廢絲竹之聽。」僧昭呪厭十許 及日晚,王又曰:「欲其復鳴。」僧昭曰:「王歡已闌,今恣汝鳴。」即便喧聒。 可識。 旣不獲許,及亂,百口皆殲。 曰:「敎分判如此。」及太淸初,謂親知曰:「明年 僧昭位廷尉卿,太清三年卒。 海內喪亂, 匣 南 叉嘗校 出 黄 Щ 虎 紙

身與 子羣從皆愛好墳典,而慇任氣好武,故不爲鄕曲 風 破萬里浪。」少文曰:「汝若不富貴,必破我門戶。」兄泌娶妻,始入門夜被劫,愍年 劫 宗慤字元幹,南陽 相拒,十餘人皆披散,不得入室。 湟陽 人也。 叔父少文高尚不仕,愍年少,問 時天下無事,士人並以文義爲業, 所 知 其所志 慇答曰:「願乘長 少文既高 十四,挺 尙, 諸

其意,不罪也。 住,綺妾與給吏牛泰 江夏王義恭爲征北將軍、南兗州刺史, 後以補國 私通,熵入直,而泰潛來就熵妾。 上軍將軍 **整隨鎭廣** 陵。 慰知之,入殺牛泰然後白綺。 時從兄綺為征北府 主 簿, 義恭壯 與慰同

果驚奔 爲賊所 景憲 犯,唯有 邁 傾 軍 或 元嘉二十二年,伐林邑,愍自奮願行,義恭舉愍有膽勇, 敗。 一、衆因 來逆,以具裝被象,前後無際。 副。 被梳 又遺慇,慇乃分軍爲數道,偃旗潛進討破之,仍攻拔區栗,入象浦。 隨交州刺史檀和之圍區栗 枕刷、此外蕭然。 此潰亂,遂剋 林邑。 文帝甚嘉之。 收其珍異、皆是未名之寶、其餘雜物不可稱計。 **愍以爲** 城。 林邑遣將范毗沙達來 外國 有 師子威服 乃除振 百獸,乃製其形 救區粟, 武將軍, 和之遺偏 爲安西參軍蕭 與象 林邑王范陽 慇一毫無 相 軍拒之, 禦,象

列

傳第

三十年,孝武伐逆,以慇爲南中郎諮議參軍,領中兵。 及事平,功次柳元景。

人 人 、慣噉粗食。」 懲致飽而退,初無異辭。 庾業 孝武 家富豪侈,侯服玉食。 即位,以 爲左衞將軍,封洮陽侯。 與賓客相對,膳必方丈,而爲慇設栗飯菜葅。 至是業爲慇長史,帶梁郡,慇待之甚厚,不以昔事 孝建中,累遷豫州刺史,監五 州 諸軍事。 謂客曰:「宗軍 先是鄉

慇至 躍數十,左右顧 |大明三年,竟陵王||誕據廣陵反,慇表求赴討,乘驛詣都,面受節度。 躍馬繞城 《呼曰:「我宗慇也。」事平,入爲左衞將軍。 眄,上壯之。 及行,隸車騎大將軍沈慶之。 初,誕誑其衆云:「宗慇助我。」及 上停輿慰勉, 慇聳

爲

肯賣,坐 発官。 五 年,從獵 明年復先職。 墮馬腳折,不堪朝直,以爲光祿大夫,加金章紫綬。 有佳牛堪進御, 官買不

廢帝. 即位,爲寧蠻校尉、雍州刺史,加都督。 卒,贈征西將軍,諡曰肅侯,配食孝武廟

庭。 慇從 子羅 子决字明揚,祖少文,名列隱逸傳。 雲,卒,子元寶嗣。 父繁,西中郎諮議參軍

决 八少勤 學, 有局幹,仕齊爲驃騎行參軍。 時竟陵王子良集學士於西邸, 並見圖畫,决

終從諸葛之薨,代德其有數乎。宗慇氣槪風雲,竟成其志,決蹈履淸正,用升顯級 列 傳 第二十 九七三

別駕 唯决 與傅昭以清正免。 太孫卽位,多失德,夬頗自疎,得爲秣陵令,遷尚書都官郎。 齊明帝以爲郢州中從事,以父老去官。 南康王為荆州 少帝見誅,舊寵多被其災, 刺 引為

記。

通,

敕决與尚書殿中郎任昉同接魏使,

皆時選也。

及文惠太子薨,王爲皇太孫,

决 仍 管 書

亦預焉。

齊鬱林之爲南郡王,

居西州,

使決管書記,以筆札貞正見許,故任焉。

時

與魏

和

軍蕭穎冑深相委仗。 梁武帝起兵,遷西中郎諮議。 武帝受禪,歷太子右衞率,五兵尚書, 時西土位望,唯快與同郡樂藹、劉坦爲州人所推服, 参掌 大選。 天監 三年卒。 子

卿。

也。諸子才氣,並有高風,將門有將,斯言得矣。攸之地處上流,聲稱義舉,專威擅命,年且逾 方、召。及勤王之業克舉,台鼎之位已隆,年致懸車,宦成名立,而卒至顚覆,倚伏豈 論曰:沈慶之以武毅之姿,屬殷憂之日,驅馳戎旅,所在見推。 其戡難定功, 蓋亦宋之 易知 亦

各志能之士也。

校勘記

- [1] 年四十未知名 「四十」宋書作「三十」。
- [二] 脩之失律下獄 「脩之」二字各本並脫,據宋書補。
- 慶之以將軍太守復與隨王誕入河 「與」字各本並脫、據宋書補。
- M 爲國譬如家 朱書作「治國譬如治家」,此以避唐諱而省改。
- ablaĦ 士民悉患之 「民」字各本並脫、據通志補。 按南史書例,此「民」字當作「人」,然即機於諱改之

「人」字又一律回改爲「民」。今仍之。

- [六]追贈侍中太尉如故 「追」各本作「遣」,據宋書改。
- [4] 以南臺御史賀咸爲柱下史 「賀咸」南齊書作「賀臧」。
- 文季入城門嚴 加 備守 南齊書作「文季入城、洞開城門、嚴加守備」。疑此因上下「城」字而誤奪

「洞開城」三字。

- 八九山 與宗越譚金等並爲廢帝所寵 「宗越」各本作「宋越」,據宋書改。 按朱書及本書並有宗越傳。
- [10] 大失人情 「大失」各本作「失夫」,據宋書改。

